

民國七年秋

指此版
餘墨



國華書局印行

著名
指嚴餘墨目錄

武進許指嚴著

上卷 史料

●藩變拾聞

●奪嫡誌

●奪嫡續誌

●玉妃案

●慈禧垂簾記

●拳亂撫談

●三大吏別傳

●老慶記公司

●妖術

指嚴餘墨目錄



指嚴餘墨目錄

●宗社黨軼事

下卷 說部

●政治秘密外交

●政治女蘇秦

●寓言喇嘛革命

●滑稽九日龍旗

●社會勝藍痛語

●社會武員醜史

●社會秘密談

●家庭度劫庵

●醒世桃花毒



世諷 楊爲我
 世諷 八面鋒
 情遊 姊妹花
 情怨 可憐蟲
 情怨 墮花怨
 情俠 花叢生佛
 情俠 蔓菁小傳
 情哀 墓門鴉
 情哀 天實爲之



指
展
餘
墨
目
錄



史



料


指嚴餘墨上卷

武進許指嚴著

史料

藩變拾聞

清初耿藩鎮閩驕橫恣肆其部下皆虎而冠毛角爪牙悉具浙閩總督范承謨清剛自勵輒欲以義裁之耿積不平及撤藩議起耿已密通於三桂承謨有幕客二人曰營永仁曰周伯玉永仁多智謀爲范氏上客伯玉則年少膽才華書記翩翩不讓陳留阮氏也范氏亦重之伯玉父又於范氏爲通家友誼曾有托孤之約故范氏之護持伯玉分則賓主學則師生而情則父子且有坦腹東牀意宜乎其恩禮備至也顧伯玉倜儻好讀書不屑屑於家室行樂平時激昂議兵不曰匈奴未滅何以家爲卽曰兒女情長英雄氣短以故范公雖有此意在伯玉則未足爲移情也一日范公偶邀飲燕寢范夫人及女均以通家禮相見伯玉睨所謂女公子者年可及笄貌不啻天人若有所振觸忤然久之幾失容止及入席范公以手覆瓿而歎曰若父與老夫締交燕京患難相共幾



及十年。肺腑無所不語。不幸中道撒手。黃墟舊話。思之腹痛。猶憶臨危。易簀撫几。欲言頻頻。目視愛子。而以遺囑付老夫。則皆他日室家嗣續之語也。爾時情景。未敢去懷。顧不卽以兒女私情相款者。欲以冷淡促子之勵志耳。今既才識漸充。年亦逾冠。老夫業已欣然告慰矣。行將涓吉使息女奉箕帚。雖甚窮陋。尙能以德事君子。幸勿鄙夷庶老。夫亦獲見若父於地下。伯玉離席聽命。感激泣下。請歸告母而成禮。范公諾之。旋訂以一月後爲佳期。不十日而耿藩之變作。范公家屬五十餘人。悉被幽囚焉。先是吳三桂反。檄甫傳。同時卽有兩藩緩撤之命。而精忠部署已定。意殊猶豫。范公方入賀。且欲披瀝進諫。以泯其猜嫌。藩下左右翼總兵曾養性。及江元勳主叛者也。因獻密謀。凡脅耿曰。督臣來爲滿廷偵諜耳。吾輩舉止已入其目中。強爲掩蔽。亦何益。彼滿人欲離吾輩。黨羽徐圖翦除。豈果有愛於靖南哉。今事垂舉而中止。徒中其計。且墮將士之氣。辜豪傑之望。他日悔之噬臍。無及。王其善自爲謀。精忠曰。吾意正慕范也。此老木強。但知忠於清室。今當何以處之。非然者。吾意蓋早決矣。曾養性曰。王果內斷於心。此木強者亦何足畏。卽其來而擒治之。若刳羊豕耳。精忠曰。此老雖頑固。然尙得人心。

殺之。恐不足以鎮撫部衆。江元勳曰。然則羈縻之俾不絕。且勿令擊吾輩之肘可矣。精忠領之。乃拘范公。閉別室。同時卽令藩兵悉捕其家屬。并及永仁伯玉。各置一室。隔離之。不令得通語言。又提其眷屬入內室。無異掖庭沒入矣。

范公有夫人郭氏。姬妾三人。子婦各四。孫男女十餘人。女二已嫁。字伯玉者。乃郭夫人之猶女。實范公姪也。幼孤露而絕慧美。范與夫人俱憐愛之。故養爲己女。名之曰眞。順十餘齡而已。徧通經史。餘暇事女紅。輒如夙。構諸姑姊妹。歎勿若也。嘗與藩下諸貴人家通讌。會姬姜姝豔。鬬媚爭妍。獨眞順至。則幽閑靜好。光照一室。才色並茂。自然冠倫。適衆焉。精忠固聞之。欲攘爲姬侍。顧憚范公嚴正。未敢發也。耿亦有女數人。爭欲得美壻。常於遊戲熱鬧場中。臨街施錦步障。珠簾掩映。飽窺壁。鞭公子走馬王孫。而因之擲果牽絲焉。伯玉偶過之。諸女驚爲奇貨。視若禁臠。乃用白羅巾挽同心。結循拋物。綫式一擊。適中伯玉之頂。伯玉大驚。俛仰環視。則上下皆錦花鬪。匝無隙笑聲。隱隱出其間。苦不得見面。昔人詠簾詩。所謂外面令人倍惆悵。裏邊容眼自分明者。情景髣髴。似之。無何。樂聲大作。有衣冠者。雁行而出。代小婢執絳紗燈。俊僕手捧飾衣數襲。一老者。

從其後。伯玉方。驕。貽。注。視。老。者。長。揖。而。言。曰。主。人。有。命。請。公。子。更。衣。入。見。伯。玉。惶。遽。曰。吾。途。人。耳。安。足。以。辱。吾。子。爾。主。人。素。昧。生。平。得。毋。誤。耶。老。者。曰。吾。實。耿。府。之。家。令。也。王。郡。主。婚。嫁。大。事。今。者。天。作。之。合。郡。主。所。拋。之。同。心。綵。結。適。壓。君。冠。君。之。幸。亦。郡。主。前。緣。幸。踐。良。時。勿。辜。美。意。伯。玉。大。嘆。曰。吾。已。有。妻。奈。何。作。此。態。老。者。曰。吾。王。有。命。凡。受。拋。者。必。有。緣。固。無。論。其。有。妻。無。妻。也。曾。吾。王。王。命。而。可。以。勿。違。耶。古。人。云。破。家。縣。令。何。況。吾。王。先。生。之。福。不。淺。哉。伯。玉。仍。枝。梧。不。應。老。者。恚。曰。君。胡。芝。秀。其。顏。而。茅。塞。其。心。也。糟。糠。之。味。何。足。論。君。若。爲。南。府。東。牀。朝。白。丁。而。夕。紫。金。矣。尙。何。所。不。足。於。君。而。斤。斤。以。有。妻。爲。榮。吾。意。際。遇。若。此。雖。有。妻。亦。當。諱。之。君。誠。少。不。更。事。交。臂。失。此。其。母。悔。苟。卽。見。機。速。更。衣。赴。賓。館。猶。可。及。也。伯。玉。固。辭。不。肯。行。方。相。持。間。忽。侍。衛。出。旁。舍。挾。伯。玉。行。疾。如。風。口。方。欲。呼。籲。嚙。若。不。能。聲。旋。入。一。耳。室。仍。由。老。者。捧。衣。進。奉。強。持。伯。玉。伯。玉。急。不。得。脫。因。哀。老。者。曰。吾。實。范。督。東。牀。也。今。居。其。幕。中。卽。背。約。亦。當。告。絕。於。彼。婚。嫁。大。事。安。得。如。許。草。草。老。者。曰。然。則。子。自。往。見。靖。南。王。稟。陳。可。也。伯。玉。不。得。已。遂。從。老。者。行。顧。精。忠。溺。於。聲。色。置。伯。玉。他。館。三。日。而。事。大。變。矣。

伯玉以訪友出督署。方約其僮語永仁等晚歸。踐局戲之。約既而徹夜不歸。永仁等大駭。謂伯玉向無花柳之興。殆遭意外邪。事爲范公所聞。疑詫愈甚。乃遣偵騎四出。迄無所得。以爲必有仇人肆虐無端被害矣。時婚期已近。驟遭此變。合署無不失色。眞順聞之。獨私告其母曰。周君恂恂儒雅。非與人爲仇者也。出行坊市繁盛之地。且在哺前。非暗殺之時地也。奈何遽以遭害。疑之兒聞。耿藩部下多選壻之謬舉。羅羣少年之美者。以供諸姑姪娣之面首。其事絕穢。而其名頗豔。如某中表者。今非爲所棄而得歸者耶。周郎殆入此色網。不能自脫耳。吾家根兒及張媼常出入藩府者。盡令彼二人內外夾探之。不難摘奸發伏矣。郭夫人大然之。姑不以告范公。立遣根兒張媼往。根兒者范公舊時廝養。隨范南下。頗與藩下諸人相稔。張媼則曾侍眞順。赴藩府。讌會者能徧識府中婢妾。郭夫人命僞爲饋遺者。然根兒既入。見諸從者有所擗擋忙碌。殊甚。根兒問何爲。諸黠者多不肯言。愿者則告以郡主且贅壻。吾儕當飽啖喜筵也。根兒問壻爲誰。俱答以不知。最後則但言壻殊未肯。尙主將以第二人遞補矣。根兒問何謂第二人。愿者曰。郡主所選男子不止一二人。惟正壻久虛。今方獲一冠玉少年。顧彼獨不願與。郡

主爲耦。雖羈繫之。亦何益。聞明日。尙不決。將以他人庖代耳。根兒心忤然欲一覘其異。乃徧覓府中婢媼。求其指導。果得女總管某氏之許。可雜入家人叢中。往求甥館。所在遇張媼。亦奔走其間。僞若不相識。旣而見諸婢媼。與健兒僕役遊戲跳盪。其間互相騰笑。皆曰。個男子爾。許癡騃耶。捨天上神仙不配耦。彼殆欲成仙作佛邪。不知仙佛亦有因緣。此等腐儒。直妍皮包癡骨耳。根兒知語有因。急混入小廝隊。逼視則銅窗鐵檻中。有俊男子。科頭上視。仰屋若有所思。絕不旁視。固嚇然識爲伯玉。而環其旁者多粉白黛綠。珠香玉笑之儔。對之作太息聲。或彈指詬詈之者。伯玉掉首如不聞。根兒曰。噫。是矣。當急歸報。設法救之。是夕。張媼亦歸。詫曰。姑娘真如神也。

范公謂眞順曰。子能料事如睹。亦必能脫彼於厄。若聽其遷延。勢且中變。然直接向耿藩索人。急急亦必生變。今欲爲萬全之計。使伯玉出險而耿藩不復尋仇。子能爲女界智囊否。眞順曰。此非兒之所能及也。卽有計。亦未易實行。范固問之。眞順顏頰若不肯出諸口。范曰。予知爾非尋常女子。故不避小嫌而問策於爾。今作覲覲小兒女態。殊非予之期望也。第言勿隱。無論若何。當爲爾施行。眞順乃侃侃而言曰。耿藩不道。前者悍

僕四出強奪民女以充下陳。吳越間失女喪妻者不知凡幾。今又託名相攸。縱女誨淫。其惡直堪髮指。周君不幸陷於此阱。士可殺不可辱。以周君之品。卜之恐遭不測。耿之魚肉部民。固視若無足輕重。而兒以父母之命。非私情。迴護者可比。安敢坐視不救。兒聞耿有母。周太夫人者。曾以端莊賢淑。稱耿家人。莫不畏之。願以佞佛好靜。不復問外事。子女輩遂敢橫行。若此兒昔曾於某府盛筵中遇之。蒙其青睞。兒儼自往見周夫人。直陳衷臆。事必有效。第恐婦身尙未分明。內顧之慚。轉不能無耿耿於瓜李嫌耳。范鼐大喜曰。兒計甚善。速行。速行。勿拘瓜李之迂詞。致誤極危之大計。兒其勉之。真順卽日挈婢媼往耿府求見周夫人。夫人平時頗養恬密。不恆與戚屬相見。聞真順名不甚了了。至使婢媼再四傳問。知爲范督女。勉許之。及入虛堂。精舍旃檀馥郁。如過古剎。僧房又似深山中。蘭若華嚴。世界現於彈指間者。真順悚然異之。因歎曰。不意紛華侈靡中有此一服清涼。散惜自修善果。終無補於族誅之禍也。小婢乃引真順揭簾進見周夫人。投塵於禪榻。迎之入座。澹然如老衲。咦曰。子非某令嬢耶。胡不忘老婦而下顧。真順垂涕洟瀾。合十作禮。悲音而謝曰。太夫人許兒一見奚啻楊枝灑露。兒身遭大難。非

老夫人莫能救。苟獲一言。感且不朽。周夫人始驚視。問所以。眞順述伯玉被羈事。而詭言新婚甫三日。夫人爲之惻然。乃令小婢傳命召女總管。至女總管者。府中女媼之領袖總掌家事者也。眞順屏息以待。未幾女總管至。周夫人詰以伯玉事。女總管似色然驚。強自鎮攝。箇言不知。周夫人怒。加以責讓。女總管始允立往辦理。去有頃。則入蹕而自陳失察之咎。且言周先生已在庭外候命。周夫人乃命肩輿送夫婦歸。并贈以綵絹。釵鈿及金繒諸物。且深自引咎。欲令耿藩躬詣督府謝過。眞順長跽而請曰。此非兒之初願也。太夫人苟卵翼吾父女。而使之安枕者。則莫若置後事於不問。不然。藩下健兒皆有虎視眈眈不甘屈下之意。反傷太夫人與王之盛德。兒夫婦尙得一席安乎。周夫人恍然有悟。領之者再。旣而歎曰。人情大可見。吾安知死所哉。淒然淚下。眞順婉勸之良久。始登輿而歸。范公告其僚屬曰。此不獨鍾建季平之恩也。吾輩不可不爲之促成其美。卽日備洞房花燭行合卺禮焉。內外罔不豔傳其事。待曉堂前洗手廚下。伯玉小夫婦正以此時出拜。范公公命饗之於燕寢。酒酣眞順轉杯而興曰。吾夫婦幸免生離。皆長者之賜。雖然已往之事何足論。未來之禍憂方大耳。兒心有危敢不以告。今日一

堂皆骨肉絕無他人言之當無害藩下不日有大變公盍請於朝廷早自勇退毋被玉石之焚也范公聞言愀然若有所思郭夫人止之曰兒勿爾今日且盡歡奈何遽作蕭瑟語范公曰兒言是也吾且思之明日可再議酒罷真順謂伯玉曰耿藩旦夕必跳梁其禍已在肩睫夫子能勸吾父速去此者其功德不在趙朔李固之客下否則夫子亦當先去母爲與吾儕同盡也伯玉曰卿之前說是也吾當竭心力以爲之若後說則吾受恩於公同於罔極豈容舍之而去卽不然吾忍捨卿而獨樂邪真順泣曰君誠多情人也奈時勢何妾聞君本孤子承祧數家安能以身殉私族苟於義爲未安無已獨不可存范氏之後與程嬰杵臼媲美乎伯玉憮然曰卿知我心事急當圖之今尙非其時也真順曰妾意不然計不可不議定伯玉乃允以嬰臼自任真順謝之於是夫婦皇皇作補牢計衆猶懵然也

伯玉夫婦成婚之次日吳三桂之反檣已至耿藩幕下皆屬兵秣馬輜重行轡徹夜整備督府中人亦微知之故真順有急流勇退之請范公意甚不願臨事苟免又先有求去之奏清廷未允故覺進退兩難越三日而尙耿兩藩緩撤之旨下聞者莫不欣喜獨

眞順憂戚如故。伯玉曰：「藩不撤則叛無由作，反側子自安。非吾閭之福耶？」眞順曰：「君殊未窺其深耳。三藩必反之勢，由於驕暴之惡積重難返者半，而爲部下所刼制各有擁戴主將之心以博非常之富貴者亦半也。此中消息植根已深，非一朝夕所能消弭。今滇事已發而兩藩故作觀望，坐取側足之利耳。非真有忠愛朝廷之實心。滿廷亦熟知之，非果有赦罪之本意也。惟恐不逞連合，因獸奮鬪，故以緩撤爲餌。在藩下諸人寧不知之，且滿廷弩末之餘惠不若逆藩方煽之狂焰。何況約縱之盟形同水乳，陽雖聽命陰實生心，以愚測之不日便當反覆矣。」伯玉歎曰：「卿誠洞見癥結矣。其奈老父死事之計已決，何？」眞順曰：「妾意欲求老父即日奏請陛見而對耿藩，則謂朝廷有密諭以不能預防海寇嚴譴發往湘鄂軍台効力，即日成行，耿藩知老父非附己者，惟恐去之不速。且此時逆迹未著，老父之去彼如拔眼中之釘，若變患猝起則羅網已成，不容復脫。必死之而後快矣。」伯玉以爲然，乃急進說於范公。范公初不允，繼而引前使者之粵東以計脫，尙之信之。詎爲言且謂徒死無益，設至京師告變可以居首發之功，且保全百口未始非計。范公始首肯，蓋撤藩之請發於尙可，害及使者戶部尙書梁清標、郎中何繼

祐至廣東。可喜已拜詔如儀矣。夜就賓館。環帳房皆勁旅。露刃注矢。鼓三下。聞介馬聲。何嘉祐驚起曰。事急矣。卽叩梁尙書白事耳。語移時。旋燃燭。韋疏鼓未絕。而疏成。詰旦可喜率之信及諸統領詣使館。齊聲懇啓行艱難。願暫守廣中。尙書遽起挂司賓口曰。止。止。拜詔尙未竟。何便遽言啓行。吾等陛辭時。上密諭使臣謂王勞苦異諸藩。當永鎮南疆。而昨以通詔不可異故。俟茲密宣。今所撤獨平西藩耳。王未當行。而曰啓行。何也可喜等皆錯愕。各相視曰。可信乎。尙書探懷中出疏與之曰。此覆疏也。可喜及諸將傳視畢。梁尙書曰。吾已宣諭訖。可以覆矣。叱具案鼓樂。遂拜使使負疏行。可喜等色始下。率諸將詣案謝之信。徘徊不肯前。可喜嚙其指曰。幾負聖朝。歡宴三日而去。設非何郎中二使者殆矣。及過閩。梁尙書與范公故交。悉以告。故真順等得聞其事。至是以爲言才逾數日耳。范公心動。歎曰。虎狼誠不可與居也。旋召趙永仁入計事。永仁言突以密諭求去。耿藩必見疑。不如先入賀覘其言動。然後進說。范公以爲然。不意甫入藩府而難已作。范公猶欲以忠懇之詞希冀有所感動。精忠猜忌益甚。不復計是非。岸然爲斬除之事矣。真順之偕伯玉進說而得范公允許也。方退而屏當行。李卽日爲出險之良。

圖郭夫人亦命其子婦理篋笥時二女亦在署中皆待范公事辦而後發未幾蒼頭入言范公將往藩府具賀衆欲阻之真順忽泣下曰殆矣老父爲必永仁所誤今罹虎口矣郭夫人急遣使詣問永仁則范公果不入內寢已輕騎滅從去於是署中洶洶若有大禍將至臧獲輩莫解其故真順乃戒家人曰吾輩勿惶遽卽有變亦當從容以死況未必卽死也妾意小張最忠勇能負福官他匿取道北上此爲最佳乳母某氏助之卽赴京中次公第中覆巢完卵爲今日救急第一上策次則伯玉速離此間赴泉漳海上遊說鄭氏他日或可爲報仇餘地徒留此間盡無益也伯玉毅然不肯去且曰吾獨不能遊說耿藩使保護范公全家耶真順曰大丈夫當識時務何爲拘拘小諒耿藩爲人亂暴子所深悉尙能與之爲善乎惟鄭氏饒有故國之痛臥薪嘗膽夙有雄心或者可藉手一振此功名之機會也妾願君能見其大伯玉曰吾曩者已有嬰白之約矣不得已其挈福官以往乎福官者范公冢孫乳名也時已十餘齡朗真順謂將託之小張乳母者真順曰此亦非計彼等但入都則可免禍豈足了君之志事哉君如覘鄭氏不足爲則滄波壺嶠間大足安高人之芳躅僕僕軟紅塵終不可污君之素節君以妾言

爲有價否。於是伯玉慨然太息曰。卿誠卓識。吾請去。頽然欲拜。郭夫人與真順俱沈瀾。不可仰正相持間。家人報緹騎已至。但云藩下將有兵事。王命取督署全眷入府。藉可保護。總督則已留府中。爲上賓參謀矣。語畢。遂驅衆速行。頗具肩輿。真順泣曰。此詐也。得死爲幸。願見伯玉。駭曰。君猶未去耶。伯玉悄然不答。當耿藩調師發餉。謀應三桂。周太夫人泣而出。謂精忠曰。三世恩寵及子。而斬何以見祖宗於地下。老婦請先死於此。母令晚年見族誅之慘也。精忠大驚。亟令侍衛扶其母入。轎兵不進者累日。會三桂以大將軍金印至。大喜受朝賀。卽日促出兵。周太夫人又大泣力阻。精忠陽諾之。令婢媼等隔絕消息。不令聞知。會范公正諫。精忠怒。又欲殺之。旋爲周太夫人所聞。益痛哭曰。子戕命吏禍且滔天。吾恨不卽死也。精忠乃許羈縻。范公全家不加殘賊。周太夫人卽索郭夫人及真順等就己曰。吾姑作一日之保障亦佳。旣而真順語於周曰。吾夫伯玉少有雋才。磨礱欲求世用。幽滯如獄囚。卽不敢遽邀將軍之寵信。獨不可試之以事乎。妾聞海上鄭氏雖允聯盟。輒以索地相齟齬。遂致兵機大挫。此實兩國情勢未洽之故耳。如有機智之使能疏通其間。事不難就緒也。將軍其有意乎。周太夫人愛真順甚。

果爲之言於精忠時精忠正患鄭氏崎嶇海上動掣已肘又喜其母之肯薦賢則必贊成已之所爲乃急命伯玉入見伯玉已得真順密約故頗銜其才且微表求用意精忠大喜曰吾之陸實隨何也爲裝置幣物車馬推轂而送之伯玉既出散其財於海賈往來日本台灣間積貲頗富每歲必入閩謁耿藩舉動求范氏消息設計欲救之如是者三年卒不得乃起宅泉漳間自稱姓名高登凡鄭氏部下無不相稔日夜結納健兒富豪爲拔出范公全家計

青島西飛竟未還徐市一去無消息耿藩之遣伯玉方盼好音卽至乃數月不獲一報因疑真順等誑已屢欲藉考問刦制之俱賴周太夫人保護得免無何耿藩告其母曰鄭氏不道囚吾良使才矣幸蘇武抱忠持節不屈雖然設有變吾媿對范夫人也母以告真順真順竊喜頃之真順入見周太夫人哭之慟出懷中一書上之則伯玉之絕命書也周曰子何以能有是真順曰泉漳敗卒之所攜歸也吾輒轉得之以詢耿耿亦於是日得伯玉臨命時報謝書於是深爲悼痛命具衣冠葬之閩江邊賜祭頗豐真順以采亡人名義輒請優待范氏力言范公之無他周太夫人亦以爲言耿漸憐憫之顧時

時遣使諷諭真順欲令貶節從己爲次妃允則當釋范公全家周太夫人雅不欲言一日耿被酒徑遣人召真順至許之曰吾憐子無偶欲納後宮久矣今日者其期已屆從則全家可得自由不從則吾且不能爲子妻蛇矣真順慨然曰妾一媵婦耳豪大王寵眷烏爲不願但妾父在是甚願王一詢之令妾得掩自媒之羞也耿笑曰此易耳乃使促范公至貿然問以真順事范公怒曰伯玉之死吾不聞卽令死吾詩禮名節傳家奈何女可再醮況充妾媵耶語畢不顧而唾耿怒甚叱左右持之欲加以痛杖真順爲之泣請謂姜父慧直幸赦之旋陳姜實郭氏子郭夫人吾嫡姑也不如一詢之幸釋姜之姑丈耿笑曰范乃子姑丈耶彼安有持子婚嫁權老奴不能事殊恨煞人叱付范公於獄真順殊不悲但云所勿殺之而已耿云吾當爲汝緩之否則立使盡粉耳須臾郭夫人至耿藩問如初郭夫人曰大王不以葑菲爲嫌賜以姻好何幸如之第賤息已有遺腹請得婉後承寵必當聽命因哀婉泣下蓋亦真順所教也耿藩愕然曰有遺腹耶吾奈何不知郭夫人曰害羞乃女兒家常態大王何怪焉視真順俯首拈帶不語耿藩亦憐之曰今幾何時曰三四月矣耿曰然則許緩半載郭夫人率真順謝既退真順妮妮

從郭夫人耳語移時郭夫人頷之乃入告周太夫人言范公入獄甚慘而業屬耿藩之怒勢難挽救不若銜太夫人命縱之去兒自有術彌縫之老父苟得生還故鄉世世感恩無極也周太夫人曰諾真順遂偕其兄出詣獄致太夫人命且賄獄吏俾取他尸代之而以暴疾告范公不肯行真順示以伯玉密函且曰兒聞耿藩已誣大人從逆清廷將信之大人能脫此虎口輾轉北上上也卽不然生還海上高隱養年亦爲義所當爾何爲墮鷹犬之搏噬哉范公允之微服遽出真順又告以全家當爲蟬蛻之計陸續費於海上大人儘安之勿戚戚也范公歎其智略過人揮涕竟去無何郭夫人以慟夫報斃亦取他尸以告耿藩不之疑逾月真順以產難遽殞耿藩親驗其尸疑不類幾褫其袒服以周太夫人言而止自是范氏一家死亡殆盡有洩其事於耿者耿大怒命窮治其事則范公之仲子婦猶存捕出磔之盡所守者誅戮辭連太夫人耿頗怨怒其時聞師三路俱敗清軍已入仙霞關克建寧邵武太夫人固聞之大慟曰吾固知有今日六十餘老婦忍視全家羊屠豕刳不如先暝之爲愈耿聞言怨其助范氏亦不過問一夕暴卒婢媼傳爲仰藥云

伯玉以資往來。泉漳建閩間。健兒豪傑。無不與之通聲氣。故不患耿藩之邏緝。已而范公因某小吏之護送。抵伯玉所。伯玉適自閩中歸。相見悲喜。范公議北上。伯玉曰。公之義固可鑒天日。然吾在閩時。已盛傳公之全家盡爲耿藩所害。朝廷且賜卹典矣。設再入覲。或反啓苟免之疑。滿廷多猜嫌。徒摩頂踵。無益公不如逍遙海上。不臣不仕。爲梅福之市隱可也。爲避秦人之桃源亦可也。不日真順當至。郭夫人亦可團聚。人生如白駒過隙。公毋徒自苦。范公仰天嘆曰。吾一腔熱血。乃竟以苟全性命畢。乃事耶。遂居伯玉別墅。杜門謝客。小樓而外。海天一碧。每興至。吟嘯北望。京華拈髭。寄慨而已。郭夫人遂依伯玉。以居。真順仰事俯育。雍睦無間。又函京師。迎福官歸。范氏一家所缺者。僅二妾及子。歸各一而已。棄莫不稱真順之才。智於是女。諸葛之號。喧傳於一方。無何。清大帥宗室康王傑書。又大將賴塔等。師至福州。耿藩降。反命之助。攻鄭經。泉漳間大受兵燹。人或以范公尙在。及其女有諸葛之號。曾救父出險。事洩於大帥者。大帥遣使召問之。真順謂范公曰。頗大人稱痼疾。篤老不任馳驅。則兒與伯玉當迎使者。自有辭謝。絕也。范公從之。僵臥以待。使者入視之。伯玉歷陳飲食需人狀。自爲耿逆所羈。受榜笞。驚

恐已甚。心力交瘁。乃至於此。雖生猶死也。人子不忍於其親。故願奉之以盡天年。實無他意。使者又請見女。諸葛真順從。容出斂衽而前。曰。大將軍不以一介賤女。致勞下問。實爲逾分之榮。妾聞天兵所至。豪傑輸誠。僻壤遐陬。喁喁向化。此實本朝之隆軌也。犬馬餘生。得復睹天日。其爲欣喜。豈有涯量。賤女媿無報稱。謹作頌將軍引一篇。俚詞鄙語。不敢言詩。特效區區獻曝之微忱而已。語罷。出懷中一紙朗誦之。聲調鏗鏘。意致嫺婉。使者不覺肅然起敬。歎曰。子賢婦也。吾當爲子報大帥。護此村寨。令不被兵燹。卽持子詩爲證據可也。真順斂衽再拜謝敬。呈其詩稿於使者。前使者亦辭去。

賴塔之遣使覘范公及伯玉夫婦。蓋非獨聞其耿藩中舊事。且有告奸者將陷之。勦滅族誅而後快焉。蓋伯玉旣以財雄其鄉。近地土豪皆思利用以遂其所圖。當清師未至。鄭耿方爭。諸村競結寨。以自保。伯玉獨閉門不敢過問。諸豪相與議曰。吾儕雖奮勇而餉無所出。惟伯玉最饒於資。不如共推爲寨主。以聳之業。已黃袍加身。則彼不得辭其責。而後吾輩之欲可償矣。遂邀伯玉宴會。執禮甚恭。以守望保安之名敬推伯玉爲領袖。伯玉不得已許之。歸告真順。真順驚曰。君奈何不三思。彼寨中諸少年方驍桀自用。

勢皆不能爲人下。徒利君財而嫁禍首於君身。君遽許之不亦愚乎。且夫矜能銜智者。敗輕敵寡謀者。亡不度德不量力而先於衆者。禍外資智勇之名。內收敗亡之實。君何爲一至於此。伯玉曰。業已許矣。奈何。真順曰。君以疾辭。請代謝焉。已而衆果走詢。伯玉陽爲呻吟。負劇痛。衆皆懷喪。或譁然有怨言。真順前謝曰。公等不知伯玉無能。謬推重。寄光榮已極。雖驚劣不堪。尤思矯首自奮。勉慰衆望。不幸福薄。災生當幾。疾作此天所以限伯玉也。願公等熟計更立賢者。無爲伯玉尤。豫致失事。機妾願輸家產之半。以効棉薄。語畢立命家人出粟米錢幣。任衆所攜。衆皆大悅。拜謝而去。未幾諸豪自相雄長。仇殺大擾。隣匪乘勢陷之。人始服真順之先見。及寇至。真順又命盡燔所積聚。而使伯玉引繩繫妻子。併自縛。姬妾皆毀容如村嫗。寇以爲已被掠。不復措意。乘間得盡脫居別寨。寇去而歸。迄無恙妬之者。或走告清軍。指爲寨主拒滿師。故大帥怒。至是使者以詩進。大帥令記室讀之。雖不盡解。而其頌美之詞固深契於心也。詩曰。

將軍開國之武臣。早攀鳳翼附龍鱗。煙雲慘淡蔽九野。半夜捧出扶桑輪。前年領兵下南粵。眼底羣雄盡流血。馬蹄帶得淮河冰。灑向江南作晴雪。泉漳僻在閩海濱。十

載不斷干戈塵客星移處萬里外天子亦念還方民將軍高名邁前古五千健兒猛如虎輕裘緩帶踏地來不減襄陽晉羊祜此時特奉聖主恩金印斗大龜龍紋大開藩衛制方面期以忠義酬吾君宣威布德民大悅把菜一粒誰敢奪黃犢春耕萬隴雲釐厖夜臥千家月欲爲將軍紀勳績天家自有麒麟筆願續吳民歌太平磨崖勒盡東山石

賴塔等喜甚均謂眞順賢淑且有文學特命有司加意保護且奏於朝賜范公人蔭廂脯俾得養疴於家許范子孫入官郭夫人等遂移京師而伯玉以文學徵召辭不赴事范公如子未幾范公卒有勸伯玉仕者伯玉私商於眞順眞順曰吾二人以智術幸免如諸葛公所謂苟全性命於亂世足矣尙何心受新朝之榮寵乎伯玉灑然徹悟葬范公畢夫婦仍歸海上以山林終

指嚴曰當三藩變起縉紳之被荼毒者不可勝數或一側足爲滿廷魚肉身死無名轉瞬間蕩爲飄風冷灰曾無過而惜之者郭眞順一女子免全家於阨又以智全其夫身安而名足垂於千秋至今誦者莫不曰賢智哉賢智哉卽其無心新朝榮寵一語度風

采品格何減武鄉。嗚呼！彼豈果苟全性命矣哉？知者見知仁者見仁，要亦足傳也。

奪嫡誌

西山以林泉之勝，甲京右清聖祖。因諸臣之請，乃建暢春園於其麓，顧其址頗窄，較之晚清之頤和園不及十之四。卽較之圓明園，亦未逮十之七也。豈開創之主果以儉德風示後嗣歟？抑時勢使然，軍務旁午，日不暇給，固未計及游觀之細也？抑知圓明園者，其間別有情事，不僅爲人主游觀之樂，故雖踵事增華，而純係當日御世權術，煞費苦心，與芳華上林諸苑用意實大不同矣。且世宗建此名園，正位後乃僅數往，較之後嗣每歲居園者，苦樂殊殊。此中況味大可參透。聞某總管事恍然悟其故焉。先是暢春園工作尙朴素，雖非茆茨土階，亦僅湘簾翠几而已。及聖祖春秋高，海內無事，羣小獻媚趨承，漸事土木，願聖祖夙懷却馬焚裘之志，不欲以奢侈示子孫，躬居惡名，屢斥將作使，就簡陋而又不令停工。臣下窺其意，苦無兩全之策。有喇嘛副國師呼圖者，向貢高行名，狡黠桀驁，深得聖祖尊寵，供奉宮中已久。噫！比羣小無所不至，羣小因夫求計於呼圖，呼圖領之不十日而內旨先就園址建喇嘛廟，務崇體制以示朕尊禮國師之至。

意云。云傳徧。聲下矣。於是呼圖等。陽假鋪張法教之名。陰行誘導游觀之實。池館水木。鐘鼓帷帳。壯麗期過於前朝。凡所經營。裁度匠心。獨運悉由呼圖主持。而猶自以爲徧於蒙藏。一方面之制度。不諳漢人風土習尚。不足廣聖主之意。乃徧求巧工。能自出心裁。營築者久之。得漢軍旗籍人。佟承恩。承恩初本爲某喇嘛廟祝司。奔走之役。儕輩咸以瘋子目之。因其旦夕餘暇。卽拋磚運甓。疊砌成室宇塔閣齋館之形。如迷壘兒戲。年且四十矣。嬉噶好弄。不知家人生產事故。號以佟瘋子。佟亦樂應之。顧其所砌。置玲瓏鉤門。輒具巧思。業以瘋名人莫之奇也。一日復在院中操作。呼圖偶過之。詫曰。此絕技也。問爲誰知其瘋。曰。苟能是。是亦何害。遂命入室。與之談。建築事獨得妙理。時暢春園方規畫基殿圖式。屢易終不稱聖祖旨。呼圖漫謂佟曰。盍以爾所砌之雛型進呈。耶。佟奮臂起。援筆繪摹之。向背軌範。悉合復取所作雛型。調石膏黏合之。竟持以進。御聖祖喜曰。此殿若成。恍令朕置身建章千門萬戶間矣。因召佟入見。立賜將作大匠之職。自是暢春園之一甌一璧一草一木。皆經佟之手。而後稱旨。其寵遇且與呼圖侔矣。殿既成。聖祖命諸皇子。部居左右偏室。朝夕從喇嘛受教。十日一休沐。始歸私邸。惟太子胤

初。每日從漢師傳習書史。讀故事。頗明大義。心知呼圖之非。又惡修之奇技淫巧。能蕩
上心。而與呼圖朋比。爲奸私。搆密室淫亂。縱酒一日。乘聖祖居便殿。召太子入對。因密
奏曰。皇上以儉德爲天下先。宵旰憂勤。惟恐一夫之不獲。而呼圖與修某私搆密室。爲
長夜之飲。造作技巧。穢累聖德。致召謗怨。當非陛下之意也。願加察治。明正呼罪。投之
遠方。則萬年之頌。如日再中矣。聖祖爲之動容。乃命國師察呼圖之行爲。欲加處分。
國師受呼圖之賄。且恐太子得位。連類排己。有狐兔之悲。因覆奏太子。聽信漢師儒之
教。迷惑書生之詞。力排正法。忘詆眞如。因而造此蜚語。欲以傾軋呼圖。遂其毀滅國教
之心。呼圖皈依正法。清淨爲身。願降服待察。以聽處分。倘劣迹已彰。自當立赴地獄。以
求懺悔。如其不然。尙望皇上垂矜憐。俾自明心迹。以保教宗。毋滋口實。聖祖初疑其黨庇。
乃遣近侍往勘。覆稱並無密室情事。而太子常居私邸。不按期登殿聽經。且惑於漢人
教。峻大言。國之儲貳。當以君位爲鵠的。異日必做魏孝文故事。改姓易服。以推廣漢人
文化。爲己任。喇嘛非正法。宜斥遠之。聖祖聞言。始疏太子。而尊寵呼圖及修某。如故。太
子復欲進言。聖祖以爲棄家法事。屢不理。

時雍邸與呼圖朝夕講道親受衣鉢過從之密諸皇子莫與倫比微聞太子因直諫見疏事欲乘間樹黨爲奪嫡地一夕私探呼圖意且曰太子日近漢師傳心理變矣而皇上殊未有所表示師獨不爲衛教地乎呼圖詫曰殿下誠智慧先得我心我籌之熟矣非有所左右操縱之吾儕將無乾淨土侈某愼密多術殿下盍進而與之謀世宗果召侈承恩承恩煙視媚行曲盡禮意世宗告之故承恩佯驚曰此殿下家事賤臣參與其間一啓齒族矣世宗曰非此之謂也皇父尊呼圖爲國師以昌象教如天地之無不覆幬無不持載億萬年無疆之祚尙復何患今乃知不然青宮之曜近漢儒子所知也斬艾之不足又加以拔木塞源之計行且令吾儕爲俎上肉耳予小子皈依活佛有年私心惶惑寢食不安一人之幻體何足惜惟精神之苦痛歷刼不磨誠不能無介介耳子實護法大士能發宏願以回此厄運則造福無量其自列祖列宗以上實嘉賴之幸勿視爲等閒也承恩頓首稱謝然後從容進曰如殿下意則求皇上之眷顧乎抑抗太子之阻力乎世宗瞿然曰抗阻力奈何承恩曰如殿下言誠所謂明燭千里者也不抗阻力實無以回聖眷且殿下欲抗諸一時以博虛譽乎抑爲百年計而永固皇圖法輪常

轉乎。世宗曰：「予亦欲爲百年計耳。」修曰：「然則殿下之意決矣。」臣欲施小術取殿下形貌，以爲眩惑計。殿下能聽臣否？」世宗曰：「苟可以利國教者，死且不避，何有於形貌？」恣君之所使之，決不瑕疵也。」修曰：「諾。」他日請驗。

修有感某者，從事青宮。有年，太子信之。自太子揭呼圖，不法行爲，聖祖置不問。後意頗憤憤，不平。時思作捲土重來之計，謂不去呼圖，非夫也。一日，修戚葬，告太子呼圖等方在密室行樂。苟馳告萬歲，必可發前此之覆。而一雪誣告之冤。太子大喜，親馳往偵視。則暢春園之深處，有所謂海天清晏者，曲廊洞房，窻疊波折。卽修承恩，匠心結構之秘稿。如阿房如迷樓。身入者，幾不能出。獨修戚先驅爲導，以誘仇直之太子入其穀中。太子不知也。旣而曲折入黑幕，四顧不見人影。太子亟呼修戚曰：「得毋誤乎？」修戚曰：「否。否。此窟室也。」白晝如夜。少頃，自有燈光。請諸君暫伏於此可耳。太子不得已，摸索得一石牀，踞而登。修戚伏其足下。久之，意倦欲還。修戚曰：「少選。」卽有奇景。幸安母躁免功虧一簣也。太子強忍之須臾，忽如燈光自奩中放出，照耀一室。影中一人徘徊，宛然雍邸也。旋踵間，似已見太子倉皇遁入呼圖。接踵出，曳婦女三五聯臂，踢毬爲戲。其聲隱隱。

如遠在百武外頃之雍邸復出則所曳婦女益多見太子視苦無睹不似前之羞遁矣轉瞬間裸體橫陳醜態百出太子哇然出修戚馳而隨之太子問個中人瞭然如在咫尺間而聲細不可盡聞何也修戚曰窟室中氣閉有聲不能暢無他故也太子信之亟馳入宮報有緊急事密奏及聖祖宣入問何事太子歷陳窟室中所見且請聖駕即往察勸必獲真相聖祖大笑曰足見爾言之誣也呼圖及允禧俱在朕側安得有是事語次侍者傳呼皇子及副國師進見則赫然呼圖雍邸也太子瞠目不能語意彼副國師果有幻術化身耶縮地耶二者必居一於是雖然吾欺君之罪兩犯矣奈何復居儲貳覲顏與諸皇弟爭權正彷徨間聖祖忽厲聲斥曰汝殆顛矣速昇送某府施治尙可補救否則終身暴棄而已尙何言太子方欲有辯聖祖疾揮之出既而復追入謂之曰國師善治病子神經奮亂盍就診焉太子方憤甚且問識個中作用快快奉命而退徐探知係修某所爲乃攝諸人之影以燈光映之成此幻戲（如今幻燈）而諸人實在帝旁也於是太子瘋疾之名喧傳輦下矣

聖祖晚年好奉喇嘛法篤信無所不至既以太子爲有心疾時思易儲一日駕臨暢春

園正殿。嗟。經而太子稱疾不至。怒甚。卽日下詔。廢太子。略言。朕愛太子過甚。致太子得狂疾。顧念宗社付託之重。不得不更選賢能。上以對祖宗。下以御臣民等語。是時雍邸與呼圖結刎頸交。運動甚烈。而諸子允。禔。允。祺。允。禧等。俱以國師活佛爲要援。勢力且出世宗上。聖祖彷徨無所適從。有貴妃覺羅氏者。實聖祖之幼姑也。寵冠六宮。所言無不聽從。頗憐太子。以太子母初與貴妃相善。而太子亦傾心事之。貴妃又知漢書與太子志同道合故也。方儲位。逐鹿時。貴妃遣人召太子入詢。所以太子泣訴無罪。貴妃憤然曰。羣蜚刺天。不有以懲之。尙復成何政體耶。乃言於聖祖。太子實無疾。賢祖令人侍果跪拜如常。無失儀。且奏對亦多稱旨。乃卽日下詔復太子位。且欲懲治呼圖等。蒙蔽欺罔之罪。事聞於呼圖。雍邸夜入其室。相對啜泣。曰。事急矣。不救則同歸於盡。吾師法術浩大。獨無挽回地乎。呼圖良久不言。修承恩徐曰。彼劇烈之魔藥。奈何不一試耶。呼圖瞿然。若有所驚。且曰。信然。此藥猛烈已甚。必可得效。雍邸問用此藥若何。呼圖曰。前之狂疾者。虛名今之狂疾者。成實事耳。雍邸曰。何以入夫己氏之口。修承恩曰。奴才能爲之。殿下勿憂。且語且行。曰。事急矣。速往取。昇我呼圖授以鑰曰。某橫中珍藏已久。爾

自取之可也。修果馳往。是日雍邸跌坐嗽麻室中。以待好音。及夜深。修始奄然歸。附耳語曰。幸不辱命。太子飲藥後。已殺兩侍衛。毀宮中器皿盡矣。聲言欲行大事。已有人報知宮中。當卽有嚴詔下也。語畢而出。比曉復歸。則言復廢太子之詔已下。使武士六人拘之。幽於他室。貴妃聞變。仰藥自裁。聖祖怒甚。卽欲殺之。某宗室力尼使不行。故遲遲耳。然允禔等競爭甚烈。聖祖意尙未主雍邸。此者頗爲難須。相時而動。恐非一蹴可成。世宗聞言。喜懼交并。乃謂修曰。子之計所謂鬼斧神工者也。能去大敵俾事克成。予必使爾起第。於是園之左。其壯麗與園相埒。且令世世掌喇嘛廟食俸如國師。好自爲之。予決不負爾也。修受命而出。自是不復入園。世宗亦莫知其蹤跡矣。逾數年。諸子之爭逐如故。世宗日居園中。與呼圖謀所鬻勝之法。終不得要領。又久之。始得大喇嘛自藏中來者云。能咒人使病。世宗聒而與之語。未幾聖祖果有疾。允禔等競謀侍疾入宮。而雍邸不得命。正惶急間。忽修承恩至。謂世宗曰。三日後呼圖必入宮誦經。殿下但於宮門外候之。聞傳呼十四皇子者。卽疾趨入。勿回顧。直抵御牀前。向國師膜拜者三則。事成矣。世宗唯唯及期。果往伏宮門外。時曉鐘甫動。霜寒徹骨。金鰲玉竦之間。淒寂萬狀。

凜乎不可久留。顧遙見人影紛紛往來，蹂躪與己相類者，殊不一其人。良久，聞有聲自遠來者，由宮門深處漸逼而近，果傳呼十四皇子也。雍邸急向前行，絕不回顧。遙見白紗宮燈二，卽趨從之。歷階數四，不能辨色。幾至顛蹶者，屢無何，登殿入房，御榻宛然在目。憶修言五體投地膜拜，不已。忽聞上有喇嘛聲，宣言曰：「大行皇帝升遐，遺詔以四皇子登大寶，庭下高呼萬歲。雍邸俯伏受詔，則赫然四皇子之名，恍如夢中也。正跪拜間，宮中大譁兵戈之聲，四起。覺有人曳己而走者，匿居一偏殿中。比日色照臨，始見呼圖及小喇嘛數四伏身旁，殼棘萬態，問之，則宮中大戰數小時，允禔等已就縛。修承恩，亦爲亂兵所戕矣。未幾，大臣三五覓得雍邸，扶之登殿，行卽位禮。浹日而事定。世宗命尋修承恩尸得之階下，撫而哭之，命宣召其子。至年十餘矣，立賜散秩大臣，旋詔修暢春園旁隙地，建殿附祀修。令修子世襲總管，曰：「朕以報舊邸侍從之勞耳，非有他也。復多爲游觀之池館，以掩其迹。修子孫總管園務至道光朝始除。」

奪嫡續誌

世宗嘗奪嫡之先，卽藉供養諸喇嘛之名，陰蓄死士，有大喇嘛呼圖者，黠狠多智術，外

假誦經打鬼之號。設諸詭秘道場。廣招僧徒。至數萬人。寺宇不能容。則四出民間。賃舍樓止。奇橫一時。無匹呼圖。乃日夜與雍邸計畫。傾危太子事。又常與雍邸出爲微行。雍邸飲博狎妓。無所不至。呼圖易裝。從之。怒馬鮮衣。無有人知其爲喇嘛者。顧月。在金迷紙醉中。慾心不能無動。且恃其魔術。足以欺弄愚民。而紅教宗法。本不嚴色戒。遂多曖昧。不可究詰之事。世宗知之。不問也。其麾下小喇嘛。既雜處民間。滿蒙習俗。男女主客。界限本寬。而於僧尼。輒以能得親近佛體爲幸福。尤無因奸齟齬事。惟漢人外崇禮節。不肯公然留喇嘛於家。而喇嘛動愛漢人婦女。或就與嬉鬪。毆爭執之事。幾無日蔑有。地安門外有王姓者。自言先世江蘇武進人。販售花果。要物時出入滿旗某佐領家。佐領託購南物時。時與以沾潤。遂相友善。王妻陳氏。齒少有姿。佐領老矣。呼之爲父。兩家既往來。陳氏與佐領家屬。如戚串。飲食歲時。無不共談笑。陳氏又軟媚乖巧。頗得人歡心。卽左領家之親屬。咸嘖嘖稱爲可人兒也。佐領給事某都統家。性佞佛。趨承喇嘛甚虔。都統之子女。或從佐領膜拜。各廟故與喇嘛甚稔。喇嘛亦以其爲都統所寵信。樂與之昵。於是賁廡柱錫於佐領家者。踵相接也。佐領家人俱迷信喇嘛之神聖。以爲一經

摩頂便有成佛之望。陳氏耳濡目染，不能不入其漩渦。喇嘛又慫恿之，以爲此實菩薩化身。徒因愛根未淨，遂墮人間。故有夙慧爾等，凡劫中人萬不足與之韻。頑婦女之性固喜人揚贊。況爾時風氣所趨，摺紳權要，尙仰喇嘛鼻息。愚夫婦又安足論。陳氏旣與諸喇嘛稔，或從佐領眷屬入各寺廟，觀禮豐容盛鬋見者，盡傾置之滿旗衆眷中。不啻鶴立雞羣也。時大喇嘛方登法座，被紫袈裟，說無上妙法。瞥見之，忽於座上作禮曰：「普賢菩薩從西方切利天來，貧僧何福消受。」衆聞此語，咸吐舌驚奇。牽陳氏令膜拜。大喇嘛合十止之，曰：「勿爾菩薩根器在貧僧上。」貧僧當膜拜之。菩薩不應膜拜。貧僧也。陳氏方含羞斂笑，心搖搖不知所措。諸婦女扶之登蒲團，上盈盈而拜矣。大喇嘛特賜摩頂禮，偶引手觸其乳。陳氏色頰諸婦女若以爲榮也。自是遂留梵王宮內者旬日。王某見妻不歸，時至佐領家探問。而佐領家婦女亦有未歸者，以爲參歡喜禪無足異也。無何佐領家婦女咸返，而陳氏獨不至。始大疑。又聞四城民家往往婦女失蹤，云爲喇嘛所據求之，輒無蹤影。或冒險入喇嘛廟追索，則往往不復返。相傳打鬼時以之銜夜叉也。王某遂不敢深求。願心念嬌妻奄然成病。一日佐領至，問所苦。語以故。曰：「爾婦與羅漢。」

有緣行往西方極樂國矣。何苦爲王某哀之曰。吾仇儼未踰三載。尙無子女。縶境實所不堪。苟得時時賜一見者。死且不休。喇嘛天上人。吾凡夫敢與之爭緣法。但能大赦慈悲。遂吾心願。則其他非所計。佐領曰。容吾得間圖之。或有萬一效。但此舉非在格例中。也。王某唯唯。數日佐領來報曰。大喇嘛寵奉爾妻如神明。所請罔不聽從。前日爲爾妻作法。招西方龍象曼衍游戲。又幻爲黃金世界。使爾妻環珞垂珠立其上。儼然一觀世音也。且聞皇子雍邸亦甚稱賞。賜寶物無算。爾妻今升天上矣。吾將以爾意介歸女探之。不知能爲爾緩頰否。王某頓首者九。求佐領必爲之地。願他日銜結以報佐領諾之。又數日忽奔走流汗相屬而來曰。爾妻今得間遣使招爾一往。遲則誤機。王某疾馳。曲折入殿旁一精舍中。見陳氏果濃妝豔飾。端坐其中。左右小男女數人俱姣好。王某大驚不覺屈膝。陳氏牽之起。略敘舊情。亦復嗚咽。王某求常侍左右。妻俯思良久曰。子能皈依喇嘛。卽可時時相見。王某允諾。妻曰。然有一規例。頗難子能忍耐爲之。則事諧矣。王某問奈何。陳氏曰。凡初依喇嘛坐下。須得大喇嘛收錄求法錄。收須膜拜如藏經之數。卽五千零四十八是也。而膜拜甚難。與吾輩叩首大異。蓋必五體投地。以手奉額。

至土既起。復跪。既跪而伏。如是循環。至五千零四十八次。若力竭中止。卽作爲無效。明日復行。不能以間斷之數。合計算也。是以志願薄弱者。往往不能滿數而止。氣喘力疲。不可復續矣。吾夫能行之否。王某奮然曰。吾念汝亦瀕死。今膜拜力竭。拚死而止耳。鈞是一死無寧。膜拜乃請於喇嘛。願如法規求收錄。大喇嘛許之。王某果膜拜如數。雖力竭不止也。大喇嘛始知爲陳氏之夫。然業已許之。不可悔。遂錄於座下。爲值殿誦經。每晚休息時。與陳氏相見。或伺喇嘛與雍邸有秘議。則且得與陳氏同寢處。儼如夫婦。久之雍邸見王某喜其勤謹。誠篤。見於詞色。問大喇嘛始知其由。絕愛信之。使常在御前執役。而陳氏者固早有齟齬之寵。夫婦且擅權中禁矣。雍邸更愛陳氏。機警且使參與密議。賞顧而語之曰。孤登大寶。此宮界汝執掌可也。

會奪嫡事中。變皇十四子允禊等。希上寵。且廣樹敵。與雍王爭鋒。暗潮甚烈。其邸中亦厚養喇嘛。輒以詛咒致人死命。雍邸患之。欲與呼圖謀抵制。呼圖實陰受敵款。將俟隙以魔術斃殺雍王。挾陳氏歸。允禊雍王未知也。猶日夜密商禦侮之策。呼圖殊落落。雍王疑之一日。密召陳氏入他室。謂之曰。吾愛汝。踰於尋常妃嬪。汝亦知所報乎。且汝荷

忠良吾之福。汝尚未已。陳氏踴而泣曰。妾以貧家婦。得侍殿下。感何可言。惟恐事機牽掣。使妾無所用其忠。則妾死不足惜。而殿下終不能收養士之報。乃誠可惜耳。雍王知語中有刺。徐歎曰。吾養此輩。亦不得已耳。縱虎入山林。而欲其不噬人。勢安可得。早知今日何必初。當然悔已無及。卿明慧若此。竟與蛇蠍爲鄰。吾之過也。雖然。卿亦有所聞乎。陳氏膝行而進曰。妾無狀。雖聞惡聲。不敢出諸口。惟恐朝啓齒而夕魚肉也。殿下有問。妾致命遂志之日至矣。彼羅漢者。固將與阿其那等比而死殿下耳。妾聞之心膽俱碎。今日既言之。妾事畢矣。願伏劍於前。毋使奸人污妾殿下。當好自爲之。勿以妾爲念。語次。劍出於匣。欲自刎。雍王急使人持之。得不死。乃密語陳氏以術曰。苟侍大喇嘛。如是。則之吾自有處置。是夜雍和宮大擾。侍者如聞金戈鐵馬聲。而不見兵刃及曉。邏者報大喇嘛身首異處。左右連死者數人。菩薩陳氏失所在。事既定。王某痛妻不已。欲求其尸。雍王曰。彼何嘗死。吾恐他喇嘛仇彼。匿於別宮耳。大事若成。吾卽賜之金帛。遣汝夫婦居是宮。奉香火。寧不甚善。此日尙非出頭日也。王某唯唯。謝而疑信參半。一日雍王急召王某入宮。與喇嘛數人俱抵宮門。方瞻顧間。覺一人牽其衣。視之。雍王也。目動。

不語忽出小牌數寸置王某衣囊中亦不復語門前侍從森然不敢請無何聖祖駕崩召諸喇嘛入誦經例得以一人捧嗣皇帝牌名出大行皇帝御筆也是時侍衛等俱立簷下禁止入闕惟顧命大臣與喇嘛可入王某見大臣敬奉遺詔之牌與雍王所私給者相類心大異之乃取小牌竊視則四皇子云云也亟旋視詔牌四字上加十字驚駭欲顛強持之齒唇振振然無何傳呼捧牌者赫然屬己名遽巡前取疾趨而下及庭除乃易以衣囊中所藏牌出宮門一步而四皇太子登極之詔宣矣王某知事雖成禍且不測心悸不已及歸雍和宮侍者迎白曰新皇帝有詔令大師入居舊大喇嘛禪牀王某不敢違急入視見已妻端坐於牀大喜欲執手慰問而其人寂然不動王某笑曰卿正入定耶亦不語以手接之體冰驚而諦視則泥塑像耳急問侍者何日死侍者曰久矣蓋大喇嘛身首異處之日亦卽菩薩畢命歸真之辰耳此事安能兩全大師亦好自爲之王某聞言猶彷徨未決忽轉一念恍如陳氏詔已非死不樂盡歸休遂取囊中毒藥自殺於陳氏之旁世宗聞之大爲哀悼遣他喇嘛賜祭葬題精舍曰雙忠中藏陳氏塑像漢裝纖足貌絕美咸同間尙有曾見之者今失所在

玉妃案

匹夫無罪懷璧其罪予謂何獨匹夫爲然古今來貪夫墨吏厚自封殖未有不爲第二人所覬覦而飽受其攫搏者顧第二人亦復不免螳螂黃雀之喻至痛切也阮步兵詩云膏火自煎熬多財爲患害嗟乎天下人止知貧困之爲禍耳實知富貴之禍什百千萬於貧困哉今吾試述清乾隆時浙撫王宣望墨敗之軼事閱者可憬然悟矣

錢塘沈生先世佐某大將軍戎幕徧歷天山南路各回屯前後凡三十年及歸橐中得于闐玉頗夥而尤異者則以羊脂玉長二尺餘於漢皋倩玉工名手製爲楊妃出浴像瞳漆唇櫻以逮如雲之髮渥丹之溝皆屬玉根天然之色洵異寶也尋爲漢陽太守擬以此貢獻內廷祝皇帝萬壽會世宗暴崩遂不果而沈生母愛之若命什襲藏之輕易不肯示人故戚族亦罕有知者既而移疾歸沈生漸長父母相繼逝世母病革時密召沈生授以此寶謂功名富貴如糞土此寶不可出苟有失非吾子也生泣而受命乃特治一錦匣藏之板壁中每於春秋佳日花月良宵偶出而與閨人一賞則必鍵室門屏侍從焚香却掃祝以家釀新茗媵以法曲清歌輒流連永日如醉如狂焉閨人亦風雅

知書與生相沈湮而嬌慙不更事歸寧之日或街之於兄弟姊妹間羣詬爲得未曾有必欲一飽眼福舅某君好古成癖所請尤力生以至戚故不得已允之約期大治具戒家人杜門謝客雖入幕不速之客亦滅其刺不爲通是日生於密室設宴內外戶皆加以鍵鑰妻黨見其狀咸竊笑爲迂顧急欲賭其重寶亦姑聽之生既屏絕藏獲乃令妻治具而身自行酒觴數巡舅等更以規寶請生唯唯良久遂巡入室始鄭重攜錦匣出正開緘間忽聞門外喧譁聲一妻弟岔息入曰大兄至而戶反鍵不得鑰不可啓幸姊丈一援手也生聞而頻蹙蹙蹙蓋妻兄恃才狂傲嗜飲輒醉雅不受羈勒故難之妻父知生意謂其子曰聽使去毋漏乃公爲也生亦因是置之矣而門外益譁譟勢將排闥妻乃出謂生曰至戚而待以閉門羹得毋貽人笑罵且渠獨向隅君心安乎幸速啓之妾當其咎可也生遂啓門則妻兄已於他所醉飽矣捫衣升堂大肆譏嘲重達者父意力自斂抑始不勃谿生亦深致歉仄妻兄終悻悻及見所謂白玉楊妃者乃曰是何足奇骨董肆類此夥頤值百金而已妻兄者宦浙之丞倅故吳籍也妻父則以觀察退隱樂浙西湖山之勝遂家焉時撫浙者爲和相嬖人王璽璽妻兄頗熱中覬覦某州肥缺

倩人資緣者屢矣。王撫好貨甚。妻兄所賄未足。娶其意。以故遲遲不獲。遂會宴望。遣人四出覓骨董珠玉寶器。將祝和相。五旬壽。妻兄聞此好消息。正思一露頭角。頗有意於生之重寶。擬與婉商。奉數千金易之。得志則爲位置不意。生居奇過甚。及賄爾日。情狀知萬無慨然。允許復惡其見外也。乃老羞成怒。決變計爲篡取。生所居故幽僻。梧樞門巷。展齒常疏。妻兄因召集黠悍。藏獲二五輩。暗以厚利告之。生家門蹊房。闔向背復恐其臨時迷昧也。則率一僕尤黠者。僞爲候生起居殷勤。存問生不知其包藏禍心也。爲之設宴內室。謝前日扁門之罪。妻兄則佯示坦率。似了無芥蒂狀。談讌極歡。而黠僕之眼光無所不洞。隱矣。既歸。則授諸僕以計。約期舉事。而以侍宴之黠僕爲指導。俱塗面易容。結束如劇盜。又惡生斬此寶。或至攘奪受傷。致命乃預矯妻父命。留生私宴於家。不聽早歸。時日自上燈時。至酉夜。諸狎友環生周流勸酢。生果酩酊而生家僕喘汗相屬。以盜劫奔告。生於沈醉中一驚而醒。乘車馳歸。則大錯已成。事不可爲矣。先是生以家珍至重。與妻相約保守。自妻家而外。雖族黨無令一人知者。即家中婢僕亦莫能一覩其異。以爲必無他虞。苟有變。大有以身殉之之意。妻悉其情。亦守護惟謹。

每晨起及臨睡時。夫婦二人必檢視複壁。一次見度閣無恙。心始帖然。每十日則取錦
盒拂拭整理。一次習以爲常。是日生出去赴宴。妻則背缸獨坐。微有倦意。即倚窗假寐。
無何一小婢。滄若入。甫揭簾大呼仆地。賊復聞聲畢集。忽持炬露械者數人。刀光如雪。
禁人聲。張復有人環劫。賊獲反按之出。巨縛束如執羊豕。每一人以一盜監之。妻大
駭。量絕匿榻後。不敢動。一盜顧而叱曰。苟敢啓爾齒者。血吾刃。妻恐受汚。手竊自衛。財
物不復問。是時盜入室者。皆粉墨塗抹。如劇場化妝狀。莫辨廬山面目。須臾忽一似盜
魁者。呼嘯作令。厲聲謂諸人曰。目的物已獲。我輩可去矣。倘敢多取他物者。殺無赦。遂
紛然鳥獸散去。良久。生妻及小婢始蘇。旋解賊獲等之縛。徧檢室中什物。俱無所失。賊
獲之膽稍壯者。且言盜出時。吾曾注意大都皆空拳。赤手不持一物。又聞其所謂目的
物之語。知必有一物爲所注意。生妻忽悟曰。其複壁中重寶乎。速視之。奴婢咸瞠目不
能對。蓋向未知複壁中有寶也。一婢曰。秋蟾爲生妻所寵信。乃躍起曰。必是寶無疑。亟
趨驗之。則壁門大啓。中已洞然。竟如極秘此物之位置者。生妻哇然呼痛。不覺泣下。沾
襟。既而曰。彼盜魁者。言甚習必係平時往來我家之人。否則萬無若此。驚輕就熟也。正

擾攘間。生扶醉歸矣。聞之一驚。而醒。顏色灰死。苟非酒後奮興。幾何不憫。極而暈也。由是夫婦皆如醉如顛。寢食俱廢。明日報官緝捕。杳無消息。生屢欲戕生。賴有姊某者。飭臧獲。晝夜邏守。得無恙。而妻因驚成疾。臥牀不能起。妻兄弟時來慰藉。夫婦終不釋然。妻本荏弱。且有孕。無何。竟以致產殞命。生哭之慟。曰。殺吾一家者。此盜也。此仇不報。何以爲人。乃棄舉子業。變產得數千金。束裝走京。帥將默訪。劫盜蹤跡。陰求奇士爲之援助。不得已。則叩關鳴冤。將行。忽妻兄得任觀察。舉家欣賀。惟以生妻初喪爲憾。力邀生必詣其家。一抒鬱積。生擬不往。妻兄躬自促之。始珊珊來。妻兄與大豪以巨觥勸生。酒生辭不飲。則傾舉提耳灌之。生怒絕裾歸。突一舊友踵門訪生。曰。爲祖餞也。生力辭之。不聽。請見益力。不獲已。納焉。入卽大言曰。爾之仇人在咫尺間。且肘腋相依也。而周旋不覺。何洩憤爲生。駭其言。拱手聽命。友曰。道路藉藉。皆言彼妻兄者。以重寶白玉。楊妃獻王。撫始獲是官。爾獨充耳不聞。何憤憤耶。生驚曰。果乎。若然。則彼非盜而何。彼旣爲盜。卽我之仇。不能以懿親故而恕置之也。雖然。終當察其虛實。彼此行足以置我於死地。姑無論且不啻手刃其妹。直梟獍耳。雖然。吾終疑其非事實。友以生爲迂。遂不與辨。

無何妻兄之與援及賄賂物相傳益確生屢聞之或且能指盜爲某某一日生自外歸謂其姊曰罪人斯得證物已在吾囊矣後此但從事報復苟得達死所願也遂以一緘兒托姊輕裝遽去不知所之

利令智昏窮其惡無所不至故熱中之尤則雖父子骨肉不相顧況瑣瑣姻婭焉足動其毫末哉妻兄既遣悍僕盜生重寶喜甚乃資緣王撫之幕友某氏者通殷勤於王撫王撫聞其珍異亟欲一觀妻兄介幕友以進王撫務聚斂廣納苞苴室中珍異山積以爲不過一玉像偶賜賞鑒殊未足措意不意甫出匣而奇光豔采不啻玉環再世且覺精華縝密溫潤光潔美過生人洵爲目所未經回視他珍直等土苴貴歎再四顧謂幕友曰某君誠愛我哉乃獻此異寶不三日而除授某觀察之命下矣妻兄大喜以爲此秘術實係己之識有獨到舍悍僕飾盜外雖妻子不令知也故聞妹遽隕伴爲悲懷實有莫予毒之歎而生之外舅及其弟妹均絕不知妻兄造此彌天大孽特慶其寢運大亨耳顧悍僕三五自獲兩次犒賞後妻兄自謂得魚忘筌焉遽司藏之故事自古而然則糜金可惜毅然并所許得官後之酬勞亦自食其言悍僕雖環求亦置若罔聞羣僕

怨望。各懷憤怒。會領袖僕某。以事忤主。被逐。集衆宣言曰。伊無良果。弁髦吾輩之大功矣。然則此後。彼欲滅口。吾輩且死。無葬身地。盡先發制人。衆皆曰。諾。是時。生方上下營求盜寶之實。證悍僕使人謂之曰。苛恕吾罪。而不使失所者。吾等願爲證人。證某兄之罪。生許諾。遂挾一僕入都。曰。督撫司道方通同一氣。雖懇之何益。不上達九重。不足以此重公案也。生去逾五月。而按獄之欽使南下。

炙手可熱之和坤。方日出其計。招權納賄。會誕辰。外省各督撫例有重獻。王撫爲和所識。拔尤亟亟以報恩。爲事既得。白玉楊妃更配以金仙一座。名之曰金玉滿堂。特遣專使齎至京。和有客某者。熟知骨董珠玉價值。能觀縷說其來原。爲和相判別真贋。美惡然亦羊公之鶴。實則借是爲焚索地僚屬之以骨董進者。非鑿其慾壑。則任意吹毛求疵。不使其人之物。爲和所屏棄不止。故凡納賄者。必先道地於某王撫稔此中奧窔。乃預以萬金啗某。附說明。白玉楊妃之歷史。至爲鄭重。某感其惠。果爲之誇張於和。謂物實大內所無。昔回部都護某郡王求之。畢生而卒不可得者。和以爲然。乃借諸愛妾之密室。立以王寶望名存記。將俟某省總督缺出而畀之矣。忽有叩閣者。瀝陳出撫貪婪。

不法狀直指盜劫生家爲王撫所憾使蓋沈生故爲羅織不如是不足以成大獄也狀達御覽高宗震怒立命軍機派使查辦且面諭和坤王亶望如是胡爲蔑視祖宗法紀非澈底究辦不可斷不容爾妄事袒庇和色變受命知高宗將爲懲一警百計非拚此一名黨員恐已之地位亦不易保全也退朝後入蜜室周章徬徨無計愛妾故警敏善解人意和有所疑難輒令其解決是日妾從容進曰觀公狀甚有不豫未知妾能分憂否和頓蹙曰難難主命嚴急苟有依違恐雷霆立至禍福且不測然懼禍而反汗自殘黨類則後此威信墮地復何以爲擴張勢力地哉妾已知爲王亶望事乃進而指白玉楊妃謂和曰此禍水也何愛於是而致觸聖怒妾意王撫劫人之藏以媚公其事實足敗公各譽此等黨員捐其一亦無損毫末且妾有一策可以罪歸王撫而於公無與且彼省紳民亦必頌公仁明不置公以爲何如和亟問計妾曰聞今叩閣之沈生在都如不得直者且以身殉又挾金偏賄內監意在窺探公之秘藏事若洩聖意益不可測公不如遣人召沈某至加以慰諭謂已密遣人往浙詳查原寶物確在王撫私室爾隨所派之欽使南歸苟得欽使查抄時起獲原贓奏聞聖上給領則爾之璧可歸趙矣

之株守。輦轂勞逸奚啻千百哉。既已遣去。則可免其處肘腋之旁。或生他變。而公一面密囑欽。使載寶以行。罪歸王撫。公可脫然矣。和善其說。果召生語之。生感甚。卽日偃旗息鼓。南歸。靜俟欽使之後命。蓋妾本杭人。父某翁。曾賣酒生之父。嘗周卹之以故。爲之道地。而妾正不喜白玉楊妃。因和受獻之始。曾撫而歎佳人之難得。妾之妬心。不覺油然而起也。至是。借爲和畫策。以周全老父之請。託一舉而面面俱到。計亦良得。生既歸。志在得寶。亦不復問其他。初。王撫聞事發。以爲物在和相處。和欲掩納賄之迹。勢必爲已彌縫。當無後患。不過循例查辦。虛應故事而已。無何。欽使至。奉旨覘王撫職。命囚服封產。待查抄。已驚青天之霹靂矣。然猶冀贖物不在己處。一面告急於和。或可得一援手。且密遣人告之。欽使謂贓物實已獻和。和相請爲和相地。稍緩頰。欽使怒曰。王某事已至此。尙欲欺人耶。吾已密訪得贓匿其心腹黨羽某。觀察處業亦封其產而抄之矣。渠尙思指鹿爲馬。妄行嘗試耶。渠不自量。此案聖意嚴急。非澈底重辦不可。王撫聞之。駭愕失魂。知已中計。所謂某觀察者。卽生妻兄也。疑其陷己。乃更爲辨訴。歷陳某觀察冒僕爲盜實狀。欽使見其黨自相攻擊。適足助成己事。不覺笑曰。此所謂飛蛾投燄耳。遂

以王撫勾結屬員盜劫紳民寶物今已抄獲原贓等語入奏奉旨逮王撫及生妻兄入都下刑部獄論斬立決王撫上下行賄滅等遣戍新疆生妻兄竟以監候絞定罪白玉楊妃判生領回高宗聞其異風欽使索觀之沈生自經變幻亦深悟懷璧其罪之理知藏之則禍猶未已乃敬效獻曝之義隨欽使入都呈貢自爲文進御情詞斐亶高宗嘉之欽賜舉人以內閣中書試用生以家破人亡無心榮利謝恩疏中請放還故里遁迹空門高宗閱焉今居杭州淨慈寺腸藏經袈娑恩禮稠疊自是生遂披薙爲高僧旋出遊川滇禮名山不知所終而白玉楊妃則入大內供奉云

慈禧垂簾記

清同治初有三奸駢誅案三奸者以肅順爲主肅順有智略而好大言不能沈毅又愛才好名卑視凌轢其不如己者因而奴使其同族亦人皆知之予不復贅錄但其得事文宗之信任與深中那拉太戶之疾忌則董君云云頗有人所不盡知者肅順與端華爲同族兄弟少時鬪雞走狗有遊俠風習知京師五城諸坊利弊且最喜給交漢人稍稍知文章風雅及名士氣節事便自命不凡欲爲功名中第一流人物其時江浙間跣

弛不羈之士。輒延致上座。罄折而請業焉。家雖不裕。揮霍無少吝。大有孔北海座客常滿。樽酒不空之概。常言使吾得志。大將軍當有揖客。彼春申珠履。燕昭金臺。何足道哉。時肅順之官。實止軍機章京。固未得與高心夔。陳孚恩諸人相感激馳騁。而其大言已如是。及文宗以軍興事。勞計慮。欲引宗室中三人值機密。清故事。親王皇子等不得干預政事。獨文宗以太平軍排滿之振觸。頗疑漢人爲不足恃。其遠屬滿人又多與漢人通聲氣者。不如宗室支庶較爲密切。於是大賞怡親王載垣之愼謚。鄭親王端華之幹練。先後引入軍機。共參要政。顧二王苦於漢文不甚通達。且自覺才短。對於咸豐帝之意見。多不能發展。知肅順習漢文又多。知歷史風俗利病。遂合薦其才可大用。文宗許肅在軍機上學習行走。未之奇也。會議用兵調將事。二王不甚識漢人地方形勢。語多隔膜。獨肅順侃侃而陳。初言向榮之忠勇。張國樑之能力。繼言曾左之將略。非尋常武人所可幾及。有古閫外大將之風。文宗初本疑漢人自屢聞肅順之稱述。語多恢奇可喜。且條陳形勢。瞭如指掌。遂漸知天下大勢。及漢人優勝處。無一不召見肅順。令奏對京外諸事及人材得失耳目之寄。愈引愈深矣。文宗本於聲色之好。自粵事起。後日就

焦勞亦頗如古昔人主之宵衣旰食久而漸厭苦之既飫聞肅順之稱述漢人遂令肅於燕見時必述漢人中一二英雄忠烈事以爲常漸及婦女之賢明才智文宗每舉那拉妃之穎慧才色兼備肅順輒曰是何足道若在漢人則古今來姬姜閔秀正復不少如左貴嬪邢才人等四海之大當今豈無其人然患聖主之不好迷耳文宗心大動自嘆囿於方隅識見淺陋遂不免有漢文重色廣事徵求之意肅順銳身自任謂臣之門生故吏皆吳越世家必多淑質令儀能副皇上廣備六宮之旨文宗大悅且命速謀於是肅順乃囑其黨輾轉求得數人皆吳下麗姝善修飾姿態妖媚與京師輩下婦女絕異者將以進獻忽瞿然轉念曰女無美惡入宮見妬况非其族類耶是不啻投鴻毛於烈燄之中也彼那拉氏便巧乖黠方欲專寵之不暇聞皇上日事軍謀雨露久不霑濡已憾我矣今復挾其所仇讎者以日伺其肘腋之旁欲其相安得乎吾必計出萬全而後可乃召集門下士謀之有某甲獻計曰皇上每歲以夏間避暑圓明園凡在園中例得任意游幸非祖制所能束縛妃嬪等不得皇上許可自能往來園中公若奏陳皇上謂漢妃入宮有違祖制惟園中可便宜行事則那拉氏將奈之何肅順大然之以入告

帝。帝立命內府發帑金大修圓明園。卽以肅順督其事。旣成中爲四大院。以肅順所獻四人各主一院。卽世所謂牡丹春、海棠春、武陵春、杏花春是也。牡丹春尤豔絕。大得文宗憐愛。相傳爲肅順門客某之女。某吳人亦世家。而式微者。以女故由都中小京官外放。立躋方面。肅順敗。始就誅。文宗以四春故。遂常居園中。不復回宮。就園設軍機大臣入值處。肅順益親密。二王之權所不逮也。那拉始探知之。乃切齒於肅順。

先是那拉氏見寵於文宗。旣生穆宗矣。文宗以軍務焦勞。故恆數日不宿宮中。那拉氏尙未之疑。及聞二王肅順用事。知帝意向。因使小黃門時通殷勤於三人。旣而知肅順最有才爲帝所傾向。乃愈注意。肅順每退。值必有小黃門獻贈荷包食物。諸事云西宮所賜。問先生勞苦。久之肅順益狎視。那拉后以爲出身微賤。且佻巧多心。計彼方仰己鼻息。不如因而箝制之。又恐其恃有子將爲己禍。時乘間言於文宗。謂那拉膜視其子。但圖一己之娛樂。致使幼子罹病。尙不存視。文宗察之。信乃命以穆宗付怡土。福晉代撫育之。怡王者載垣也。然肅順實心惡那拉之佻達。而非有毒害儲貳之心。蓋載垣本其黨羽。若欲甘心於皇嗣。固易如反掌。而怡王福晉且實甚愛穆宗。其後那拉

太后知之。竟不殺肅。晉以報其德。其事可證也。推肅順之意。欲離那拉后。母子以備他日滅殺其權。故出此下策。而不知那拉之卽據是爲罪狀也。然此時那拉后雖知肅順能作威福。尙未敢怨。咨但竭力媚之。不肯稍懈。無何那拉后聞文宗修圓明園。以爲己必入居。因竭意運動肅順。令爲己之位置。勿使東宮獨承恩眷。且求將穆宗給還。願盡心撫育。文宗俱不允。蓋肅順以言阻之也。文宗有寵妃某某氏者。那拉后故忌之。因賄肅順。令爲己去之。肅順調之曰。吾須得面后。始可畫策。那拉后允之。乃私召肅順入宮。肅順態極倨傲。那拉后不以爲忤。媚之如故。肅順頗狎侮焉。后雖容忍。然心惴惴焉。恐文宗之知也。旣而文宗居園。僅挈某妃等。而不及己。遣心腹小監崔某探之。崔某與肅順寵僕四兒善。一日肅順怒四兒。詆而挾之。四兒怨懟。適崔太監至。乃佯笑曰。西宮亦甚愚矣。以此事謀於我主。何異與狐謀皮。崔監怪問之。具以四春之實告。且曰。我主固無日不以傾覆西宮爲事也。西宮之愚亦甚矣。崔某大驚。急歸告后。后卽遣崔某往園探之。果有其事。后泣曰。使肅順得志。吾族尙有噍類乎。自是以崔某爲心腹。日偵肅順舉止。凡一言一動。無不走報。后因得盡知。肅順毀己狀。一日文宗聞那拉后有疾。凄然

念舊親往視之。那拉后因泣下。踞請一見穆宗。而後死。文宗大不忍。慨焉許之。又問所苦。那拉后泣曰。獨不得常奉恩光爲耿耿耳。文宗有漸色。旣而以爲那拉后婉順語之。亦不妨乃告以園中幽靜。頗合修養。但適召漢婢數人。卿能相容乎。那拉后驚踞曰。陛下何出此言。陛下獨不憶毓慶前殿推轂之語乎。妾雖涼德。何至爲陛下見疑。若此。毓慶云云者。那拉后曾於誕子後。薦一宮婢侍帝寢故也。文宗頓觸舊情。乃立命輦載。那拉后入園別闢一院居之。名曰天地一家春。事旣定。然後語肅順。肅退而告二王。橋舌不下曰。夫己氏之能力雄偉。若此。吾輩不先之。必爲魚肉。遂力勸文宗勿以嗣子畀西后。且請迎東宮居園中。將以箝制那拉后也。無何。英法聯軍逼天津。入白河。至通州。其勢岌岌可危。文宗溺情聲色。日周旋於四春之間。不復有決斷國事之能力。遂致與二王肅順等亦希召見。而那拉后入據園中。頗假借詔書名義實行其謀畫。至聯軍圍城時。那拉后遂乘帝之宴樂。手奉一擬成之詔旨進之。詞極嚴厲。責諸統兵大臣決戰。近畿州縣整團阻截。懸賞殺敵。文宗已無意審辯。遽命行之。旣而寇氣益偪。衆有議遷都者。那拉后大反對之。文宗以謀諸二王及肅順。二王請幸遼瀋。肅順曰。不如熱河。熱河

本爲秋獮之地。每歲當狩獵於此。是無蒙塵之名。而有避禍之實也。且洋兵自海上來。能至津沽。京畿亦能至遼瀋。獨不能往熱河。蓋熱河固因山爲阻。外兵所不敢深窺者。吾已遣人相度地勢。迅築行宮。爲久居計。願皇上速斷。文宗尙未決。是夜宿牡丹春院中。烽火已及西山。文宗倉皇欲挈四春俱遁。那拉后止之曰。不可動也。陛下一搶攘。則大局搖矣。盡少鎮之。文宗意猶豫。潛出問軍機。而二王及肅順已駕御輦待命。肅順前奏請北幸。文宗不得已。遂從之。或報於那拉后。后乃命人執四春盡殺之。奉東后俱北。追至行在。已遲二日。云肅順聞之曰。禍水至矣。設不早爲計。吾輩他日之運命。有不在葉赫女兒之手。中乎。是時文宗因行幸倉猝。大受驚恐。染病頗重。二王引肅順相謀曰。上疾恐不起。設不諱。吾輩將奉梓宮返京。而後嗣皇卽位乎。抑於此先卽位。而後奉梓宮以歸乎。肅順曰。京中彼黨衆多。奕訢等將與那拉氏聯絡。則其勢難圖。不如在此卽位。繼登極。詔而下者。首除奕訢。次及夫己氏之姪榮祿。然後再圖不難入。穀也。雖然。今若遽離母后。措詞極難。吾意不如先得那拉后之同意。而後隨時爲變。邊作步步。換營之計。二王不然曰。吾輩安可乞憐於夫己氏之裙下。肅順曰。否否。吾已探得皇帝之寶。

璽在彼手中。設不得此吾輩。雖下詔京內羣臣不信也。二王曰。欲求此璽。當奈何。肅順曰。當由王及福晉親送嗣子於后。請后主持保護。幼主求彼出寶璽佩之於幼主之身。而王及福晉敬拜之。許他日奉爲母后。彼若不肯於此卽位。亦無不可。曲從。但令有此璽。佩于幼主之身可耳。怡王躊躇曰。吾奈何爲彼葉赫女屈膝。僅令福晉往。何如。肅順曰。不可。王若偕入吾輩。卽當奉詔召王出第。皇上有旨命王負幼主入見。則璽可攬得矣。不然福晉雖入。終不能出。雖往何益。怡王聞言猶豫良久。終不肯屈於那拉后。而文宗召三人入侍之旨至矣。怡鄭二王倉皇入肅順猶思斡旋。將賄通內侍乘夜竊璽出。無何朝旨復至。聞帝疾已大漸不復及待。乃入至帝宮急擬詔以怡鄭二王及肅輔政以領班一入監國。意卽指怡王也。呈上署字施行。聊借補救。顧此時后妃以大臣入對。例皆迴避。倉猝欲求那拉后問璽。綬不可得。令內監持詔求之。那拉氏厲聲曰。未聞皇帝有旨。此詔詐也。及怡鄭二王親問之。那拉后謙遜有禮。以爲璽綬倉猝遺落宮中。若命內侍謹慎者。往必可得也。因薦安得海者當其任。二王許之。旣而久不至。肅順聞之曰。殆矣。彼遣心腹通密訊於奕訢等矣。二王曰。然則奈何。肅順曰。惟有虛張聲勢。奉

梓宮回京而後即位。且先遣兩宮太后回京。以迎梓宮。吾輩即囑衛兵於中途了之。蓋其璽綬仍返此間。下詔即位。一方面遣人收奕訢事。或可濟也。計已定。乃暫以空詔命三人等爲贊襄大臣。姑抑輔政之語。安得海偵知之。遂一面請奕訢派兵出古北口相接。一面報告榮祿。令速以兵捷趨及衛兵。使其勢足與之相持。於是二王及肅等奉梓宮緩行。日盼捷書。璽綬之至。乃愈緩。而那拉安得海等愈得計。蓋不數日而已入古北口。爲奕訢之兵所歡迎而去。二王僅得兩宮二次敬問。梓宮安否而已。肅順大驚。作楚項羽語曰。漢殆已得楚乎。是何楚人之多也。

三人於途中截却璽綬之計。既失敗。則不得不爲最後之補救。其計惟何。則俟於梓宮入京時。毅然以監國輔政名義宣布。當衆大臣前。令太戶用璽則垂簾之邪說。可以杜絕。而那拉后之陰謀。措手不及。施事可大定矣。於是以五十日之緩行。安抵北京。而兩宮已於四日前引領以待焉。那拉后遂以秘密會議得最後之解決。引恭親王榮祿爲之輔助。於奉迎梓宮後。即面請二王撤銷監國名義。蓋祇承認其贊襄之職務。而職務之限制。以梓宮抵京爲終止云云。此語決斷明了。絕不留磋商之餘地。是日肅順先謂

怡王曰吾等之第一着已錯若求最後之勝利勢必借重於強權彼等先行抵京其謀業已深固方且挾先聲奪人之計當場有所發表吾輩若欲救死不得不制以強項之對付自非立擄奕訴逼那拉氏出宮不可怡王曰彼婦女有何權力奕訴少不更事執之固易易耳子胡自餒若此肅順曰非此之謂也彼藉內監侍衛等勾結完密欺吾輩久不在京一旦鼓衆相凌設非有備其何以制勝鄙意須廣集侍衛兵丁伏於行禮之帳外一切軍械布置如臨陣狀設語不合卽可以鼓掌爲號立縛奕訴付法幽那拉氏於永巷卽以挾主奪璽謀危社稷布告天下其結黨營私覬覦垂簾破壞祖制罪狀固章章具在也此事宜速用辣手出之否則必爲所魚肉怡王曰卿言固是昨宵那拉氏竟遣人關說謂能以垂簾事提議者當令吾輩三人入軍機如故吾面斥之謂吾乃先帝顧命大臣監國之詔墨藩未乾豈容有牝朝女權之事先帝付託至重密詔預防武墨之禍彼氏生死出吾掌中顧敢以此相嘗試乎遂執使者馘其耳而遣之矣雖然吾意終不爲首禍伏兵劫璽使彼等有所藉口則吾輩堂堂正正之舉反成玷瑕吾輩何爲迫不及待若是不如於行禮後當衆官宣布大行遺詔從則各令復位如故不從然

後除之未爲晚也。吾意決矣。肅順猶欲爭之。怡王已命駕赴禮所。且挈幼主與俱。肅順遂太息而下。至行禮畢。怡王正令幼主中立。將宣大行皇帝遺詔。那拉后若爲不知也者。卽從容正色以太后之名義謝。二王勞苦繼續之詞。卽請怡王銷去。監國之名。二王之贊襄大臣亦卽罷免。怡王聞之大爲愕眙。抗聲爭辨。肅順暗掣其衣。欲令不露聲色。然已無及。那拉后遂以冷峭之聲答之曰。爾既有權。且看後來其意。蓋恃衆心之傾向。且伏兵已徧布也。肅順知勢不佳。急起欲遁。那拉后退出帳後。立傳命收此三人。卽執怡鄭二王於帳內。肅順亦於帳外得之。怡王至此始大悔。願出金十萬。至三十萬。遞信與其部下衛兵。不可得。肅順更益以五十萬。左右莫敢應。而那拉后以璽書飭宗人府嚴行審訊之旨下矣。越三日。二王賜自盡。肅順斬立決。臨刑。肅順顧怡王。喑叱曰。不聽吾言。致有今日。遂令牝后得志。流毒天下。不及三十年。吾見太祖太宗之不血食矣。那拉后命秘其語。且餘詞甚穢。羣臣不敢傳之也。那拉后知肅順家頗富厚。盡沒其所有。且以其妻妾賜披甲奴。曰。彼能獻人子女以媚人。吾卽令彼妻妾食其報。蓋報四春之怨耳。又當時諭中有云。御史董元醇條奏皇太后垂簾等事宜。載垣等非獨擅改諭旨。

並於召對時。有伊等贊襄朕躬。不能聽命於皇太后之語。衆始知三人實反對垂簾。最力。董君謂垂簾大非祖制。惜當時羣臣惕於三奸之誅滅。不敢少抗云。

拳亂撫談

庚子之役。拳匪由山東界竄入直隸境。以端王剛毅等之主。張延入京師。而大禍作。然初猶騷擾京津間。未至蔓延直省。各地自裕祿逢迎上指。拳大師兄張德成入署。於是各邑各鄉之狡悍土痞。聞習拳可以獲富貴。則明目張膽公然於通衢設壇授徒。外則符咒誕慢。仇視外人。內實借端劫掠。操戈同室。有司不敢詰。又因魯境內爲袁撫所扼。彈禁極嚴。遂相率以鄰國爲壑。其初率黨橫行鄉曲。擇肥而噬。迨土著搜括垂盡。乃循禦人國門。殺越取貨之慣技。肆毒行旅。有曹某者。本胥役。以事革。卯賦閒。無俚日。與惡少年飲博。椎埋無所不至。衆以其狡黠。且習知官吏內容也。推爲大師兄。曹某乃宣言於衆曰。南省人沈迷於洋鬼之宇下。服其魔藥。不知中國古道爲何物。故拒絕我等神兵。山東以南都洋鬼之魔窟也。此輩作官者。挈眷居京。甚多一聞神兵起義。自知罪重。天地不容。於是紛紛南竄。欲歸魔窟。以受洋鬼之蔭庇。吾輩本宜仗劍斬蛇。直搗鬼巢。

因北方部署未定糧餉未足尙須展緩數月與魔軍帥袁某一戰然後可以濟事今宜先用截留接濟之手段凡官吏攜貲挈眷南下者無論官級高下貲財多寡一概截取以充糧餉其人口則或收爲先鋒兵隊或殺以祭旗總之務使不放一人越此邊境則南中無接濟其力自弱洋鬼無漢奸相助亦必失勢而我軍衆勇糧足彼鬼軍師袁某復何畏哉宣令畢拳衆咸大呼萬歲於是自津沽至德州之間荆天棘地白晝殺人矣予戚章某及汪某俱京曹官兩家同爲寓公同居一宅章有老母年已七十妻妾子女十餘口家故豐於財蓋藏頗重汪亦有妻妾子女積貲不及章而亦小康拳禍既作京中風聲鶴唳一夕數驚章以母老處此危城中大憂戚至廢寢食亟謀奉母避居津沽顧親友自津沽來者俱言洋兵攻打砲臺朝夕且失守居民四竄險象章扼腕曰津沽亦非乾淨土也然則非回南不可正擬攜部署閒而中旨驟下凡京官擅自離職及挈眷南下者崇文監督及各地地方官查明扣留貲產充公本身逮問治罪三品以上官尤不應以身試法切切毋違等語章故三品京堂也在專制朝大義士人出仕以身許國不顧私親今君國危急之秋既有職守自不當先去以爲民望章自命君子人平居砥

礪忠孝常謂一旦臨大節願以一死表忠貞激勵薄俗加以朝命如彼焉敢冒天下之不韙徇私恩而背公義然母老矣終不忍坐見演此慘劇忠孝勢難兩全躊躇再四寢食俱廢汪知其意因請曰君以職位較高業已受國厚恩義難忽然先去若僕者則無足重輕之官鈔胥走卒所爲耳吾將挈眷南返君爲老母計憂之至忘寢食吾之於君義猶手足安忍坐視不爲分憂君第以此役付我我自能奉君母致之桑梓或暫避滬濱俟事平君南歸或更此上聽自酌之可也章躍起九頓首以謝曰吾不敢以吾之私親重累君耳意已盤旋特未敢宣諸口今承君自請風義誠不讓古人吾不辛終鮮兄弟惟我與爾本瓜葛又相契今直以屬毛離裏求君矣君誠至性人吾敬以老母以下累君此恩德非言語所能報也汪慨然義形於色直任不辭乃東裝戒途僞爲商人以免查詰凡器物衣服稍涉西式者或新範製造者俱不敢挈之行且多服布衣褐屨以掩富貴之迹既抵津沽咸相慶曰自此三日程趨過德州入魯境可安然抵家殆必無患矣蓋途中屢遭拳匪阻難咸以質樸狀免禍謂此家服用多土裝必非二毛子也在律留一日拳匪往來甚夥或覬覦箱篋之重時時窺覷顧其時以裕祿優待拳衆自以

爲既受尊禮。當知自愛。故時揭保護。行旅之職。不肯公然仿盜賊之行。爲雖或間有劫掠。必有華煥眩人之標的。方假私用洋貨之名。以截奪之。否則逢人倒篋。翻箱恐妨名譽。尙有所不宵爲也。而於是汪君乃獲倖免。不知其禍根所伏。足召前途之慘痛者。亦正坐是。

此兩家避難之眷屬。除章母與汪外。有章妻妾各一子二女。三汪妾及子女各一婢。僕三人。分乘大車七輛。行李附焉。將至滄州。僕忽前報曰。聞逆旅人言。前途拳衆甚盛。且截留南下之行旅。無得免者。勸吾儕不如姑留此。以深消息。若果信何必以全家入虎穴。若其不信。更行未晚。汪允之返。則言拳衆劫人事信。且歷言某方某官眷屬被劫狀。以實之。汪尙猶豫。繼見僕與逆旅主人耳語狀。至可疑。汪旋呼僕入。更詳詢探事情。形僕意似怒。主之不信任。且言事已至此。主欲冒險。則請去奴輩。實不敢從。正語時。逆旅主人亦入。僂語力勸汪勿冒險。汪性好逆。億疑僕與逆旅人朋比。請留。或懷他意。因決意欲行。曰。吾一日可至德州。奚爲留此。若彼須查詰者。吾行李中實無洋貨。可啓視也。僕曰。此間義和團非津沽地。比彼不僅挑剔洋貨。且須扣留人物。行旅爲所困者屢矣。

主奈何。固執不信。若必以身嘗試。則奴恐不能爲主分憂。蓋彼義和團。輒驅所得行旅。爲先鋒。是何異送命也。汪知其挾制愈憤。憤曰。爾不往。亦可。吾當別覓一僕。以行。復曰。吾知爾意在宵家。然胡不直言。必如此曲折。以欺人耶。蓋僕固景州人也。家去逆旅甚近。僕見汪有怒意。遂不敢辨。但云誠願請假一視吾母。汪曰。何如。吾今給爾工資。可速歸。母以危語恫喝人也。僕既去。汪囑逆旅之人。另雇僕逆旅主人知汪疑已遂反其言。曰。如公者。並無洋習。誠不害彼實欲歸視母。乃欺主。明日公行。吾必能爲公覓一幹僕。汪乃獎勵之。令卽日雇僕至。備明日雞鳴卽登程逆旅主人唯去汪。又往縣署索護兵四名。遂膽壯爲明日曉行。計謂章母曰。僕之不忠。一至於此。彼自欲視家。乃百計截留我等。彼假吾資斧。以至此計亦巧矣。乃更欲我儕辛苦以待彼。其狡黠不可誅。耶衆咸譽僕之欺詐。無何逆旅人送一僕至。頗朴愿。汪曰。雖拙亦佳。巧者輒弄人。固不如拙也。晚戒婦孺令早寢。曰。明日須以雞鳴行。晚卽可宿德州也。衆咸遵教。及中夜。章母忽作喘。章妻妾俱起。汪亦不甯。擾攘達旦。行期既誤。遂延一日。及晚。章母稍爽健。喘亦遂止。汪請更休息一日。章母曰。否否。此百里程爲一難關。宜早過。勿以吾一人故致彼等。

皇皇也。吾今夜如無恙，必可成行。吾心在此，亦滋感反，不若登程之快慰也。汪謹受命。以俟。夜中，母不復喘，乃戒僕馬，蓐食登車，沿途覺有指而目之者，曰：「此一宗好買賣也。」比曉，常見有人至車旁，探望新來之僕。復時與人接談，汪疑之。然亦無如何，因戒章、妾及己妾、又章二女及己女俱坐布圍內，層勿探首外視，蓋恐冶容誨淫，益生意外之虞也。豈知肘腋之旁，大有人在。個中消息，纖悉皆知。汪殆無異引狼入室矣。

車行輾轉，礮石上過，傾側者屢爲狀。至鈍緩，無何來窺視者，漸多。汪命速驅，將日中，忽前途數十人阻去路，曰：「過大師兄壇，前須盤查。」汪乃坦然下車，言並不攜洋貨。且大半係婦孺，請免檢，以保體面。一壯男子以巾纏首，衣紅衣，有八卦形，執刀而前，狀頗凶猛。大言曰：「子京朝官乎？」曰：「否。」係商人，曰：「原籍何方？」曰：「江蘇。」曰：「然則與洋鬼通氣久矣。恐有藏匿，且往南方。」必勾連洋鬼，衆速檢其行李，并扣留其一切人等。憑大師兄發落。語未及答，數十人一擁而前，輿夫已舍車而去，不知所之。汪乃踴躍，壯男子勿驚，老母行李一任啓視，衆亦不省。凡事中婦孺老幼，率一一牽出，哭聲大作，慘不忍聞。汪亦不暇顧及其他，但扶章母以行，彷彿見己妾及章女爲三人曳去，曰：「此美人當獻大師兄，必獲。」

上賞。又有吐舌驚歎者。又聞竊竊私議曰。商人安得有是。必京朝大官。彼誑言罪當死。於是。有以刀背擊汪者。汪肝腸摧痛。暈絕者。屢知力爭。必無幸。姑扶章母入室。以觀其變。時章母色變。身顫。淚如綆。縶不能成語。曰。果……遇……此……奈奈何。汪曰。是吾不信。僕言。遂至於此。頃見新來之僕。助彼輩運箱篋。乃實同黨也。吾負好人矣。顧視所立之室。乃一土壁。翦茅所成者。狀至穢陋。有二人執刀立門右。係防守者。時章母已仆於地。卽地上倚壁坐。汪亦從之。章母曰。君伴我無益。不如覓大師兄。求其釋放。汪覺其言甚。是乃起欲出。執刀者阻之曰。子尙得自由行動乎。少頃。大師兄自能召爾。此尙非其時也。汪乃倚門而立。微聞後室有呼號聲。甚慘。締聽之。則已。妾與章女之聲相雜。少選。聞一聲尤悽激者。則已女也。章母亦聞之。以頭觸壁曰。吾死於此矣。遂暈絕。喘不能已。汪力扶之。良久。似已不醒。汪乃奪門欲出。謂母已死。須告大師兄。執刀者欲殺之。汪延頸就戮。不之懼。曰。死則同死耳。何作態。向人正搶攘間。一人傳大師兄命。請入見。遂率曳至一處。設壇燃香。烟霧繚繞。見已之眷屬等俱踞地下。不忍視。大師兄南面高坐。問爾何官。汪矢言。商人。非官。大師兄曰。卽此一端。爾已死有餘辜。爾女乃聲明爲朝中。

大官爾復誑言以欺我耶。又指地下示之曰：「凡誑言者，吾已治其罪。」爾試視之。汪一回顧，則章長女橫臥地上，血泊如罽，一臂已失，其腕知拳黨奪取金釧所致。謂誑語者僞也。時汪猛憶頃間最慘之聲浪，欲覓己女，則已不知所之。蓋女膚色如玉，暫復目加金鏡，必爲拳衆所指目，故得禍亦最酷也。復見一婢扶章妻跪壁隅泣不成聲，獨章妾北人顏色憤烈，怒罵不已。拳黨竟割其舌，猶嘆血喃喃頃之仆地矣。汪太息稱善，乃復不悲。大師兄斥之跪，亦不應。大師兄笑曰：「爾自作孽，尙不知懺悔耶？」當令爾目擊全家死狀。而後死更縱爾婢歸語爾親族，俾知爾之作孽受罰也。汪怒目視大師兄，不復作答。大師兄曰：「吾知爾怙惡不悛，必無懺悔之望，令爾視吾代天行罰可也。」乃命其徒舉刀殺章子及汪子，復殺章幼女，呼號聲徹心肺。汪躍起，奪刀欲砍。大師兄左右擁至，汪刀不敵，傷拳徒一人而刀已墮地矣。無何汪已就縛，兩拳徒夾持之，忽汪妾號哭而起，求大師兄爲之脫罪，否則願殺己以代汪。大師兄笑曰：「吾偏不殺爾，頃之所以令爾跪者，欲爾懺悔洗心，禳除爾夫之穢惡也。今乃知爾心跡實好，速去勿畏死。吾自有處置，任爾吃着不盡也。」汪笑大怒，躍起欲奪刀，自刎。大師兄命徒衆牽往後院，勿聽出。汪未死時，

猶聞哭罵聲也。徒衆將推汪出室。汪哀之曰。願一視老母而後死。大師兄領之曰。此亦孝心。倘平日能如此甚好。可惜死在臨頭。爲善已晚矣。汪怒罵曰。惡魔。爾何知孝。意生不能擊。此亂賊死必爲厲鬼。以搏汝。吾見汝之不出三日。卽爲官軍所盡。粉耳。大師兄曰。此人惡根未除。甫有一線之明。便又作惡。殆萬不可赦也。爾等姑令一視其母。然後行刑。吾許之矣。衆乃擁汪至前室。見母猶倚壁坐。兩目眶中含有淚痕。然撫之則已僵矣。汪大哭曰。吾受章兄之託。不幸遇此惡魔。身陷至慘極酷之地。不能自脫。力難庇護老母。使此白髮高堂。猛遭慘死。命也。雖然。吾罪大矣。不能見機事。先負氣急進。輕陷危地。死不足以蔽辜。嗚呼。兩家眷屬爲吾一人葬送。吾則已矣。章兄之仁。明有德亦罹此禍。尙得謂天道有知耶。已矣。吾累章兄。吾不意乃死於此。語未畢。拳衆以刀背擊頸。促行。忽章妻亦號啕至。呼曰。吾姑已死。耶。吾何生爲。且哭且罵。頗不似前之異懦。蓋一則激於章妾之義憤。一則痛於姑輩之慘死。以爲等死耳。畏蕙徒貽人戮笑。曷不痛詈此惡魔。抒我鬱憤。彼小星者。猶差強人意。況吾爲命婦耶。此念一橫。遂有刀鋸在前。鼎鑊在後。談笑而就之。氣概拳衆亦甚訝此婦之忽。毅忽勇。但不忍其訴。遂以刀柄築之洞。

賴量絕此時汪之一家惟存妾及女女不知所在章之一家則惟章之次女與汪妾尙存後院求死不得而汪則爲拳衆簇擁出門先剗衣服次乃令跪汪植立不動以刀柄築腰斷仆於地刃數十下不得殊雖繪地獄現象無其酷也

當大師兄命縱婢令歸語爾親族時拳衆果釋一婢婢方抱汪幼子卽妾所生也拳衆方令以子付後院意汪妾尙在大師兄或宥其子婢乃得乘間抱子而遁婢年十五六北人也識前僕乃輾轉求人導往僕家僕憾汪欲鬻婢婢呼於衆有某甲者鄉之奸義人也聞之數僕之罪而斥之因事至京親往訪章時聯軍在京中尙安靜章亦閉門待死無生志以爲母得免則心願已畢也無何某甲與婢及汪子款門入時距汪之死已月餘章驟聞其事如宣告死刑精魂爲之殭木哭不能或聲久之乃頓首謝某甲之惠并謝婢之存汪孤婢泣曰吾不能再抱一阿舒以出吾之過也雖然兒心碎矣阿舒者章之幼子也章曰此尙能責爾耶且汪無端遭慘禍天憐而存其孤宜也此中有鬼神焉因問婢以當日死狀一語一淚凡三日夜而畢婢所見者蓋較予所道綦詳章後亦不忍言予故不忍更述也惟章長女事及汪女所在婢能知之且亦嬌嬌可傳予故又

不得不言。

章長女初爲人所牽曳。卽憤然絕裾。不聽牽者。疑其欲遁。出索縛之。長女曰。毋庸。吾必不遁。但爾輩不許近吾身耳。牽者初畏其鋒利。稍稍意却。忽髮爲索所亂。乃舉手整之。腕間燦然作黃金色。牽者遂捋其臂。欲取得之。實無意於狎汚也。章女疑其欲辱。厲不聽。近牽者怒。乃舉刀戮其腕。取釧去。或牽其尸置壇下。故汪見之。又汪女貌至美。喜加目鏡。其匡金也。拳衆不知其質。金以爲奇珍。爭欲取之。復憊其美。頗有獻媚。大師兄意有惡少年某者。大師兄弟也。爭攘臂曰。此粲者。必與我尙無室。吾兄且數十婦。胡不公平。若是速與我大師兄若詰問者。卽以吾娶爲婦。對可也。衆不敢爭。惡少年遂獨攫之。汪女聞言。知且不免。乃驟起。奪惡少年刃。向頸刎之。血溢而仆。惡少年亟抱持之。則噴血。嚙其面。目光如炬。惡少年驚悸遁去。大師兄卒未知也。其慘毒如此。章後往其地。覓諸人尸。不復可得。或言有義士掩埋之於某村土墩下。乃封樹之。終身素服。不再娶。旋納婢爲室。舉一子。愛汪子如己子。今長成。出洋游學矣。章每爲人談。事未嘗不流涕。椎心也。

三大吏別傳

三大吏者。荆湖節帥鐵道總管劍南節帥是也。先是鐵道總管曾巡按荆襄間。雅有風度。地近峴山。常以羊叔子緩帶輕裘自況。自謂無他嗜好。獨好集古今名人書畫真迹。及古器金石雜玩。有歐陽文忠之風。天姿敏悟。間能作小詩。短簡力摹宋元。身本貴胄。清制右滿。以總管清才騰達。益易不旋踵。即督兩江。於是益得肆其搜集之力。銅官山古碑景陽宮胭脂井闌俱輦致精舍中。供其摩挲。兩江固劇鎮。士大夫風流文采照耀江表。常爲天下先得此好。古右文之賢大吏不勝知己之感。各出其所世藏。或向所未見之奇珍。以獻於衙齋。以爲公壽。至室不能容。乃築室於鍾山之佳勝處。連檐接棟。班布駢羅。常於春秋佳日。小隊出郊。攜酒看花。卽約二三賞鑑之士相與考訂。款識判別。眞贋講論。同異欣然。命酌至薄。醉顧而哈曰。物常聚於所好。常得於有力者之強。不其然歟。於是衆僚爭以歐陽名位相諛頌。不敢及桓玄與王涯也。顧其時朝政不綱。新法又無效。民權革命之說盛。東南風氣早開。提倡尤力。總管自命既高。與賢士大夫游未嘗聞此謬論。則以爲叛逆。又以己本滿族。與朝廷同休戚。革命何事可姑容。且自謂。

忠。盡。爲。雅。有。古。大。臣。風。於。國。事。防。微。杜。漸。不。遺。餘。力。於。是。矢。志。殲。此。徒。黨。務。絕。根。株。廣。攬。鉤。距。吏。才。偵。探。告。密。日。數。十。起。案。牘。必。躬。自。披。閱。主。張。刑。亂。國。用。重。典。鞭。笞。刀。鋸。無。所。不。至。其。幕。僚。語。人。曰。吾。公。今。之。季。文。子。見。無。禮。於。其。君。者。誅。之。如。鷹。鷂。之。逐。鳥。雀。也。由。是。戮。黨。人。益。多。而。黨。人。怨。之。亦。益。甚。顧。性。實。異。軟。聞。黨。人。將。有。荆。軻。聶。政。之。事。輒。掀。髯。曰。使。老。夫。得。爲。祖。龍。環。柱。而。走。豈。非。大。名。由。是。傳。流。耶。然。外。示。鎮。定。內。實。惶。迫。先。戒。屬。吏。非。確。在。本。省。有。差。事。者。概。不。接。見。若。遠。來。親。朋。則。由。謁。者。詳。察。然。後。核。定。去。留。又。恐。署。中。人。繁。奸。匪。混。入。則。自。轅。門。以。達。寢。室。皆。設。屬。稽。查。有。可。疑。者。則。付。法。司。鞠。問。其。署。中。執。事。人。役。悉。以。銅。製。圓。符。爲。號。身。無。符。或。號。不。合。者。不。聽。入。且。付。獄。吏。江。南。人。風。多。輕。狡。信。訛。言。聞。主。帥。戒。嚴。則。闔。屬。皇。皇。若。有。大。敵。在。肘。腋。旁。互。相。風。說。謂。有。某。某。黨。人。徧。布。長。江。上。下。游。將。於。某。日。舉。事。某。狙。伏。某。處。將。俟。大。帥。出。而。擊。之。事。爲。總。管。所。聞。則。益。危。悚。日。匿。署。中。不。見。一。客。雖。平。時。素。稔。之。僚。友。亦。必。再。四。求。得。來。見。之。由。始。許。延。入。密。室。三。四。語。卽。託。故。徑。入。由。是。疑。神。見。鬼。日。夜。不。甯。而。大。好。集。古。之。精。舍。足。跡。不。敢。越。雷。池。一。步。矣。一。日。有。年。家。子。來。謁。總。管。以。其。在。都。時。晨。夕。過。從。也。遂。納。之。語。次。頗。

及時事。其人慷慨多才。率臆抗辨。口若懸河。總管已膽懾。恐其近日宗旨不純。或受黨人蠱惑。意欲辭使。去時天氣驟暑。衣冠之會。揮汗頗苦。年家子將取聚頭扇以解此圍。向衣囊中盡情摸索。總管以爲來欲害己。是必出手鎗無疑。於是大驚而起。向內狂奔。狀若見怪。年家子不知所由。瞠目無語。久之不出。始獨逡巡起去。後遂不復得見。繼乃知其底蘊也。傳爲笑柄。然禁網森嚴。黨人亦遂無可措手足焉。總管喜甚。以爲果有弭亂之術也。是時所謂荆湖節帥者。方爲滬海關監察。亦以搜捕黨人爲能。恆稱頌總管曰。爲封疆大吏者。不當如是耶。未幾荆湖節帥與鐵路總管相繼入覲。各有所營。那拉后嬖閹李蓮英氏方用事。以總管頗沾染書生習氣。好自命清流。不喜之。而滬關進奉獨多。意存左袒。荆湖節帥遂數遷而巡按矣。及那拉后與先緒帝相繼崩逝。總管方閒散。居輦下。與名流詩酒酬酢。結社相高。每佳期會。集假名園。敷坐具。潔飲饌。賦詩鐘盤。恒永日。都人士無不知滿洲有才子也。會帝后奉安大禮梓宮出地安門。儀注赫濯。迤迤迫崇陵金玉寶器如市。傾城縱觀。凡受職二品以上者皆奉差。或伏送甚恭。無敢戲。渝總管雖居散秩。然以疆吏之後。受恩深重。禮當敬謹。將事先一夕。總管集某名士書。

齋觴詠之餘。偶談奉安事。某名士曰。此事朝廷鋪張甚。至南方諸友多苦不得目擊。若有用西人攝影術。取其真相以餉同人。其歡迎當不在風景名勝下。且吾友某太史將編撰奉安紀事。以此攝影弁之。簡端亦至足珍也。總管躍起曰。此事非吾不能辦。以內廷奉差者。皆吾姻戚故舊也。明日吾本與恭送事。若曹但令攝影人隨吾往。必可如命。諸社友俱喜甚。靜候總管之好消息矣。總管既歸。乃遣人謂某監及某金吾。此大禮爲國人所注目。吾將攝影以餉同人。幸勿叱阻。某監等皆允之。不知此某監者。曾挾總管不肯重賄之嫌。又忌其曾有清名。與文人學士論宦寺之害。事爲各內監所聞。又聞朝旨將有簡放荆湖節帥之事。若不假事齟齬。恐大宗生意又爲彼破壞。殆盡乃密謀俟彼舉動可白於總揆某公。及某貴人。蓋總揆某公亦深不以總管之自命風流爲然。曾命某黨徒諷察之。得聞其非刺朝政恨之刺骨。惟以某某外戚之袒護。投鼠忌器。遲遲尚未下手。閹宦探知之。故以此制其死命。翌日奉安儀仗曉發。百僚俱集。總管亦衣冠將事。惟挈一攝影人自隨。纓帽青衫。若僕役然。出地安門。凡梓宮有所停頓。無不出其具相對端詳。窺審衆見之。咸駭愕。蓋京師人心其視此等大禮。當伏拜甚恭。對之攝影。

則爲大不敬也。閹豎知總管方在指揮，乃走謁某貴人，且馳告總揆，俱親自覘之。信亟白於隆裕太后，言某如此，竟視大禮爲戲玩具。隆裕本以總管自命，過高，閹豎常翹舉其短聞之，大怒，立下嚴旨，切責褫其職，靜候處分。於是總管遂爲鍛詘之鵬矣。方總管以攝影得罪，正荆湖缺出時，某節帥既以幹練爲宮中所器重，且左右前後無不爲之延譽，至是竟以二十萬金得此劇任。總管嘗撫心而歎曰：「囊中物生，被他人攫去，昔人詠趙作山詩，謂『可憐一曲長生殿，斷送功名到白頭』。今予以攝影被逐，豈非較之長生殿更爲不值得耶？」於是閉門修省，不通慶弔者累月。而荆湖節帥則處囊脫穎，大肆鋒銳，且於搜捕黨人一事爲尤擅場。先是武漢上游黨人視爲地勢所必爭，其爪牙密布伺隙思動，以大吏爲目的物者，蓋無日無之。節帥廣布偵探，凡有形迹可疑者，一經捕逮，卽羅織榜掠，成獄輒行槍斃，雖多爲莫須有，亦所勿卹。朝廷屢屢傳旨嘉獎，以爲辦事認真防亂切至實爲諸疆吏冠。於是節帥之名譽鵲起，氣燄亦最高，常自謂吾坐鎮上游，革黨敢反側者，必使之唯類無遺而後已。政府貴人聞之，竊喜其有膽識，益加信任，且以總管書生必不能若此。公勝渠萬萬也。先是節帥未貴時，曾落拓遊上。

海飲博狎邪無所不至卒乃獲某名妓以其貴胄也傾心事之且勸之求仕宦爲之計畫甚周及挈往京師又詔事貴人妾爲節帥行賄竟得滬關道於是寵妾專房妾故老於滬滬之中下流社會情形無不悉且交際甚廣閱歷頗夥節帥之熟知滬事得力於內助者爲多妾亦以功成名立頗風流放誕每當夕陽西下御銖衣驅鈿車馳騁於洋場十里間者莫不耳而目之曰觀察夫人之行樂也性亦豁達節帥既貴內寵如夫人者幾踰齊宮之數彼獨處之泰然嘗笑謂人曰人生自有樂處何爲屑屑與鶯燕爭春耶於是聞者翕然賢之後節帥以秩滿入覲此妾竟以產難歿於京邸節帥哭之慟曰吾喪女子房矣當妾之未卒也節帥運動荆湖之缺甚力妾曰得之不難然吾聞革命黨多以此爲目的地君未遇時好與此輩狎今爲所玩禍發不旋踵盡姑謀京畿則威重易行也節帥然之然苦不得就浮沉踰年而妾死聞荆湖之有隙可乘遂賴忘妾戒矣至荆湖後黨人果甚盛顧念妾囑心惕惕然既而轉念曰吾豈遂無術鎮攝之用吾威權當不難使反側子自安也乃一意主用法嚴軍統張某者以奧援總戎機節帥亦託以心腹而其人貪鄙昏憤不能得軍士心軍士皆私款於黨人軍統廣用偵探隊日

捕一二睚眦者以報於節帥曰。此黨魁。此著名。某首領。秘密機關在某所。節帥以爲然也。張皇興師如臨大敵。沒其廬。逮其人。輒不問而就死刑。謂務絕根株。不嫌濫殺。且令民知所畏也。偵探深知此竅。則擇無賴客民之與彼有隙者。挾私報復。且卽係黨人。亦必非著名有權力者也。騷擾年餘。未嘗獲一眞黨人。而鶴唳風聲。窮鉤密索。固未有一日安誅戮者。纍纍實則肘腋之旁。熊羆之士。甚至所謂不二心之臣者。皆爲黨中要人。軍統微知之。而無可奈何。惟節帥則絕不知也。方且自謂威行法立。四境肅然。今日一摺明日一疏。無不詳其鋤奸除暴之得力。朝廷褒章屢下。赫然稱重鎮。節帥頗存驕滿意。公退之暇。輒以聲色自娛。後堂絲竹有過東山較之在滬時。多增新寵。其驕奢佚樂之狀。實武漢官邪之風所自昉也。先是武漢官場。本以淫樂相誇尙。其負幹練名而屢獲優差者。靡不豪華跌宕。紙醉金迷。當時有嫖界十大王。賭界四金剛。等渾號。及節帥初至。頗欲整頓一切。使官箴不至墮地。乃數月以後。忽戛然而止。自此遂不過問。有知其隱事者。則爲牀頭人所託持耳。蓋節帥自前知己之長妾死。鬱伊寡懣。乃薄游漢皋。寓物色佳遇。嗣果於勾欄中獲一紅拂。其人色藝既佳。復機警有知略。亟以八千金納。

之嬖之突過前妾節帥正室久虛從者皆稱此妾爲長夫人既歸京邸卽主持家事督率諸姬事事能得節帥歡凡游戲一切無不精妙設博局則長夫人典簫擊球蹴鞠則長夫人司令酬賓獻祭則長夫人居主位儼然敵體矣節帥亦言聽計從有魚水之樂長夫人嘗曰人生不幸作女子身不獲享受自由獨立之幸福天之酷待亦已至矣乃又有墮溷之花出山之草風塵淪落訴苦無門此中豈無名媛閨秀賢母良妻一經汚染不克自拔則儘人調戲等之牆花路柳而已苟遇有心人肯爲援手一轉移間未始不可超墨池而登雪嶺天姿自在晚節克終正如互鄉童子之入聖門又如放下屠刀立地成佛豈必絕人太甚哉吾苟得志必當懸十萬護花鈴爲此中苦女子造福方不令天地間有此大缺憾也節帥聞之笑曰此女顏回婆釋迦也挾爾許大志願那得不令人頂祝自是京津間之倡條冶葉苟有因緣無不輾轉求其庇護綽有女俠之名花界好事者仿官場頌揚成法贈以德政牌匾居然萬家生佛矣長夫人故寒賤爲人所掠賣隸樂籍往來滬漢間故尤不能忘情於舊游地及節帥雄鎮武漢長夫人筭珈象服胡幣胡天十年前之手帕交爭來歡功頌德長夫人一一與之款洽犒賜周浹有緩

急走訴鋤強扶弱井井然也。節帥欲整飭官方。大王金剛等皆稍稍斂跡。青樓中大受影響。或負累不能償。顛連困苦殊甚。有某名妓者。與長夫人昔日齊名而交誼頗篤。至是爲某大王所眷。大王旣爲節帥所察。勸將登白簡。於是某妓走謁長夫人。初訴相思之苦。繼述身世之悲。宛轉環生。聲淚俱下。終乃爲某大王緩頰。令已得一出頭地。長夫人惻然。閱之。銳身以魯連自任。某妓大喜。叩謝而去。長夫人乃諫節帥曰。苟其陽奉陰違。孰若爲之限制飲食男女情也。防於此則必洩於彼。且以此故。入人罪。與城門失火殃及池魚。皆非也。請自今有荒淫誤公者。罪之秘密。賣淫引誘良家有害風化者。則逐之。誅之餘悉不問。不亦獨持大體乎。水清無大魚。公不患不精明。而患不渾厚。心所謂危不敢不告也。節帥笑而罷。其後黨人有被發覺者。亦往往求之石榴裙下。輒得免究。於是武漢縱佚之風。日以寢盛。而一面之網。竟開於花街柳巷之間。世謂節帥用法嚴酷。誅黨人不遺餘力。皆知其表而不知其裏者也。會劍南節帥以荆湖接壤。恐亂黨旁擾。移文令加意防範。且私函諄囑。謀合力誅滅。以清亂源。荆湖節帥大表同情。答書結盟詞。意甚爲激烈。旣而劍南節帥命人勸訪其事。頗與答書不符。使者且據所見直陳。

力言其上下蒙蔽釀亂甚深情狀劍南帥大懼將遣書密規之參軍某君進曰此所謂無益於事而徒滋惡感者也彼方自謂能辦而我抉摘其隱事以揭假面具有不老羞變怒者乎且此事於彼則爲釀禍而在我們則爲蒙福傳所謂崔薄慶厚其故不大可思哉劍帥問其說參君曰彼若認真捕緝則黨人無所容不東入吳則西來蜀耳今彼外多嚴刑峻法治假黨人以欺朝廷實則真黨人有所容而於蜀庶幾緩圖此所謂蒙福也請大帥但自持嚴法以肅羣下隣境事置不問如何劍帥心契其言而止荆帥反日以鈎黨事布告蜀中欲聯合劍帥以務絕根誅爲言劍帥皆用參軍計以諛詛答之或笑置之不答荆湖意益驕以能吏自負視黨人蔑如也

無何中朝入大臣言勵行鐵路國有政策先收川漢粵漢而乘機一躍握三省路權之總樞頓免於投閒置散之苦赫然稱鐵路總管者則前日之滿清才子骨董大家也總管既拜命亦來駐節武漢雖無封疆之責而處處與方面有聯絡之關係又武漢係舊游地門生故吏接踵駢袖咸以竹馬重來爲頌而荆帥則以晚輩自居執禮甚恭總管掀髯笑曰川蜀吾畏友荆湖吾愛友老夫交通其間可謂左擁右抱矣蓋劍帥與總管

舊交而其人固武健嚴酷以幹吏著稱者也。於是荆湖僚友醵宴總管於江山勝處。主賓酬酢無虛日。詩酒風流猶是十年前狂態。一時傳爲佳話。顧是時黨人舉事之消息益急。機關日有所破獲。而其勢實未稍減。軍統張某專務炫惑。荆帥粉飾太平。諸僚屬仰承意旨無敢言者。惟總管頗覺之。引荆帥入密室告以外間所聞。且令爲備。荆帥談笑自若。謂軍統可恃而人言不足信。益日夜酣嬉淫樂如故。新納一姬曰美雲。飾之以見於總管。曰此何如。舊桃其狂誕佚樂如是。總管故異怯畏黨人。如虎聞噩耗心惕。惕不寧。殊不以荆帥之玩視爲然。施私於舊僚知黨人與新軍聯合。一氣將於某月日舉義旗爲期不遠矣。益惶懼欲設法引身去。議請旨往蜀勘路。適川民以爭商辦事集衆議抗拒。氣勢憤激。劍南帥出教壓抑。以軍警力強迫解散。衆情愈憤。至翕集萬人環署請奏罷或負德宗皇帝木主狂呼。請命黨人乘間指揮。勢大熾。劍南帥怒令衛兵持械縱擊。格殺勿論。誅戮數十人。代表倉皇北走。叩閣事益不可解。散總管聞之謂左右曰。川亂事發而禍淺。苟鎮以重兵。諭以時勢。不旬日可平。惟武漢機伏而禍深。一旦爆發。戕官劫庫自在意中。裏脅既衆。倉猝不可救藥。吾願入川而不願留此者有故也。遂逕

勳京朝樞府請令已率師入川以防亂劍南帥亦以孤掌難鳴奏請總管入川會勦於是總管遂以交通而兼軍政督辦而兼經略赫然振旅去武漢之幕巢而揚平蜀之高牙矣總管之去荆帥餞送於峴山舉酒以成功相祝總管愀然曰舍安就危吾不得已耳此行不知尙能相見與否因泣數行下荆帥竭意相慰藉且附耳曰公但屯資州以觀變勿遽入成都也吾聞黨人已悉赴蜀中其禍恐蔓延不已非一時所能底定以公才望平之有餘但劍帥夙以操切從事蜀民怨之甚必致死公待其時然後以計撫慰之蜀民必感激朝廷必以公代其位此所謂以逸待勞鷸蚌之利也公其有意乎總管歎曰老夫耄矣功名自有機會豈尙能與諸賢豪逐鹿哉往以君恩未報責任所在義不可息肩耳別後總管謂人曰某明於謀人而闇於謀己積薪厝火而猶晏然臥其上傷哉然吾終不敢忠告者則以某之小有才恐反招怨謗也行見吾朝出荆宜而叛人夕起武漢矣時辛亥七月杪也至中秋後三日而武漢果起事

先是有帥署衛隊官某者荆帥之心腹也於某處得黨人匿名函以告帥帥方挾寵姬與新姬作雀牌戲輕衫窄袖如蘇滬間浪子裝束謔浪笑傲其樂忘死某官不敢入乃

以介於某豔婢。婢不之理。曰：此何大事？不令主公齒冷耶？某官情急奔告軍統。軍統曰：吾已令部下捕得某。某機關數處當可無患矣。某官遂廢然。既而又有某僚知某晚焚攻節署之信。夜叩寢門欲報。荆帥復爲門者所阻。曰：大人方行樂。誰敢相擾？是夜亦不得達。次日黨人已起事。軍統等始倉皇告荆帥。奉之暫避。某軍輪僅挈寵姬及新納姬又子姪十餘人登舟。餘悉委之。聽其自爲計。是時烽火匝地。砲聲殷天。革命軍之勢已大昌。荆帥登甲板遙望。見之曰：是據蛇山攻督署也。又曰：是劫庫也。是奪軍裝局也。問其屬曰：是誰爲指揮者而能猖獗乃爾？或告以某協統。荆帥頓足曰：吾死晚矣。前日之秘密會議彼非赫然在座者耶？然則某軍統亦反耶？其屬曰：否。荆帥以手加額曰：賴有是耳。或尙有一線希望。既而探卒報軍統敗退。麾下強半潰。投革命軍大勢已去。無復可爲。荆帥噉然哭且言曰：吾受國厚恩而喪失疆土。誼當死。命姬妾具繩索以待。將投纒。寵妾進曰：此傳言耳。軍統尙未來。若果敗必至此。然後詢其情狀。定進止。未晚也。荆帥領之擾攘。竟夕忽侍者報張軍統使人齎函至。荆帥命取入視之。則言軍退屯某處。事已不可爲。公不如卽乘輪暫避。下游苟得手。公部署眷屬已定。卽臨軍指揮。甚便也。

荆帥以爲然。卽日將鼓輪東下。忽轉念。此已絕望。離守土。豈可復來亡國大夫。以何面目向人。遂立命停輪。正色言曰。吾當死於此。於是僚屬姬妾皆大驚。爭來勸慰。咸以抵滬。後圖恢復。爲言帥曰。爾等不與吾繩索。吾當赴清流。葬魚腹。於是寵姬牽其肘。新姬持其足。諸婢媼助之。而僚屬戚友防衛於外。不聽越艙門一步。既至滬。車馬已具。載之入前所治之別墅中。又托庇外人宇下。每日必得匿名函數四。詬詈索詐。無所不至。雖左擁右抱。慘然無懼。一夕。悲恨死。無子。姬妾據其餘貲。猶稱某公館云。

當武漢變起之時。亦正川蜀蜩螻之際。川民以劍帥用法嚴酷。怨之刺骨。衆相持不散。劍帥以衛兵大勦。誅戮甚夥。川民大憤。黨人乘之。攻入節署。竟殺劍帥。而懸其首於市。號曰屠伯。而總管所統入川之援師。方駐資州。實已與成都黨人通款。曲劍帥既遇害。麾下已先得報。且聳之曰。盍亦殺某。以合於成都軍。總管未之知也。方繕牘移劍帥謀。刻日會勦。惟餉絀不足。以激勵士卒。請撥銀若干萬。以濟急需。牘既去。無耗。方欲作詠懷詩。以寄慨。軍弁闕入索餉。云非三十萬不可。總管謀之僚屬。僚屬曰。成都陷。劍帥遇害。吾必不能與此叛軍爭生命。徒死無益。不如各給若干餉。以散之。且示空囊而歸。或

可免禍也。遂宣示軍吏存餉止有此數。今瓜分之各覓生路可乎。衆已允從。會計官舞弊厚薄不均。而軍士中之一部份憾總管之曾誅黨人。必欲死之。竟刼衆入帳。遂殺總管。呼嘯而去。與成都軍合矣。總管且死。歎曰。吾悔不從判師之言。以至於此。自總管劍帥之死。後數月。判師亦死於滬。三大吏之轟轟烈烈者。曾幾何時而烟銷灰滅矣。說者謂劍帥總管之死。猶得比於洪楊時之陸建瀛。而判師則并何桂清之不及云。

老慶記公司

清末某王當讓位。議成熟之際。稱疾不視事。或勸之曰。王與朝廷同休戚。一旦玉步更變。而希得安然無恙。仍享昔日之繁華。安可得乎。王盍自度能敵衆。見保持宗社。故態則當出而抗議。設不然。宜速自變計。亟順輿情。勸皇太后奉帝退位。以謝天下。則衆必念王首先贊成共和之功。尙或可保富貴。若兩策俱不行。則杜門自絕。畏首畏尾。後此事機變幻。一民國小偉人。足以制王之死命。奪王遺產而據之矣。不能保國。庶幾保家奈何。一簣莫展耶。王心然之。而一轉念數十年之榮華富貴。一旦如草頭露。未免傷心。

且後此仰人鼻息。正不知滋味如何。欲進不可。欲退不甘。中如轆轤。仍不能自決。乃商之於某王。某王素主張排漢者。昂然大言曰。此非計也。彼滿好可殺。祖宗二百六十餘年之基業。一旦自我手贈人。天下後世將謂我何。且不戰而取唾手。而得自古無此便宜事。王爺休矣。當速籌備戰守。毋徬徨歧路爲也。於是王之心又不決者累日時。袁內閣日與議和。使磋商商業。將就緒。王懼召二子使謀之。二子方飲博妓家。使者徧覓不得。得之亦不肯來。或以語報王曰。此時各顧生命。猶恐不及。大人好自爲之。毋令他人笑汝拙也。苟有金帛。不知所以位置者。吾儕有外友可存極穩妥之銀行。其他則非所敢聞也。王聞言氣奮痰湧。幾仆不復能起。旋命駕入宮。隆裕后對之慟哭。王亦慟哭。因各勸慰。以天心民命等語。而遜位之詔下矣。袁前總統既受任。猶因私恩致餽於王。以拜跪禮變更。遂不相見。而王亦遁迹沽間。爲逍遙娛老計。不復居五雲深處討生活矣。顧其事絕趣。有爲京外人所未悉者。

先是王聞退位之詔下。擬率其官屬及子孫至宮門慟哭。且以戒備殉國之器具仰藥乎。自經乎。劍與并乎。商量至再。頗費躊躇久之。自決曰。先帝所賜黃帶子及今用之。是

其時矣。其福晉及少子某爺等大戚多方爲之阻撓。思此巍巍宮闕。苟常屬於老人之眼簾。必且有一朝之變。不如早離此傷心地。使彼不見。可悲其心不亂。則天年可保。不致生意外之變矣。願進言勸慰。反逢其怒。或至不省衆正束手無計。忽次子某爺自津沽來言。與其丈人峯偕老福晉頓觸機。靈因失聲曰。事必可濟。衆問云。何福晉曰。孫親家實王所最親信者。平日言聽計從。如鍾應杵。今苟挽親家說王。王必不固執。事非必濟。而何衆稱善福晉乃自挈少子往。懇之孫慨然允諾。且曰。此老亦太不諳世變矣。既至。則孫已服西式衣裝。髮辮盡去。王色然曰。親家奈何遽至此。孫笑曰。王之爲此言。眞所謂無病而呻也。當知清非亡國有與民同樂之至誠。民國亦非興邦仍當官而行之公義。王爺合則留不合則去。進退灑然。自如何苦自取。跼天蹐地。貽萬國戮笑耶。今世何世。國體政體若何。王當已洞悉無俟我之贅述。王如以此等戲劇爲不足觀。聽則蔽明。塞聰。閉門於朝市之區。自稱大隱。固無不可。若以爲傷心地不可居也。則津沽青島菟裘正多。任王自擇其一可耳。人生如白駒過隙。王年已逾古稀。保此桑榆無幾。相見奈何。覓此無謂之苦痛。卽僕亦垂垂老矣。願常與王談玄說理。飲酒看花。以終餘年。王

其勿自愚也。王聞言頗心動。默然未答。孫悟其意。卽起。麾家人曰。速爲王理行裝。今日準乘午車至津。家人咸喜。亟招二子語。以狀已不知所往。孫乃代之料量。與老福晉和衷共濟。檢點貴重之物。捆載入大車。畢更遣馬車二。置老王夫婦已亦登車。送之。遽迤出正陽門。至停車場。略俟少許。卽相將登車東行。自是旗下名王永作海上寓公矣。或見而笑指之曰。此前朝賄賂公司之總經理也。

當老王倉皇辭廟之日。正諸子餽頭得趣之時。故家人歷覓大爺二爺五爺無一出見者。直至十二時後。驅車入邸。訪此老厭物之消息。果已死否。抑或有其他變故否。蓋王之現銀若干。雖盡存外國銀行。而憑券尙在其掌握中。且平時懾得之珍寶。亦抵死不肯放手。非一朝溘逝不能遂。諸子瓜分之願也。今正有殉國之說。或者其得縮短期限。各飽慾壑耶。然花天跌宕。俾夜作晝。日上三竿。高臥未起。當然不能凌晨赴命。且萬不料有此倉猝成行之事。比入門見庭院蕭然。止有二司閹者。欠伸而出。狀若甚憊。見諸爺歸。因晉謁曰。老王爺與某大人偕往天津矣。二爺卒然問曰。攜行李而往耶。閣者曰。然。凡四大車。二爺頓足曰。殆矣。席捲而去。珍物皆爲七爺專利品。奈何。且老王卽日南

團是不香現金也便宜哉此黃口小兒聞者笑曰爺勿爾老王已爲孫大人所勸醒不復作此想矣故往津隱居囑諸爺亦即日前往勿須悵悵也二爺曰然則更失策乃爲老七所先吾輩速往追之何如聞者曰已不及彼火車上午十一時開今計已可抵津矣諸爺不如明日去大爺領之曰此語誠然吾儕亦不必戀戀於此如此京華今不如昔大非吾輩行樂之地自以往津爲是至於積貲存貯皆吾二人爲之紹介決不至爲老七之專利品是可勿慮但此間所存餘物彼等倉猝成行取之未盡狼藉若此實不可惜吾輩不如先將此等物遷運邸第暫令空曠無令人生心爲是即彼司閹人亦可輕其責擔登不爾得衆咸贊成司閹人至此頗快快蓋彼見此纍纍者爲諸爺去則彼等無攘竊之機會故也且悔不早取幾何藏匿他處則諸爺必無術稽查思及此顏色頓呆滯諸爺亦不暇詳察即飭家人揸袖攘臂大肆收拾始知老王攜津之物實止十去其三其所留尙多珍物大足供饗養家之咀嚼故諸爺欣然色喜各唱我父王創業艱難一句是時七手八脚人衆尙不敷應用二爺乃另電招外國兵數名一半在門外保護一半襄助捆載凡半日而盡幾如風捲殘雲剎那間珍物盡入橐中矣

朱門洞開。大車數十輛。轅門相向上載箱篋包裹器物。無算衆咸耳而目之曰。老王移居矣。而不知此種情節。變幻正多大非移居一語所可舉括也。旋見鮮衣怒目者十餘人。各押一車。輾轉行前後俱有平冠荷鎗之軍士數人擁護。監視邐迤至舊六部前方。謂必出正陽門往東車站矣。車夫僕役等俱私相慶賀。今日停車場生意大佳。每人得錢十許。繙可往小市謀一醉某下處一度春風。此恩皆諸翁所賜也。無何大車至東交民巷。止外國兵呵斥而入。諸爺亦各乘摩托車至命從者一一運進鮮衣怒目者十許人。監視俾無遺漏良久。各付錢數。繙車役頗怨咨爲悍僕所聞。大肆詬厲。且飽以老拳。車役敢怒不敢言。抱頭鼠竄去。於是諸爺譁攘一室。第聞此大言曰。此吾平日所最愛者。老王亦曾許我。今不宜讓他人。彼厲聲曰。此本屬吾室中物。奈何不與我。久之喧聒未已。中有一碧玉瓶高三尺許。天下希世珍也。不知何時入府邸。諸爺咸欲之。爭不決。幾致攘臂。於是延某公爲中證人。作仲裁判。乃取珊瑚數枚。及白玉如意三事。又飾繡雜物爲相當之交換品。大爺慨然曰。吾不需此多儀。請以碧玉瓶歸我可也。二爺因尋走。花叢耗費頗多方思爲彌縫計。見交換物價值在玉瓶上。乃佯作謙讓語曰。此物理

應歸吾兄從此可息爭矣。五爺則愛衣服珍飾亦願讓兄。於是交涉乃結。既而某公善人曰：我今日乃親演一齣梁山伯中拿手好戲。或問其故。曰：諸位兄弟大秤分金銀也。後家人漸集津沽間。或以此事告老王。老王曰：已矣。兒輩亦大佳。遲早須得一分如此。却省我許多閒事。語次顏色陽陽如平常。絕無驚嘆狀。有見者以語人曰：王雖慷慨得失之際。何其落落大方。若較之石崇等。死不忘金。大有賢愚之別。卽李文公之平泉車馬亦不及也。在晚清時人皆闕傳王之貪得無厭如蠅嗜腐如蛾撲燈。抵死不讓。鏽銖而不知皆細人狐假虎威乘勢攫利。因緣其惡名於王。在王或知或不知。要之皆無賴漢。人陷彼於罪戾耳。但觀彼之晚節。卽可知其並非嗜利無恥之人也。聞者哂然笑曰：信如子言。則彼媚人之妓。以色求財者。皆可謂之不嗜利乎。彼既妝成小閣。薰香坐高標。豔艷以誘致人人之輦金。以買笑者。固可謂之色不迷人。人自迷矣。然欲爲彼開脫。謂之不嗜利。則又誰信之。此賄賂公司總理者。噴噴人口名播環區。笑罵由他。笑罵好官。我自爲之毀者。未由損其分毫譽者。亦安足助之涓滴。彼之歷史乃足結束二百六十餘年。寵賂大章之歷史。夫亦足以自豪矣。

妖術

晚清搢紳間有秘授左道托始某術士名鍊碧落或云鍊筆錄術之始必敬祀文昌持誦咒語然後凝神靜坐若有所注想者久之恍惚中見文昌帝君像星冠袍笏燦爛莊嚴則必指揮朱衣人持筆點額或所謂魁星者醜怪持斗援筆四舞亦若有所接觸是時其人茅塞頓開文思泉湧卽平日素不能文者至此亦滔滔不竭下筆有神初既出不自知繼而欲罷不能終則遽然如夢比境過乃茫如隔世而錦繡文章粲然入目矣故曰筆錄言但執筆鈔錄不勞構思也徒黨授受如此居然有驗挾術以入科場矮屋風光別有會意榜發無不售取青紫果如拾芥耳衆大奇之爭趨恐後不以爲黔癡符直視爲操左券也術乃大行往往標枝野鹿一物不知之村學究虔修其術竟得中青錢選顧挾術者甚靳之不肯輒授相傳每術士止授一人否則術既不靈其人且獲殃咎故所得窺其奧者亦僅耳而科舉熱中之人嘖嘖稱道不衰偶萬一售振振有詞迷信力在佛書道經上聖賢注語遠不逮也同光間其說猶盛及科場事廢策曰既破殘瀝當然不能存在亦無人復道及者不意前歲客金陵竟聞一異事與此術線索蛛絲

馬迹若有可尋。亦若潛水伏流。隨地湧現者。其爲鍊筆錄之變相耶。

要之同一左道。而特附會新學說。聳動社會之耳目。且又鐸然以保守舊學自

君述其淵源。纂詳予笑置之。欲屏不載。某君曰。此一代學風所係。於將來影響頗鉅。可不揭其黑幕。以告世人。非特爲品茶下酒者資談助已也。某君皖人就皖人。溯其術之所繇。來予亦就其厝折以志。

皖人洪某。初入市習賈。佻傥不如志。會戚某設肆金陵。招之往。時適秋闈。士子雲集。洪某見而慕之。竊購書讀。夜篝燈帳中。輒達旦。戚某長者。無子。察而憐之。乃送就師。讀洪頗慧。不二年而能文矣。又二年居然以納監入闈。榜發獲售。或云得鍊筆錄之術也。第事秘無佐證。俄而科舉廢。洪以不獲薦。南宮爲憾。雖擁戚產經營市井。稱溫飽不與也。洪心計既工。見地亦過人。能以學說動當世某巨公。見而賞之。以爲此子必公輔器。否亦大成爲宗師。洪聞之竊喜。自負顧是時新學潮流如河決海。立不可障。禦洪持舊說與之抗。則蚍蜉撼大樹。亦自知終身無出頭地。然竊自計。苟隨波逐流爲新學說之牛馬。走則殘杯冷炙。其不能嶄露頭角。與守舊等。甯復吾之所甘。遂決計別尋塗徑。無何

有侯某者。一見相得。洪邀入密室。深談三日夜。既而告家人曰。吾此行從侯先生往。吳門勾留。必旬月。家事不復能過問矣。家人因其素性執拗。亦聽之。自是與侯某情逾手足。行坐必偕。往返吳門。歲必三四。家人心異之。而不敢問。久之。洪交游公卿間。聲譽大起。以爲洪實奇士。異人。或且尊之爲聖。謂其術能使人濬發智慧。變化氣質。雖愚魯子弟。一經指導。恍如點石成金。雖現世界之科學精妙。繁難罔不自然通曉。某巨公者。聞而延教其子。果有驗。人益奇洪。叩其術秘。不肯言。或深究之。但曰。海內僅師徒四人。能知其術。吳門某爲大師。秦人某公爲高足。大弟子餘則侯君與某而已。其他所傳授者。但使知其當然。而不必使知所以然。此亦囿於師承規例。無如何也。固問之終不對。問其所傳弟子。則曰。此中有神機。得其機。則如鎖之遇鑰。如薪之得火。恚然勃然。殊出於不自知。無以名之。強名之曰自動神機而已。於是自動二字大播於世。謂其與歐美之新學說密合也。而終不能知洪某所謂師承者之真相。某君好事人。捐棄職業。從事偵探。久之。又久。始能言其內幕。

先是吳門某先生者。會讀書應試。爲童子師。迂腐潦倒。人未之奇也。

就館於外。女適人家。僅跛僕應門。倚資郭田及貨屋資自給。貧益甚。顧每逢

門人弟子。輒自遠道來。闐其室。來必信宿而去。亦不知其來者何事。所講爲何學也。每一會集。某先生必出資。購田產。易衣履。飲食少腴。奴僕亦資分潤焉。知爲弟子束脩所贈。亦未之奇也。無何。秦人某公來官斯土。聞某先生名。屏驕從入謁。敬禮若神明。某先生等夷視之。不一往答拜。某公不敢稍失禮也。每七日必往往必執贄。豐且恭。衆始驚。某先生爲非常人。爭趨其門。求指迷施教。某先生有允有不允。道貌岸然。見者生畏。然得接近之者。則又溫溫如煦春陽。於是趨之若鶩。附羶惟恐不得。某先生意其門下以人格判分階級。甚嚴。大抵第一格者爲入室弟子。如佛家上乘禪。得傳某先生心法。知其傳道一切秘鑰。第二格至七格。則聞道各有深淺。或入門先後。要之皆不得與聞其秘密者也。第一格其先止侯某及秦人某公二人。餘則隨班聽講。但列第二三格者有職事。及指揮衆徒。支配坐位等權利而已。每七日一大會。特設廣室。敷茵席。各席地坐。略如鄉間宣講狀。所異者。女弟子亦得同等列坐是也。且男女雜坐。無分晝夜。便溺有時。飲食有節。平常不許離坐而所講者。皆孔孟程朱陸王之道。不知何以獨於五倫

缺一於男女有別之說毅然破除也。或詢之個中人則曰。此所謂大同之學。非小康家言。爾輩何知。徒相驚怪。然搢紳閭閻往往有因之乖張失道者。或遺簪墜珥。漫無可稽。以震於某先生名不敢宣也。聽講而歸者亦殊無驗。愚者目愚智者自智。但不過移其迷信仙佛之心。迷信孔孟而已。問以孔孟之道所在。則瞠目結舌。不能對詰者。或曰。無他。無師秘授。不能每人而說之耳。識者喘之以鼻。

秦人某公之言曰。某先生者。陽明先生之嫡派。而山左大俠張先生之入室弟子也。張先生以內聖外王之學。欲轉移一世之風俗。竟爲奸惡大吏所戕。流風餘澤不絕如綫。某先生實得其秘傳。潛修密養。不求聞達。至今稱爲碩果。所謂君子之道闇然而日章者也。某雖執轡門下。實止能闢其二三大道。高深當世。無兩彼驕。顏傲氣自命。追蹤素王。改制變法。號爲黨徒。皆某先生之罪人也。某先生之教不拘一格。不囿男女。皆各就其良知良能。上啓發聞言警悟。一旦豁然貫通。則何事不能。爲何事不可。爲富國強民。僅皮毛之說。豈足道哉。是時洪某方困於科舉。既廢術無可施。聞其說而心折焉。亟見秦公。侯某與之偕。且爲紹介。某君喜傾談。竟夕。遂訂交引之入吳門。先生

日洪某出其平時所得相印證吳門先生大然之立拔爲第一格弟子位僅亞於秦某公及侯君洪某感恩知己誓出死力爲之衛道且曰苟得志必大昌斯學以報吾師吳門先生亦以爲洪某不易得也親愛有加於是洪某舉其妻女親屬俱列爲弟子淮海巨公者與秦某公善聞洪某名遂引爲幕僚旣而知其善誘人以教育職務悉委之自是吳門先生之學不獨行於秘室中乃大施於庠序學校

揚人甲乙相友善甲富而乙貧然頗重氣誼往來如常且戚串也乙妻有豔名而好自襪稍知書史鄙夫不才恆鬱鬱母家居吳門歲時歸宵聞有吳門先生事輒偕姊妹往視聽講論而悅之且樂其防閑寬弛信仰愈甚旣歸夫家述於甲妻甲妻亦甚慕之相約偕往久之遂誘甲妻攜重資居吳輒數月甲大疑階乙追蹤而至知其事雖怒尙未謂大惡或讒之曰洪某少壯此中健將攫財色者屢矣尊夫人得不畏此獠耶甲果怒蓋是時吳門先生年已七十餘且有迂腐名秦某公已去任侯某亦篤癡迂醜惟洪某顏色光澤舉止翩翩有白面書生態且於數年中致富積產五六萬金人言嘖嘖甲信焉提狀控告洪某遁求庇於淮海某公時邑令欲執吳門先生會某紳爲之緩頰寢其

事而甲訟不已。且以曖昧事涉洪某。乙亦起訴焉。令知洪某匿淮海巨公所。故強項竟往索焉。淮海巨公頗難應付。蓋洪某常運吳門先生所得資助巨公辦實業。藉以得發展。苟不爲洪某地。簿書錢穀俱失。所恃勢必大受虧損。乃商於某記室。知甲固鹽商而乙亦業鹺者也。用記室計。揚言甲因抗捐挾嫌誣告乙爲同黨。而一方面則爲洪某緩頰於大吏。大吏聞人言之不直。甲乙斥之。幾反坐。賴賄得免。甲痛失財而乙憤失妻。蓋乙妻因與乙反目。已他奔。或云匿洪某所。因洪某方在滬置產。巢穴甚多。一時竟莫測所在。無何武昌起義。革命潮流已徧大陸。民軍入甯。洪某方從巨公所遁回淮海。甲出家財獻某黨魁曰。吾有深讎。夙怨於洪某。苟能獲而甘心者。一身而外咸願斥之。以從將軍。黨魁諾之。大索洪某。時黨勢甚盛。淮海巨公之力不能庇。乃囑洪某東渡。敝衣垢面。僞爲僕役。匿於貨艙中。以免而揚言洪某已自投於江。逾年黨魁敗。洪某始敢出。隆名稍稍衰矣。然洪野心未滅。復出其學說以鼓動當世。恐吳門先生之說拘於保守一方面。未免爲人所厭棄。乃另出新法。參以歐西東瀛各家之說。特深譁男女同坐會講等儀式。不數月名復大盛。巨公以某大學校界之儼然以宗匠自任。盡忘其本來面目。

矣。無何甲乙復聯名訟訴。是時大吏皆巨公門生。故吏斥不准。先是甲乙將訟時。問計於紳某。紳初與洪固不洽。自某黨失敗。後求救於巨公。得其蔭庇。已與洪沆瀣一氣。而甲乙不知也。紳僞爲畫策。一方面捷函告洪。洪先爲布置。故無害。既而與親善相謀曰。留甲乙終糾纏無已時。如秋草之根。遇春風而芽也。不如爲一勞永逸計。且乙妻方在側。一旦洩露。乙更不能甘心。將奈何。親善曰。甲乙黨人也。資助亂徒。證據尙在今。大吏患之甚切。朝告變夕。蓋醢矣。奈何。守小不忍。以自貽戚乎。洪某撫掌曰。是吾心也。乃嚇人告甲乙。通海外黨人。將謀襲據江左。甲掌財政。乙主稅務。有約劑矣。大吏急遣捕之。搜篋中。果得信函札飭等。遂並置之法。沒其產。吳門先生聞之曰。爲民除害。吾儒之本分也。孔子誅少正卯。魯國大治。使天下盡如洪某。吾中國庶幾有瘳乎。洪余三揖而進曰。某雖不敏。請事斯語。自動萬年神機不盡。

宗社黨軼事

丙辰冬。予客京師。給事彰儀門西南隅之印刷局中。地僻而曠。所過廣場約數百武。每風雪則車篷聲獵獵。身震動搖。若將顛覆者。輿夫輒彎身。前首如角。觥狀以障風。力

稍弱則蹶不能起風勢之猛可知而驚沙撲面耳目口鼻皆充塞灰土尤習以爲常也一日車行過此忽人叢攢集若有可怪之瞻矚然者第聞三五相譁曰怪哉風竟能殺人予與夫者固所夙稔而復居隣是地者也予詰以故與夫歎曰可痛可慘之老翁竟死於此狂飈之下然未始非受民國之患也嗚呼未食共和之福先遭破產之殃吾見亦屢矣先生得毋以小人之語爲顛乎顧老翁之歷史可證也予駭而詳詢之因得其始末如右

老翁者京旗貴族裔曾爲某部筆帖色民國肇建遂失其職而世食之祿亦在若有若無間因優待清室之款本不足以徧給而度支官復不能按期撥付故也老翁坐是益困至鬻其產供饘粥當洪憲帝制議起老翁遂挈其妻子來賃廡於此卑田院中與與妻人子伍有子一壯矣因老翁勢衰亦不克獵一官僅給事某中堂府邸俸入甚微父子恆鬱伊不自聊幼聘某氏女頗挾齊大之勢欲娶而無力子心益憤憤女氏復宣言今世自由結婚子苟不能備禮者於法當然別締良緣宜以若干年月爲限過此則前約不生效力其母悔至是子懟其父并怨及當軸不與己以貴顯老翁聞之咄咄痛

恨此愁慘之家。庭乃覺了無生趣。

傳曰。鉅而走險。急何能擇。人當困極。思通之際。實有且食蛤蜊。蜊遑問其他之意。境雖賢者。不能免。況老翁之子。本挾其怨尤之故。態所爲一肚皮牢騷。正愚沒處發洩乎。一日。自中堂邸第歸。形色頗倉皇。謂其母曰。吾將以明日往關外而行。李不備資斧。無着。奈何。母問其由。則言有某王書來。見召此行。必能陞官發財。所惜者囊空如洗。無術以壯行色耳。母不知所謂。但知旣爲某王所招。又聞陞官發財。語則喜不自勝。乃力任商之。於父因竭力慫恿。老翁贊成其子之壯志。老翁頓蹙曰。某王以宗社黨嫌疑。避居關外。微聞其常思蹈隙逞志。以義論之。吾滿人固應爾。爾彼夫低首下心。託五族共和之說。以阿媚趨炎者。誠喪盡男子氣矣。然茲事關係絕大。稍一不慎。破家滅族之禍。隨之。吾兒舉止鹵莽。恐側足且立。成齋粉彼袁氏虎狼也。久懷操莽之心。欲殲炎劉之祚。吾年來命運甚蹇。得母自罹於罪乎。吾意兒其勿往。妻曰。言固然矣。然自吾儕衰落以來。常患饘飩不繼。後顧茫茫。去死亦復無幾等死耳。不如拚此孤注。或有飛騰之望。彼革命黨。蜩沸數年。卒獲勝利。吾滿人遂必無復仇之望乎。苟僥天之幸。得恢復故物。富貴榮

華正未有艾。卽媳婦亦必欣慕來歸。一家隆運正在此舉。奈何灰吾兒青年之壯志。川資細事耳。盍速籌之。老翁故異懦復以窮困不能自伸其說。因聽老妻所爲。於是告貸親友。典質衣物。竟助成其子之行。在老翁之妻則以爲此行必如項王之衣錦而歸也。久之無耗。老翁自念止有此子。時出探問。迄無有知其子之行蹤者。亦絕無書函自關外來。倚閭北望。老淚頻揮。如是者凡七閱月。

項城奪魄洪憲空花。六月五日之警耗。剎那間。帝制冰消。而共和復活矣。是時老翁失子之消息。亦若一線曙光。隨共和復活之聲而發現。一日老翁方與其妻從牛衣中曉起。以偃僂瘡病之身行近土鏗。意將敲石取火。煖其宿殘之糜粥。慰彼飢腸。乃以乏力。故幾傾跌者。屢卒借撐門之木枝。聊獲支柱焉。始能達其目的地。方舉火間。一中年人。貿貿然入室。服青色土布短襦。行膝履。屬冠可掩眉狀。類走卒。又似退伍之軍人。舉其粗鄙鹵莽之語。音猝然問曰。某家乎。爾某之父乎。某卽子之名也。父久不聞有人呼其子之名。突觸耳鼓。瞿然驚視。既駭且疑。問客何來。何以知吾子之名。吾實某之父也。客何以教我。其人遽答曰。爾欲知爾子之消息乎。吾知爾必思念爾子而不得見久矣。吾

實爾子之好友。今爲爾子傳書而來者。老翁大喜。起謝曰。君眞仁人眞義士。乃肯爲吾子作寄書郵。但何以吾子不歸而託君紹介。君亦許先述此中原委否。其人徐以手探囊。出一郵筒。顧暫不授。若翁而引手撫循。函之四角眉軒目動。而語曰。吾固將先舉傳書之始末以告老丈。願老丈徐聽之。但須坐穩勿過悲或震駭而仆也。老翁聞其矢口卽非佳耗。意頗詫悚。第急欲聆其人敘述。不得已力自鎮攝。請其人畢詞。其人跛倚門側。歷歷語曰。吾乃一某軍法機關處之守門卒也。三年前尙遊蕩無事。與爾子會於劇傷中。同喜觀楊小樓之武劇談論甚洽。朝夕相徵逐。漸成莫逆。爾子曾一度薦吾入某大員家爲司閤。不一載而罷。免後入博場遊戲。時獲勝利。爾子雖給事中堂府恆不數揮霍。則稱貸於予。予自負意氣不吝金錢。故予取予求無稍瑕疵也。去年初冬時爾子忽至博場。覓予謂將有遠行。已得父母允許。籌措資斧。然苦不能充裕。故來求助。他日苟富貴毋相忘也。予此時博方負囊中羞澀。然以密友之呼助誼不可搪塞。乃乞諸他友。卒措十金以應其請。且深談終夜。爾子謂有友在某王府頗獲信用。某王避地關東將有所謀。書囑友廣羅壯盛健兒多氣誼者以備他日任使。友因以爾子薦。王特招

之故不可不往。予曰：此快意事也。但我輩滿人氣數已盡，恐難見諸事實。爾時或禍及己身，且奈何？爾子曰：吾家窮困已極，不往亦無生趣。今孤注一擲，勢所不容已也。設不幸事敗，亦非吾個人之關係。玉石俱焚，天道難測。爾時兄苟能爲力者，尙望得一臂之助。幸而不然，則富貴當與子共之，吾意決矣。勿敗吾興。予乃唯唯旋爲之祖餞。痛飲狂歌，不啻白衣冠之於易水也。予乃送之登汽車，始歸。別後不通音問者三月。此三月中，予乃適得一機會，竟得就軍法機關司閤之職。同事者多舊友，甚相得也。無何忽傳捕獲宗社黨機關被囚者十餘人，予往視之。因予亦旗人有兔死狐悲之念，苟得見舊相識者，當可灑一掬同情之淚也。萬不意乃竟遇予十年來至奸密契之友，儼然在桎梏桎梏之中。嗚呼！卽爾子也。此時予之悲痛爲生平所未有……語至此，老翁忽失聲幾仆於火。老妻亦大痛其人，急走近扶持之良久始獲鎮定。其人乃曰：吾勸翁勿悲，仆今犯吾戒，吾其不可復語矣。老翁顫聲哀之曰：君勿爾。君恕吾違命人之痛，子亦情也。願君仍畢其詞。吾聞君言如聆福音，其人憐老翁甚，乃復續述曰：當吾見爾子於縲絏中，自恨無指揮之勢力，立時爲之解脫。方寸焚亂不可名狀，旋睹同人中有爲羈管。

者。惟。有。私。囑。善。視。爾。子。而。已。爾。子。亦。若。已。見。吾。含。淚。睇。視。儼。有。無。窮。欲。訴。之。衷。情。不。能。出。諸。口。者。吾。惟。領。首。會。意。是。時。主。法。之。長。官。陸。某。素。有。鷹。隼。之。名。用。法。之。酷。爲。一。時。最。嗚。呼。袁。氏。之。任。陸。某。亦。猶。漢。武。之。用。邳。都。唐。武。后。之。任。來。俊。臣。等。也。前。此。冤。死。斷。頭。台。上。者。已。不。知。凡。幾。今。戮。十。餘。宗。社。黨。直。如。宰。割。雞。豚。耳。越。兩。日。予。心。怆。怆。然。必。欲。一。見。爾。子。方。得。無。憾。乃。哀。懇。同。人。爲。之。先。容。旋。果。得。允。諾。及。入。爾。子。蓬。首。垢。面。已。無。人。狀。予。與。之。慰。藉。訖。爾。子。乃。謂。吾。曰。吾。既。爲。吾。滿。洲。同。胞。而。死。死。亦。無。悔。獨。不。能。忘。吾。垂。白。之。雙。親。耳。吾。生。平。知。已。惟。君。一。人。吾。死。後。君。能。傳。一。書。至。家。俾。雙。親。稍。慰。悲。思。則。感。且。不。朽。焉。吾。出。後。尙。未。有。一。書。至。家。家。中。或。疑。吾。尙。在。也。吾。矢。口。自。任。并。詢。該。書。何。日。來。取。爾。子。歎。曰。旦。暮。恐。不。諱。不。如。以。速。爲。佳。君。明。日。復。來。可。乎。予。唯。唯。明。日。乘。暇。復。往。則。出。一。書。授。予。曰。煩。君。以。書。親。致。吾。父。然。必。待。吾。死。後。不。然。老。人。奔。走。營。救。反。致。同。入。網。羅。也。且。某。王。之。黨。忌。吾。甚。既。能。賣。友。求。榮。則。覆。巢。安。有。完。卵。殃。及。雙。親。尤。所。不。忍。幸。姑。秘。之。彼。忌。吾。者。亦。必。不。久。與。吾。同。受。此。刑。君。猶。得。目。睹。以。快。意。也。語。訖。遂。大。慟。而。別。後。十。餘。日。爾。子。卽。遇。害。於。軍。法。機。關。之。秘。密。執。刑。處。……語。至。此。翁。媼。長。號。數。聲。復。仆。於。

地其人竭力扶之起勸翁媼勿悲乃曰今而後可述吾送書稽遲之故矣當吾既私祭吾友於刑場訖卽擬齋書彝來此間且藉以一慰翁媼忽道逢一人亦曾爲同事而數年不面者相見歡然其人蓋亦與爾子相稔因詢及爾子狀況予不覺失聲曰噫頃間已生祭而送之下泉台矣其人佯驚曰果爾耶渠死何罪予信爲誠然縷告以故其人僞作悲慘狀旋別去不數十武予忽腹痛欲如廁恐爾子之函或致遺落乃步入夙稔之肆中請其代爲保存然後攝衣而出方踰闔其人復來邀予至其給事之署中予謝以更衣狀渠疑予已知情防予遁則從其後者已有赳赳者數人趨前謂余曰予等俱奉命來邀君請速往勿破體面也予至是始知友復賣予幸爾子之函已託肆中否則搜檢而去函既不得達負我死友且爲吾私通黨人之鐵證百喙難辨此當係爾子之靈所爲至今思之猶心動不已也是時吾已爲忾人所篡欲脫不得因從之入步軍統領署中羈押半日始付推庭問官謂予弘通宗社黨謀逆有諸乎予答以身係在官人役蹤跡分明安得有此曖昧情事且事絕無佐證亦豈容無故陷人於法問官謂有人控子願面質乎予曰願乃令其人出庭則途遇之人也予因謂問官曰此不質而自明

彼與某及予同爲舊友。予在軍法機關。故知某之刑斃。偶舉以相告。彼忽賣友心。動故不惜架誣以求賞也。然豈知案無證據。不得成立耳。問官謂爾與黨人有往來。私願一搜。檢乎曰。願乃搜及徧身。又命押往住宿。所查檢俱無違禁物。問官將判開釋矣。忽同署有某甲者。與予積不相能。於問官研詢時。言予前與黨人通聲氣。實有其事。宜細爲檢查。問官遂判羈押候查。且此時洪憲開幕之聲勢頗盛。諸望風承旨者。務貌爲慎密。以媚上峯。而於是予得三月有期。徒刑之罰矣。豈知甫及二月餘。而洪憲帝制已瓦解。諸所羅織者。俱邀寬典。予乃得以無辜被累。見釋。即日還我自由。遂過所寄函之肆中。求取爾子遺筆。肆友出附耳謂予曰。爾旣禍吾事。發後吾欲火此者。屢矣。輒思人且不負死友。吾安得自重。冥責遂藏壁中。今幸原璧歸趙也。予額手稱謝。卽飛犇來此。此送函遲滯之故也。老翁聽畢。悲涕不自勝。乃發緘視其子之訴語矣。

（上略）某王頗欲重用吾。命吾爲京都西路招討司令。卽日攜金入都。營幹但相約事未成。不得私自歸家。違則處以死罪。故吾雖來京。不能一視雙親。此不孝之罪。無可辭也。某王志大才廣。顧其部下流品不齊。心迹詭異。當畀吾以責任時。同時調遣

者數人業已互相傾軋其未得遣者胸懷怨望竟致反顏倒戈甘心賣友其人類皆投入袁皇帝部下爲密探雜捕同黨以邀重賞兒居心饒直且年少氣盛不知世路險巇人心鬼域遂爲所誘捕竟遭此厄同時投網者十有餘人（中略）幸舊友郝君敦重氣誼時來慰藉兒感之如骨肉因相與談論回憶老父之言悔不服膺噬臍已晚兒自知必死故作此書以託郝君藉陳情於老父知兒臨刑悔過痛切於心危親絕嗣之罪皆兒一身釀之雖死不足以蔽辜也惟某王曾與兒約不幸事敗養親餘年之金若干王自任之或老父願往依王當持兒此函爲證王必有以報老父即託郝君道地可也（下略）

翁媼讀書已悲泣良久因與郝某商善後之策老翁謂吾聞某王好大喜夸誘致死士欲以他人爲傀儡耳未必有養人之實心吾兒往依之言恐未必可從且吾夫婦老矣尙安能犇波塞外嘗冰天雪窖之況味哉休矣不如絕食求死與吾兒相見於地下語已號慟徹心肺郝某戟指起曰僕請往叩某王麾下責其速踐前約否則吾自有相當之待遇一月後聽吾消息可也遂奮袂而去無何半載無耗前數日忽有自日本郵便

致函老翁者。且附匯券三十金。函稱某王竟負夙諾。漫不置理。僕憤不能平。直欲行荆
聶之故事。未能中的。反幾爲所捕。因亡命海外。今假諸僚友。暫以三十金供饘粥。得當
尙須爲畫永久計耳。老翁感涕累日。因自持券往郵局。取金歸。途遇大風。一蹶不振。移
時而斃。老妻聞之。憑尸大慟。亦復氣絕。居人因取其郵金。棺斂焉。
指嚴曰。傳有之。天之所壞。不可支也。宗社黨之愚。宵非自蹈死地哉。顧若老翁子者。徒
以生計艱窘。甘爲燈蛾。爾蛹尤可哀矣。而某王背死食言。使老翁呼號無告。卒死狂飊
之下。誦宋玉風有雄雌之言。能不爲此。燒獨者雪涕耶。至陸某多殺人子。今亦橫尸津
門。報施不爽。古今一轍。雖然。吾國國民之前途。其能不如老翁之風靡者幾希。

雅嚴餘墨 卷上



● 白告書圖版出新最局本 ●

名著 第一分類小說大觀

是書共分十二類 (一) 政治類 (二) 社會類 (三) 家庭類 (四) 軍法類 (五) 教育類 (六) 節義類 (七) 言類 (八) 滑稽類 (九) 軼聞類 (十) 偵探類 (十一) 冒險類 (十二) 下市實錄類 (一) 吳綺文筆優美著如瘦鵲先生皆為海內著述名家對於本局出版之作更復精心結構可推當代第一全書分訂四厚冊定價一元二角折郵費七角

夕著 第二分類筆記大觀

是書共分十類 (一) 歷史軼事 (二) 清乘補遺 (三) 民國軼聞 (四) 社會瑣誌 (五) 談叢 (六) 遊覽隨筆 (七) 金粉小話 (八) 方外談叢 (九) 怪異述聞 (十) 一段一段之趣味不同他家臨前一篇有一篇精采報章鱗爪者可比著者如畏應少芹定夷治嚴涵秋綺繆一廣劍山并孫枕綠花奴諸君其尤著也全書四厚冊定價一元二角折郵費七角

名著 第三分類諧文大觀

是書共分十一編 (一) 諧文 (二) 諧詩 (三) 諧詞 (四) 諧歌 (五) 諧曲 (六) 諧記 (七) 諧經 (八) 諧令 (九) 諧謎 (十) 諧聯 (十一) 諧語 (一) 飯可以捧腹可以解頰他家出版之諧著有如是以滑稽可以喜者乎緣著者為少芹定夷指嚴丹斧秋水醒獨詩隱逸梅飯牛君博賊齒守拙腐雲東園芹孫軼池病骸寄恨明道天放季子鑑良一明諸君是以有此巨製全書分訂四厚冊定價一元二角折郵費七角

史清秘 十葉野聞

武進許片嚴先生為掌故說部大家海內咸知無俟贅述所著南巡秘記正補編錄行數冊以內咸知無俟劇本傳播始編茲將有清一代奇聞秘事搜羅綴拾未經人道而無一篇在他處刊出以典舊永之筆尤能令讀者愛不忍釋歷史事實繁重慮沈悶得此鬆爽逸宕之作恍如置身百年前目擊當日情狀快何如之全書二十萬言計兩厚冊定價一元照碼七折郵費一角七分

● 說小家名版出新最局本 ●

小偵探 恐怖黨

恐怖黨爲倫敦最可怕之賊黨黨人之手段極狠毒
行動極秘密神出鬼沒狡滑異常視生命如糞土
之經著名偵探開智角力九死一生僅獲最後勝利
至怪名偵探新速記法李代桃僵平極神妙二字如
有怪名偵探新速記法李代桃僵平極神妙二字如
之外而又有至理者即福爾摩斯探案亦不過如是
實偵探小說少見者也譯述者爲小說名家周度
定偵探先生名譯名著價值極精訂洋裝上下二冊
定價一元二角照碼七折郵費一角七分

小偵探 恐怖黨續編

本局所出周瘦鵬先生所譯恐怖黨小說初編自出
版以來久經脛炙人口茲續編六卷又已出版如出
劫貨(自喉嚨)消行艇(荒島電台)(飛車)孤
島飛船等情節均曲折新奇其勝於前其寫大偵探
南爾遜李與賊黨鬥智如生龍活虎躍躍紙上令人
拍案叫絕讀至最勝處無異置身影戲院中凡愛讀
瘦鵬先生文字及愛觀偵探影戲者當共觀爲快也
全書十餘萬言洋裝大厚冊定價一元二角照碼
七折郵費一角七分

李涵秋著 魅鏡

江都李涵秋先生可稱當代第一流小說名家早爲
世人所公認所著社會小說魅鏡一書曾經逐日登
載新聞報蒙爲諸君共推許其書描摩社會上情狀
真是窮形盡相鉅官僚有官僚之氣談叙政客有政
客之態度鉅奸人有奸人之口吻鉅財奴有財奴之
氣派鉅強盜有強盜之行爲鉅流氓有流氓之神態
鉅佳人才子有佳人才子之姿勢凡世界上形形色
色怪怪奇奇一經先生妙筆形容點綴無不神妙欲
到秋毫顯篇中又難以詠諧加以科學令人讀之解
頤捧腹堪爲先生生平第一得意之作至布局之整
齊結構之嚴緊命意之深遠尤其餘事茲本局不惜
重金向先生購買是書之版權歸本局刊印發行又
敦請先生將是書由首至尾重行修正改易較逐日
報時尤爲通體無懈可擊書首又冠以先生自序
一篇及海上諸名流敘詞洵爲美俱難并待未曾有
之作全書都三十餘萬言分訂洋裝五大厚冊定價
二元照碼七折郵費二角五分

民國七年秋

指此廠餘墨

國華書局印行

說

部

指嚴餘墨下卷

武進許指嚴著

說部

政治 祕密外交



予友某君外交壇坫上之飛將軍也。偶從談讌，因忝取外交家趣史爲下酒物。舉一亡國大夫之秘史，言中有物，極嬉笑怒罵之致，可紀也。南非有某共和國者，其初本爲荷族自脫羈絆，遂倡共和。民國氣囂囂然，自以爲革除奴性，打破奴關矣。顧改革之際，內容意見紛歧，不獨暴亂派過激派之各樹一幟，卽緩和派穩健派陰謀派舊官僚派之排擠傾軋，互爭壁壘，分枝並出，幾於不可究詰。此就性質上言之也。若就地方習慣上言，尙有所謂東部黨西部黨東北部黨西南部黨等，各有來歷，各守系統，門戶水火畛域，斬然當共。和初建時，過激派先占優勢，其後因外交上關係發生過激派萬不能得外人之歡心，因稍稍排除暴亂派，以示親善。然於交涉上終不得要領，日呈失敗狀態。於是陰謀派起而乘之，因外人雖爲民氣所迫承認獨立，而其殘餘勢力實潛伏於

中未嘗消滅。一旦爲陰謀所利用。甘心爲虎作倀。而於是輸入外資。購用外來之軍械。復挾種種陰鷲毒手段。驅除異己。而過激派完全失敗矣。不獨過激派自身受逼。卽穩健派。緩和派等之與陰謀派。宗旨不合者。亦遭擯斥。一二不肖分子。則爲金錢官位之慾望所誘惑。蕩婦失節。敗將生降。黑幕中奴顏婢膝。不足道矣。惟舊官僚派與之沆瀣水乳。一躍而恢復其原有之勢力。如探囊取物。外人又從而利用。嗾使之於是赫居責任內閣之首領名。獨裁者遂以舊官僚中之穩健派而爲陰謀派所推戴。崇奉又實東部黨中之巨子也。恃其資格老大。權謀術詐之士。供其舞弄。實亦不啻爲彼輩之傀儡。彼此利用而勢力寔熾矣。手可熱過激派數萬人。不甘雌伏。起而對抗。而國內騷然不甯矣。則獨裁有惟一之戀棧法。則秘密外交是也。

今試爲諸君述獨裁首相之秘密外交所持何法。所用何策。則其事至爲特別。且饒有風趣。蓋其所恃者。乃一密室中之電話機。而司機生則爲最寵愛之姬人。美麗娘也。美麗產於該國之東南部。父爲英之蘇格蘭人。娶於土著女而生子。卽美麗娘。長有姿容。富才學。入東部黨之陰謀派中。爲女黨員。性機警。饒智數。狡黠工心。計自信力甚堅。能

見機決事。勇於實行。蓋健男子所勿若也。美麗既挾此才能。矢志欲有所發展。不肯輕於適人。初從某舊官僚爲諮議兼書記。某欲擢之使充下。陳美麗謂某雖勢位赫奕。然如朝露將晞。非可恃爲耐久交。且吾將遇命世英雄而後嫁之。某已尸居餘氣。非其倫也。遂伺間逃去。游歷歐美各國。數載始歸。歸則共和國已成。某亦下世久矣。聞獨裁樹秘密黨幟於某。所以黨員某之紹介姑往一覘。丰采既見。獨裁與縱談大悅。詫爲女界中之麟鳳。而美麗亦心服。獨裁若曰。此人可與圖大事。償吾願欲矣。遂屢謁之。獨裁漸加親信。遂嗾其黨諷令嫁己爲小妻。美麗曰。獨公位望才力。妾亦傾慕之。非不欲委身而事。然今尙非其時也。無已。俟獨公正位。首輔握有全國政權。妾然後以身奉託。其可乎。獨裁聞言。歎曰。是吾心也。獨可貽羞於一女子耶。乃出死力運動。政權不一載果排斥他異。己黨而組織。獨裁內閣竟達目的。而美麗亦踐前言。爲顧美麗之挾有大志。初非愛國與羣慕女傑羅蘭之故事。竟肯犧牲一己名譽。甘爲妾媵。以成其希望也。徒以野心勃勃。個人權利之思想。較尋常婦女爲擴大。故亦欲求一野心家爲之配偶。供其利用。而青年志士或進取俊秀。無論意氣勇銳。未必如己之私願。且未來事不可知。

不能當前取給。故雖有好合之速。非其所樂。反不如舍名就實。獵一資格。位望已達。競爭之程度者。而從之。已既可挾寵恃嬌。以搏取其內幕之全權。而於交際半籠。一切得有憑藉。即可獲直接之效果。辱身降志。夫又奚惜。美麗持有此念。乃決計嫁獨裁爲妾。獨裁以其游歷歐美。嫻於外情。首與之商權外交方針。而於是美麗喜甚。以爲畢生之絕大施展。當於此發軔矣。初美麗漫游各國。盡挾其外父之資產。及其種族語言之關係。廣事交通。到處聯絡聲氣。凡政界名流。及在野之政治家。言論家。無不晉接日擇。一二野心家。與之竭意投洽。而於留心非洲事者。尤爲注意。以故暢曉外情。且含有交誼者。甚衆。在美麗之意。本卽有心籌備。爲將來得志後外交上先占一着。以顯己之手腕。靈敏才能卓著。而惟一之目的。則在借款。負債。典賣國產。於一己之富貴。肉慾大有關係。故不吝揮霍。乃父之遺產。爲他日滑稽外交上之資本也。及爲獨裁妾。首蒙許爲外交奇才。遂於襄助內政。而外得有辦理外交之特別全權。獨裁幾不過坐嘯畫諾而已。時西部及西南部之過激派黨人。反對內閣政策。斥爲破壞共和。舉兵討伐。勢甚猖獗。且舉有西部數省。於是獨裁內閣主張激戰軍餉。一切要求外國協助。故外交上極爲

繁重。且西部軍政府。又時以書牘。及舉特別權利。要求各國承認。彼爲正式政府。外國正欲利用時機。以恢復前此屬地之權力。則獨裁內閣之岌岌。可危。自在意中。美麗恰好於此時。徐揭面紗。輕舒皓腕。以登此競爭之舞臺。與各國公使相見。其放嬌作態。有一種欲自顯其驚才絕艷之意味。至爲明瞭。蓋可想見也。美麗嘗謂獨裁曰。外交界之所爲。歸妾完全承管。主公可不必過問。苟有過妾。自當之。若有功。則惟主公之幸福。妾抒誠竭忠。以從事。萬勿敢有負主公也。獨裁掀髯笑曰。有是哉。卿真吾閫中之諸葛子房矣。自是每對人言。輒謂美麗所爲。吾完全負其責任。而使臣等亦與美麗情誼至洽。凡美麗所要。請未嘗有違難。最可笑者。該國之外交部長。雖同爲國務卿。而竟成木偶。士偶自賣癡。終日不事事。一若爲美麗之名刺紙訪客。未見面時。假彼一用。見面而後。則投之故紙堆中而已。雖然。美麗果恃何術。以顛倒當時之外交界乎。請進述美麗羈外交界之絕妙作用。初美麗挾胸有成竹之奇謀。爲獨裁借箸而籌。曰。主公此際之外交。非特爲敵黨所不樂聞。卽一般國民亦恐不能強以盡願。與其稍有洩漏而生梗阻。毋寧加幾重秘密。而妾者正主公之秘密復秘密之外交卿也。宜爲

妾於府中深僻處別築一秘密室。室不須閤。敞而中有一特別之設置。其物維何。則單獨之電話機。是此機不與公共。電話廠通線亦不用公共之編號。數但通線於各國公使。節署所在而爲單獨的行動。其接話等手續俱用極秘密口令。而且隨時更變。務使局外人無從仿效。而在公使節署一方面亦預訂特約別築一室。特置一機。如府中狀井逐日更換秘密口號。非公使親來接談。概不酬應。以杜洩漏之弊。凡生一交涉事項。非經過簽押手續完全成立。除主公外。雖外交部長不得與聞。務使新聞記者訪事人末由探悉一切重要商榷機密條件。皆以此電話機爲惟一之樞紐。平時雖主公不得輕動此電話機。亦不得入此電機秘密室。以示鄭重。有此辦法。則外交上不患不如意矣。獨裁聞言。意雖不謂盡善。而業許美麗以獨斷獨行不加干涉。則亦未便參預可否。遂完全允許聽其所爲。自是美麗匠心獨運。出其智力以成此秘密電話室。各公使無不欣喜贊成。蓋既樂與此絕代麗妹爲親密之周旋。而又幸要求之特種權利易於成局。減少第三人之洩漏梗阻也。無何室成。自是美麗之辦公室乃移於秘密電話室中。凡通話機之各國使署約五六所。每日間如無特別要件。必循例通話一次。若有提議。

事件則可隨意多開一機以備此一使署之長談美麗從不親赴使署各公使亦從不入府與美麗握手而言語親暱意味濃郁雖深交膩友蔑以過之聞英之某公爵爲大使時曾與該國有商訂大借款及林礦合資開採等要件因與美麗結秘密緣一日十二時一時六十分幾無一分晷刻不親美麗之囑囑絮語所談亦不盡爲公務條件凡舉動之指示容態之描摹性質之說明瑣事之點綴間以謔浪笑傲詠諧百出或不免夾雜輕褻語美麗殊放誕非特不怒且務以口舌相勝或故作挑逗語以惑人在爵使以爲美麗之脂香紛澤如在抱中而在美麗亦恍如睹爵使之俊美儀容朝夕與共在席也然二人實未經覲面僅以秘密電話爲媒介耳以故美麗之媚悅外交雖大致爲捐失國權專思厚自封殖而於纖微筋節處亦往往占得便宜致各使臣爲其豔圖所惑惜彼之宗旨在於自私自利攘奪個人幸福故國家終蒙其損害也試舉一事以爲佐證可以知其手腕矣

英爵使開議大借款條件時曾受英相指示機宜務以該國全國地丁賦稅爲抵押品而林礦合資則必有特別用人行政權不達目的則不付出現金其條件之苛酷足以

亡該國而有餘蓋久矣。視該國爲釜中魚。幕上燕矣。爵使初至時。意氣甚銳。對於外交部長。聲色俱厲。幾於無可置喙。外交部唯唯否否。形若木雞。一席話間。迄不得要領。方深詫駭。而秘密電話至矣。爵相曾稔美麗者。顧其實則以爲聽者傳訛。至是始心動。電話中初僅寒暄。慰問爵使。怒其無謂。憤欲擱置。其機忽驚。聲燕語妙。緒環生且覺一種異香。從耳鼓中吹入。鼻觀奇妙。至不可思議。無何蕩氣迴腸。沁心入脾。幾不覺身之猶在己室中也。方搖搖不能自持。急欲收攝心神。尋問底細。因故作忿恚之詞。曰。夫人何不現身說法。而弄此狡獪。以欺人邪。語猶未已。耳邊嗒然一聲。燈光雪亮。舉目諦視。不覺神魂俱飛。蓋一絕代之麗妹。活現於電話機上也。姿態輕盈。笑容可掬。狀似泥人以接吻。然者爵使此時。腦筋奮亂。幾視爲美麗果能橫空而來。遽上前欲吻其頰。爲玻璃之架所格。層間小撞。幾墮起如桃。始知係一影片。爲築機時所預砌入壁間者。而於彼處啓電燈之機括。故能全身畢現也。爵使方詈其惡作劇。突聞電話中吃吃作笑聲。不止。爵使經此活劇。遂爲女妖魔法寶所壓。如醉如癡。幾於不能成話。每啓電話。機必兼啓其影片之鈴括。如對佳人而於是秘密談判開矣……借款事如何(美)須以全

國之地丁賦稅爲抵押品(爵)此直以國爲賣品耳。貴國何忍出此最後手段。貴爵使亦何忍苦妾以所不能堪(美)然則奈何(爵)不如即以林礦爲擔保品(美)……語時爵使持機有間不語若忖度然者良久……此係兩件事不能相蒙(爵)敵國民氣囂張尙不以合資爲然何況丁稅抵押今不如由漸而入以合資爲餌以借款爲魚鰓君釣得幾何不致臨淵徒羨足矣否則欲思一網打盡反致垂簪而歸彼西部黨者已拚以某某權利屬獨逸國矣(美)信乎(爵)警告已來(美)然則待聽命政府解決(爵)否否速起草約遲則無效(美)吾安得有此全權(爵)但草約簽字可耳將以抵制西部黨倘得平定尙有特別報酬(美)……至此又停良久……必待面晤夫人始可承允(爵)否否須條件協定持草約來簽字則可晤也(美)敬諾(爵)現金須足付回扣盡歸妾一人收入(美)亦允諾(爵)越三日此草約簽字已在該國總理府中小夫人美麗孀之繡囊中矣及外間漸知以爲損失國權欲毀其約而已無及英政府得報告亦大不以爵使爲然欲毀成約及撤換某使至竟仍如前議蓋秘密電話之魔力無所不靡也不數年該國終爲英德諸國所分割

予友又曰美麗。後卒爲西部黨所刺。雖所行多不義。究猶愈於今日之典盡賣絕。而不顧者。予笑曰。君亦爲秘密電話之魔力所攝耶。何前倨而後恭也。

治政
女蘇秦

歲暮束裝南歸。出都門。登汽車。意灑然也。車客素繁。爭擁一席地。羌無坐處。忽鄉人子招予以手。知必有佳境。從之。果得後轅一區。三五人踞踞倚裝。免譁擠。宛然世外桃源矣。少頃喘息定。烟茗相慰勞。因引起劇談。鄉人子曰。子知都門近日新發生以女蘇秦案乎。予謝不知。轉詢曰。政客中乃容女子露頭角耶。曰。唯唯否否。不然。請進述之。厥事既豔且秘。而暗幕中饒有趣味。大足實子稗史中資料也。予笑諾。傾耳焉。宣南八埠中有高才倡者。與錢塘小小同宗。而肇錫嘉名。有靈均。紉蘭之志。卽與某巨案有關之洪憲偉人。曾挈之偕遊滬濱。宛如伉儷者也。倡既擅色。藝又盛名。譽高掌遠。蹠輒足傾倒。一時豪傑。凡都門顯要者。流罔不冠蓋過從。渠乃出牢籠。百態亭毒萬彙之手段。徐起而收拾羣倫。幾莫敢脫其窠臼。則偉大之魔力可想見矣。所舍曰松翠院。蘭閣繡閣。陳設華侈。衣服飲饌之費。月必逾千金。近侍婢媼咸能以眉語以目聽。當洪憲帝制議方

織諸元勳策士會議其幕中視爲秘密機關又若前朝之樞密院軍機處焉無以名之名之曰女魔王其間招權納賄汲引人物不可縷指數蘇固坦然視之行所無事也顧蘇以勾通貴人故淹滯京師所與游者皆鬚鬚多髯或薦肩火色輩而顧影翩翩者流懾於大人先生之威望不敢窺其室況京師風氣又不若海上一隅之自由可以招致御者伶人而有之者也蘇大以爲苦聲言吾苟得抽身必圖南矣無何洪憲敗政局驟變達官貴人多流轉蘇處亦大改觀始喟然歎曰吾視彼等富貴若敝屣耳前後雖獲數萬金揮斥殆盡今而後斬獲如意耶君託以終身則所願也乃變網羅爲物色一日有年少客過訪丰儀都雅而談吐性格又復溫存蘇大悅竭生平魔力以羈縻之客顧倒若喪魂魄蘇徐審之客乃蓮花六郎後身而大行人之僚屬也雖不齒於位尊金多之數而京曹清貴裘馬輕肥亦自可人所惜者使君有婦未知金釵畫屏能否相容耳既而往來逐漸親密熱度日增一日顧銷金窟中所耗正復不貲雖蘇以愛張故加意體卹而奩中所積帝制造孽錢年來亦揮霍盡罄張探知之以互相體恤不忍不勉力爲之鋪張釵鈿脂粉時有所點綴而月二百金之俸給往往不敷於是稱貸以益挪移

以應而個中苦況與溫柔鄉之樂趣相抵不足以償矧值歲時設宴施犒動輒百金以上而平日之歌筵博局猶不在此例張之困難自在意計中蘇之慧點寧不解此因乘間謂張曰妾爲君故而茹荼自甘君恆期期以爲不可然自是日卽迴轍亦豈妾之所能獨樂哉無已其爲代人之慕乎苟六博投壺相引爲曹此間得少佳趣則於君無所不利而妾之慾壑既滿然後作菟裘計乃長策也君其有意乎張聞言嗒焉似有媿色太息曰堂堂七尺而不能庇一婦人何以對卿且吾終不忍使卿自爲謀也蘇喻其意乃曰妾心如皎日願君勿疑設有不信第觀其後可耳張唯唯自是蘇皇皇若有所謀其門前恆有貴人車馬放汽聲鳴鳴然而室中酒味燈光頓增異彩同院羣姬嘖嘖涎羨曰聞此客乃財神第二固赫然高位者也學貫中西名播京外彼蘇蘇者居然獵得誠好身手哉自是此貴人者遂日爲蘇小鄉親而蓮花六郎則惟蹈隙一來貴人旣嬖蘇甚乃卜香巢於某秘密所自是不復高張豔幟一般漁郎無津可問相顧作陌上之蕭誰敢望入幕之鄰卽貴人自命獨占春光金屋中穩貯阿嬌不許閒蜂蝶飛來探信可謂絕無疑義矣而無如蘇每晚必出出則深夜始歸貴人或先至問所往

則非手帕交之博局。卽某姨某媼偕赴劇場也。貴人欲自挈之游戲。輒謝之。德累十請始一應焉。或貴人有事不及值宿室中。喁喁若仍有相與爲偶者。婢媼咸知之。皆曰蓮花六郎實吾主人也。而大官顯者則傀儡耳。然貴人不知也。一日貴人因赴某議會。駕蒞中央公園。甫入門。彷彿見甬道旁綠陰花圃之際有麗人長身玉立。倩影亭亭。雖所相者背而衣飾神態宛然爲蘇對立者一少年丰致閒逸。衣冠極合時宜。瞥見貴人來。若甚驚愕。佯注視花朵以避目電之刺激。貴人固識蓮花六郎者。心知有異。方欲迂道入花間窺察。真相忽聞有人呼己某總……長乃足恭送迎之。某某部員也不得已稍假詞色。部員捧夾而進。周旋間亟顧目的地。一對野鴛鴦已不知飛向何處去。心甚懊喪。怏怏如不願行。部員疑語言不慎致忤貴人意。倍極殷勤而不知貴人意別有屬也會事。訖赴宴某所。因借杯澆塊壘。竟至酩酊疾驅至秘密外交室。時逾三鼓。蘇猶未歸。婢媼多方掩飾。貴人忿不可遏。擲冠投器。邊怒他人臧獲。羣皇皇罔知所措。正無奈間忽報女主歸矣。貴人倚榻臥寂無聲。瞠目向外視。若急盼其人之入室者。而女主殊遲遲蹣跚庭中。喁喁若與人語久之始牽簾入。雙頰酡然。醉態可掬。而益增其媚殊。

不遽顧貴人。貴人亦不問訊。但注視其行動而已。蘇徐解外衣。置之桁上。衣香拂拂。過
 鼻。觀釧影。燈光相映。射髮鑒眼。波令人意也。銷矣。婢媼進盥具。蘇不卽就洗。從容攬取。
 腰間荷囊。出金盒如桃。啓其鍵。拈荳蔻若干粒。走近貴人前。以指塞貴人口中。貴人至
 此。意不自持。遽掇其腕。蘇瞋以白眼。不笑也。復過奩。積前取玻璃瓶。諦視橄欖紺碧。色
 盈其中。乃於積底出一翡翠盤。傾橄欖數十色。香可愛。持之置貴人榻旁。復不瞬而去。
 須臾。乃一玉碟。盛黃橙。金刀已剖。香液津津。如此者數。四貴人乃不復能默。曰。爾蹀躞
 何勞也。盆中水已涼。盍且盥洗。蘇顛聲謂曰。吾憾不能每夕操勞也。今日非吾候。駕於
 公園者。恐又無福消此紆降矣。貴人愕然曰。爾乃往公園覓我耶。蘇歎曰。人家一寒士。
 攜所眷行花陰。雙雙軟語。意態纏綿。遇所心愛之物。則解囊立購也。妾望之殆若神仙。
 妾枉嫁貴人。僅爲一鑽石指環。乃於稠人廣衆中。立受索債之辱。幸而夫君至。竟漠然
 視同陌路。人之幸不幸。其相越竟若此。語畢。目光晶瑩。似含泣意。貴人心大不忍。乃曰。
 吾不解爾何語。爾何嘗白我以故而屈怨我。何謂鑽石指環。何謂索債。盍明以告我。蘇
 頻撼其首曰。何必饒舌忤貴人。雅興貴人止之曰。勿爾第言之。蘇曰。爺不來此數日矣。

未知何所眷而遺棄若是今日滿擬公園相見一陳衷曲而竟爲細人所阻謂爺議國政遂致有懷莫訴微爺來妾乘醉幾自殺矣貴人卞急頓足曰吾欲聞逼債事而子絮聒以亂之何也蘇曰無他前日妾允客轉售之鑽石指環值三千金爺來早了此重公案矣望眼欲穿而約期難踐今日冤家狹路竟遭立索妾生平未有此奇辱不覺怨及爺女流量窄幸爺恕之貴人怡然曰爾欲金錢耳胡不早言語頃摸索衣囊中取一紙裹若書函狀者擲蘇懷中曰此摺本擬置卿處久矣明日爾卽自往交通銀行支付可也蘇拾其物伴嘆曰何故惡作劇累人奔馳第界我銀券三千膏非彼此方便貴人笑曰爾今日一鑽石指環耳明日或復一金釧後日或更一珠圈我事大忙索之不獲行且怨我予取予求縱不瑕疵亦復膩煩已甚得此則爾可自由取攜癡妮子乃不謝而讎我何也蘇笑曰此所謂野人不識文繡也雖然此物代爺保存亦妾之責分應爾貴人見其莊諧雜出乃一笑置之而於是隨意支金之憑證物入蘇囊而不復出矣是時貴人之疑雲毒霧消釋已盡仍與蘇歡若平生云

花國春秋寒煥靡定貴人初以疑蘇故幾至決裂而蘇以一席談反倍增其眷戀固由

蘇之操縱多術而亦足見貴人之感情易變也。無何貴人以廣事漁獵故得某娼之殊色更優於蘇。孽海波深輒復滅頂此間樂不思蜀而蘇乃爲明日黃花長門自是無梳洗何必珍珠慰寂寥。貴人蹤跡漸疏而蘇之怨懟亦日增矣。無何蘇以事赴津偶過某遊戲場瞥見一汽車鳴鳴來中有高坐者儼然貴人而其旁則靚妝豔冶十六七許之女郎固名妓某蘇所素識者也。風馳電掣一瞬即過蘇在馬車中視之頗真而貴人得意忘言似不甚注意於是蘇知貴人之果有新寵矣。既歸乃電召蓮花六郎至與之約曰：「今而後君即居此衣食供給於我可也。」渠既厭故喜新儂亦舍此圖他而名義上不容不蓄養我。且有證物在我但取之宮中而自足與君優遊娛樂尙復何求。六郎曰：「渠有責言奈何。」蘇曰：「妾自有術。」母煩君。鯁鯁也。於是蘇乃出貴人所留之憑證書令六郎填寫。且謂之曰：「妾意每月支二千金。屆時煩君一行肆中計員設有問即以貴人面囑對之可也。」六郎曰：「憑證書固也。而填寫於下無簽字姓名鈐記則例不得支付。此手續有關計將安出。」蘇笑曰：「吾知之。稔特尙未與君言及耳。」曩日妾支三千金時曾索渠鈐記。今固猶在。豈蔻盒中也。昨渠遣人索取妾以要物須請自取拒之渠竟以迷戀新人。

故不復措意。今而後持此爲質。誓不復返矣。語次取盒授六郎。六郎啓視之曰。信乃壓朱泥而鈐之。欣然命駕去。不須臾。二千金攜以奉蘇。蘇乃具酒食相慰勞。六郎自是雙棲蘇室。舍到署。辦公而外形影不離。愛情之篤。膠漆不足喻也。蘇所居宣南名勝處。香車寶馬。輒與六郎比肩而出。璧人雙影。見者嘖嘖稱之。而亦竊議貴人之空花無賴。然民國以來。風氣丕變。此等事司空見慣。亦復恬不爲怪。轉譽蘇之能操縱貴人。贈以私號曰女蘇秦焉。

金錢魔力起。以傾倒美人。而有時反爲美人所侮。弄世之面團團者。以多金蓄姬妾。不啻羽翼輕薄。少年成全他人之好事。所謂政由甯氏。祭則寡人者。比比然也。而貴人遂無計可以避此。蘇既與六郎合謀。循例取金者。三月會歲終。貴人與銀行核計一年之出入。見此三月支額。愕然曰。吾未嘗有此因詳詢取金者。年貌情狀。輒然曰。此必奸人竊吾印信。詐取財物耳。設再至當爲我捕付廷尉治鞠。情由庶得水落石出耳。蓋貴人事繁已忘鈐章之遺。留蘇處方疑會計吏員之舞弊。不知一段豔史之由於自作孽也。銀行員唯唯承命。未幾六郎果再至銀行。立扣其憑證物。執付法庭。指爲冒取。六郎無

以自白俯首對簿。但言貴人囑我無何。蘇聞之投袂起曰。妾累六郎不往救。何以爲情。且勿使貴人得志也。乃束裝自首詣廷尉。聲請廷尉遣官訊之。蘇侃侃言曰。貴人妾夫也。取財憑證。由渠面給爲蓄養費。妾倩六郎代持。取理由正。當六郎何罪之有。設以爲罪。當先罪妾。今第試問貴人。既認妾爲筵室矣。此贍養金。妾所當取乎。抑否乎。但獲答復。自易解決。勿無端累及他人也。廷尉無以難。乃告貴人以狀。貴人爽然自失。曰。開門揖盜。吾竟忘此一節。而輕易發難。宵不貽人戮笑。不如速已。乃致意廷尉。使釋六郎。六郎不肯出。謂廷尉官曰。貴人倚勢占吾妾。吾以力不敵而讓之。自謂受屈已甚矣。渠出金養妾。憑證具在。安得指吾爲詐。騙今無端辱付廷尉。視同罪犯。吾亦職官也。旣入獄矣。尙何面目復出。吾甯死於此。決不復出也。渠人貴何難。置人死地。官大窘。以告貴人。且曰。蘇旣出而承認於法。張自當脫離關係。而蘇以家主瞻養名義。亦不成立犯案。此事頗棘手。非勸張出不可。貴人乃紆尊謂承審官曰。願子善爲我辭。苟使渠通融了事。卽有所需。吾當受商。且此妾旣與彼有舊情。吾卽舉以贈彼。亦無不可。毋致決裂。貽人笑資。承審官自任爲調人。唯唯受命而退。翌日告貴人曰。張以業受拘捕。無顏復供職。

京曹恐爲同僚所指。摘明公如願息事者。則渠亦不固執。但請畀以三萬金。俾渡重洋。留學於美國可耳。貴人囁嚅良久曰。三萬金耶。容吾徐思之。承審官既退。則蘇妾已踵門求見貴人矣。貴人懼不敢復接見。但令家人問所需。蘇曰。妾既委身事爺。蓄養費義所當取。今憑證物既失。其效用妾特賣主。以便繳銷。但問妾之後日所需。將安所出。爺不以代價收回此憑證物者。妾惟有延律師保存之。而登新聞紙聲明其事。求天下人爲妾公判耳。家人以語入告。貴人慨然曰。渠竟無賴至此。協以謀我。毋乃逼人太甚矣。不得已。給以萬金。自此斷絕關係。何如。蘇不允。使者往返再三。卒以萬五千成約。而張獲二萬金。赴美留學。案遂結。

指嚴曰。女蘇秦。其應運而生之人傑也哉。世變既亟。朝士無復節概。勢交利誘。詭詐不可名狀。其甚者挾縱橫捭闔之術。欲一手掩盡天下耳目。而不意帷薄之中。聲色炫惑。奪其精爽。卽以彼所制人者。還起而制之。顛倒反覆。玩之股掌之上。蕩逸自由。取求任意。稍不措注。則且能發而不能收。其愚可嗤。其得報又可一快人心矣。雖然。大宦富家。以漁色爲己能者。睹此亦庶知驚斂也夫。

寓言喇嘛革命

川邊某縣之一村鎮。居者數萬巨部族也。俗俱奉佛。無富貴貧賤老幼賢愚家必供佛像。身必佩佛符。飲食起居必有祝疾痛死亡必有禱禍福。胥蠶歷歷不爽。佛之靈蓋昭昭也。除土木金漆裝飾之偶佛而外。尚有傳世相襲之活佛。其法亦參用藏中達賴喇嘛金瓶製籤之手續。又云有歷代相傳之玉牌一事。每遇資格相當之產兒。卽刊刻名氏於牌上。投入井中。牌浮出者。卽爲眞活佛。令繼已往活佛之任。此法行之已久。藉免爭端。自活佛位置以降。有大喇嘛及護法喇嘛。政務喇嘛。教務喇嘛。軍務喇嘛。商務喇嘛。等職。組成一團體。儼然如小政府。此鎮在佛力庇蔭之下者。蓋已千有餘年。佛子佛孫。佛臣。佛妾。佛奴。佛綠。佛兵。佛將。達四萬口。

先是佛法以神聖不可侵犯。治其鎮受治者。於一切行政事業。不敢過問。逮三豕渡河之歲。忽大喇嘛者起。而革命盛倡。共和諸職事。喇嘛羣起而和之。由是向之佛以金瓶玉牌而詫爲天授者。今則必由羣擁衆戴而始獲人歸向之。以香花供養膜拜頌禱出言如綸。摩頂有福。其尊嚴如帝天。今則一切平等。無我相。無衆生相。與羣僧了無異趣。

爲佛憂者。謂佛性從此替矣。爲佛解者。則曰。此佛法所以云。人人可以成佛也。而佛歷史。乃離奇變幻。以至不可思議。一世佛爲農家子。生有異采。孩提時。呀呀學語。口吃不成句。獨於經文。已能背誦。如瓶瀉水。稍長。乃不喜泥守經義。時出別解。謂活佛非天授。人人可以本能得之。又以一切尊嚴法度。其實非法。舊活佛聞之大怒。目爲妖魔。欲捕而殺之。有女菩薩某者。心契一世佛之說。願爲之保護。鎮俗重女。凡女爲男保證。無罪者。得有特赦。權貴女。勢力尤甚。某富家子。止一女。遺產黃金數萬斤。又礦山三五處。皆採寶石。瑪瑙。碧玉。空青之屬。歲出不貲。有水曰蓬江。色黃。灘沙燦燦。皆金也。女家擅其利數世。故衆仰之。如神明。女貌如滿月。星眼。山眉。照人朗徹。諸僧莫敢與匹。偶女亦不屑一顧。盼所居宅。第連山絕壑。壯麗埒於活佛宮殿。食其租稅者。咸往朝拜。如酋長。女夷然受之。若固有也。其倨貴。可想。獨心折一世佛。延之入室。待如上賓。旋出其重器。金玉恣爲結納。一世佛卒。賴其力得躋位。大喇嘛女菩薩曰。宵止是耶。惟時一世佛所持論。大忤前世佛意。幾危身。命女菩薩曰。彼爲公衆犧牲。其生命吾何忍不救。乃自往官府保證。其無罪。官府欲不許。衆凡受女菩薩恩者。皆大譁。官府乃釋之。而舊活佛修憾。

不已。旋密喉偵探誘致。一世佛幽之於雪山之巔。絕其飲食。飛鳥不通。一世佛日夜誦經。知無生望。至七日。忽一猛虎伏跨下。馴如羊豕。俯首若聽經。然一世佛祝之曰。吾欲求援於彼慈悲之菩薩。爾能爲吾作寄書郵乎。猛虎時領其首。若深解者。一世佛果作書緘。訖置其口中。虎銜而受之。竟奔女菩薩邸。第女方以一世佛傳道往某鎮懷思。頗苦。願以將來幸福爲解。尙覺甘苦參半。無何室外忽起喧騰聲。雜以驚惶啼哭。大惑不解。正欲追問。突見一巨虎入室。女菩薩知魔難已來。無可挽救。乃轉毅然待死。虎殊不惡。逡巡就足旁。口吐一物。如函狀。女拾視之。則一世佛手翰也。知遭難望救。恨已往。弱不勝險。恐轉無益。而有害。乃集家衆。選尤驍勇者二人。謂之曰。爾等可騎虎往視彼母色。變也。二人唯唯。瀕行。又叮嚀焉。乃登虎背。策行其疾如風。尋登巔。一世佛見虎至。喜甚。知二人者必來援救。惟守衛者十人皆死。士懼力不敵。方錯愕間。虎忽躍起助戰。迭齧斃守衛五人。其半跳而免。一世佛始得躍登虎背。浩然有歸志。自是匿女邸中。不復出門一步。而女則已爲之幹旋朝野。運動公家。一世佛遂藉其力。推倒舊佛政府。放舊佛之黨於雪山中。因與女菩薩商建新政府。號曰平權。居民方以爲是歡喜緣。必能爲。

我輩造無量福。豈知自一世佛坐牀後。法度破壞。祈禱廢。居人瘠瘠。其非附佛。俾雀殊失所望。女菩薩亦無奈何也。

當一世佛聲威大減之際。正二世佛嶄露頭角之時。二世佛名門。將權寄。取諸勝時。流時。流亦自歎弗如。不喜。福慈而見。地敏銳。往往出人意表。自軍政喇嘛之職。遞至大喇嘛。言動伉爽。極能起人人景仰。且酬酢聯絡。天然入彀。以故三年之間。黨羽逾十餘萬。見一世佛修行雖高。無政治能力。早有取而代之之意。會一世佛感疾。諸務悉委之大喇嘛某。大喇嘛欺一世佛長厚。招搖誘惑。無所不至。鎮天不謂然。二世佛乃乘勢誘致軍政喇嘛。令其部下譁變。事既成。已身始出面調度。收拾將亂未亂之棋局。鎮人不喻其詐。俱感二世佛之排解仗義。有若魯連。於是二世佛乃不得不攜其至愛之女菩薩。讓位他適矣。傷哉二世佛。既就位高。掌遠。雖儼然以大者爲自居。鎮人亦頗信服。勢力大振。幾如舊佛時代。於是二世佛野心勃勃。執意己之權力增進。自不難恢復舊活佛之尊嚴。殿前有金剛六人。俱稱護法。大將軍一名。齊天聖。術通靈。變幻不測。能將毫毛七十二變。變成世界上各種有機無機物質。獎之

爲國士。無雙。其二則名柳樹精。純陽大師之弟子。後皈依佛法。亦復神通廣大。無所不能。初本兀傲。自喜不服。二世佛之指麾。有鎖骨菩薩者。妖冶能媚人。忽與柳精遇。柳惑之。至形神顛倒。不能自持。鎖骨菩薩終若即若。離不可捉摸。或告之曰。能膜拜二世佛座下。則菩薩不難立致。柳猶未信。會某喇嘛者。二世佛之鷹犬。頗作威福。見鎖骨菩薩而悅之。欲與之。噫。鎖骨不允。二世佛聞之。遣龍虎力士往縛。以畀喇嘛。後喇嘛忽有貳心。爲二世佛所誅。是時鎖骨乃無主。柳樹精知二世佛能役使之。遂投身入寶座下。二世佛賜以金絡索。立牽鎖骨菩薩。至從柳樹精歸洞府。柳乃甘心以死報。二世佛焉。其三名海裏跳。或云觀自在菩薩座下金毛吼之私生子也。不知何年日月逃入此鎮。初於海子中興波作浪。後以二世佛神力收服之。卑成人形。與大喇嘛分庭抗禮。海裏跳感恩戴德。竭盡心力。助二世佛擴充威勢。凡一時喇嘛之反對二世佛者。無不畏海裏跳之狂擾。蓋彼登陸後。衝突之力益猛。當之者輒靡。故後又改名平地跳矣。其四名六奇神。某山中乞兒也。時遇異人傳授。能入水不濡。入火不燃。升天無礙。入地無阻。不飲不渴。不食不飢。故稱之爲六奇。二世佛得之如獲巨寶。使日在左右。使用其術。以

炫愚民。諸嗽喇見之。亦自歎。勿如六奇。乃爲二世佛。徧走鎮中。廣布德意。居人無不託。二世佛之威靈。突過前活佛也。其五曰火居和尚。力大於獅象。有犯二世佛者。衝鋒禦敵。猛銳無倫。其六則曰野狐禪。猛不及火。居妙不及六奇。活潑不如海裏跳狻猊。不如柳樹精通靈變。幻不如齊天聖。然有特長。則以其柔媚陰險。能害人於無形之中。人之畏彼。且遠於齊天聖諸人也。二世佛用此六人。而居中調度者。更有大喇嘛一諸職事。喇嘛四大喇嘛名曰滿地金。相傳佛在舍衛國。給孤獨園說法。布地皆黃金。卽大喇嘛之父所爲也。至大喇嘛時。猶富可敵國。以財役使諸部落。得其歡心。二世佛待之如骨肉。欲藉其力以結人心。滿地金乃言。吾父在舊活佛時。位爲國師。舊活佛因之得受諸部擁戴。雖窮極威福。無敢叛者。今我佛如來。處心積慮。若此。曷不恢復故物。使佛道光諸羅漢。亦與有榮焉。二世佛大喜。悉如其教。諸職事喇嘛中有長於降龍伏虎者。有善於吞刀吐火者。有能履葦渡江者。有能咒蓮生鉢者。一技之長。咸足輔助二世佛。張威耀武。更有妖魔二位。爲二世佛所制。降投効麾下。雖小頑意。怒則使人身熱頭痛。忽生疾病。喜則使人精神健爽。意氣洋洋。俱出於不自覺。又能興雲作霧。匿影藏形。乘人

不備制人生死。二世佛亦利用之。是時二世佛之意。凡鎮中人物。苟有才能。當盡使出。爲己用。有不從者。以術窘苦之。令其自服。惟南山中木公子。心不善。二世佛所爲。顧處於孤掌難鳴之勢。不敢露反對意。二世佛知其道德技術。出諸金剛上極願半籠之。俾爲己之干城。心腹而微察其人。頗異於衆。又山中居民。土著世世服木氏。情如父子。苟不得木公子心。此方非己有也。於是畢力注意木公子之行動。時使一妖爲偵探。欲驗其趨向之如何。木公子擅六通術。能知過去未來事。深悉二世佛防己乃伴作投効狀。與諸金剛喇嘛結交。下至妖魔。無不假以詞色。竭意交好。妖魔竟不知其作用。然終疑其不誠。乃導之爲狹邪。遊有鎖骨菩薩之黨。十姊妹者。效天女之裝。奪摩登之席。淫冶妖媚。放誕無儔。木公子一一與之結歡。喜緣無遮。無礙。皆大戀愛。於是二世佛與諸金剛妖魔等。俱深信木公子。已入彀。決無疑義。無何木公子稱疾退。某寺中湯藥呻吟。厥狀殊苦。二世佛令某喇嘛以符術治之。稍奏效。是夜守者漸懈。弛木公子竟微服遁。垣出遁歸南山。中南山居民方憂木公子之不免。日夜探望消息。又以二世佛任用邪術。擅作威福。心不能平。第不敢昌言反對。因不得木公子調度之故。至是聞木公子逃。

歸大喜。鳴鼓揭幟。而集者萬人。立揭二世佛罪狀。謂煬舊佛之餘。饑驅亡朝之遺孽。圖謀不軌。佛法將墜。吾輩宜萬衆一心。力振共和。發揮一切衆生平等主義。方是佛法。懺文一傳。各山響應者。日有數起。二世佛大驚。謂金剛等曰。吾三十年老娘。倒糊孩兒。乃爲木公子所弄。天也。雖然。吾背城借一。猶足以制其死命。盡努力爲之。諸金剛喇嘛。咸曰。諸願所當。輒敗氣漸餒。諸職事喇嘛。中降龍伏虎者。先叛。吞刀吐火者。繼之。於是齊天聖滿地金等。皆失其能力。大勢已去。無可挽回。二世佛至此。已告束手。無策。忽火鬱病狂。持刀殺女菩薩數人。以洩其忿。鎖骨菩薩獻計曰。彼等之洶洶。無非爲爭權計。盡取舊活佛子孫。擁以虛位。而我佛操其實權。藉以寬人心。緩兵勢。似較爲利便也。二世佛怒曰。爾欲吳王我乎。鎖骨菩薩懼。乃轉投木公子黨。二世佛聞之。羞憤交作。肝病大發。不周時。而力竭聲嘶。法輪不轉。已入無餘涅槃矣。

是時木公子乃擁衆所推戴之三世佛。履位三世佛。亦將門子。然性仁慈。不尙法力。而修悲智。以明心見性爲正宗。幼時艱苦。備嘗得某大喇嘛之援引。始獲躋升軍務。喇嘛當大喇嘛之革命也。三世佛功最高。諸喇嘛及鎮中人。罔不欽仰。又以其實行平等主。

義傾向。甚至旋因二世佛忌其能幽之於雪山深處。絕其交通。三世佛勤修苦行者。二年及六護法肆擾時。三世佛安然寂滅。不睹不聞。人莫不服其雅量。木公子歸南山。私相與約曰。苟得除毒。非公出無以宣佛法。三世佛亦許之。及二世佛既出世。衆議所繼承。木公子乃曰。某喇嘛之功德。其可忘乎。衆垂然若失。遂扶三世佛坐牀。既而木公子請盡誅六護法。四大金剛。二妖魔。以洗一鎮之恥。且絕亂源。三世佛愀然曰。吾以德薄能鮮。未克化凶除害。致衆生罹水火兵災。死亡相繼。今事甫定。豈忍重誅戮。以傷和氣。人生如幻夢泡影。何苦自相殘殺。吾欲效如來尊者故事。現身說法。以度衆生。庶幾其可免災難乎。木公子曰。佛法重悲智。雙修我佛。以不教爲仁。悲之事也。而凶頑未戢。亂機尙伏。一旦爆發。必至燎原。故克除妖醜。以安善良智之事也。我佛獨不思有悲而無智。則悲者將終。悲不悲之效。無可致之期矣。彼妖魔者。凶心未死。方日盼死灰復燃。不顧生靈之遭劫。願我佛蘊其小悲。而奮其大智。則靈感萬年不替矣。三世佛終猶豫不忍決。無何六護法奔走諸喇嘛間。二妖魔助之。逞其陰謀。以求一當木公子。左右抵禦。心力交瘁。僅免橫決。而五蘊內空。六賊外蝕。竟致一病不起。三世佛悼痛無似。益勸破。

人事堅抱出世想。會藏衛間有兩部鑿戰事。六護法喜曰。此奇貨可居也。乃宣言國中。非助戰不可。大喇嘛某者。本二世佛舊人。雖不願附和二世佛爭一日之虛榮。然終以三世佛柔懦不足有爲。常扼腕謂一腔熱血。竟灑何方。初以木公子雄才大略。欲援之以助三世佛及木公子。殂。大喇嘛乃歎曰。是真絕望矣。乃陰蓄異志。有黑莽將軍者。相傳爲豬精化身。或曰卽西遊記中豬八戒裔也。於舊活佛時供奴隸。掃除役。然自命忠懇。不願奉三世佛。在一世二世佛時。已欲除之。黑莽將軍力猛部下多怪物。食人如瓜棗。遂羈縻之以緩其禍。黑莽將軍益跋扈。自負意謂天下無敵。橫行邊疆。未嘗有所畏。二世佛旣謝黑莽將軍大喜曰。從此真莫予毒矣。視三世佛蔑如也。三世佛果含忍之不與較。木公子常以爲言。三世佛卒以不可輕動爲解。於是黑莽將軍盤踞益固。及大喇嘛挾境外戰。率以難三世佛。三世佛終持慈悲主義不肯一動。殺機大喇嘛忿而求退。三世佛曰。彼必飲破除殺戒。吾惟聽彼自由而已。苟去我則任彼自爲之可也。左右刳三世佛聽其去。遂逐大喇嘛。諸喇嘛聞之譁然。並起謂佛法安在。乃逐去功高德懋之大喇嘛。各率其族起與二世佛爲難。三世佛欲退位避之。左右持不許。三世佛欲

求援助。或進策曰：黑莽將軍忠直人也。夙與大喇嘛不協。盍召之來以抵禦。大喇嘛以毒攻毒。未始非法。三世佛意踟躕左右。矯命召之。黑莽將軍乃率其黨。實至三世佛。不得已。屬以禦侮。事令和平。排解黑莽將軍。漫應之一夕。忽掣舊活佛之孫抵三世佛座前。厲聲請曰：佛祖有法相傳。本神聖不可侵犯。爾等何人。非有金瓶玉牌之兆。安得妄居此位。速去。速去。我將扶此佛登正位。則諸部悉服。大難可平。不如此。不足以靖紛爭也。遂舉兵欲擊三世佛。三世佛合掌下座曰：善哉善哉。我視富貴如夢幻泡影耳。般若波羅密多。吾將發三藐三菩提心。須菩提於意云：何黑莽將軍揮之曰：誰與汝宣佛號。波羅僧揭諦可厭甚矣。三世佛既退。黑莽將軍遂奉舊活佛登寶座。大喇嘛聞之躍然曰：彼不可恕也。乃起兵與黑莽將軍戰。黑莽大敗。僅以身免。大喇嘛乃復位。或勸之曰：四世佛謂曰：今尙非其時也。或又勸求得三世佛再置之曰：此庸庸者不足與謀。於是取別一大喇嘛者爲之代。而三世佛仍幽居雪山之巔。宛如二世佛時云。

佛笑女士曰：妾名佛笑。亦川邊某縣之一分子也。佛法至廣大靈感。而今日紛紛爲世所笑。妾笑佛耶。佛笑妾耶。但聞木居士告人一語。佛已無靈。且看佛笑故。佛笑皆大歡。

稽 九日龍旗

京師前門外有小肆焉。善製戲衣。袍笏旗幟之屬。兼作彩畫文繡。獲利頗厚。民國以來。舞臺之所需。雖猶是而各公署及墮肆所懸之國旗。則僅以五色布縫之。厥值較廉。畫工繡夥。幾至無人問鼎。肆主怒焉。憂之。性迷信。媚事狐鬼。家有小樓。供大仙者數世矣。每祭必祝曰。吾業何日發達。

一日忽有老者坐肆中。不知所自來。皓首龐眉。貌殊奇古。方與肆夥喁喁作秘密談話。肆主入循例寒暄。未及詢姓名。老者笑語曰。子發財機會至矣。吾特來囑子預備。顧事大忙。晚間人靜後。更來示朕兆可也。肆主方愕然不解。所謂而老者已杳然。羣以謂神比晚佇候。老者不至。至半夜倦且欲眠矣。忽聞院內有呼肆主名者。亟趨視之。日間老者也。謂之曰。速從我行。惘惘隨之。出及門。彷彿有馬車一乘。老者拉肆主人共乘。覺其行甚疾。向北曲折。遞遞約炊許。圍人曰。至矣。遂偕老者入。則一巨第。類帝王居。閤人令坐旁室。稍憩久之。始有侍衛傳宣入。見老者引肆主拜跪。肆主微睨上座者。則頭角嶄

然貌極怪醜。衣冠遵前朝舊制。翎頂燁然。態甚倨傲。向老者若有所語。肆主立較。遠不能悉聞。但見授以紙卷。一旦囑曰。機不可洩。宜於密室。速爲之。儘一日夜。成萬幅。卽派汝監視。有誤期或漏洩者。責任在汝。老者唯唯叩首而退。拉肆主遽出。旣登車。乃於懷中出紙卷示之。則五爪龍形也。肆主駭曰。久不睹此物矣。自民國共和。咸以爲不祥之怪物。今貴人囑公。意欲何爲。老者急搖手曰。關汝口。慎勿饒舌。毋累吾。干重戾也。肆主色變。身顫。急謝無狀。誓此後勿忘。語老者乃低語曰。我國將有大變。更東海神龍復出。御世此間。所懸旗幟。必一霎時盡易。以龍形頃間上座者。卽龍王也。乃龍帝之大臣。其先實係龜鼈之屬。曳尾塗中。與吾儕修尾之族相類。本有聲氣之感。徒以彼恃蝦兵蟹將之力。得致高位。昨渠已統護龍軍來此。有軍師長鯨者。上觀天象。謂紫微垣光明。龍帝必且復位。宜速預備。乃由黑魚精專司籌備事宜。因吾輩最善隱形秘密。故以預製旗幟事相屬。吾受子香火。久有發財事。安得不私厚於爾。爾歸速爲之。明日吾將令五鬼搬運。置各鋪戶門旁。彼申茶鬱壘。自能株守待後。日霹靂一聲。春雷施令。卽羣龍出見。旌旆飛揚之時也。子好爲之。萬金不難立致。肆主大喜。無何車抵肆門。老者復不見。

肆主乃星夜召集畫工繡匠用老者術納諸人密室中令繪製各旗幟雖斗室而不覺其窄衆益驚異肆主日奉香火祝大仙祈禱默佑衆覺手足敏捷大異常時知老者之靈效實非虛語及盡二十四小時萬幅果完成忽有披髮醜惡之將士五人排闥入昇一櫃置地上呼肆主收受肆主啓之銀奩滿中數之適符萬數五醜惡人亦不復作語但捲疊旗幟如束薪捆載而去老者忽又見謂肆主曰爾宜特製一旗以異於衆且由此可得萬金賞是二萬金也庶幾可償子願乎肆主崩角謝問特製之旗奈何老者曰中央五爪龍如故而周以紅日九枚作環拱狀人問故則對曰昨夜夢天神授我此訣日者太陽之象天子當陽是也九者久也萬歲無疆以頌大清豈不懿歟肆主稱善不已亟如言繪製會肆主子方六歲入民國後所生者目未嘗睹此怪物時正嬉戲室中忽眺風翻旗動龍勢張牙舞爪欲搏噬人子大驚狂呼立仆於地目上插口吐沫不復能作哭聲蓋俗所謂膽裂矣亟延醫施治又不敢告以龍旗受驚語但知爲暴疾拉雜施藥餌復請巫者祈禳終不復甦大慟夜叩大仙乞問禍福老者忽至曰子得財足矣稚子何足愛明歲行當復舉一雄也肆主遂不悲但希萬金復至越日闔城譁然盡不

知何時已將屋角同懸之五色旗。靈易以五爪之黃龍矣。惟肆主心知其故。乃徐出特製之旗。高懸屋角。以待龍王之稱賞。頃之果見有揚鬚擺尾。率水族之雄師。招搖過市者。見肆主旗與衆異。入詢其故。肆主答如老者言。一魚服蛇鞭之健將。謂肆主曰。子能喻此意。可謂龍師之高弟。而龍伯之嫡派矣。吾受王命。凡忠於龍國者。有厚賞。今惟子堪稱誠篤。宜引子入見龍王。當有優賜。速隨我行。肆主攜衣冠而出。自悔不能曳尾。猶懷恨良久。既行。恍惚至一處。晶宮鮫宇。別有洞天。惟與前此老者所引入之地。又不類。候久之。傳宣登殿。則雲移雉尾。日繞龍鱗。間乃一玉貌朱唇之美少年。心方狐疑。忽有怪聲發於殿上。謂爾作特別之旗。職果出己意乎。抑他人指使乎。肆主叩首答言。實出小人忠誠之意。復述老者所教語。一過殿上。又大聲曰。衆皆觀望。爾獨順從。且頌禱出於至誠。實堪嘉尚。今特賜爾萬金。以爲熱心愛戴龍國者勸。爾亦宜更矢忠誠。逢人開導。俾息浮言。而靖人心。有厚望焉。肆主稽首領旨。頗訝其語聲不類少年。微睨之。不禁訝絕。蓋巍然侍坐者。卽前此老者所引見之醜怪龍王是也。少年雖高座。絕不言動。凡發號施令。惟龍王專擅。肆主疑懼。交并汗透重衣。縱獲賞金萬鎰。出時已面無人色矣。

既歸。妻孥相慶。夥友咸豔羨。不置。肆主出餘金置酒食。以餉羣夥。欲服其心。願羣夥覲。覲多。金心終不釋。特畏老者。祖庇不敢肆。無何。屠龍軍大至。聲言以屠龍爲第一義。凡此張牙舞爪之標幟。必使一掃而空。不留片鱗殘甲。而後止。肆主聞言。大懼。叩問大仙。何如製旗。人能無殃咎否。且謂大仙教我特製之旗。以久遠萬年爲頌。今才數日耳。卽已危象紛來。岌岌不可終日。一日屠龍軍恢復神京。捕製旗者。置之法。小人寧不因財而殞命。身既不存。財將安附。吾欲逃之。何如禱祀良久。老者忽已蹀躞院中。顏色沮喪。謂肆主曰。龍王大事已去。吾爲奔走請求。偶過豐臺。幾爲屠龍軍所執。勢盛哉。屠龍諸將也。吾儕曳尾之屬。殆將無噍類。雖然。於子獨尙無害人。苟問特製之旗者。則子可以對曰。九日龍旗者。表示懸此龍旗。僅九日耳。如是則子若已知龍旗之結局。人必復賞汝。汝可如俗所云。兩面討好矣。尙何憂爲。第子既得財。宜速散之。否則恐人不汝容也。肆主唯唯。謝教。願於散財一事。則吝不肯行。是晚大風自東南來。走石揚沙。人馬俱倒。京中居民咸惶駭。莫知所措。及風定。則龍旗如洗。不見片影。殆已若紙灰化作白蜩。蝶云。肆主屈指計之。果九日也。遂舉老者之言告人人。皆訝其先知。以告屠龍軍帥。是

時帥方根究龍旗之由來。謂製作安得如許迅速。必有奸人獻策爲之預備。宜捕其人。置之法。或以肆主告將收之。聞其作九日之譏。乃止。肆主竊喜以爲名利兩獲矣。當大風汜掃龍旗之日。肆主私收其餘燼藏之篋中。謂他日護龍軍來留此種子。尙可得厚賞。蓋因國變無常。朝夕改未可預料。故爲是取巧之計。夥友已窺之。乃思作要挾之計。以却其財。一日持新聞紙突入曰。主人試視此龍旗案舉發矣。在勢不免波及宜速自爲計。肆主色變曰。此紙上作何語。吾苦不識字。爾試讀之。何如。夥友乃僞爲雜謠。略云。護龍軍大帥勅封龍王。通電布告各族。此次護龍軍舉旗扶東海神龍正位。實出各族同意。並非本帥一人之私心。如乘龍壻登龍才子。龍伯大人。象龍氏。御龍氏。臥龍先生。好龍公。飛龍子。以及一切攀龍從龍之徒。無不贊成。此舉故畫龍之僧。繇織龍之龍女。一夜而得龍旗十萬幅。一日而懸龍旗十萬家人心。如此豈本帥之罪哉。乃本帥甫舉龍旗。此輩卽岸然反對。高呼屠龍。恬不爲怪。甘心作反覆小人。使九日龍旗遂成妖識。行同鬼蜮。人面獸心。本帥義不反顧。誓必踐言行。當捲土重來。一雪此恥。他日必盡屠此輩。以復屠龍之仇。以竟護龍之功。云云。肆主不諳文法。但聞語中有反覆小

人九日龍旗等字大駭以爲護龍軍帥將來必且尋仇急求計於夥友以免此厄夥友笑曰護龍軍業已散逃尋仇亦在後日尙非眉睫之害此不足患今所患者乃在屠龍軍見此通電必謂主人曾爲護龍軍帥出力名雖投誠定非出自其意實一反覆小人不治其罪恐他日復私通敵人爲鬼爲蜮若此則主人之禍且在目前吾從主人有年心所謂危不敢不告主人皇然欲涕曰奈何夥友曰且避居鄉間數日以待時局稍定復歸營業則可免矣肆主以爲然慮擁此厚貲攜往鄉僻未便而銀行等方停止營業無可委託正躊躇未決乃復禱於大仙叩求再四不見老者蹤影肆主歎曰仙人亦炎涼若是耶今我連蹇乃復不顧無怪護龍軍帥之爲衆所誑矣正歎息間彷彿聞老者語曰爾旣怯餒此金本非爾所應有爾可以十之九畀爾夥友代爲保管爾第攜十之一往鄉間避難可也肆主聞言心雖吝不肯舍願以爲仙人向愛我決不見欺乃果以十之九付夥友而自取其一以去至京西某村土匪方大肆搜掠肆主至被刦一空妻孥幾爲所擄倉皇逃歸仍抵肆中則屋宇全非夥友更不知所往亟問居者則言吾係租賃於屋主設此營業問屋主爲誰則赫然夥友姓名也急覓之夥友翻眼若不相

識憤與理。論則曰。盡出委託存銀證。據蓋肆主付與時倉猝。未。有。手。續。也。肆主大譁。夥友乃召警士至。訴以昔日肆主業從護龍軍帥遠颺。今乃有此無賴冒名詛索。請治之。警士遂捕肆主入署。詳加研鞫。肆主所語支離。愴恍。又不敢暢說秘製龍旗事。警長以爲有神經病。乃驅之出境。肆主遂爲流丐。既痛子又失財。日訴厲老。者不置。夜夢老者語之曰。子以九日龍旗得財子之運亦九日類耳。夥友乃五色旗下漂亮人物。吾已得其供奉。此間樂不思蜀矣。他日黃龍再見。吾不妨更攀龍附鳳也。

社
會
勝藍痛語

某生江南世家子。遠祖某。清乾隆間爲閣臣。晚歸林下。築園娛老。饒水石之勝。高宗南巡。曾駐蹕焉。以故奎章御翰。灑染徧堂宇。至今里人嘖嘖稱之。逮生式微。至而門第清華。秉承詩禮。所爲文章。爾雅訓辭。深厚者流風餘韻。殆猶未盡泯沫。性頗穎悟。父延師教之。讀猛進。異常兒。偶出小試。亦甲。儕輩會中朝廢科舉。崇學校。生乃立起舍業。投考滬濱某學校。既獲最錄。負笈而往。父名諸生。鄉里稱爲有德望者。臨行訓之曰。今朝廷雖變法。中西學並重。顧其爲學校尊師重道。一也。且郡萃州處。有切磋之益。無奔走

之勞何幸如之爾其勉修德業保存國粹勿墮時俗。蠶陵之惡習生唯唯受命。此時蓋如素質未染。自以爲皜然不可滓也。無何肄業年餘。試輒高等。於是師長之獎譽。朋輩之激揚。醞釀薰炙。日事黼桀校規。放放任生計智。橫縱得爲非法之自由。甚至飲博。狎睡。失其常度。管理者姑息從事。不敢施呵斥。至此卽呵斥亦無裨也。生樂此不疲。恆遇假期亦不復返里。家人以爲刻苦寄書且慰藉之。

有教員某氏者。積學篤摯人也。夙與生父善。甫受事。晤生。愛其明敏。卽加青眼。竭誠施教誨。謂有以成全之。私交公誼兩盡其美。予故樂爲此生。初亦感戴親近。就正質疑。無虛日。及習染旣入。惟恐某氏知漸。事趨避。託故遠引。十召不一至。某氏心知有異。留心潛訪。悉獲其狀。鬱然以爲大感。心口自量以爲吾發之怨及同人不發。曷以對吾好友。輾轉數日。毅然曰。吾不忍負友。必函告其父。書旣去。父乃親詣滬。巡訪某氏。相與至逆旅。詢顛末。某氏質述不稍諱。且曰。吾心力窮矣。令嗣苟可去。宜速去。吾亦將從此逝。父尋思良久。乃避席請曰。先生若念故交。則請畢一言。否亦當如先生旨。某氏曰。奈何。父曰。豚犬之不肖。有負良師。雖放逐不足以蔽辜。然念區區繼先人之業。止有此子。堂上

老母望孫成立尤切此間既不可久留鄙意當挈之歸里卽延先生屈趾寒舍朝夕納誨爲敝宗成全此一脈感且不朽某氏答謝曰何言之沈痛也某豈憚盡此義務者顧今世科學繁密非學校無以窺全豹閉戶造車斷難出門合轍則某既徒耗心力令嗣亦虛度光陰雖品格德性可以養成而才智不適於世用實非誤盡蒼生某固闇然亦不爲此也君當別籌善策父曰否否所謂科學者如英文算術理化之類吾宗族外戚之能者不乏其人當使之各任一科按時傳授惟學校所稱主科之修身國文歷史地理等則屈先生兼任之自吾知先生最稔任俠如先生當亦義不容辭者先生其有意乎某氏不獲已強諾之於是父遂往某校爲生請退學挈之以歸生不肯從勸導再四加以強迫始怏怏歸於是乃延某氏教於塾生輒鄙之曰守舊之林頑固之藪也顧自某生有所約束意不可復縱約年餘生頗知向學造詣殊猛某氏謂父曰可矣吳門有某校者規模頗整肅盡往從之鄙人亦將就職于彼得爲師生如舊可也父允諾某氏遂與生復入學校

某氏之大有造於生且其竭誠以促生長進者晚近實所罕見生亦漸革前非知某氏

循循善誘於己實大有益於是前之若有夙憾焉者至此亦漸就冰釋矣越三載生日畢業就試得優等當派游學歐美此機會不易得僉噴噴生羨瀕行父召而訓之曰爾今日學已小成不虛家庭之期望誠堪喜悅顧爾之得有今日者果伊誰之賜耶爾試言之能中其肯綮否生始言父母之保護督率父搖首非之又言師長之訓誨有方父曰固也然此廣義未足扼其要生曰然則國家作育人才之力耳父曰語未嘗不是而意更遠吾不謂此也生躊躇良久不明父意之所在窘不能置答父曰爾自不知飲水思源故忽忽忘之耳尙憶滬上某校退學之日乎此卽爾一生根基立定之紀念日而握其樞紐使爾如夢之初警如死之復蘇者則某先生力也生曰兒知父來督責耳於某先生又何與父曰不有某先生吾焉知來督責哉語未已探囊中出一函擲示之曰爾第讀此卽知某先生苦心矣生受而讀之略謂「列子悲亡羊墨者怵染絲誠懼其有所習也今校中日事放任青年血氣未定安能自克羣居終日繼以出游多歧近墨予不忍言矣而令嗣以穎慧之質適當其衝墮落之速誠爲可哀其瑣瑣者固不必述但晚間飲酒過度深夜始歸或至喧騰跳躍詬厲僕役以爲常執事者充耳置之予實

不忍聞也。又或夜出玩月徘徊三五。竟越校門。亦不知於何時復歸。而宿舍中燈火焚。焚相聚作怪聲者。往往而然。奴僕私相語曰。嘻。博也。此等情景。足下以爲可忍否。曩時吾於課暇。輒招令嗣入寢室。與之討論日間所授。娓娓不倦。彼亦心領神怡。若有至樂。餘味醇醇。吾以爲教學相長之益。誠不可多得也。曾幾何時。而蘭蓀不芳。荃蕙爲茅。失今不救。下流曷極。然予已剛柔互用。厥策告窮。其勢譬之傳染疫。病一日一時。險象環起。自非用隔離消毒之法。斷然不能有効。足下閱此書後。請速來此。熟籌所以隔離消毒者。以救令嗣。呼吸垂危之病。臨穎焦灼。幾不成語。一生閱之色驟變。若有大不釋然者。顧念事已過形。諸詞色徒傷老父心。而搆某先生之怨。較量殊不值得。乃隱忍良久。轉強作笑容曰。先生愛我哉。微此函曷以有今日。兒今狂一拜別於函丈間。何如。父頷之曰。固宜。爾其永勿忘此愛人之德可也。某生唯唯。疾趨某先生所。曰。某今遠涉重洋。不復撰杖侍左右。心實歉然。先生大德所不敢忘。異日歸來。必有以報某氏見生詞氣誠懇。起挽其手。欲勞以好語。忽躓衣角。而顛生亦隨牽仆。適相壓。而某氏御目鏡觸書案。足碎餘片。入眶。破臚。痛不可忍。僕走救之。生號哭。呼過衆知其誤傷。勿責也。疾趨

醫治某氏遂眇。生出某氏門，微作恨聲曰：「此猶未足以也。」報渠苟不死，五年後試吾伎倆耳。

生之抱憾於某氏，蓋不僅爲奪其不軌則之自由而已。抑大有黑幕存焉。初某校附近多荒僻，生徒購求小食，不可得，則必囑校役遠足取之，頗苦其繁難。校役之友有黠者，相與謀曰：「吾輩盍賣於是，利市必三倍。」於是校旁小肆紛紛起，凡餅餌糖果玩具文具游戲品以至酒食小饌，而成衣織物之具，亦間有焉。不一年而鱗次櫛比。若小市集然。買人多挈眷以居者，鵲鬢碧玉，往往露半面以窺購物之青年。於是孟子所謂食色性也，果連帶而至矣。新學少年昌言自由，色膽益復壯厲。昔日猶畏父兄之詰責，至是離家庭遠，尊長來宿校中管理之人，則皆與吾輩講自由之黨友也。安能干涉吾之人權？遂一切破棄而不顧。成衣有女某姑者，羣目豔之，顧居爲奇貨，非揮多金不得近。近而不悅於某姑，亦無以遂其慾。生恃慧俊，獨爭上流，爲入幕賓。妬之者幾輩，睥睨欲刺其腹。生不悟，與有割臂盟。事方殷，而某氏以書促父來，強捉以去。生去而妬者取以代，且挈之遁。生聞已恨絕矣。而夙所慕之某女友亦忽於同時致絕。交書謂其有隱，慫不可。

與偶此女友者固父執之息名族多財而又有美譽者也父知而責生謂既負惡名非游學歐美歸不許定婚以堅其志而絕其妄想生疊遭挫折心常懷疑以爲必有訐其私者致兩事俱敗不意父忽示以某氏之書莫須有適相照合某氏百喙難辭故尤觸生之宿忿而斗生其惡感也

生游美年餘書報父曰兒將與外婦結婚國中女教凌夷婦權薄弱非借資異族不足以強種蓋衡父阻婚之怨小試其反惡之聲尙非事實也父得書怒甚乃引繩批根以某氏前書爲主文大肆詰責謂「吾家世德長厚詩禮昭垂斷不應至爾而破壞前此滬校之事幸某先生力救始得生死肉骨既已革面洗心自當始終如一乃國門甫出故態復萌一之爲甚其安可再爾其速自遏絕邪念肆力於學他日歸國自詠好逑若其繫戀私情不顧名譽則大非吾子宵至覆宗絕祀不願爲淫辟人之父戒之戒之母蹈覆轍」生得書以爲眇師復來惡作劇也切齒謂曰前次小試吾技未足以懲此獠他日歸國苟使若得噉飯地者非夫也

某氏貧諸生復一日盲其苦可知既失館方賣文爲活常謂吾有德於某生他日名位

必顯其所以報我者。殆必足使吾溫飽也。於是欣欣然望某生之畢業歸國。且意瀕行時之誤傷已目。某生必抱歉來書殷殷多慰藉之詞。某氏墮其彀中。以爲果用情於己矣。一日某校允聘某氏爲記室。以其眇不適於教員。故降而從之。事已訂約。忽囑人婉辭拒之。致金六餅爲謝。某氏勿解其意。卻金勿受。集同人質詢某校反汗之意。校長囁語曰。某氏善許人。陰私恐爲同輩所不喜。故不如早絕之耳。同人詰何以證其然。校長不肯語。固詰之。始曰。昨得一函。無姓名。中頗多牽涉他人隱語。故已焚之。然既有此函。同人類閱之。恐滋疑慮。不得已而出此問。其函所自來。則外洋游學生所投也。某氏不知其原因。自嗟運蹇。浩嘆而已。

某氏旣困阨。不得伸及就商於生父。生父聞之時。時周卹且爲之延譽。旋復得爲某小學教員。束脩羊瘦。不足以贍家室。有子二。長畢業於中學矣。亦急欲謀衣食。因就某書局謄寫生。月獲數金。聊補饘粥。久之。會省垣召試出洋學生。謄寫生歸語父曰。兒雖鈍。按所試科目。尙能爲之願往。一試。某氏曰。計此行往返川資。及試費。亦須十餘金。試而不售。是虛擲也。吾艱窘至此。尙能虛擲一文乎。欲不允。生父聞之曰。是區區者。亦何所

彼既有志未可厚非。吾爲子成之。遂捐金送之行。尋果獲售。負笈出重洋。喜可知也。生父鼓掌曰。適與吾兒同校。吾兒尙有一年期。此一年中。可事事爲之先導。當勝於舉目無親也。遂作書囑生善視若弟。師恩可報。此其發端耳。生得書亦喜曰。彼其之子。自羅於羅。吾必如是而後快於心也。既至。佯爲指導。一切殷勤備至。某氏子感激無地。引爲手足。呼之曰兄。衆咸知二人之膠漆也。幾疑爲連枝同氣。某氏子謹愿好學。而闇於世故。惟生之言是從。生審之確。始導以佚游。且於秘密處。所無所不窺。某氏子不知其險惡。遂亦樂此不疲。一日。生復引某氏子往狹巷。觀世界奇秘。會世界奇秘者。無賴秘密社會。用欺詐法組織而成。其人皆都市亡命之徒。以淫惡猥賤之行爲。誘取人財物。往往傷人致死。亦所不顧。而所謂奇秘者。實無所謂奇秘。乃藉此揭藥。以炫惑人者也。某氏子與生同乘車抵一處。突有外人作下流裝束者。起扣其馬低語曰。觀世界奇秘。生頷之。某氏子問何語。生不語。但曰。至自知某氏子心知非正軌也。顧前此常從狹邪游。姑廣眼界。亦未始非計。少頃車曲折入一小巷。四圍俱大樓之峭壁。蔽虧不見天日。車忽止。電燈作慘綠色。竟不晝而夜矣。入門越數重甬道。不見一人。最後得一室。電影

明滅上有題曰唯一之奇觀。非洲婦人之方髻并繪其象作穢褻狀。某氏子曰：此亦何足觀。直委巷賣解之流耳。生搖手禁勿聲。須臾室中十餘女子出俱作跳舞裝束。諦視之。則映於玻鏡間而非眞者。然其形態生動栩栩欲活。忽一轉瞬則變爲一半男子而其褻態更不忍睹矣。某氏子轉身欲出。則一偉男子提臂止之曰：速償閱資。某氏子愕然曰：入門時已有納之者矣。其人曰：非也。此間須重納。某氏子曰：應幾何。曰：至少三十磅。某氏子駭甚。汗出如瀦。強辯曰：安得索如許多。金。其人曰：汝自願來此間。慣例然耳。速償毋喋喋。某氏子回顧曰：吾友安在其人曰：吾不知。某氏子曰：金在友處。不得無以應命。其人厲聲曰：吾取諸汝耳。何問友爲。汝母假惺惺違命者處以常例。後悔無及也。某氏子不得已傾囊出幣十餘與之。其人嚙笑曰：可免死耳。擲簷梭與嘗異味。則不能免也。乃牽之入一暗室。某氏子欲與抗而力不支。其人出皮鞭撻之。着膚冷刺不可當。旣入室盡褫衣服止留衷袖乃置一板端以繩縋之。忽如拋物狀。疾如猿鳥而身已在室外矣。昏然暈去。比覺四肢酸楚如力作過度狀。口中腥穢異臭不可當。張皇四顧則身在醫院中。某生撫慰其側曰：憊乎。非吾送汝來此者。殆無人狀矣。某氏子曰：君何往。

乃在此相見耶。某生曰：吾先爲彼閉入室中，幸賄以金，始得免。及出，待良久，始見子之被擲於室外也。某氏子以爲彼亦遇虐，無可詰責，自歎失足而已。醫謂之曰：子骨節臟腑已壞，不速歸，恐死於此。苟善自營養，歸國猶可及也。若留此間，例作痼疾，待遇不復可入校，且腦力已壞，留亦何益？不如速歸。某氏子好學，情切涕泣，不可仰同學及某生互相慰藉。某氏子愧悔欲覓死，某生固勸之，乃爲之請於公使，釀賞送之歸抵家。不兩月而死。某氏慟甚，然終不得其致死之繇。同學或微聞之，礙於某生不敢饒舌也。

某氏自愛子夭折，困頓益甚，怙饒無以爲生，不得已漫游至京師，徧覓舊雨，或稍稍贈以貲，然終不得一席地。株守逆旅中，典質幾罄，家書來告急，肝腸摧惻。於是兩目幾盲矣。會有校友某者，聞而憫之，招致於家，月致三十金，囑爲修書札某氏，心感焉。久之，他友丁君者，擬編輯教科書，式利某氏善屬文，且於教師有經驗也，亟請爲主持。某氏辭之不獲，且陰念束脩之不足供某粥也，得此兼作亦良佳。因慨然諾。凡校正付梨諸事，咸賴焉。無何，丁某資本告竭，欲與印刷主人商權待出版後始償其值。而此主人者與校友善，信仰其言。丁因挽某氏懇於校友代爲緩頰。校友以某氏故，允之不逾月而

革命事起。市民恐慌。商業停滯。丁某遂不知所之。某氏以無貲。故淹留不得歸。民國既定。商民漸復業。印刷主人向校友提前事。且索償金。校友以責某氏。某氏以不得丁求卸責。校友曰。吾知君之請耳。何丁某爲某氏哀。懇不已。校友曰。然則子覓一有名位者作保。則吾亦可應付前途矣。某氏思之不獲。忽某生父書至。言某生今爲新政府重用。一躍躋卿貳。恐年少不諳治體。敗家聲。願長者始終矯正之。擇詞甚謙。末復言世道變遷。名教墮地。吾兒雖貴。乃竟不告而娶。與異族爲婚。大非所望於後生也。語含憤慨。校友適見之。瞿然曰。此某副席也。民國新貴。名位足震壓人。乃係子之高足。盍囑伊向印刷主人一言。某氏曰。彼貴人也。肯允此等瑣事耶。無已。試求之。蓋某氏意以藉此可懇某生得一位置也。無何某氏往某生。輒不見。一日校友邀宴。特延某生上座。囑某氏款陪某生。始然作不安狀。推某氏於首座而已。次之某氏以師故。不讓也。席既終。乃及印刷事。某生已被酒。對校友昌言曰。鄙人於某氏雖分屬師生。情關桑梓。然金錢之事受其累者久矣。今某歸國未幾。此間情形茫如隔世。忽以轆葛事相加。將謂鄙人爲何如人耶。宵干師怒。實不敢與聞。且今世界人道主義羣已。權界至重。縱父子骨肉尙不

應橫加以不應負之責任。況在十年前泛泛之師生耶。鄙人雖闇斷不肯冒居此名。休矣。若於他事容再効力。語畢拂衣。避席欲去。校友起挽留之。終不歡而別。某氏不意其一旦驕倨至此也。慙忿交并。幾於無地。自容仆於座。不能起。頽然如醉者。逾時客去。猶未省覺。校友知事不諧。亦不復入。蓋校友亦勢利場中人物也。時袁氏帝制之潮方烈。某氏益蹭蹬。

某氏既不得於某生。而校友恐其私遁。令僕役陰環之。儼若幽囚。某氏冤忿無可訴。鬱鬱遂病。校友恐其累已。乃送之逆旅中。某氏作書遣人乞援於某生。生使人謂之曰。己爲子具汽車。券如速歸者。當令一蒼頭相送。否則任自便。不復能相顧也。某氏以典質衣物。須贖取且略謀路費。請某生擲十金與之。曰。以此爲贖。某氏聞之。憤不受。曰。吾今而後知門弟子之貴也。無何印刷者集於門。尼其行。同鄉某君者。名位出某生上。聞之大不平。親馳往面數之。且曰。子不速爲料量。吾將盡舉子薄行。暴於衆。且上訴極峯。謂子實逢蒙者。流宜屏斥。以謝天下。平爾師之氣。某生聞之。始懼。願出金若干。於是某君醖賞於同人。約千金奉某氏。使償印刷主人以十之三。而挈其餘歸里。得以贍老。後一

載某生溺治遊得瘵疾天死。

指嚴曰。世風涼薄。江河日下。嚇嚇朝貴。能作飲水之思者寡矣。而某生爲尤甚。豈學校之教育不良哉。惡社會與僞政府有以薰其心耳。乃猶出某君之不平。了此公案。然則炎黃裔胄。尙不至爲人俎醢以盡者。一線曙光。殆以此也。予聞酒友述此。謂事實。故隱其名。

社會 武員醜史

民國以來。武人之橫驕一躍而幾于歷史上之五季時代。聲色貨利。惟其所欲。卽干犯清議。滅絕人道。亦以爲權力所及。岸然行之。恬不爲怪。且其腦力簡單。不計利害。不顧是非。實足以濟其惡。而攫多量之金錢。尤其造孽之根也。予旅京時。老友王君濤松偶語及跋扈軍人因述一民國初年之武員醜史。渠尙能道其姓名。予已不憶。憶亦不欲書要之。所以書者。甚非欲揚人之惡。亦非樂得小說好資料。以爲吾國神明裔胄禮教是敦。一旦變易國體。乃并此區區者爲萬惡之武人。漸滅以盡。豈不可痛所願。吾高尙華貴之軍人。讀是說者。知所羞惡。懲艾力斥。前愆使不再有此等穢史發現。則吾說不

爲河漢矣。

王君言某武員者曾統帶團營（爲團長營長不記矣）勤某地土匪有功授職中將且所鹵獲尅扣不賞據人言約百萬而弱嗣以某統帥去職遂連帶解釋兵權實則囊橐既充例可享用誰復肯蹈披堅執銳之苦彼武員者所謂善自收帆者也而面團團作富家翁下半世吃着不盡武人天驕幸福誠不淺哉因挈眷僑寓津門營菟裘爲終老計武員年事不及大衍數體力猶未衰飲啖過人好酒及色間藉廬雉消遣曾與王君合局手談故識其人家有妻二妾三時挈之游園觀劇珠圍翠繞見者咸以黨太尉目之顧其間有一奇異之點爲人所注意者則其妻妾五人雖妍媸長幼不等而面目幾於酷肖且最寄者爲其最後之妾年事反最長雖雞皮三少粉飾之餘尙如三十許人而諦審其神情態度確在四十而外不可掩也然武人何事不可爲或者孤嫖蕩婦詐欺掠奪而有之亦無足怪所怪者此位在第四之長妾其面貌乃正與前三人妙肖自然耳卽語音習慣亦復無不逼近且不獨與前三人爲然卽與堂堂之稱正室之夫人等其妙肖恰相等而正室夫人又與彼三人者均如螟蛉果贏之相類也此中秘奧

殆必有不可思議之黑幕在未幾而果有洩其情於王君者則其時某武員已身死而所謂妻妾者亦各風流雲散又抱琵琶過別船不可究詰矣

先是某武員從軍遼瀋時不過一弁也駐紮營口牛莊間枕戈待旦當然靡室靡家及調塘沽已稍稍升擢乃思婚娶以便奉養其地有土著某姓者販售海貨爲業有女子子四年齡大致相等蓋其妻十五嫁某嫁後四年卽連得四女故也某武員策馬出巡屢過其門見其家多女而年皆及笄因挽媒介求之某妻以其武員後將挈往他方頗不願許字媒介餽以利某業方折閱外間索通甚急遂與妻商爲金錢計不得不委屈妻姑允以次女與之蓋次女爲母所不愛也武員急於得婦不論長次慷慨成言約費千金次女旣來歸伉儷頗相得且時得升擢及出關勦匪復獲全勝以爲女有福命益寵之顧嫌其貌稍寢時思納一簪室當往來妻家時頗屬意其三女謂苟效英皇故事常用並后匹嫡禮不以姬妾相待挽妻爲己作說客妻勉允之而三女不允曰予不欲爲武人執箕帚彼其奈我何武員聞之大沮喪然心終不釋旣升擢又以爲言且聘禮許達萬金父與母爲利所歆皆心動而三女執不可武員乃頻往其家攜衣飾玩好之

物百計。術惑卒不遂。勢且欲用強矣。三女乃遁入戚串家。以避之。武員聲言彼戚串家苟不見機。將女送歸。行且嗾令部下兵士往彼滋擾。妻以告父母。父母畏其勢且利。其金遂設計。囑之佯許迎三女歸。如武員之願。而陰則飾長女以進。蓋長女炫於其妹之享用。平時甚豔慕。至是更樂就之。武員不知其計。大喜過望。立致聘禮。萬金衣飾。稱是其華美。蓋里閭間所罕睹也。父母私告三女曰。照耀綢麗至此。爾如速轉圜者。事猶可及。且免費周章。否則他日悔之將無及也。戚串亦勸之三女。仍怨詈涕泣不已。拒之甚堅。父母無奈。何遂決用長女。庖代是日。父母設盛筵款武員。殷勤勸酬。武員玉山頽矣。始送之入房。比明酒醒。始知之。頗欲興問罪師而長女較次爲美。雖馬齒加一而望之且少二三也。蓋膚色甚皙。又工媚態。武員注視之以爲得之。亦復不惡。遂稍事責讓。而罷父母力言三女有他故。爲門楣羞。不可教訓。長女亦以爲言。謂與鄰生有曖昧。武員意漸淡薄矣。未幾武員出師勦匪。三女始歸家。父母以其執拗。幾至僨事失利也。戚疾惡之。屏去其衣飾。斥使操作。三女固曾入校肄業。略識文字。醉心歐化。雅不欲武人之粗暴。且自以優美高尚。鄙視金錢。又私心欲得一青年積學之士。與之講文明。婚禮排。

斥多妻主義。此屢屢抗命之真相也。父母與長女之謂有他故及曖昧等語實屬誣罔。不過藉以灰武員之心而已。及居戚串家既久。乃始有花絮發生。而武員之情敵至此。乃告成立。焉其人爲誰。則戚串之子是也。戚串子某生。綺年玉貌。畢業津門某中校。將求學於京都某高等專門會。暑假家居。遂與三女有情愔。顧戚串防閑綦嚴。不過各懷相慕之誠而已。某生私挽人。懇其母求婚於女家。女家以怵於武員之責難寧與他人。不給戚串。使武員疑其言之中也。且又以某生係女母之姪孫。於輩行爲卑幼。而曩曾以得武員之撫愛。故有乾兒義父之約。若許婚。恐益觸武員之怒。遂立意阻撓。於是三女之處境苦矣。無何武員奏凱歸。輦金巨萬。大開慶賀。女父母執爵爲壽。聽頓易不敢以壻禮相待。而某武員趾高氣揚。亦遂如主入奴家。無施不可矣。突覩三女往來執役。雖亂頭粗服而神采奕奕。動人。因女之恣態秀逸。本出天然。不恃修飾而入於某武員。夙所愛慕之目中。益覺傾倒也。遂欲遽前挑逗。而爲長次女所遮。似大不雅。乃陽詰問其父母何故不給衣飾。致使下儕奴婢因立出金令衛士購衣飾至。逼使穿戴。三女猶不可長次共勸之。謂姊丈奏凱歸係大喜事。宜從事祝賀。無他意也。三女遂覲妝。

出某武員一見魂銷突前逼之三女不從遁入閣某武員追之竟履闥闥父母皆已醉且以貴壻今已富貴任其所爲不加阻難長次女畏其性暴且亦被酒不復有力相持也某武員遂入閨中欲搜得目的物而強制執行時三女已自匿於複壁中而四女者方靚妝炫服倚牀而觀見某武員直入稍稍引身退避某武員見其驚鴻倩影以爲卽三女也四女貌固較長女尤美而其修短亦略如三女某武員乃不問情由擁之登榻四女雖噉然而號亦無應者旣而始審其非是然仍懷雖不得肉主義命衛士特爲四女駕車與長次俱歸且謂其父母曰姑留三女爲殿衆芳予必有日使之回心轉意也父母笑而送之絕不與較越日某武員思得一策令長次女請於父母謂不如與已合居奉養較便且已並無父母親屬一家人豈不樂哉父母以爲然乃盡室遷入武員之新第時武員行將退職挈眷移居津門也父母旣來三女焉往則羅網之魚入彀之鳥何患不如己意然三女性益劇烈聲言若逼之必拚一死武員患之謀於丈母母曰無他彼戀某氏子耳若有術絕其意則較易爲力是時父母皆傾心武員故實告以隱情也武員聞之怒曰彼吾義子也乃敢爾且一窮措大乃犯吾禁嚮謂吾刀不利乎旣而

其女獻策曰。爾苟能出資遣某氏子。他適。卽僞報客死。他鄉。則其念自絕。更以術羈縻之。斯得矣。武員撫掌稱善。乃探某氏子久欲出洋留學。因乏資而止。至是武員召其父至。畀以巨金。令卽日往。美且佯作獎勵。謂他日遠到義父。亦與有榮焉。父母信之。且感頌不置。卽三女亦以爲武員之慷慨玉成也。未幾忽報某氏子舟覆某洋中死。并函告其家人。父母亦且號泣遙祭。以爲無福消受。此佳兒三女聞之。啜泣累日。於是父母姊妹俱勸其自爲計。武員矢口許以正室禮。謂與次女等視非長四所可並也。三女意稍動。武員遂乘機逼之。竟達目的。旣而告人曰。吾以爲彼有曖昧。今始知乃實守禮之處。子其位當在次女上。蓋吾本虛左以待也。強使諸女以嫡禮事之。諸女大譁。然不能抗其強權。屈從而已。自是武員盡羅四姊妹。更無餘地。發生他想。惟朝夕縱其肉慾。爲快。往往白晝獸淫。不避他人窺覷。而日用飲食。豪奢無度。有識者鄙之。無識者則詫爲神仙之樂。不啻矣。四女之母。隨女居津。年事雖長。而慾性仍熾。夫性闇懦。自女嫁。武員後衣食旣足。遂不復從事。魚鹽而阿芙蓉之癖。日以深。且不事事。則志氣益墮落。妻常奴視之。又自四女生後。卽染疾。幾殆。云曾溺海濱。瀕死。因得錮疾。故無子嗣。而某生者。名

爲武員乾兒實亦女父嗣孫也女母以夏姬三少之身乃致久絕夫婦之好情不自甘已久矣今從壻入此室處耳濡目染恆有欲炙之色流露於不自覺武員知之間謂四女曰母乃欲爲河間婦耶爾輩將何以待之三女性操切力唾武員之面謂誣母太甚武員反脣相稽曰癡婢子我豈妄哉明日即納爲妾媵何如三女猶斷斷與辨武員笑曰他日請驗越日母方晝寢武員就之母誓爲妾媵三女聞之譁躍不承次女亦期期不可長四附和之武員狂笑曰彼自欲之於我何與我亦何嘗希罕此徐娘也是時女母年事與武員略相等猶好搔首弄姿望之若三十許人也武員謂其丈人峯曰今汝妻將爲吾第四妾吾給若若干金去留聽之但不許越寢門一步而稱謂則變爲僕役若不可者儘可攜金他往自樂其樂吾不相強也女父無奈何亦允之武員遂遷居他所以掩居鄰耳目而使女母別居僞爲購自他方者於旅館中迎娶焉當四女送母出門時以三女牽母衣敦勸速向武員決絕宵勿如此兒輩當竭誠奉養否則一入門後尊卑分定勿怪無母女情也母猶豫再四旣而毅然出門曰吾不能拋棄後半生之幸福也及自館中歸豔妝冶態備極人間諸醜而竟以次向諸女行妾媵禮焉蓋爲武員

所迫也。三女正掩面而泣，遁走不視。諸婢媼之新受雇者，竊竊怪其挾妬過甚，不知中有難言之隱也。然此爭人殘杯冷炙之老妖嬉笑自若，一若自幸得所天者，其爭夕邀寵較少女尤過之絕不解人間有羞恥事。知其事者咸目爲人妖。王君曾見其妻妾入劇場，三女前行，婢僕環擁見者亦目之爲正室夫人也。次及長四次之母，獨最後各挾一婢稱母曰新姨，妖嬈冶蕩公然一新姨態度矣。非深悉個中黑幕者，烏足以辨之。迨民國四年冬，某生自美國歸，知其事大憤，將提起訴訟於法庭，有同學謂之曰：子誤矣。子與三女雖兩情相洽而無結婚書契，則證據不充足。彼雖母女妻妾亂倫，然已改易姓氏，賄通家主（謂其夫）亦無充分之證據。且民國法律增與妻母爲姦，普通不過罰金於彼，奚損此等禽獸行爲苟欲快人心而警貪淫者，非施以酷毒之手段不可。然則其暗殺乎？子能否某生曰：姑試之。乃僞爲日人衣裝，僞寓津門。武員不知也，以計賄囑婢媼約三女會於公園。三女果至，某生授以手鎗曰：卿苟念我者，則某夜當如此。三女密誓而去。是夜盜入武員室，僞爲譁噪。武員躍起自牀，將出禦之，忽有手鎗轟於暗陬。武員身被十數創，洞胸而斃。一妻四妾皆無子一姪，稚魯無能，諸妻妾經紀其喪而已。

未幾各挾貲遁。三女卒歸某。生私蓄獨多。殆不下二十萬金。而第四妾老妖者。亦擁貲七八萬金。與一僕同棲。如夫婦。猶居津門。某租界云。

社會秘密談

花街柳巷三五少年。相徵逐。相調笑。紅蹊數折。電燈大放光明。一少年仰視門楣。掉臂竟入。視其門前。殊冷落。甚而望衡對宇之香巢。花影星繁。笙歌如海。爲熱鬧場。最須臾。少年攜麗人自樓頭出。倚欄憑眺。情話纏綿。若不勝其接觸者。其語大抵屬感舊目光。盡注於望衡對宇之熱鬧場焉。少年曰。吾猶憶初訪卿於紅豆村邊。座中有豪客。目金鏡而指鑽環。錦衣照耀如天人。揣厥態度。非中朝大官。卽巨腹賈耳。彼所眷之侍觴政者。吾固稔其人。今乃知卽彼中翹楚。一昨遇之於某氏筵間。趾高氣揚。其得志殆由是耶。語次頻頻指隔岸。麗人輕陵斜睨。非笑似笑。非嗔似嗔。徐以簪珥剔鬢際餘膠。復手散袖間之羅帕。流芳四溢。旖旎而答曰。郎誤矣。諺所謂張冠李戴。指鹿爲馬者也。此中原因複疊。殆如兩兔傍地走。迷離撲朔。故欲覓照妖鏡。斬得個中真相者。舍妾幾無第二人。郎有意欲聞其

顧未。否。少。年。瞠。目。曰。吾。固。不。知。若。何。之。糾。葛。也。豪。客。非。果。其。人。耶。抑。與。彼。翹。楚。者。非。情。交。耶。不。然。彼。翹。楚。得。志。不。由。於。豪。客。耶。吾。爲。之。眼。花。腦。亂。卿。言。必。有。妙。諦。盍。速。語。我。麗。人。故。姍。姍。愁。視。出。小。象。瑄。及。薄。淺。之。金。花。鈿。盒。置。瑄。入。嚶。口。以。齒。承。之。右。手。徐。徐。啓。盒。拈。一。沈。綠。壓。金。之。烟。捲。兩。指。夾。之。又。徐。掩。其。盒。少。年。若。稔。知。其。意。也。者。亟。探。囊。得。一。物。方。圓。若。墨。壺。指。撥。之。作。爆。聲。火。色。熊。然。斜。盪。其。炳。令。火。炎。上。乃。持。向。麗。人。脣。際。麗。人。亦。頤。舉。所。銜。之。煙。捲。承。之。火。爇。烟。燃。烟。篆。縷。縷。與。脂。香。迸。出。輕。颺。檐。際。上。凌。紫。霄。麗。人。目。注。烟。所。去。處。若。有。所。思。又。不。欲。卽。語。然。者。少。年。不。能。耐。微。詞。促。之。麗。人。始。驟。然。少。年。曰。卿。先。告。我。以。豪。客。者。誰。卿。當。日。與。之。笑。談。若。甚。稔。者。當。必。不。答。我。以。不。識。也。麗。人。曰。然。我。固。識。之。且。頗。深。交。彼。之。揮。霍。以。供。吾。欲。者。亦。不。在。萬。金。下。少。年。曰。吾。固。知。卿。之。必。稔。此。豪。客。也。爾。時。彼。固。非。無。意。於。卿。然。則。此。豪。客。果。爲。誰。麗。人。曰。曩。時。鐵。公。之。侍。觴。政。者。僅。一。彼。耶。抑。尙。有。他。人。少。年。曰。有。且。不。止。一。人。麗。人。曰。雖。有。他。人。觀。其。情。分。皆。不。及。彼。翹。楚。之。深。交。耶。少。年。曰。否。否。有。某。校。書。某。校。書。情。分。似。過。之。特。鐵。公。矣。爲。彼。翹。楚。游。揚。故。余。意。鐵。公。必。獨。厚。於。彼。耳。麗。人。曰。否。否。鐵。公。之。爲。彼。遊。揚。實。有。隱。情。且。鐵。公。仁。人。也。

花界中殆無不被其澤者。豈獨於一人而遊揚之特子所聞者。惟一彼耳。顧所以得此者。亦有故與等閒。自有別也。少年曰。鐵公會與彼定情耶。抑有特別之交際耶。其故安在。麗人曰。君姑毋躁。

語時。汽車聲。嗚嗚然。雙燈。燦耀。容積。廣袤。塞巷而入。衆車皆避之。至熱鬧場。止。有西服少年。徐下。意態昂然。目鏡。璀璨。彷彿。美丰儀。從行者三五。俱作。趑趄。干城狀。排闥而入。則歡迎之聲。噪於樓上下矣。斯時。隔岸觀火之少年。注目久視。呆若木雞。麗人拍少年之肩曰。神離軀殼耶。見貴人而驚癡耶。胡忽麻木若此。少年始如夢覺。大呼怪事。麗人詢之。少年曰。鐵某非以某年月日被暗殺乎。胡今日乘車堂皇至此人耶。鬼耶。卿爲我解之。麗人不待少年之詞畢。急唾其面曰。君語見鬼無惑乎。於此中真相茫如隔世也。子果識鐵公乎。彼車中人作何狀。子果諦視無誤乎。且子非三家村學究。平生不出塾門。奈何赫赫車中人。尙子能一辨顏色子休矣。雖然。撲朔迷離。無人能辨。雌雄又奚怪耶。之爲所蔽哉。然妾竊其間。殆有駢枝之關係。毋混妾身爲也。少年大媿汗。逡巡再四。乃乞憐於麗人曰。彼翹楚之恃。爲護符者。果何等人。車中果係誰氏。何故彼翹楚負鐵。

君恩。蓋一語。我勿窘我也。麗人似知少年情急。笑諾之。

麗人曰。君已知鐵公被害乎。少年曰。然。麗人曰。然則亦知被害之原由乎。少年曰。不甚了了。聞兇手爲一短衣窄袖帽簷深覆之人耳。不知其他。或曰。實爲私讎。終不得其究竟。且主犯未獲。案懸未詰。何由知其真相。麗人曰。是固然矣。然獨不憶曩日座間有與豪客酬酢最歡者乎。少年矯首遐思。一若摹寫當日現狀於腦海中者。揉觚既畢。恍然如有所悟。曰。余得之矣。試由余問而卿答之。以試其是否。而卿更詳其內容事實可乎。少年曰。其衣履頗整潔。而露寒乞態。時時拂袖拱手者乎。麗人曰。然。少年曰。其人白晢瘦削。兩肩微聳。笑則冷峭。中夾老鶴鳴聲者乎。麗人曰。然。少年曰。其人貌似伉爽。任俠而愛惜小物。得人資助。則喜形於色者乎。麗人曰。然。少年曰。其人好擠眉弄眼。遇婦女則更若顧影自憐。以賣其風情者乎。麗人曰。然。少年曰。其人好作自負語。所交者皆亡命無賴子。時施小術以廣結納者乎。麗人曰。然。少年曰。其人嬉戲時善作狡獪欺人語。以售其聰明。怒則睚眦皆挾怨者乎。麗人曰。然。少年曰。其人雖大言揮霍。而境遇既困。鄙吝益甚。爲鐵公時時所周恤之者乎。麗人曰。然。少年復欲有語。麗人止之曰。證據亦足。

矣。然則君固深悉其人。奈何復疑車中爲見鬼。且彼翹楚之所以得時譽者。不由於鐵公。而由於車中人。吾之與彼翹楚。參商而痛惡。其險惡狠毒者。亦不由於鐵公。而由於車中人。有車中人。遂無鐵公。有車中人。奪彼翹楚。遂并奪鐵公。古今來以怨報德之慘劇。當無逾於車中人者也。而彼翹楚實成之。苟有天道。彼翹楚能久得志乎。而車中人可知。少年舌橋曰。是人也。竟爲死鐵公者耶。

少年悚然。若有所思。期期不能成語。麗人泣然曰。鐵公授命之前數日。曾語我。彼翹楚得事某君。亦大佳。某君豈長貧賤者。天下將有事。擁高牙。建大纛。以翱翔於文明國旗之下者。必某君也。顧性狡惡。過甚。當有受其毒者。余時欲規戒之。未暇也。妾聞之。亦唯唯而已。孰知不旬日而暗殺起。其殆規戒之語已出自口乎。惜妾之不及問也。更不旬日而車中人遂大宴於彼翹楚家。聞卽日又暗殺一人。彼翹楚實與其謀。自是而車中人亦大貴矣。少年曰。車中人顧卽某貴人耶。麗人曰。君誠頑固。吾聞彼新學界中。皆稱之曰偉人。而子獨否。何也。少年大笑。旣而喟然曰。如車中人者。長享富貴。天道宵論耶。麗人含淚太息良久。忽指熱鬧場之電燈。自語曰。此嘉名。非鐵公所錫耶。少年就所指。

視之門楣懸燈燭然字迹秀媚曰爭閣別墅

家庭度劫庵

客有自秦中歸者酒酣耳熱屑屑談長安風土秦碑唐碣致足摩挲顧其民情鄙儻皆窳偷生甚於吳人婦女多淫悍微特帷薄不修恬不爲怪且勃谿之聲里巷間相應答也又多老夫女事輒起父子析產之爭端豈嬴秦遺俗耶因縱譚一事予以爲此實社會之龜鑑家庭之良藥乃演譯其詞而存之

咸陽某村距郭約三四十里居民鄧某耕稼半生略有旨蓄年周甲矣而長子死寡息孱孫形影相弔誠爲人生至不可堪之境然多收十斛麥衣食饒給較之饑殍不繼者自判霄壤且媳頗賢孝奉匱沃鹽務得老人歡心孫八九齡含飴弄之足娛暮年孫女二活潑如小鳥以此家庭雖大不幸而一線生機未泯譬猶霜雪皚皚中有寒花小草含靈韜秀以待黍谷春回他日之錦繡韶華風光旖旎正未可限量老人後福不淺哉而不憂薪米自足澆裏其餘事也春光明媚媚中鄉人集粉榆社演劇酬神爲祈穀計實爲行樂計也孔子觀於蜡而歎文武張弛之道張廉卿云先王所以因民之俗爲賽會

飲社卽鄉射觀禮之遺然則可以其迷信嬉戲而厚斥之哉是日男女雜沓裙屐當風有父挈其子母攜其女者有兄弟朋友互相徵逐者而尤以夫婦同行爲最易惹人注目多情眷屬令旁觀羨煞況出於鰥魚之目邪尤甚者則秦俗多老夫女妻一樹梨花壓海棠在詩人以爲口實而渭水驪山間固數見不鮮也鄧某以楚楚無告之身花晨月夕未免有情誰能遣此今值此鴛侶在望分外眼明亦固其所蓋舊友某某皆攜有紅妝少婦並肩調笑而自顧一身鯁弦久斷雖幼孫繞膝慰情聊勝於無而相形見絀忍俊不禁頓覺根觸萬狀邪思橫溢紛至沓來乃至於不可復遏哀哉此時之鄧某卽古大儒所謂人禽之界判於瞬息之頃者也此念既生進一境則爲實行此念之初步在在無非有一可遂此念之計畫如火之然如泉之達至此則雖有名譽損失身命危險之害且有不顧況復自欺自慰以爲吾固老而無子之獨先王以爲無告何所不可而必徒自苦耶卽使吾欲云云人亦必憐而諒我乃岸然自是謂大丈夫當如是矣吾當自了之人生冤孽佛說果非無因蓋一念甫轉魔卽乘之奇妙正不可思議謂非冤孽何以忽於此時相輾謂實冤孽則鄧老苟無是念孽障將何自而生然則所謂冤孽

者實由一己之心造耳。心有所貪。戾則不得其正。於是乎孽障乘之。從此糾纏固結。不能自脫。終必至亡國敗家。身名俱喪。而後已。哀哉！此時之鄧老。心魔入主。孽障已深。則中心自忖曰：天下多美婦人。臨淵羨魚。不如退而結網。羣雌粥粥。若是寧無一當吾意者。吾何不擇木而棲。爲收桑榆之計。且前日鄰嫗耳語。謂佃人某家小妮子。人才出衆。盡取爲娛老計。僅須多種一頃田。無煩斛量珠也。計亦良得。而吾爾時念寡媳幼孫。恐不能相安。毅然正色拒之。今不能顧矣。嗟！鄰嫗迎面而來。恍若吾之心電。所招立即應命而至者。顏色嘻嘻然。笑容可掬。噫！殆笑吾老耄不識風趣。無異自尋煩惱耶。異哉！彼乃攜一垂髫美麗之娃子女。耶孫耶。抑戚串耶。個娃娃。杏姿荷粉。愛好天然。加以似曾相識。何物老嫗。生此寧馨兒。將與誰家有福耶。消受耶。正忖度間。鄰嫗投前笑語曰：田主踽踽獨行。得勿畏強暴。突犯千金之體。語次吃吃不止。鄧老心中。有事不能置答。且驟覩麗姿。心旌益搖搖潮漲。於頰良久。始詢曰：個妮子。令媛耶。鄰嫗復笑曰：老婦幾生修不到此。此君家佃人某之掌珠也。且語且舉其手曰：田主老眼無花。視此妮子。果天仙化人否。鄧老嘖嘖贊歎。不置。女掩面匿笑。斂身入嫗肘後。小語曰：老不死。目灼灼。

似賊尙思噉天鵝肉耶。

鄧老自社中被醉歸。步步悽惻。覺鰥居之苦。天壤間無有過於我者。而彼妹之美。生平目所未經。吾固一衰朽厭物。不足消受此奇貨。然自問資產數千金。此鄉當推主。席個妮子。倘肯屈就一生。吃着不盡。彼父一個人耳。擇配雖苛。安得富貴家白面郎。即使年貌相當。亦須主中饋。操井臼種瓜拾穗辛苦。一生風沙。擢其玉面烈日。消其冰肌。不待數年。美嬌嬈變爲鳩盤荼矣。於彼何益。而於其父母。亦何所利。女乎女乎。苟承爾金諾者。吾必傾吾辛苦所得之產。以奉爾。雖死勿悔。天鑒吾誠。必當玉成此好姻緣也。既而其媳進食。兀然不能下咽。對之若有所思。忽又喃喃自語。媳以爲出遊勞倦。且受感冒。殷殷慰問。飲酒否。延醫否。鄧老瞪目不語。或作嫌厭聲。以絕之。媳駭其失常。度秦俗迷信。推測環生。以爲遇妖中邪。乃姑遣其孫嬉戲。博老人歡。一方面則出與鄰嫗商榷。思覓巫覡。以釀禱。平時鄧老酷愛其孫。一見必提抱撫頂。給以果餌。至此獨揮之使出。不令近前。一若心有專主。不欲有此紛擾者。小兒常受其祖之寵愛。忽被揮斥如受打擊。不覺哇然作聲而哭。鄧老益厭惡。乃使佃工負之出哭。聲猶在門外也。忽鄰嫗狂笑而

入曰心病還將心藥醫。今吾爲心醫能治田主之病。囊中有藥立奏奇效。田主將何以謝我。鄧老驚起曰。吾病果非爾不能治也。至於謝語。頓止。嫗促之曰。若何。鄧老曰。惟命是聽。嫗曰。吾兒年年甚窘。能假半頃田租乎。則老婦必玉成此舉。鄧老唯唯。手揮其媳作晚膳以餉客。實不欲其聞所商密語也。鄰嫗復進曰。老婦知田主有心。已試探阿容之父矣。彼以阿容得事。老人甚善。但爾有媳有孫。將來阿容得子。必起爭端。田主春秋高。不能與少年人較短長。不如先爲布置。免有後言。田主於意云。何。鄧老曰。布置則布置。顧彼意何所索。嫗曰。索田產十之六。現金千。則嬌娃惟所命。鄧老曰。此亦何害。彼妮子既嫁。則我家人矣。然當與其父約券契。須仍阿容掌之。不得令外親越俎。要使吾身後不令吾孫侵占此產可耳。嫗曰。卽此已足。彼外親安得干預我家事。但令彼得佃此田。不憂飢寒。則裙帶上之幸福多矣。語次失笑。鄧老亦笑。約明日卽齋庚東來。老人大喜。媳饋食至。見老人養色素膳。且與其孫笑語。心亦大安。謝鄰嫗不置。嫗曰。不日有青年姑娘來爾當拜之行。見老人樂得手舞足蹈也。媳問誰。嫗曰。東村王佃家阿容是媳。曰。個妮子美如鮮葱嫩韭。有福哉。吾家得此美人。忽轉語曰。彼將爲吾姑。吾奈何。稱以

妮子折福盡矣。媳口鈍拙翁幸勿怪。鄧老笑語。嫗曰。吾媳賢哉。他日阿容來必能相得。不似他家勃谿也。隣嫗亦稱嘆不已。媳復語曰。吾常恨愚魯不能博老人歡。今獲美翁多才之姑。吾心實滋喜。一喜翁可遂心。二喜吾可恃爲模範也。嫗首肯者。再且曰。阿容善言語能解人意。必能爲爾分憂。得此才女。汝家資產定下發達數倍也。媳稱謝。惟幼孫無知呀呀問誰爲吾家婆。何以得未曾見。媳曰。期不遠矣。美如送子圖中娘者。卽汝婆也。

三星在戶。見此粲者。一乘青廬。阿容居然爲田主婆矣。鄧老白髮蒼顏。鮮衣束帶。與十七齡如花女子並肩交拜。見者嘖嘖。豔羨或非笑唾。罵雜然間作。鄧老得意忘言。付之不覩。不聞而已。新婚而後。寵愛可知。其昏憤顛倒之狀。有非楮墨所能形容者。媳性太朴誠。加以驚才慕豔。仰若天仙。意中常謂彼一福人。我苟不香花供養。必且得罪於天。無所禱也。於是飲食寒煖。奔走後先。媚之惟恐不至。較彼今世界之奉盜格魯撒遜人。種爲天之驕子。官場之媚其上。峯權要吮癰。舐痔。無所不爲者。實無多讓也。在阿容和爲新婦。猶覺覲覲。既而知鄉老可欺。寡媳之禍。福其權在己。而禮節所拘。頗足束縛已。

之自由。漸加厭惡。乃任意揮斥。以挫辱之。不使彼時。時在側。令得窺伺。魚肉老人之狀。老人溺愛此雛姬。反助之。排擠寡媳。寡媳旋痛悔。嚶嚶泣。且心憐老人之受侮也。意稍不平。阿容益大恚。輒翹其短。以激老人之怒。老人何知飲酖。若飴於是乎。寡媳苦矣。阿容之嫁也。本非所願。一則歆於金錢之奉養。一則爲父母所懲。患故勉而就。此常因戚里女件之調笑。謂今日婦娥下嫁。南極老人星。行見白髮紅顏。異常生色。阿容艷然作色曰。吾特以老人爲幌子耳。誰是鹿豕。乃終身守彼長松古柏耶。聞者早知其必有異志。顧青年愛色。亦屬人情。況既得老人歡心。究係良家子女。一時宵有他故。徒亦輕薄。饒舌貽人話柄而已。孰知言者無心。聽者有意。戚串潘某者。亦佃人子也。年甫逾冠。好與惡少。徵逐搔首弄姿。自銜其媚。人皆呼之爲龍陽君。初本欲得阿容爲妻。父不之允。旣而使君有婦矣。見阿容嫁老。乃揚言曰。鮮花入溷。天下大不平。事吾當率黨篡取之。且故使女微聞其言。以爲見好地。無何潘某爲鄉耆夫之屬。曹常至鄧老家。論催租事。且游揚黨類。舉鄧老爲三老。鄧老不允。則率屬再三踵門勸駕。因時時過鄧老居。阿容固素稔也。且恃其驕貴。客至不復避面。因得與潘某接寒暄。潘某出其伎倆。以媚

之大得阿容歡心。鄧老欲媚阿容，則反引潘某爲贊，輔開門揖盜，大播穢聲。時寡媳大不謂然，願達心而懦，不能強諫，加之積威之下，如虎入檻，無可奈何。則時用窺覷，欲以滅殺其縱恣，或微詞風刺，俾自悔悟。豈知惡人怙勢，如虎負嵎，苟或撓之微特，不足以消其暴戾，且益助其猛烈。謬云火上添膏，風中下雪，寡媳不幸，乃處此惡現象之下，而爲衆矢的。

阿容訴於鄧老曰：媳惡，其掌一家財政權，日夜詬厲，言禍由老悖，必酖毒之，而後驅妖狐於門外。否則亦將甘心於少姑。潘某詬於鄧老曰：媳詈吾爲惡鬼，使其子以箕帚逐我，謂我實誘老人以男色，敗其家風。鄰嫗訴於鄧老曰：媳以爲老夫女妻家將立敗，乃私以錢物屬其母家，輦而致者，屢見不一見矣。鄧老聞讒謗之辭，四方輻輳如潮而至，則怒不可遏，謂媳太無狀，實忤逆之尤，設逗遛不去，必且將老人置死地，乃發東大會戚族，逼令大歸。媳大哭自辨，戚族畏鄧老勢，且受其運動，金俱箝口，不敢言一族子不平。大聲呼豔妻煽禍，是非顛倒，乃欺孤兒寡婦，語未已，立有人牽之出。於是衆莫敢言，而媳母家無人一弟，貧窘，個鄧老田反尤其姊不識時務，交相怨詈。媳且哭且自擲於

地曰。吾來鄧家十餘年。夫死。事翁所。獲何罪。然不能容。亦命也。大歸乎我無母家。將焉歸。乃自截其髮。狂奔入三里外尼庵。膜拜佛座下。請爲尼。老尼憐而許之。

當寡媳之被逐。幼孫年已十三。因平時不爲老人所愛。憔悴無人狀。見母截髮哭泣。知有變。欲隨之往。老人忽念嗣續少。妻尙未有子。不可無孫。且不欲使其母子相依。媒孽已短。或爲人所中。傷則大言曰。母雖忤逆其子。何罪。當留之。阿容猶咤孫曰。小逆種。留之何益。誠老悖不足與謀。戚族皆起曰。老人無子。此嫡孫也。義不可去。潘某目視阿容。阿容乃止。衆皆曰。以此孫付少姑。其善視之。

蓬葆孤兒。籲天無路。則日夜呼母而泣。阿容益厭之。欲使其困頓以死。冒風雨。犯霜露。飢寒不恤。樵採無時。種種酷虐。至於不可名狀。然雖鵠面菜色。苦不得死。久之。鄧老得痿疾。扶杖而行。猶不能出房闥。阿容厭惡如遇蛇蠍。日夜與潘某行樂於他室。千呼不一至。鄧老漸悔。稍稍召孫入室。問其母狀。欲使通訊於族黨。密召之歸。孫鵲衣百結。膚色寒栗。悽慘不能成語。鄧老撫之而泣。與語移時。使其先往告母。且致悔意。然後往告族人。某令爲斡旋之計。孫受命出。小婢聞之。亟奔告阿容。阿容大驚。潘某曰。此何足患。

吾以爲此時尙屬萌芽耳。彼婦未必果至。及今圖之母使滋蔓。蔓難圖也。阿容曰。奈何。潘曰。孫若歸。乘不備。剪除之。亡羊補牢。及今未晚。阿容猶踟躕。潘時方與阿容踞坑上。小婢燃火。其下潘指坑下。謂阿容曰。葬此足矣。阿容悟談笑。宴樂如故。令小婢要孫於路曰。母使漏網久之。晚殮過矣。婢報曰。孫來。潘從容出戶。阿容使執銚。燃火。且曰。爾奔走受風姑藉。此取煖。吾當與汝同往。告翁孫。且懼。且喜。蓋積威之下。忽受殊寵。雖成人不能免此情態。況在童孩。乃唯唯聽命。火既熾。阿容鵲起。目瞪形如惡魔。舉手推孫入坑。下閉其柵門。小語曰。送汝上西天。看火中燒出青蓮花也。潘某入見阿容。有膽刀。撫掌疊股而笑。

鄧老待孫不至。病益劇。試問阿容。則笑曰。彼已從母適人。正從假父索餅餌。飲羊酒。老悖尙在夢中。邪。鄧老長歎。痰湧幾瀕於殆。須臾復蘇。則阿容已不在傍矣。會族子問疾。告以故。族子者。卽前大聲呼豔妻。煽禍者也。聞之驚曰。孫必無命。昨日吾送若歸。猶嬉笑告吾行。當復得母。今乃無蹤影。何往耶。必遭毒手。吾自負任。俠必且代人伸冤。遂出鄧老。猶作珍重聲以送之。

齡日族子奉邑宰至澈究幼孫失蹤事則鄧老已於昨夜死矣族子請驗屍阿容大言屍身無他故者當反坐立誅族子具甘結死不悔邑宰令發土坑果得幼孫尸而鄧老頸有勒痕兩案迸發逮阿容嚴鞫時潘某潛遁於數十里弋獲之並置於法女年才二十一也媼在尼庵中聞之奔視故宅泣曰不意鄧氏遂至於此舍宅爲庵曰度劫今尙存。

指嚴曰吾草此吾淚潄潄下他日過度劫庵當題其上曰漢武思子臺唐宗東寺獄齊家自有道清心而寡欲乃知冤孽來如蠶互相縛解脫苦衆生止此一念足

世產桃花毒

載籍動曰女禍顧脫簪戒朝雞鳴警旦彼獨非婦人乎所以入宮見妬婦怨無終或羞艾穉或譏狐媚老成動色相戒幾以蛾眉爲不祥之物者爲其冶容誨淫鬪寵爭妍害之耳然則與其曰女禍實曰多妻之禍凡人一朝得意旣飽且煖則惟漁色爲能事當其左右擁抱紙醉金迷自謂人間無此樂也而不知樂極悲生禍機乃伏顛倒色相者至使骨肉相殘而不悟燕啄王孫豈惟漢室爲然幸而知悔則大局已壞不堪回首矣

英雄擺脫一切尙不免有日暮途遠之痛女禍也歎哉然後知多妻之殷鑒不遠也滿清李世積官成瘴而毒厲之中於人心者金錢與姬妾是也一行作吏卽物色佳麗充下陳若視爲常務之急然僚屬之爲李延年呂不韋獻美人以闢梯榮捷徑者比比皆是民國旣興蕩瑕滌穢此風宜不復振顧豪傑多情往往未能免俗則重婚平娶之事且數見不鮮而姬妾無論矣秦中某標統者清故將軍也軼其名健兒身手汗馬功勞業已膾炙人口性磊落不羈跌宕聲色不屑屑拘繩尺自謂此英雄本色耳酒酣耳熟輒復採香獵豔以當遊戲旋又棄去如烟雲之過眼人或議其孟浪謂非情種實則壯士軍前美人帳下行古之道也興之所至則愛妾換馬蒸姬餐士亦所不惜然所眷戀者揮金千斤無吝色焉以故小家碧玉平康營伎無不樂將軍之過從將軍亦非醇酒婦人不歡於是風流太尉之號播於五陵車馬間長安錦雞坊左有女子紅桃者母故倡也雪色波浪痕蛾眉曼睩一一酷肖所生夜走胭脂坡者偶睹珠光照乘詫爲奇遇咸謂小玉之於淨持蓮胎玉孕生有自來以故名噪遠近母亦奇貨視之悉心授以家學織素年華雛鶯乳燕而歌舞會嫺百媚橫生矣母

益高其身。價非貴游。不令接見。問鼎之大小。輕重者。更非明珠十斛。黃金橫帶。不足置一喙也。韶光荏苒。春到枝頭。迨紅桃恰到好處。而魔障與之俱入矣。

貴家奴曰李三。某節度使之寵僮。節度死而富豪某嬖之。又以通其愛姬被逐。投身某開府署中。大寵幸。開府子執袴兒也。好徵逐。生小狎游。父戒責者。屢終不悛。臂鷹鬪狗。外惟寄迹於秦樓楚館。見紅桃而心醉焉。母知某家世。傾心結納。顧公子阨於嚴威。無筦庫權。僅從生母處分攫體己金。以資揮霍。不足。娶女。母憇公子。雖垂涎甚。而女防閑甚嚴。末由得間也。久之。纏頭金所耗。亦已不下千金。終不獲染指。公子意浸厭矣。

李三昨謂公子曰。搗之貪囊。不可盈也。獨彼雛年。事將及瓜。情竇如一線。天苟以術通其奧。竅不難坐致耳。公子第每夕往。情既稔。則約以觀劇。或薄游某園。搗必不允。公子先俟於目的地。奴輩以某署命徵歌促之。不難遂所願矣。公子稱善。女母果不許。而紅桃妮妮若不勝戀。公子告李三曰。可矣。某園有密室。曲廊洞房。主人吾戚串也。好事必可。諸子第銜命徵之。來小鳥樊籠。儘吾輕薄。功成。吾必以鵲紅酬汝。勞李三唯唯。鵲紅者。公子母婢也。李三曾豔之。公子以爲是甘言者。李三必感激奮勇。而不知驪珠在握。

滄海先經鬼蜮之計成竹在胸公子入其轂中爲之顛倒播弄而終不一悟也

登樓煙樹珊珊遲來紅桃方滿望青鳥之至暮色蒼然中一錦幃繡幃之魚軒至矣李三翩然入自言衛某署官長命徵紅桃侑酒鵲以其舉趾高亢也不之疑獨紅桃目光敏銳早辨李三之爲公子來也且面龐葱秀甚平時眉語似非無情者與之偕行亦大佳遂慫恿母意盛飾登輿既出李三扶掖之僞爲執綬也者加鞭疾馳須臾入一院落車止入室窈然陳設尙華美紅桃問公子安在李三佯詫曰期會竟不至耶慢佳人辜負良宵奈何紅桃拈帶不語顧已知李三意李三出酒食殷勤慰藉之紅桃之楊花運命泥絮因緣盡付李三之手供其支配實自茲春宵一刻始

某園中待月之癡心公子蹀躞花陰涼風徹骨方嗟好事多磨紅鸞喜爲春夢婆所打破矣無何蓮漏沈沈薰爐寂寂引人幾多懊惱望眼愈穿足音愈杳主人復幾多調笑羞憤交迫徒詈李三之不更事而已既而終不至快快返署次晨李三踉蹌始歸歷述鵲婦欺人往返覓紅桃不得丙夜始歸則以閉門羹相待吾憤與之爭盡搥碎之矣公子若爲洩忿也者曰果搥碎乎若然則氣尙可平李三匿笑而退久之圍人等漸洩其

事公子。遂操杖逐李三。李三負緣得服役某標統麾下。標統又大嬖之。

標統故花國元戎。香天宿將。顧閨歷多益鮮。當意者會義軍起。城中徧樹光復職標統與有效焉。所獲頗不貲。中央又酬以重金。儼然將軍也。李三進曰。將軍之功亦偉矣。所得不爲非矣。特鬱鬱久此。無娛老物。人生如白駒過隙。何爲自苦若此。將軍歎曰。子誠解人。雖然。吾方倦游。彼粥粥者。類庸脂俗粉耳。何足供人盼睐。苟有佳者。吾何惜量珠輦金以聘之哉。李三曰。否。否。枇杷門巷亦自有翹楚。不遇知音。終沈人海耳。設綠珠小憐屬生者。將軍亦有意乎。將軍始爲之首肯。未幾紅桃既見。妖冶罕儔。不數陽城下蔡之迷惑也。不旬日揮霍至數千金。卒以軍門權力限制。搗婦之慾壑。而置紅桃於簷室時。將軍中饋早虛。又所謂內嬖如夫人者。或天或遣。去亦無一存在。得紅桃遂大寵幸。號專房焉。李三意得甚。前此奔走美人之門。惟恐不得一當者。今則取諸宮中。若有餘裕。幾將此侯門一入深如海之句改爲「侯門再見恩如海。從此蕭郎是一家」矣。而將軍不知也。方謂李三愛我。獻此佳人娛我暮年。非其他奴輩所能及也。

將軍有子曰申生。嫡出也。勤慎好學。能文章。將軍夙愛之。顧微以怯弱爲嫌。娶某氏曰

孝娥曾入學校肄業。通曉文字。有賢淑名。見將軍購紅桃。舉動多乖悖。而紅桃蕩甚。妖媚之態。非良家子所忍見。又微察李三作爲。頗與常人異。知必且肇禍。微以語申生。申生急閉其口。曰。父老矣。吾輩不忍短長以傷其心也。苟有所不可者。當謀一席於南中。挈汝偕行。以避之。何如。孝娥敬諾。遂亦無言。一日。申生入室。顰頤咨嗟。荇不勝其憂者。孝娥固詰之。申生曰。卿言信矣。彼逆豎。敢於爲禽獸行。所不知者。老父一人耳。今日且不忘吾目。他日不諱。尙容吾輩置喙耶。不早避禍。且及俟某舅來。吾將藉以探老父意。作圖南計矣。孝娥大感。曰。待某舅乎。濡恐賊事盍速自謀。申生終猶豫未決。

虺蜴爲心。毒人無厭。很戾殘賊。獨能先發制人。當申生窺破李三與紅桃曖昧之後。未一日。忽將軍盛怒。召申生入室。示以酒一罍。厲聲詰責曰。子欲行楊廣蕭助之事乎。吾掃盪一世蠹賊。豈容家庭有此惡魔。不殺汝。必速行。語未畢。舉足蹴申生仆於地。又令衛兵驅之出。申生不意父怒之遽發。且令己無地自容。至於此極也。痛哭走出。求某幕友爲介。欲自陳冤苦。將軍愈怒。不納幕友言。且大言殺父之罪。上通於天。不卽去。吾以界法庭聽候審判。可也。否則速去。毋污我。吾念父子情。不復追究可耳。尙欲喋喋令乃

公養虎貽患。耶幕友不得已。出勸申生。父怒未怠。子姑出避。申生始號泣去。

孤臣孽子泣血椎心。顧譏人罔極。蔽聰塞明。有寃終不能自白。申生念禍之由來。燦然易解。特老父盛怒。遂致覆盆一身。落拓不足惜。彼等惡毒。若此老父。其能免於患乎。況吾被殺父之名。去將焉往。不如一死。以謝卽以尸諫。吾父垂念苦衷。庶幾可以一悟也。是時中心如焚。反覆籌思。計無所出。逆旅孤棲。又無伴侶。可以從容商榷。遂揮淚而呼曰。吾父乎。苟憫兒絕筆書。早去肘腋之患。則兒雖死之日。猶生之年。又呼曰。愛妻乎。不得與子偕白首。不得已也。苟老父悔悟。子得從容。庭闈侍膳。亦大佳事。遂折簡作書。置衿底。舉手鎗自擊。痛哉。如火如荼之青年。竟爲家庭奇變。輕生自戕。卒不可救。逆旅主人之報告至。將軍頗驚。扭旋以其有殺父毒謀。忿不置答。蓋是日適值將軍初度。紅桃奉觴上壽。而酒味甚惡。將軍大疑。試之小婢。婢忽暈仆。將軍窮詰酒所自來。紅桃答以申生。故有是禍。實則李三購毒投其中。紅桃固與謀者也。申生旣自裁。幕友馳至。逆旅中得衿底書。遂與尸俱至。將以呈將軍。白其寃。李三知之。覘幕友曰。將軍方怒。而子呈書未必有效。且子曩者已進言矣。今又呈書。必使將軍疑子離間父子。況吾縱淫亂實。

未敢有毒人之計。彼欲毒紅桃而誤洩於父。故情虛畏罪而自戕耳。子胡斷斷墮其計身入人父子間。幾不能自脫。子休矣。能秘吾淫亂事者。獻千金爲壽。小蓓亦可得也。幕友動容。乃立索千金而焚申生之衿底書。卽日載小蓓歸私室。薦枕席矣。小蓓者紅桃之婢。微有姿。幕友所久涎者也。

孝娥聞申生惡耗。驚痛木立。欲卽日殉。母族持之得不死。然神經所觸。輒成顛狂。終日大書紅桃與李三隱事。呼天冤不絕口。李黨不能止。將軍微聞之。頗抑鬱。不自聊。忽感疾。紅桃妮妮若多事者。不能常侍側。孝娥驟入。神色若無顛狀。歷述所苦。將軍瞿然繼而泣。然以涕曰。吾負兒兼苦息矣。孝娥方慰藉。忽戶外有鬨聲。甚厲。漸入寢室。將軍欲起詰責兩僕。奮然入曰。李三死罪。請將軍令語畢。出一紙陳將軍前。將軍視之。

某某兄弟鑒。李三無狀。敢與小主婦紅桃姦通。今知罪矣。願罰金若干。求恕發覺後。此再犯爲兄弟輩得指證者。准告明主人從重治罪。此次恩德感戴無涯。李三親筆將軍起坐。病若霍然。愈者命孝娥覓篋中手鎗。畀已而呼與之俱出。兩僕隨之。紅桃冉冉自室後出。顏色微酡。若無事。然且作冷峭之笑。聲問曰。臥病胡遽出。欲往觀門。蟋蟀

耶將軍不語突出手鎗一擊中紅桃洞胸狂呼而仆將軍恐其不卽死復兩擊之顧孝娥曰足以贖吾罪乎孝娥泣跪於前曰兒夫冤白可從之泉下矣請賜一鎗將軍曰非子所宜言也復顧兩僕曰李三安在兩僕曰頃在園中或已遁矣將軍厲聲曰速將來勿使奸人漏網也旋謂孝娥曰子母然吾產尙得四十萬金悉捐以畀汝爲孤兒院爲幼稚園汝好爲之吾從此逝矣今孝娥以將軍宅建孤兒院自掌院其中指嚴曰漁色之害一至於此彼擁金錢恣娛樂者盍三復此殷鑒

世諷
楊爲我

世變益亟金錢勢力益膨脹道德實際益墜落文明公益社會之名義振振有詞而個人之利欲益如餓虎食狼不可制止所謂共和政策開明政策民生主義人道主義種種美名內幕適得其反友人王君謂予曰子試思世界上有一事一物可離金錢而獨立者乎噓昔厯史予不知第三十年來現狀子能舉一事以相難則當贖資觴子於濟南春予俯思之卒啞然無以對嗟乎此予客歲旅京時語也一年來情勢又復劇變一日遇舊雨方君於酒樓縱談生計事慨然曰今之世其惟採孫子之兵略而濟之以楊

子爲我主旨庶幾可快意一生乎予將舉人事爲證頗幽秘曲當有別趣充子說部中竹頭木屑備不時之需也可

天津人楊某以武員起家致富巨萬聞其領兵駐某鎮時培克侵漁無所不至兵士譁變賴某軍門以戚誼左袒之得罷職免議囊韃中纍纍皆黃金矣今其肖子已顯揚軍界某居然作封翁僑寓津門故籍不知何所以戚族垂涎其富不利還鄉也且封翁爲理財厚殖計以津門商場爲宜於是持籌握算日不暇給其思想之綿密而參以刻毒雖奸商善賈無出其右又得其跨竈子新學之贊助乃於經濟實用方面持之有故言之成理豈非尋常市僧所能望其項背封翁生平以個人是否有利益爲言動之標準其言曰吾理財之術雖不一其途而必以認定我字爲主體然後從我對於各方面用適當之支配總之不背於我者近是時人以其深明爲我之絕學能衍其嫡派之宗傳因贈以徽號曰楊爲我

史公傳宣曲任公家約非田畜所出弗衣食公事不畢則身不得飲酒食肉爲我之家庭何如乎富術專家自必有其特色蓋於任公之約尙有青出於藍者且節取其意而

以己之見解演繹之故尤覺特別精刻爲我年逾知非矣貌篤愿衣履雖不華潔然亦不破爛語肫肫然似無他嗜好而實飲博聲色下至毒人之罌粟獸行之嬰童無所不就樂顧治產三十年未嘗稍虧耗每歲必增其產額十之一務有贏而無細家有田數千頃雜置京畿湘鄂贛皖江浙間獨不於故鄉曰吾惡夫博畫錦之虛榮而蒙所識窮乏者得我之實耗也市肆建築亦稱是國內大商場必有其產及營業然不爲巨資結合之公司及投機事業等總計其產額殆不下二十萬猶歛然自以爲未足第宅分置頗多每置產處必起宅如一不獨津滬漢之狡兔三窟已也正妻已故然老而漁色蓄妾如起宅之數除津滬漢三大商場起宅不一蓄妾亦不一外其他則以一妾一婢一僕爲本位子女多寡不計惟亦不令多有計置宅十所妾婢至二十餘人每一宅法以產額萬金爲本位卽亦爲析產之本位津滬漢習俗華侈生活程度增高則額進一位此進位之金實供己身縱慾之用於家約上產額之本位無與也所謂萬金者悉充市肆資本或屋宅建築使其利息相當則以其券契及取息憑證付宅中主妾令其自爲經營宛如商界之經理夥友受股東委任獨當一面情狀其盈虧按歲一結爲我親臨

稽查簿籍珠簾碌碌終日夜必求出入相符除主妾有月薪宅中經費有雜支資金有官息各項提淨外設有贏餘則主妾有酬勞主人有紅稅亦按股分析而萬金本位之不動尊如故也爲我出巡一次輒或捆載歸其大本營則滬津漢三處凡多量之產金皆縮於一人之手其金融之尾閥則在國外銀行本國之銀行商號等皆非所信也長子既出仕貴顯爲我於某年與訂特別約法脫離管產關係每歲約納稅若干金以充養贍名曰報哺稅所訂約明載之亦跨竈子自定之新名詞也其餘諸子則隨宅妾在營業資本中加額爲教養資本此新名詞亦爲賢喬梓之專門學名法定每生一子加進資本額百分之一卽百金是也一女半之諸妾以資本過薄力爭爲我嗤之以鼻曰吾置妾爲己身肉慾圖快樂非嗣續計也吾已有子爲封翁矣需此呱呱者何爲於是諸妾多求避孕藥物或墮其胎不使育蓋恐一經兒女之累既妨其自由復以百金之息萬不數保抱求學之消耗將侵入己之月薪範圍故也或有謹愿者則撙節己身之享用及益求營業之發達以資彌補終不敢多求於爲我爲我聞之掀髯而笑曰此法治之家所以不勞主人之多費爲可貴也戚友或駭諸妾之何以聽命如響斯應且以

女流而擔經營之責任有盈無虧殊出意外爲我正色對曰此皆老夫植基之慎擇人之嚴立法之信有以致之三者缺一不可不可吾每於一地方將置宅時必先舉產業措置穩要於是揚言工商界中吾且於是焉成家章程具在產額確定而又信任不疑惟此婦女者須工會計略知商界經營內幕而又有的實之保證人其人類於本處商界有眞實信用卽以萬金之產託彼管理而於婦女之品貌行爲悉所不問年齒亦不限或其他妨害貞節名譽者咸可通融惟耗損資本則爲違法必由保證人賠償簡章既布有願應者先由紹介人引婦女面試技能合格則由種種之手續而成約否則罷論此植基之慎也當面試技能之際婦女或受指導或係僑飾實無經營之技能則與保證人訂商試用辦法暫無家室之名義給以資本產額十之一三月至一年期內觀察效果然後正式成家而尙有特別辦法則許用助理員如婦女之家長兄弟戚屬或至其本夫爲願讓妻而圖營業者亦無不可蓋吾所持主義本以治產爲體以肉慾爲用故也昔浙中大富豪胡雪岩氏曾爲之世俗少見多怪安足齒數故我所置諸妾除每歲稽查營業帳情一二次臨幸外其餘一概不問臨幸時間則須有正式之家範外人不可

得闖入。既去則聽其自由而已。惟營業發達及用度撙節是爲兩大要綱。所謂非公事畢不得飲酒食肉也。賞罰優劣之數。盡視乎生利之盈虧。苟耗損資本。卽當提議離婚。然諸妾中。竟罕有至此者。此可見擇人之嚴也。若夫利盈則豐其酬勞。利薄則減扣月薪。或揮霍過度。則亦須月薪內罰償所立諸法不少通融。又有資本加額之法。如三年間生利至超過資本之倍數。則增加產額一位。得自由營業。以此遞推。反是則扣薪一成。以次遞減。至薪盡則離婚。下逐客令。設有抵抗。卽用勢力強制執行。此可見立法之嚴也。至於個人享用及諸宅消耗品。雖不宜過於菲惡。以致己身感其不便。然要以己之產業中所有。取諸宮中而足者爲斷。決不以利益奉之他人。如米穀蔬菜魚肉俱用。己產所種植畜牧者布帛絲縷衣冠服用俱取己肆或工廠所織造制作者其餘一切衣食住各品大都己肆悉備。可以賤值或售餘者供給。或破壞不堪售者尤爲取用。適當偶有己肆所無。必當取之他肆者。則宵隱忍不用。或其物市值方昂貴。或如舶來品等一時風尚者。則宵不用之。此亦法定內所明示而吾又以身作則。再四叮嚀。設有犯者亦須罰扣月薪以償他若舟車交通之費。則亦必百計求得免貲。證卷或減價長期。

券等以能不出資爲要義而內地之航業及車馬各業必先廁入資本家之一因以東翁名義享受義務之優待利益則不須出資而得代步之幸福焉吾意與尋常吝嗇刻剝甘爲守財虜供兒孫馬牛之役者大相逕庭要之使我一人佔盡便宜享盡利益必不使他人主動闖入我自由享用之界內而已然我以種種營業及肉慾之關係其利便他人養濟他人者實已擴大爲我之範圍非絕對的只知有我也世以爲我名我得毋掠美歟聞者咸笑答之曰公所謂爲我之改良派也置有產業家室大勝於獨身主義

新學家言人類無不以自私自利心而生競爭有競爭斯起天然之社會組織爲我聞之大悅曰斯義洵吾所服膺者也吾雖操持爲我主義但須快樂的而非忍苦的須便宜的而非窒礙的須尊奉的而非退讓的故我非但置有產業家室且將遨遊社會中以享種種快樂與尊奉而取得便宜是卽我生平之得意事且我固一大富豪也富而且貴安得絕人逃世與獨身主義者同類而語乎故我之對於社會惟有間接直接以快樂尊奉便宜三種利益爲我之慾望而已實則社會中因我之快樂而亦得快樂因

尊奉我。而或轉得他人之尊奉。讓我佔得便宜。而彼亦並不吃虧者。往往而是。故我之爲我。非特於人無害。且或有利焉。我何所負於社會哉。一日有友人邀飲於酒樓中。謝不往。或疑其慳於答禮。微諷之。爲我曰。非也。若在某酒樓中。邀我則往矣。友如言邀之。果欣然往。酒傭足恭迓之。探其故。則封翁新營業之一部也。人始恍然。於是凡有所請託。購求必多方。探其所投資者。而從事焉。願投資處。又甚秘密。且輒在冷僻之所。無赫赫名者。或中流以下人。所過問者。以人既不甚注意。免耳目之招搖。啓人覬覦。且經理人卑賤。無勢力。亦易於駕馭。故也。人雖或不願涉足其間。然以其子方據津要。有所干求。則亦委曲以從之。而於是爲我大樂矣。又假資於龜搗關妓院。封翁因得跌宕於花天酒地中。紙醉金迷。偎紅倚翠。極風流之韻事。而不名一錢。且歲時收其貸息。仍取盈焉。有時宴客水陸畢。陳聲伎。滿前席終。則拂袖而出。肩輿以歸。媚色諛詞。充耳溢目。而所謂代價之金錢。則未嘗一擲。擲亦不敢受。蓋皆以資本家之位置所得者也。非然者。則彼必不往。或曰。世固多貪此微利而喪其巨資者。初則以種種便宜誘其出資。其後則以折閱倒閉爲之歸宿。而彼貪小之資本家。已經受絕大苦痛矣。爲我何人。甯不解。

此且豈能保不遇此失意事者而沾沾自鳴得意耶不知彼之與他人殊幾幾可永免此患則以權勢與武力兩問題爲其後盾故也以彼自身雖爲退職之武員而軍界老輩尙多交誼況益以封翁之資格跨竈子之盛譽誰不震悚若遇細人暴客孟浪從事或不問權勢之如何猝加侮辱則封翁固老當益壯如爲新息之據鞍矍鑠者一振臂尙能辟易百人雖有健兒亦當却步故商人之不敢施狡獪者畏其勢江湖浪人之不易報睚眦者憚其力也且正因饒裕之故舊部健卒從而倚以衣食者幾於隨地皆有亦殊不勞彼之出資以養但取營業之餘潤令其自爲取攜資生已足蓋皆爲我長袖善舞之所致也烟禁方厲時獨爲我販土燃烟設肆銷售如故於供一己隨意吞吐外且灌漑社會坦然行所無事或行賄求其庇蔭者累累也第戒之曰可一不可再勿以老夫爲幌子吾自顧營業且不暇何暇謀人人有不聽者則彼且語官警逐之矣故與波作浪之舉動萬不能借爲我而遂其願或有激之者則夷然曰吾不爲怨府以故官警亦重之於彼所自營業者不欲深究以傷感情也爲我嘗與諸伶比而設劇場京津滬漢皆有之行旌所蒞粉墨爭迎則按拍聽歌又不消一解慳囊矣某伶善滑稽知封

翁之爲人視財若命且非利便一身之事萬不肯爲因編一守財虜新劇以戲之其情節宛如封翁所爲而託體於古人王戎等封翁觀之殊不怒且笑曰此真解人也幸今世無第二人不然吾當與之中分天下快樂尊奉便宜之我爲人分其半何恨如之乃彼爲古人不獲與我並世此我所以獨得便宜凡中國之人皆尊奉我一人其快樂爲何如哉某伶心知其意而才力不及不能見之實行與我爭衡此我之所以更饒快樂也某伶大笑連呼佩服不已其詼諧而又木強如此

工於自謀者以謀人爲多事國家之有政府謀人之尤者也爲我深惡之曰社會者以生事營業相結合者也善自謀者自謀已足不善自謀者則沾自謀者之餘潤而亦自謀焉斯均足矣何國家爲國家卽社會而疊床架屋者也聽其數千百社會可耳又何必費許多閒租稅養無用之官僚而激激焉政府爲哉日勞其心力曰爲國家謀也而國家不治如故且不及吾輩家產之有條理而糜俸祿耗經費無算卽使國家果必賴以安賴以治猶不值得而況乎其不能治耶斯真天下之大冤獄也其次則爲教育人自愛其子出金錢以求學於良師爲興家昌嗣計也尙不失我字之真面目諺云養

兒防老。豈非人各有我。我各有老。欲防其老。故教其子。斯人應自盡之責也。而國始糜金錢。設大小官僚。以代謀之。此何爲也哉。又其次則慈善事業。最爲無謂。生事當人。各自盡。豈能代謀。即使代謀。亦必準以相當之交換條件。如借資本。則償以本利。借勢力。則報以技能。權利義務兩得其平。斯爲合理。安有強人以己所得之權力。無端擲之於不相識之人。而不責以報施哉。子女之於父母。報其乳哺之恩。猶不可必得。而況濫施於窮乏哉。即使天災流行。嗷嗷可慘。然亦當以服役爲得食之交換。故以工代賑之舉。庶幾彼善於此也。爲我之論奇闢至此。搢紳先生咸目爲鄙。夫不願與交而爲我。亦傲睨一切。不屑依附。曰。彼輩皆戴假面具。以欺人。其中懷之鄙實過於我。千萬由舍奴我。豈妄哉。今楊爲我猶財與體俱旺云。

指嚴曰。爲我果鄙夫耶。顧味假面具一語。當世人物實難逃其洞鑒。彼獨傲睨表裏如一。其又知道而玩世者耶。證之予友王君。世界無一事一物可離金錢之說。則爲我之學說。殆將大昌。嗚呼。世運變遷。歟。人道進化。歟。予欲質之大方家。

世譏
八面鋒

秋風秋雨。飄飄京華。偶驅車過舊游寓廬。覓話道經一胡同。見閨麗之巨宅。門前車馬頗多。中有人方挈眷出。攝衣授綬。難以諧笑。不之異也。顧窺其庭院。至軒敞而挈眷並出。如前人者數且五六。始疑賊。是何第宅眷口若是之夥。然車行綦捷。不容好奇者之詳審。但一瞥間。睹其朱門之左。高懸文木刻書青綠色字之榜。題曰某某部招待所而已。

異哉。所謂招待所者。必公共團體之機關無疑也。而胡爲紛紛攜眷。蝶影都雙。且微窺其婦女態度。年齒不倫。風範亦絕非大家以旁觀冷眼而率臆武斷。直指爲勾欄中人物。偷謂招邀。侑酒藉以消遣。良辰歟。則未必攜手並出。卽有之。亦未應至五六人出於一致。抑謂各挈姬妾。乘時出游。歟。然招待所者。政客之公共機關。既非新旅社。亦豈游戲場。安得有若輩據爲家庭行樂地。是時予蓋悶倒事中心猶豫。而狐疑百思不得其解。及晤舊游某君。試以質之。則笑曰。君誠骨董書生。此新政界之活劇。宜乎不能夢見也。今且少暇。我輩偕往中央公園。蔭茂樹。啜茗茗引一皖人當選議員事爲談助。用解君之大惑。可乎。予唯唯從焉。某君語乃曲折新穎。絕可聽。且舌鋒亦絕犀利。惜余筆

大拙不能批却導。款迎刃以解也。

某甲者。皖之泗人。在今日固赫然神聖。不可侵犯之議員也。而當三年前居鄉時。乃一寄食朱門之下等客。雖家奴市僧。咸得訶叱。而指使之。彼特覲顏。願受不以爲忤。說者曰。此正彼之絕大伎倆。亦官財兩星發見之動機耳。顧其爲人。實有投時之妙策。蓋對外以和柔。圓活處處不着邊際。而內則奸險狠辣。無一不備。遇之者。輒善其唾面自乾。與之投洽。往往入其玄中。爲所侮弄。久而始覺。又無術興問罪。師反心服其聰明幹練。以故或贈以徽號。謂之半料琉璃蛋。半料者。嘲其氣魄不厚也。然某甲聞之。則沾沾自喜。某甲本習東瀛之速成法。政酒之某顯宦。卽某甲所因依之主人也。賞其便媚。挈至京中。充書記。時洪憲帝制。論方熾。某甲委蛇其間。得入某機關。爲辦事員。司長者亦皖派中人也。睹甲初入仕途。頗落實視之。甲因夤緣。其親密多方獻媚。司長因以孟嘗君初見馮驩語。詢之甲。遂巡曰。某不才求學日淺。今願援留東。先進例謹執贄。爲弟子。蓋司長亦留日學生也。愛其同類。恭順且又係某顯者汲引。遂爲之游揚於儔輩中。一日長部務者。邀司長宴會。密叩某甲。人才如何。蓋已得某顯者之先容矣。司長曰。其人閱

歷雖淺。然頗習法政。明於世界大勢。非冬烘頭腦可比也。總長領之次日。即召某甲謁見於別室。談次悅之。乃漸委以私事。宛如內記室。某甲知機會已至。傾心結納。每日足跡不離總長之門。雖風雪。星夜值傳召。未嘗不全息而往也。總長時擬畀以要職。嘗曰。某不患不貴。顯特少緩須臾。磨練以老其才。他日自無蹉跌。今茲正不必汲汲耳。某甲作感激無地狀。願居末秩。自效。雖立畀以高官。不受也。其矯情媚世如此。無何。帝制敗。某甲知政局將有大變。寄其眷屬於津門。某顯宦家。而自匿居西城某寺中。皇皇如有所失者。數月共和復建。某甲急思投效。一躍登舞臺。爲捲土重來之計。而徬徨未得其主。大似唐人詩所謂更傍誰家門。戶飛者。遷延有時。會得某公。紹介以鄉人子禮謁某總理。總理雖循例延見。碌碌未之奇也。或謂之曰。總理左右之有力者。惟城北公爲最。欲自暱於城北公。則惟求之某武員爲最。某甲心焉識之。因輾轉懇請某鄉宦得接某武員。某武員有劉季風。兼具盤龍癖。某甲自游宦京師。亦漸脫鄉居寒酸態。從事揮霍。蓋於嫖賭二字。亦經三折肱焉。遂與某武員日事徵逐。有名妓花某者。豔職冠八埤。某武員欲金屋貯之時。置酒其家。邀某甲與俱。某甲如奉丹詔。竭畢生之能力從事周旋。

因探得個中秘密。知花某固亦爲城北公所愛。而欲據爲禁鬱者。某甲曾於席間。屢晤城北公。施其聯絡之伎倆。居然得城北公垂青矣。久之漸事沉瀝。城北公見某甲頗機警。因以密意語之。蓋城北公因某武員與渠同事一主。且勢力亦綦厚。若遽奪其所好。恐傷同袍之誼。或生他種惡感。以危害及本身之地位。是以躊躇未獲一當。欲求兩全之法。使某武員自願脫離關係。以此多讓。已於表面上泯然無迹。則浪擲金錢。固所不計也。某甲聞言。知機會已至。乃獻計曰。某上將之戀戀於花某者。非果悅其色。而留情也。震其妝飾之炫耀耳。蓋上將自命豪邁。卽游戲北里。必不肯居第二流。而花某則固以最時髦之名。擅長八埤者也。互以虛榮相震眩。而上將之意氣。用事遂致相持不下。實則彼嘗語某。謂花某之色藝。人才尙遠。不若某妓。某妓者。上將曾目逆送之。然不事眷顧者。以其不時髦耳。以其居處衣飾。不足炫耀耳。明公誠能捐資若干。使某往助某妓。大張旗鼓。以誘上將。則上將喜己之賞識。不虛舍此。就彼。必不視花某爲禁鬱矣。城北公亟贊之曰。此調虎離山妙策也。立與某甲巨金。恣以布置。上將果舍花某。而暱某妓。城北公卽以萬金娶花妓歸。上將知之。反哂曰。城北公奈何好某公之龍耶。自是某

甲周旋城北及上將間擲臂遊行罔不如志不數月由僉事而放某省財政廳矣及某總理因故退職乃有督軍團羣起詰責元首之舉某甲陰受暗系之喉使且加以感恩戴德當然大肆鑼鼓自命爲戰國時之謀臣策士朝秦暮楚奔走不遑有時草檄飛電亦頗爲軍界中所傳誦而於是再爲馮婦之總理亦知有某甲矣某甲復嘔心絞腦發爲種種條陳由城北上之總理總理輒加以獎許而於是入爲秘書出膺使命得參與個中機要且爲城北之心腹爪牙焉荏苒五年面目一變

陰謀爲道家所忌而細人僉王非此不足以誘惑當道自鳴得意某甲既攀援附麗於城北卽間接以施其策略於某當道當道果惑之於是某之伎大售矣初當道以狠辣手段解散國會至是乃不得不行改選以爲選舉總統議定憲法之地步事前當道曾語城北等曰此次議員務使某與政府意旨取一致態度不可聽其囂張蹈前此覆轍城北以語瑯琊君瑯琊君曰議員來自田間其性質滋雜安能令彼出於一軌設必欲其然者非於產生時製造焉不可城北曰製造之術奈何瑯琊君曰此無他惟令各省有心腹數人輦巨款歸故里廣施財力以收購投票者彼旣被舉則旣爲政府所羽翼

自不致與政府相背馳矣。如某甲即可託以皖省選舉運動其明證也。城北大喜。蓋瑯琊君知城北寵某甲故舉以見例果深得城北之同情於是招致某甲於密室徵集進行方法并及乙丙丁等無不唯唯聽命而某甲與當道有鄉誼又感汲引之恩其願出死力更可想何況輦巨金而歸恣情中飽尤生平未有之奇遇哉。甲因言某之用財當與各省比較的爲最廉儉之價值而得選議員獨多務使他系不得染指藉以報當道知遇之恩非某之自夸也。蓋某本身可偏重筋力交誼的運動則必撙節金錢之一部份卽以此撙節者盡助他人其爲用省而功多自操左券矣。城北大悅乃慰之曰好目爲之富道當有厚報某甲遂捆載返里。

朱門沈沈中有廳事數楹丹堊鮮濯望而知爲新建築者庭宇頗闊敞門外有警士三五荷鎗間立異哉鄉僻窮陬乃有此顯赫之指紳窺其內往來憧憧集賓客盛筵謙殆喜慶耶抑賀陞遷耶顧其賓客成列坐垂首側耳若聽講然其人則皆地方之紳商學界熱心公益事者然則殆開會議事耳居有頃主人徧拜諸賓客屏侍從於外狀似甚秘密者其語沈細不可辨但聞尾音謂須知此非某個人有利實諸君將來之大利也。

又云。凡納稅購產。糴糧。以及戶婚錢債等事。皆恃有人保障。何患不得自由。諸賓客俱報以鼓掌聲。聲震屋宇。久之始寂。語喁喁復不可盡聞。惟聞將來之利。既如彼。目前之利。又如此。諸君何不齊心努力爲之。語而已。比散時。已傍晚。諸賓客咸薰然有酒肉氣。或酩酊至不能正步履。行相譁曰。今日盍往小五子行樂窩中。一嘗烟霞異味。亦消磨此儻來財之一法也。或笑曰。不如往桂寶娘家麻雀一局。局終尚可繼續一斗一石也。一人接言曰。區區五餅金耳。諸君乃徧生遐想。或飲或博。或烟窟。或妓寮。大欲紛紛將焉所取償哉。一人僂言曰。否。否。我等通力合作。今日十餘人。各擲一二金。卽蔚成大觀。奚必慮東道主之無着於是。哄然贊成。前往。及明日。則初選舉投票期屆矣。某甲親往選舉場。將事終日。皇皇備極勞頓。官紳皆深佩其勤懇幹練。且交相耳目之曰。此某要人之心腹也。苟獲締交。何患不生奧援。於是此贈編彼獻紉苞苴之入。突過於運動之所出。某甲深藏不露。與各界謙和款洽。如故未幾。而初選當選鄉人咸趨賀之。或曰。此區區者亦足以賀某公耶。不如待複選。既奏而後賀之。某甲笑曰。此正複選之根底也。賀我固當。且願諸君各賀初選之得人。則某亦與有榮焉。無何。詣省會行複選。省中

高。級。官。吏。知。某。甲。爲。機。關。中。人。無。不。優。禮。相。接。某。甲。遂。日。事。徵。逐。出。入。寮。署。行。所。無。事。而。倨。貴。異。於。平。日。鄉。人。或。有。事。謁。之。則。罕。見。其。面。矣。是。時。凡。全。省。議。員。之。有。複。選。希。望。者。其。票。數。支。配。之。權。悉。操。於。某。甲。之。手。而。收。買。票。數。之。代。價。物。亦。以。某。甲。爲。總。裁。若。市。儉。之。公。董。然。某。甲。云。價。昂。則。昂。之。價。落。則。落。之。目。有。視。視。甲。耳。有。聽。聽。甲。口。有。言。言。甲。也。有。某。某。系。數。人。肆。力。運。動。欲。得。若。干。票。某。甲。集。徒。黨。而。詔。之。曰。謀。所。以。報。某。公。此。其。時。矣。諸。君。居。檻。以。內。者。宵。讓。微。利。毋。誤。大。局。而。對。於。檻。以。外。者。則。苟。可。勾。致。雖。犧。牲。己。之。金。錢。以。畀。焉。所。勿。惜。也。務。使。所。選。者。盡。出。一。系。萬。不。可。使。某。系。得。志。諸。君。如。能。相。助。爲。理。者。某。當。竭。家。財。以。從。之。幸。勿。瞻。徇。致。噬。臍。也。徒。黨。唯。唯。聽。命。翌。日。往。謁。將。軍。省。長。將。軍。及。省。長。某。某。者。皆。當。道。嫡。派。自。與。某。甲。沆。瀣。顧。猶。恐。其。攜。貳。乃。以。言。聒。之。曰。今。有。某。系。在。省。購。票。乃。至。昂。其。值。聞。逾。於。君。所。懸。之。數。君。將。讓。之。耶。抑。否。耶。甲。作。堅。毅。之。色。答。曰。是。何。言。歟。雖。使。票。值。昂。至。若。何。之。數。量。爲。某。所。無。力。擔。負。者。願。尙。有。將。軍。省。長。在。必。不。使。有。一。票。溢。出。我。等。範。圍。之。外。可。斷。言。也。某。不。敏。力。持。此。義。願。以。生。死。決。一。戰。將。軍。省。長。睹。其。義。形。於。色。不。覺。悚。然。自。是。果。惟。某。之。言。是。信。絕。不。加。以。防。檢。某。甲。乃。陰。招。

某系之要人於別室而語之曰。我系之指在盡購選票。必不使一員溢出關外。將軍省長持之甚堅。公等之所知也。但鄙意殊不然。世界政客既有黨派。必有對敵。此公例也。彼等不知政黨性質。故岸然自以謂是。然豈能一手掩盡天下耳目哉。今諸公當持定主張。即票值亦當以某某數爲限。僕當使此間票數假定一足額。而令以餘額爲公等活動之地。若我黨中疏通之責任。某自當之。而其經費則由公等代償可也。某系初聞某甲之壟斷希望。垂絕。今忽聆此網開三面語。大喜。一如約。某甲所獲不下二萬金。比揭曉。則某系居然選出。二人某甲對衆大憤曰。奈何。竟有此蹉跌。令我無以對上峯。因上書自劾於城北前。尤深致歉。仄而將軍省長之秘密報告。則謂某系出死力運動。非恃某甲之多方抵禦。當不能收此良好效果也。當道聞之。果以爲勞苦功高。默認爲本省議員之領袖。而被選各議員亦知某甲勢力之雄厚。既飲水思源。應念得此位之大不易而來。日方長。更知非倚甲爲奧援。不能遂獵官攫金之目的也。則翕然公推甲爲本省各員代表。凡有事關於政府意向所指者。無不俯仰於甲之承宣。甲於是對上則先意承志。有所試無不中肯。榮對下則鉤距逆億。泛應曲當。能使人人各遂其所求。

不特本省代議士戴爲冠冕。卽他省亦震於權力。龍信問題。惕惕焉。惟恐失其歡也。而外界黨系之競爭甚烈。各議員均抱有見金夫不有躬之目的。當然以金錢爲去就。某系懸賞甚優。則遜之。某黨資本不濟。則避之。且公然昌言於稠人廣衆間。絕不隱諱。某甲因進言於議長曰。此輩沈舟破釜而來。亦不過爲阿堵物耳。誠能使其囊橐充牣。較某黨某系有苑枯特殊之觀念。則臂指之使。所謂心悅誠服矣。尙何意見差池之足慮。議長大喜曰。君所見誠是也。吾已與上峯商權。取得準備焉。越日某甲與同寮大會於八埠。某倡之豔囿中。微示以意。沾沾有德色。或私叩其狀。含笑不語。第露好消息之意而已。同寮倚之爲近水樓臺。貢諛獻媚。無所不至。某甲矜奇炫異。爲狀至狡。譎語語藏鋒。似痛似癢。若卽若離。同寮深感焉。又明日開特別談話會。則有人逐詢是否某系議員。狀類檢點然者。且持簿籍校讎。似懼稍有朦混。繄何人則赫然某甲也。同寮咸瞠目不解。所謂須臾某甲。又率其屬持紙付人人各一紙。視之大書向某某銀行支取現金三百圓。下有鈐記朱文丹篆。或有能識者。諦辨之。則任重致遠四字也。同寮相顧欣喜默喻。昨宵某甲之言果驗。一種感激之忱。由中心達於面目。揚揚自得。一若自名列。

選榜而後此實爲第二次之快意者某甲尤趾高氣揚睥睨一切不啻表示此三百金之布施純係己之實惠下逮即使非取自宮中亦以爲春風在口嘘濯而和扇之非我莫能爲也推其意直以當道爲芻豢議長爲傀儡耳於是同寮更視爲天人所祈請罔不爭集其門某甲知羣情向己養尊處優亦居之不疑焉

初當道爲羈縻本系各員計不惜斥巨金從事於養務各得其歡心斬他日用兵之際一出死力也而議長又慫恿其間某甲更後先奔走蠅營蟻附欲樹黨羽爲自固地遂設特別招待所以圈制各員個中陳設部署窮極侈靡不僅賓至如歸且裝點成一遊戲場俱樂部引人入勝令各員必有此間樂之慨想焉凡飲食起居日用器皿電燈電話下至花木娛樂之具盧雉博品彈球遊戲應有盡有其房間深美足供眷屬寄居而外或臨時賸侍招致勾欄中人亦在所不禁而帷帳牀几之雅潔可人皆所中支金所預備者也某甲既大有造於各員則所享權利當然較衆人爲特殊故所中之正院公推爲某甲臨時邸第分別部儀制較他院爲優僕役之鮮衣解事者悉供正院驅使而帷帳器皿花木陳設之屬亦擇其精者衆人或心有不慊然不敢較也某甲本挈一

妾俱來。係犇走。選舉大飽。貪囊之際。分其造孽錢。購自蕪湖熱鬧場者。既居正院。卽署爲臨時夫人。其妾亦似受甲之心。傳儼然在諸臨時夫人中爭長焉。諸臨時夫人亦各奉其夫之密諭。置不與較。或且出趨媚伎。倆讓以虛榮。於是甲妾乃覲然自稱院長矣。甲既跌宕於宣南花塢間。不覺又引起厭故喜新之念。有所眷曰紅樓者。青樓而紅者也。命名卽某甲之大手筆。自梳櫛以至捧場出局。名震八埠。皆甲一人爲之遊揚拔擢。每晚車馬盈門。和酒接席。某甲摩託車鳴鳴來。龜搗掇臀而迎。一呼百諾。其氣象較之招待所中議員席上更勝倍蓰也。顧臨時夫人大起酸化作用。魚軒百兩。賁臨曲院中尋尋覓覓。大興問罪之師。某甲不堪其擾。乃避之他。而紅樓大不謂然。以爲我我卿卿。山盟海誓。亦既旦旦。可證萬不容無端取消。最初之約法。因輾轉邀致某甲。至妝閣中。要以嫁娶甲深惑之。乃更出其鬻身之私金爲之脫籍。而提出於臨時夫人前。欲其通過。割讓正院一半之權利。相與均霑。臨時夫人聞之。憤然拒絕。甲大施軟媚。求乞之手術。並倩同院諸臨時夫人爲之緩頰。臨時夫人乃提出種種條件。肆其要挾。甲不肯盡從。幾至決裂。嗣以某乙之臨時夫人善作調人。卒令雙方讓步。不以干戈而以玉帛。特

許臨時夫人暫攝正位衣服禮秩如嫡處紅樓於院之西偏自是甲之左擁右抱亦非他員所能望其項背矣無何故里之糟糠探悉其事因間關跋涉得至京華就甲質問甲先得消息卽匿居某旅社以待之不令得至招待所且給之曰彼係某顯宦之外室犯之者禍不測今我公事大忙勢難顧及家屬汝姑返鄉里摒擋家事明春當使人迎接否則一旦有變吾與汝兩不利也因又出其金錢運動之故技僞言貸自友人者爲之整裝而遣之蓋因招待所本非某甲私邸甲妻質貿然來門者又受甲之戒嚴有詞拒絕一外來鄉婦人地生疎何術窮其魔窟故輕輕爲甲掩過旋得施其逐客之令也自是益戒司閤凡非往來相稔之友知其底蘊者決不許其入此室處輒以議院及某旅社爲諉過地蓋恐鄉人子聞其位尊金多時來干謁故也每遇星期則同院人相邀合宴觥籌雜陳履舄交錯其樂無藝大有古人易內飲酒氣象甲顧而笑曰我輩食某公之厚賜豈有涯哉

食人之祿自當忠人之事況如明張宋之對劉瑾曰一身外皆公所賜又安得不感恩圖報甘爲鷹犬哉而某黨某系者時與某當道之政策相齟齬實係有力之勁敵因對

內主戰問題意見不一。又牽涉現內閣之種種政策。城北瑯琊等俱患之。某甲乃自告奮勇曰。荷金錢上許某自由者。某當恃三寸不爛之舌。從事疏通。務使其出於一致。而後已。城北等軒渠曰。有是哉。巨金固在庫司筦鑰者。我也。恣君之所使之。某甲乃率其黨羽。日從事交際場中。遇有機緣。則展其軟欺硬嚇伎倆。雖有識者。未必盡入彀中。而金錢與其他魔力。苟道行稍淺薄。無不爲之迷眩。且時時挈其兩妖婦現身交際場中。其間鬼蜮變幻亦屬不少。今日君所睹者。殆卽彼輩粉墨登場。將上男女合演之新舞臺時也。予友語畢。嬉笑之餘。因相與浩歎不置。

指嚴曰。昔有宋取士。士子揣摩經義策判以應試。因其縱橫盪決。罄無不宜。謂之八面鋒。異哉某甲。自何處得此薪傳。乃酷肖八面鋒之取義也。夫其初選時。對於鄉人是曰藏鋒。稍進而得志。驕其同儕。是曰試鋒。欺將軍省長而私受某系之運動金。是曰奇鋒。爲某當道。城北等鷹犬。是曰正鋒。誘致其同屬之議員。是曰偏鋒。以術箝制某系。是曰機鋒。家庭中演炎涼愛憎之活劇。是曰爭鋒。以金錢美人現身說法。欲一手掩天下耳目。幸災樂禍。罔恤國家。是曰神鋒。異哉某甲。具此絕伎。洵不愧一代人材也。彼督軍上

將司令輩必恃兵鋒以自豪者對之能勿汗顏

情豔姊妹花

漢皋有李某者力役人也往來河干俟估客登陸時爲荷擔日獲百數十錢以給饘粥雨笠泥脰淒苦萬狀年且半百矣得某孀婦狐綏搗合遂公然有家室之好婦有挈嫁之女二才垂髻耳覆額弄梅不過鄉里小娃絕無異人處長者稍白晰眉似曲而臉若暈也見人輒憨笑搏土爲小孩或削竹製小車輪迎風激之能疾轉作胡旋舞名曰風車或成錫簫吹之嘹唳有聲或五色紙粘作甲冑戈矛以逮面具杯盤筐篋之屬插竹帚上出市之得數十錢歸博父母歡笑李某頗愛之以其膚知白爲卑田院中所罕有也呼之爲玉娃娃次者則圓渦短髮睫毛濃厚而鼻直口小亦頗端正窈窕人心目中止知富貴有玉必配以金因名曰金娃娃李某有姙氏傭貴家頗知世事因李某賤且窘不甚往來嗣聞其已娶婦始來覘視見茅屋三椽結於瓦礫場上門外泥深沒踝婦方持瓦盆漿洗室外小金娃娃翦紙貼勝坐階前雞塢上姙氏呼而問之婦以名告姙氏撫其首諦視之笑曰小妮子殊可人入大家供使令月獲數百錢不難也奈何聽其污賤

若此婦曰：寒家安得有門徑？近貴人阿婆肯提攜，當沒齒感德也。妗氏曰：是何難事？值得感德耶？勿至別離時，節又繫念掌中珠也。正笑說間，玉娃徒跣歸，市餘之斑斕玩具，猶在握也。見客欲匿，母告以故，且令稱謂。妗氏笑驚曰：個妮子長矣，猶髮蓬蓬作憨態耶？繼而諦視眉目膚色，大悅曰：是兒天生媚骨，不可委之草莽也。盍以畀我？他日金娃長，更爲子謀之。是時李某亦歸，聞妗氏語大喜，遂令玉娃從妗氏游。

妗氏雖老，而花月場中固爲識途之馬。壻張某者，善爲蜂蟻生活，移花接木，自是慣家。見妗氏挈玉來，詫爲奇貨，遂思染指。妗曰：未也。吾將引而置之莊嶽之間，遂攜之入貴家。彼中妖姬豔婢，無慮百數十，見玉皆悅之。蓋妗已爲之略施洗刷，而光豔漸發矣。遂縱之入衆香國中，凡一肌一容，一顰一笑，無不令其耳濡目染。玉又敏悟，竟能深造自得。荏苒年餘，玉已纖素裁衣，苗條秀出。見者輒呼爲玉玲瓏，絕不似田間來者。妗大喜，然防閑甚嚴。凡蒼頭小廝輩有戲語者，必禁阻之。主人有愛子，年才逾冠，妾媵已滿前，頗垂涎於玉。妗不欲許，而故游移其詞，以囑之。主人子果大惑，妗謂之曰：子家胭脂虎，且成羣，苟驚風草，不獨小妮子雞肋不能當，老骨頭亦行將鑿粉，此不敢從命也。所不

得已者爲之別築香巢暗藏春色則藍橋之夢君自尋之老身必挈雲英貢獻於宇下矣。主人子急於色不暇他顧遽應之。始遂以玉設美人計焉。

姪氏與壻謀欲執而索巨金出贖之毒計蓋其女主人知其事斥姪而罷以傭姪怒以是爲要挾主人子鴛鴦睡穩忽受風潮雖以金錢了結公案因驚成疾遂致不起。姪氏乃避之黃鶴樓邊主人家卒以事無佐證不能訟也。顧玉之豔名由是噪江漢間凡貴游之物色佳麗者罔不欲一見玉娃以爲幸而花深葉密非慣事偷香之蜂蝶不易一涉其樊也。李某夫婦分始之餘潤已得溫飽則河干亭畔誰復能淒風苦雨孜一肩行李哉。此時挈金娃與姪合居分上下牀司奔走役雖屬飲榎亦醉居然食言而肥且金娃已及月圓矣亦復出落風流不亞姊氏異哉老鴉竟生雙白鳳道者莫不播舌自是朝朝暮暮爲雨爲雲凡墜鞭公子走馬王孫相識者不知幾許忽一旦有一褐衣老者踵門問李某詢所以則以求親對李某始瞠目無語支梧應之遂送之出老者約明日相見於江干李某愧汗交并求計於姪氏蓋老者乃一舟子當李爲役夫時頗相契老者有子與玉娃年相若遂面訂婚姻老者出金十餘元爲聘禮李某雖以語婦然金

盡時久亦復不甚記憶也。至是舟人聞玉娃張豔職急欲娶之。愚人無遠計。但思得之可爲利藪耳。舫氏聞之。啞然曰。老身千辛萬苦。栽得一株花。彼欲坐享其成耶。非萬金。值不足以婚吾小妮子。窮骨頭。眞妄想哉。汝第勿往。彼若至。老身自有術驅之。明日舟人待李勿晤。遂又率其子就訪舫氏出曰。此間爲老身女壻。及甥女耳。安得有李某子。旣聘媳於李某。向李某自覓之可也。舟人顰顙曰。然則李某安在。舫氏曰。彼傭於此。懶不勝操作。已斥之矣。舟人遂無辭怏怏而去。出語人曰。吾必求皂白於法庭也。

當玉娃花好月圓時候。武漢忽建義旗。風鶴頻驚。巢枝不穩。舫氏與李某正謀盡室南下。而貴人星下。謫矣。狎客孔某者。爲金娃之定情交。急詣妝閣。力陳己在軍界。可作護花鈴。且令金娃遷入己所居。以避他虞。舫氏雖狡惡至此。亦無可奈何。惟玉娃不願從之。往事且齟齬不能就。而烽火益急。舫氏懼甚。日詰玉娃爲權宜計。玉娃猶未允。忽孔某持一書至。密示玉娃。玉娃遂無語。且助室人。擗牆卽日入孔某所居。室中頗異之。詰玉娃終不得要領。蓋玉娃自遇主人子。後頗能識字。固盡知書中語。而幡然變計。也是日玉娃忽託故。他出久之始歸。於是名花有屬。而玉容不憂無主矣。

先是玉娃有眷者黃官人顯宦也。本擬量珠聘去。而妣氏慾壑難填。遂緩其事。玉娃夙聞彼享用豪奢。頗係戀之。及民軍起。顯宦以陰護黨人。故仍得居要秩。且位置益高。因軍中名譽。故又羽書旁午。似不便涉足花叢。然雅不能忘情於玉娃。孔某本與爲狎友。欲依附以保祿位。遂獻策於顯宦。已必能致玉娃。旦夕侍左右。顯宦要以重報。孔遂誘妣氏。玉娃入己室而走。告顯宦曰。子以千金來。吾可奉美人。充下陳矣。宦大喜。亟譽其能。卽夕致千金。妣氏愕然。欲不應。孔某恫喝之曰。予之所以穩棲此間者。黃公力也。子若不更事。忤公意。朝投書夕逐客矣。當此四面楚歌。去將何之。越雷池一步。恐遭虎口。幸勿後悔。妣氏大懼。問玉娃。玉娃欣然以爲便。妣氏恚而擲千金與李某曰。塊肉子有分。老身從此爲陌路可也。是晚玉娃肩輿入侯門。爲黃某既得之。自矜尤物。酒酣耳熱。必誇示同僚。一日孔某邀黃宴於私室。執禮甚恭。同席皆素狎者。飲酒樂甚。而肴饌之佳。大動老饕。逸興因間。誰爲廚娘。致烹調精美。若此。孔某嘖嘖以姬人對黃。知爲金娃。若有所根。觸不復置詞。既而出芙蓉肺一甌。衆客俱詫爲異。味黃某咀噉之餘。妬形於色。孔固未之覺也。時已被酒益津津。道其寵妾佳處。語幾侵及黃。衆客覺黃色異。

急裝點玉娃之擅勝處。折孔之驕氣。黃意稍平。酒罷歸語玉娃。玉不知就裏。頗稱道妹技。如易牙。黃私念信矣。將何術以慰饞吻耶。噫。覆水滅人懷璧爲罪。孔某之運命。自此日卽於崎嶇矣。

孔某者。本一牙郎。納貲得佐雜下流。末秩宦海中。賤視之。與隸役等。顧善博。能詔笑。得黃某歡。遂薦之於督轅司會計。然非主名簿錄。米鹽供備員而已。第因是得交貴。游通聲氣。爲釣餌階梯之用。計亦良得。年餘。竟被舉獎。列州縣班。儼然衣冠奔競矣。民軍驟起。黃某以長袖善舞。被推爲財政。孔某幾葬身火窟。幸先時遁。僅喪資斧。而人口懸漢。上一身流落。計無所出。復求於黃某。某憐之。得薦軍需所司筆札。餬口而已。旋以玉娃事爲黃某心腹大相。延譽於是。驟膺司軍務參謀兼統計官。月廩既優。贏餘歲巨。而氣燄大張。直欲凌黃某而上焉。雖然。孔某本齷齪鄙穢。利欲薰心。又自恃狡黠。驟得司出納要職。百計侵漁。以飽慾壑。舞文乾沒。無所不至。黃某以感情相得。輒袒庇之。至是遂謂當事者曰。聞孔某近頗溺聲色。揮霍之費不吝千萬。彼本蠶人胡。一旦有是。盡一稽查之。勿令事發。貽舉主羞也。當事者瞿然。謝果陰核之。盡得孔舞弊狀。猶礙於黃之

推轂因就商於黃。黃怡然曰：公事公辦，義應爾。爾吾輩身居民國，猶學前清，徇私賄免。耶當事者默然，事且發矣。黃某使其黨告孔曰：公入參機密，知子罪狀旦夕發，不行且受大戮。念香火情，特先告子。子苟得生，皆黃公恩也。孔某感激流涕，以眷屬爲託，隻身亡命去。

時黃左擁右抱，樂且未央。會慶祝紀念日，張燈開宴，偏召僚友水陸畢備，莫不饜飫酒。數巡，黃君起言曰：今夕有家婢擅絕技，敢一奏於諸君前，爲紀念助興。味宵不愈於寂寞。耶衆皆鼓掌注目，傾耳以俟。忽絃聲發於簾內，初似軍樂一隊出遠山叢林間，漸行曠野入市街，鼓行而前。若遠若近，計周轉數道者，旋又遠去入遠山叢林而止。餘音裊裊不絕，如縷忽滴，噓有聲似演劇開幕者，須臾歌聲競作。若空城計、洪羊洞及教子賣馬等劇，音節無不入妙，裂帛一聲，簾中空無人矣。衆皆鼓掌稱得未曾有。於是迴燈復演，擇交誼稍深，位置稍優者，延入精舍，出佳茗名磁羅列，珍異駝峯象白，無與媲美。嘗一嚮者津津不置，黃意得甚，有知其隱者，則以西施舌柔荑手等隱語揶揄之。黃不怒也。自是雙娃之盛名播遐邇，咸慕李某夫婦若太真之兄弟姊妹皆列土焉。無何愛河

風急孽海潮生黃某之葉底鴛鴦幾爲之驚散

孔某之亡命也直東渡瀛島以爲非黃某吾且洞胸方感初無已忽有軍役數人問姓名而贈以資固詢所以則又黃某之所使也感益甚既抵蓬島念金娃不置時作緘浼黃某垂青顧書十去而不一答以爲事冗或避嫌疑不猜也閱數月有自個中來者探近狀則以巫臣刼夏姬對孔不之信既而言者紛紛度以尺書久絕事非無因欲返國一窮其異乃僞自東經商來者衣服舉動如賈人狀至則黃某擁雙娃事確忿甚念無力與爭則又廢然旋自笑曰吾夙自號智多星豈此仇不能報耶偏訪里人知舟人子曾聘玉娃狀而金娃亦有夫家特鄉愚畏勢不敢過問耳孔大喜先呼舟人父子語之曰子第聽吾指揮不患不人財兩獲也又召鄉人語曰子縱不欲得若媳盍囊其金舟人子及鄉愚皆樂甚願如孔教孔遂奔走謀幹而黃某強佔羅敷作妾且中必疊雙其事喧傳不可掩矣

新法檢察廳有起訴權且可爭裁判之不當而令重行起訴是時舟人子訟狀上審判廳者徇黃某情賄欲取消之檢察官爲孔舊友力起阻梗必使黃某及玉娃與舟人子

對質。且援不能比附。前清弊法爲抵制黃某患之私餌。李某力辨舟人之誣。控李某衣食於黃以死。自矢必衛黃公。顧甫至法庭。輒暈眩不能作詞。期期之下。舟人子挽媒證口若懸河。李某額汗如雨。下唯諾而罷。裁判官無以爲黃地。惟故展質訊之期。以周旋之。令黃速籌救急策。黃知李懦不足用。百計覓得李之從祖以爲家長也。謂舟人子雖有一言並無聘禮。舟人子不允欲更起訴。從祖夜召舟人子密議。許以三百金。寢其事。舟人子少之。蓋孔某已調其舌也。從祖加以恫喝。不爲動。旋以五百金遂許。別鑿然而一波未平。一波又起。鄉人爭金娃者又起。訴許以金不願非得人不肯。已既而黃某知孔某陰主其事。卽遣心腹某以巨金誘之往南洋經營商業而資以揮霍。孔某果從之。鄉人無援助者。勢頓衰。遂以三百金就緒。顧檢察官不之允。蓋以案既起訴不能無故消滅。法當以消滅理由宣布。大衆不能如前清訟案之率請消滅也。風雨將殘。又加霜雪。黃某之厄運乃復一展。

押客某甲本訟棍也。刀筆冤魂不知幾許生命。至是進曰。公能以千金爲壽。鄙人之不龜手藥將獻於台前矣。其有意乎。黃某急攝衣謝問計。將安出。某甲曰。使舟子及鄉人

各具呈狀言李某婦有前夫女二有親生女二俱名金玉娃而以大小別之大金玉娃者前夫之女也大玉娃曾字舟人子故舟人子年頗長與大玉娃實相若字二年而病死今已七年矣以貧故流轉就食久不通問婦再醮後又生小金玉娃去年革命軍起城中騷亂大金娃不知走失何所至今未獲今嫁黃大人爲小妻者實小玉娃與大玉娃截然兩人兩家俱以誤信人言致起訴訟今已調查明確除舟人子願不收聘禮作大玉娃殯葬費外其鄉人子俟覓得大金娃時重締絲蘿云云狀成舟人子與鄉人子果不問狀詞作何語但畫諸作字捧金歡躍而去

狀既上檢察官狂笑不已大聲曰何酷似西遊記小說耶將以我輩爲稚駭如入蜘蛛精網中目不見天日矣奚可者非令黃某登法庭與彼輩對質不可語未已一從者持密函入檢察官啓視之微笑不語顧從者先行吾且至須臾登車授綏檢察官公出矣燈紅酒綠春淺夜深堂前絃管聲與搦戰勸酒聲相搏戰幾使耳鼓應接不暇旁一小室猩紅簾幙亞字闌干中有電燈掩映若火齊珠之耀流蘇溫香綺影色色動人側耳聽之喁喁私語曰老三子不聞得饒人處且饒人乎昨日一鑽環今日兩金釧後事大

有可爲子何處覓此大手筆。老三休休設愛我者必休休。忽有人微嘆且低語曰。吾亦肯了。奈老五何。旋嬌聲喘笑曰。羞羞。吾家杏妹子已先縛得五虎去矣。尙何能爲語畢。吃吃笑不已。

門階之下路燈三五淒涼。若僧舍忽有醉漢搖曳而來。一人扶掖之。醉漢大聲曰。官長卽不了案。吾女遂不爲夫人乎。吾婿當今第一流人物。彼何謂檢察。昨宵夜宴金釵（檢察同音）融化矣。扶者掩其口。令勿聲言。醉漢怒斥曰。余偉人戚也。復何畏。且語且東行。

明日某甲報黃某曰。法庭懸示強姦羅敷案。取消矣。黃某笑曰。子誠吾子。房語未已。某甲復附耳語黃某。益喜形於色。曰。又弱一孔。遂莫余毒。今而後喜可知也。

情想可憐虫

妾何人耶。妾實今世界簸盪顛越困窮艱苦中一畸零殘污之人也。非獨畸零而復天涯淪落。非獨殘污而又苦痛交加。天乎人乎。妾之命運至此。尙復何說。世界有慈悲癩瘰之人。聞妾此言。當無不曰。可憐蟲者。然可憐蟲之名詞。亦復於妾何補。妾心碎矣。妾

淚枯矣。妾口瘡矣。妾實不欲瀟瀟妾之經歷引起妾之苦痛以敗愛妾者之歡緒。願有不容不迫。妾爲此幽訴者。妾亦出於不自知。噫。妾心口先相語曰。姑強制爾心。含忍爾淚。徐矢爾口。爲此披肝瀝膽之言。以報愛妾者之不惜犧牲歡緒。使妾得自明衷曲之。好。心。於。是。妾。乃。有。言。矣。……妾呱呱墮地。卽遭憲運時局之變亂。實始於此。蓋卽康梁變政未成。前清慈禧太后赫然震怒之日也。父業治工居滬濱之某廠。廠後有小屋。卑如雞樓。妾彷彿猶憶門前有小溪。板橋支焉。杌隉可異。父恆戒妾勿戲走懼墜溪中也。橋旁多售小食及鮮菓者。妾過而垂涎故作狂走溪邊狀。以刼制父慈愛之父。乃不得不破其慳囊而購菓以饌妾矣。此妾四五齡時事。猶歷歷如在眼前。妾亦不自知小時何以了了。若是猶憶父常與母言。苟非康有爲失敗者。吾當已致富。何至衣食不敷。若是母性賢淑。常慰藉之以爲得志。亦有時安心以待可也。妾爾時固不知康有爲何許人。殆與我慈愛之父爲好友。能助吾父發達事業者。不然何以關切若是。後始知是年新政繁興。滬北當設機器廠。妾父已受雇爲工頭矣。忽下令停止。卽太后推翻新政之所致也。妾父既失此優美之位置。於是仍理小治工業。其間損失甚多。遂不能恢復原

狀至妾母死而山窮水盡矣。妾父所感苦痛如此。故曰與康之失敗有密切關係焉。妾父極慈愛。妾常提抱至各友人處。茶肆酒寮。罔不徧歷。俱嘖嘖謂玉雪可念。妾自覺如洋貨肆中所售之小洋团。笑靨明眸。活潑有致。固不容不動。父母之憐愛而父母之天性慈祥。亦自與他家。迥異。妾常見鄰家之詬厲凌虐其子女。直視同羊豕。以妾較之。何啻天淵。妾幼稚之幸福。寧不可羨。可奈命宮磨蝎。罡風一吹。墮落萬狀。妾所恃慈愛之父。與賢淑之母。竟不能庇妾。以至於成長而中途決絕。生離之慘。殆逾死別。萬倍。噫。春風和煦中。剎那間。天地晦冥。風雲異色。妾母乃於妾六齡之夏中。感染時疫。不及二十四小時。卽溘然長逝矣。此死別之悲。先使雛髮未燥之兒。無母何恃。已覺慘怛甚矣。乃猶未足以竟妾之厄運也。是時父方失業。坐食正痛。無米爲炊。忽遭此鼓盆之戚。妾母橫尸柳板。赤體無衣。何論衾襪。含斂無物。何論棺槨。妾母家亦貧窶。束手無策。於是慣作蟻媒之隣媼。告奮勇矣。曰。吾力能使汝家婦斂葬。得所。拉父至他處耳。語良久。父垂淚頻撼其首。狀至慘痛。顧妾尙以爲痛母。妾亦哭母不已。安知其他。旋媼與父攜妾出。妾尙不肯離母。媼曰。癡兒母將入棺。宜避凶煞。今姑送汝往某姥家。好待汝。父偕歸。勿

自苦。妾目視父。父終含泪。無語。至過橋處。父探囊出錢。購二糖餅及羊桃兩枚。置妾手中。而淚潸潸下。滴餅上。且濕。妾時固童心。甚熾。得菓良佳。又迫於腹中飢餓。如獲異寶。急攫置口中。然以父過悲。又若覺有無窮憂感。不期而自來者。目瞬瞬視父良久。不瞬。父轉覺難堪。掉首他視。口中若有所語。喃喃不可辨。但聞尾語曰。苦吾囡矣。奈何。妾以爲仍悲母死也。傷哉。寧知已別有變故耶。須臾報至。某姥所矣。姥老而肥碩。顏色如罩嚴霜。雖強笑。妾終覺其較之妾母大不相類。且較之鄰媼亦寬猛不同也。妾時並未知其將爲臨時之歸。母顧已覺其可畏。咄咄逼人。彼忽撫妾首而笑。玩視良久。妾噉然欲哭。回首視父。父癡立庭隅。淚下如綆。糜也。此片晌之情狀。妾猶永印於腦中。如習畫有素。必能一一摹繪而出。嗟乎。妾之命運。乃由此而漸入黑幕矣。妾常謂命運之豐蹇。不以貧富爲衡。而以情感之順逆爲主。茆簷蔀屋中骨肉子女團聚嬉笑。豈非無上至樂。又誰羨空花之富貴。故使妾當日少長。略能發表一己之意見。則必對妾慈愛之。父力陳寧願食貧居賤。萬不願骨肉分離。惜爾時幼小。且如在五里霧中。不知媼計之得行也。後此雖得衣食不與。妾父同爲餓殍。然豈妾之本心哉。愛妾君子。當亦信妾言之篤。

粦而無一毫之粉飾也。或譽妾富於情感，妾實不敢當此譽。蓋人心莫不皆然，親者無失其爲親，故者無失其爲故。夫婦之愚，可以與知；又何足譽之？有無何爾日？妾以一餅二桃，遂與老父永訣。自此不獲復面，雖非天涯地角，不知何以終未一覩其人。噫，殆已轉溝壑耶？抑遠適異鄉耶？逮妾長成，宛轉求之，迄無音耗。至今每一念及，心猶怛怛。且憶爾日，父所獲者，止銀蚨六餅而已。懷銀出門時，尙揮涕謂妾曰：「兒姑居此，明日攜汝歸也。」妾不肯，媼攜妾手，推父言曰：「吾愛此，因汝去耳。多言何爲？」妾方欲啼，而父已去遠。媼方爲妾易衣，盥面煥然一新。此姥家之父輩及姊妹行，甚多俱來，撫視嘖嘖稱羨。妾羞不能仰蓋。生六年來，從未一離父母爲他人玩弄也。然自顧衣食豐美，小兒性愛紛華，私心漸忘悲感。一月後，亦遂不念慈愛之父矣。但姥時有猜聲，獐色增妾心之畏懼。初本施於姊妹行，而未及妾。然已覺如死囚之視獄吏，每一發難戰栗失措。旣而餽糠及米，逐漸施之於妾身。三月未屆，而妾之阨運乃大至。先是姥集諸姊妹訓曰：「凡一言一動，俱聽吾之指導。苟稍有出入，卽以鞭撻從事。每晨六時必起，必入房灑掃灑掃，必手輕心細，如有聲響，驚醒吾者，輒無赦。朝食後，則練習行步態度，有不如教者，罰減。」

午餐之半。其甚者。全罰令飢。午殮時。擗擋食具。各有職司。有記憶。不眞及舉措乖舛者。鞭若干下。比晚客來。姊妹行之幼者。亦派定分司。烟茶之屬。須按章操作。設有誤。則閉黑房中。剝衣絕食。凍餓通宵。然後得出。妾幼尚乖巧。察言觀色。未嘗有大過舉。姥亦喜之。曰。是兒尚可教。顧妾生驕。養慣。父母未嘗加以笞責。故性頗兀傲。苟受責。必數小時。氣憤不能平。呼叱不復應。姥以是怒。妾常曰。汝小如錐。乃敢使性。耶。漸加嚴酷。妾究膽怯。百鍊鋼亦漸化爲繞指柔矣。一日。又因事忤姥意。姥方吸烟。卽舉紙吹之火。投妾眼角。而作恨聲曰。汝盲耶。何忽心亂。乃爾。妾眼角受火毒。霎時赤腫痛極。而號姥以爲作態。使性又鞭。妾會有姥之盟妹姚嫗者。時來與姥作雀戲。頗愛妾之靈敏。且其人亦較姥爲慈善。是日見妾目腫。狀問所苦。妾不能言。有某嫗告之。姚嫗惻然曰。吾當使之得所。吾甚愛此雛。噫。妾後半世之命運。稍獲進步者。卽賴此嫗。而此嫗實妾之第三保姆也。姚嫗既視妾。遂喁喁與姥語。姥曰。汝旣欲之。可將去。免吾多一照管。宵不甚善。遂使妾從姚嫗歸。姚嫗命妾向姥叩首作別。自是妾遂爲姚氏女矣。姚嫗亦先有養女二人。不甚愜意。而獨憐妾。妾眼角之創。自入姚氏後。嫗爲殷勤取藥敷治。彌月而愈。卽今皆

邊之小癥是也。人或謂此癥不損其媚。豈知其間固有一段傷心史耶。

姚母有夫曰某。卽妾呼以父者。妾每一呼之。卽心耿耿。憶及妾之生父。蓋已年餘。無此稱矣。業已淡焉若忘。舊事重提。頓觸愁緒。母旣愛妾。又性稍較。姥柔惠。妾意大安。自謂得所。母絮絮詢妾家事。妾亦告之。無隱。母曰。今汝亦有父有母矣。尙復念破屋中乞兒生活耶。妾乃以此間樂不思蜀之語慰解之。母大喜。姚父雖飲博無賴。然頗慈於幼稚。又因母而推愛及妾。亦常提挈偕遊。各處果餌玩物之賜。不絕也。妾以是視若生父。久之已忘。前此有小橋臨門之故。廬廬中有苦冶工爲妾生身。老父之事矣。且自出後。迄未獲一覲聲音笑貌。不能復憶。恐覲面亦若不相識。而妾已長成。亦不易辨。認故偶有相遇之機會。不過如浮雲萍水。奄忽互相踰而已。姚父恆挈妾至一小茶肆中。啜茗閒談。滬濱所謂老虎籠者是也。此肆爲姚父與友人合資所設。故至必有數友逢迎。或果餌食物。酒肴咄嗟立辦。妾時餐飫而歸。是歲姚母與父措貲於某巷中。設一賣淫窟。滬俗所謂雛妓院者是也。先妾入者二人。妾呼之曰姊。皆已長成。約十六七。乃驅之作皮肉生涯。二人皆癯肥長者。目如望羊。不能得客。憤次稍活潑。然貌亦可厭。目小而烟視。

鼻如蒜根，唇上翹，幸膚色尙肥白，有一線動人處。然生涯不佳，不知姚母何以購此二人。母亦常作恨恨聲曰：「守此兩妮子，終身無發跡日矣。」吾所望者三媛也。妾亦喜自負。姚母謂父曰：「此兒略長，必能出人頭地，量臉圓，渦腰肢纖，嫋齒牙復伶俐，殆古所謂錢樹子耶？不可屈之於山梁中，且不宜視爲等閒浪擲之中材。」以下吾當力措母金，俾學歌舞，養成上駟，與彼四大金剛十姊妹名花爭勝也。姚父亦鼓掌稱善曰：「三媛非他，難可比。吾二人菟裘在是，敢孟浪使之討尋常生活哉。」遂爲妾延師教歌舞，且徵老於曲院者，時相薰陶，授以鉤距媚悅之術。時妾齡十二矣，雖垂髻覆額，而含苞溢露，異采動人。又復善解人意，不似今日之囁強頑鈍，蓋心緒與境地之各判故也。爾日之含光蓄彩，精神百倍，洵如香豔之花，蓓蕾初胎，令人百玩不厭。妾固不自知當時睹妾狀態者，尙能言之也。姚母見妾嶄露頭角，珍如拱璧，正擬與父商榷，摒擋治具，密築香巢，高張豔幟，忽妾又逢阨運。姚父不知何時，逋人債務，牽累成訟，拘押警廳者三月。而妾之建設事爲之無形打消。姚母終日奔走爲父料理，且不暇尙有何力能爲妾圖？既而歎曰：「坐視佳者而不得入口，命也。然不可誤吾女青春，乃與某媼謀以三百金質妾爲假女。」

暫列花叢。寄生枝。滬俗質女。於妓院。若干年月。爲期者。名曰押帳。妾此行。卽押帳之所。爲也。姚母本思。自設妓院。以妾爲之魁。不意父之訟事。適起於此時。既需多金贖罪。又遇辛亥革命。命旗起。市面大受影響。故不得不一變而爲押帳。而於是。妾又戴某媼爲第四母矣。顧妾是時。已爲上臺時代。一顰一笑。關係衆人之休戚。媼雖悍。不能肆其雌威。蓋客之捧妾者。已源源而來也。惟媼爲花壇宿將。凡事俱有經驗。以妾之惡跳。尙多不合度處。時相糾正。妾則如初生之犢。不羈之馬。恃其才色。以爲可以橫行。無阻。何必盡恃法律。是以輒相齟齬。姚母時來探望。某媼訴妾無狀。姚母愛妾甚。然礙於媼。亦略爲呵斥。乘無人時。則慰藉妾。加以敦迫。謂宜稍斂抑。非比在母蔭下。可以絕迹飛行。了無顧忌也。妾泣如其教。自是妾漸就範。媼喜稍稍獎譽。妾一日又以某客使酒罵座。大受窘辱。妾憤起與爭。房侍者和解之。媼謂妾慢客。非院例所宜。絮聒不已。妾久不受壓抑。一旦飽膺呵斥。內外交迫。情所難堪。仰藥欲自盡。衆救之得免。姚母聞耗。馳至。抱妾痛哭。婉轉勸慰。幾萬言。最後則曰。忍辱半載。母必代爲贖身。脫離關係。妾亦知悔。唯唯聽命。姚母噓寒問煖。無所不至。妾自誓小心從事。以待母之來贖矣。無何媼已探母意。恐

妾不久卽破壁而飛急欲攬得金錢以自固。有西客某者。夙與媼稔。垂涎妾已久。囊中頗富裕。媼因慫恿爲妾梳櫛。黑幕中早有成議。妾年方及笄。亦思擇人爲第一。如意郎苟情投意洽者。卽於媼外報桃母千金。從此鸛鵲比翼。蝶鵲比目。寧不甚佳。而不知媼之暗算。固不容妾之有是幸福也。一夕邀姚母至。絮談至夜分。姚母初似不願。旣而躊躇再四。始有轉圜意。然未解決也。明日姚父亦至。復開會議。妾略聞以所得金十之四給姚父母。姚父母已首肯。妾素乖覺。已明白十之七矣。因拉姚母與語曰。兒不能任人支配。如傀儡。然苟不先得兒允許。宵死不肯從命。姚母乃垂淚勸慰曰。兒長矣。終當知世事。母豈不願爲兒相攸者。顧急切不得兩全。兒姑作金錢司。命想以救父母。及自救。何如此金已與汝父立約分毫不得動。且別籌若干以足數爲兒贖身可也。天日在上。決不食言。兒意何如。妾亦垂涕至臆曰。命也。旣有此希望。安得不忍目前之苦。痛然則兒計已決。犧牲夙願。以從吾母之命可也。雖然。妾尙須索金釧及珠玉衣飾等若干。事能從則可。不能從則已。請以語若客。姚母果往請媼。媼商於客。客竟慨諾。嗟乎。孽緣之來。金錢制人生死。妾一雛姬。能力破此網耶。於是妾乃以數百金之代價投身入穢區。

不得已齎貲送之返甬東故里復之滬則虧累至千金房侍者矚妾窘態漸露相率求去而甬東書來父命在旦夕望妾如飢渴勢不容不去於是妾乃皇急不復顧名譽捐棄一切房侍所肩之債務捲貲百金星夜馳歸四明矣滬北俱闕然謂妾從人捲逃實則妾自某生後絕無情人而此次之爲假父病亟迫而出此自是苦衷然妾既無意於花叢中樹幟卽亦不辨也無何父死爲之治喪營葬事糜費二百金復虧百餘金矣合之滬上所逋已達千二百金妾自念前路茫茫又復蹙蹙靡騁欲得一鄉愚者爲壻而嫁之以了餘生抑知妾雖貶節乃阨運之極并此而不能達目的蓋債權家大肆咆哮欲持劫妾以歸或妓或媵不知居心安在妾已閱歷世途備嘗甘苦寧不知個中玄妙乃聾訴警局謂債主挾勢威逼勒娼警局判期償債而不許債主勒妾妾始復自由然家徒四壁立何以爲生滬北又無地可容妾重理舊業正彷徨間姚父有妹亦會爲房侍者之一謂妾曰吾聞京華繁盛頗可立足且彼處多現金出入差勝滬濱也妾思既不獲嫁又爲馮婦將焉置妾妾填溝壑亦已矣其如環妾而索食者不止一命何乃於客春來京中噫至此而妾乃完全成一畸零殘污之人焉

性與酒俱發。至是意不自聊。且以姚母之不加束縛。意漸驕縱。乃受狂藥之助力。益放誕。不可制。先是某生者。婉篤而富於情。妾膺寵眷。已有委身之意。顧生家非素封。恃館穀以餬口。雖爲諸侯上客。非能一揮千金者。妾知其隱。即亦不焚索。將徐爲之計。姚母亦許之。而妾忽縱酒狂蕩。生誤以爲妾終不就範。絕迹不至。妾自往謝罪。業復諧矣。而姚母病劇。醫藥費及其他表裏。皆出自妾。生見妾窘苦。亦竭力相助。無何母竟死。遺囑。猶言願與生得諧姻好也。姚父自母死後。意大變。常向妾焚索不已。蓋已有外室故。妾不給。則聲色相向。且陰有阻妾與生交好之意。生知之。抑鬱萬狀。而姚父欲娶外室。爲母强刦。妾百金。妾不與。則出死力相搏。生驚惶成疾。自是妾之命運。日卽於零風朔雪。急景凋年。無復和煦之望。而生乃竟以療疾死於旅邸。妾往視含斂。慟哭幾不成聲。人謂妾之有情實不知妾之怨命也。自是妾更喪心失志。所萬不應者。不爲桑榆之計。而甘自葬送耳。然如古人信陵君醇酒婦人。漢惠帝酒色自戕。賈生哭泣傷生。皆萬不得已。以致自殘。妾何人。經此苦痛。尙能自振。況幼小未受教育。何知補過自靖之策。旣不得意。則橫決以自取死而已。孰知妾雖縱酒胡擾。苦不得死。而姚父竟以他故染疾。瀕危。妾

不得已齎貲送之返甬東故里復之滬則虧累至千金房侍者矚妾窘態漸露相率求去而甬東書來父命在旦夕望妾如飢渴勢不容不去於是妾乃皇急不復顧名譽捐棄一切房侍所肩之債務捲貲百金星夜馳歸四明矣滬北俱闕然謂妾從人捲逃實則妾自某生後絕無情人而此次之爲假父病亟迫而出此自是苦衷然妾既無意於花叢中樹幟卽亦不辨也無何父死爲之治喪營葬事糜費二百金復虧百餘金矣合之滬上所逋已達千二百金妾自念前路茫茫又復蹙蹙靡騁欲得一鄉愚者爲壻而嫁之以了餘生抑知妾雖貶節乃阨運之極并此而不能達目的蓋債權家大肆咆哮欲持劫妾以歸或妓或媵不知居心安在妾已閱歷世途備嘗甘苦寧不知個中玄妙乃聿訴警局謂債主挾勢威逼勒娼警局判期償債而不許債主勒妾妾始復自由然家徒四壁立何以爲生滬北又無地可容妾重理舊業正彷徨間姚父有妹亦會爲房侍者之一謂妾曰吾聞京華繁盛頗可立足且彼處多現金出入差勝滬濱也妾思既不獲嫁又爲馮婦將焉置妾妾填溝壑亦已矣其如環妾而索食者不止一命何乃於客春來京中噫至此而妾乃完全成一畸零殘污之人焉

情怨 墮花怨

妾乃一無告之窮民。敢自居於何等人物。顧或與妾軟語者。輒曰。香豔若玫瑰。辨慧若鸚鵡。清聲便體。若嬌鳥之共啼。花婉篤。靡曼若游絲之颺。晴空此等佳譽。朝夕入於妾之耳。殆彼文人好事者。流猥以妾爲抽毫遣詞之資料耳。其實在妾茫然不自知。妾聞嘗攬鏡自照。容光已大不如昔。而妾私心自揣。常恐見穢於人。卽在昔年。亦復惴惴焉。自謂眉之修。曲不及東家。姊目之清。揚不及西家。妹頰輔之秀潤。嬌暈且不及某氏之雛鬟也。妾心好勝。出自天然。故意思常若不足。然天下妍媸之判。究無定評。譽妾者雖謂妾之美。冠儕輩。毀妾者又安知不謂妾之色。僅中材。妾自平心論之。妾之美固必不敢謂當世絕無。僅有。而自顧身世較彼庸脂俗粉。亦自羞與爲伍。噫嘻。一轉念間。又覺妾之驕矜自重。皆墮於偏面之美譽。而不知此美譽之於妾。實斷送妾之一生幸福。俾日淪於惡潮孽海。毒霧瀰漫。籠罩其上。愈進愈險。幾於滅頂。而不得出。哀哉。妾仍茫然不自知。而以爲此中津津有深味。坐令大好韶華。在此醉生夢死中虛度。以去。彼蒼何酷。乃令妾有此才質。而復無端得此美譽。以致欲罷不能。欲忍不可。妾心碎矣。妾欲無

言。又不得不言。妾之前生果係何因。而今生乃獲此報。妾問心自謂無他。而遭際待遇。適得其反。已矣。思量往事。歷歷心頭。試一道及。縷縷不可窮。彼譽妾者。恆樂聆妾之願。訴妾甚不欲自白。而又不能自己。妾終於爲一駭癡之小女子而已。然而妾心所大苦者。乃譽妾之人。反不如其毀妾。

妾自墮地以來十九年矣。家居海濱之某社會。所謂父母者。果否屬毛離裏。妾實不知。蓋稚齡之歲月。盡在混沌黑暗中。但衣食撫育。我卽父母之可也。雖然幼稚之苦。況要不足以害妾。故亦不願贅述其足以引起妾之煩冤而遞增苦痛了。不知天之加罪於何而施者。惟某歲夏間之紀念日而已。此紀念日實爲妾墮落罪孽地獄中之第一日。妾母先有二女。亦不識果爲母所誕育否。但年長於妾。則姊之母以父不事家人生產。業乃飾姊應客以博纏頭者久矣。願獨愛憐妾。嘗從容說父曰。此多有夙慧殊不願其再墮風塵。苟得量珠而求者。卽妾媵之也可。父亦首肯。至某歲妾年及笄矣。雖齒牙伶俐。舉止活潑。而囿於惡家庭之習慣。猶恬嬉不事事。有劉媪者。老而黠爛。熱世事。出入北里中。如勳臣宿將。有掉臂游行之態。篤愛妾。至輒撫摩調謔之。妾性素爽脫。不好作。

處子羞澀狀。媼輒指謂母曰。此歡場中常勝軍也。妾時雖不辨其作何語。但覺其目動言肆。神色有異。卽知其非好相識。遂起他去。不意越一日而紀念日至矣。是日母竟挈妾抵一處高樓。三楹晶窗繡牕。頗類大家而側弁。摳衣之男子。踈躐往來。其下者十餘人。調笑喧譁。絕無靜穆氣象。與鬧市中茶肆無異。登其樓則一老嫗翹足南向坐。兩小鬟爲燃火吸菸。口猶喃喃。詈不已。不知作何語。而劉媼者亦坐其右。向妾母嬉笑曰。來乎。夜明珠出自蚌中。今而後肯一放光乎。妾見其調笑狀。心頗厭惡。遂亦不復呼姥。劉媼突捉妾臂且笑且詈曰。小妮子。便目中無人耶。他日得走馬王孫。墜鞭公子。直當攬老身門外去。妾母聆其語。藏鋒乃急令妾爲之作禮。問安。妾不得已。強與寒暄。劉媼乃捧妾見老嫗。亦呼以姥。旋即拉妾母至旁室。喁喁附耳。作秘密談判。老嫗瑣瑣詢妾年歲狀況。因不得諦聽。劉媼語心恨甚。亦無奈何也。良久。母出謂妾曰。兒留此少住。吾且去。妾不知其終不來。然小別亦難忍。啞然而哭。劉媼搖舌作冷峭之聲曰。夜明珠日作懷中寶。肯捨得耶。彼又有此膽耶。髮蓬蓬。雖瀕成人。顧未脫孩子氣。吾決其必牽衣嬌啼矣。噫。妾性好勝。出自天然。若爲人所揄擲者。則必負氣一反之。劉媼殆深悉此隱者。

故不屑盡情反激以誘妾入彀不意妾念質直竟恬然就其釣餌也遂昂首奮頸自語曰兒卽終身居此亦何畏離老母寸步卽遭虎狼邪爾輩儘去兒卽住此可也嗟乎不意此負氣之語竟成事實妾自此深入陷阱中雖旬日獲母來一視而此中日月斷送妾之韶華至漸悟其非則大錯鑄成久矣無復轉旋之餘地且美譽之紛來驕矜之沓起汨沒妾性靈於不自覺而孽障益深矣

老嫗飼妾以甘旨柔滑澤妾以脂香粉膩衣妾以綺羅紈縠妾初爲物欲所炫若亦覺其可樂以爲勝妾家萬萬也顧行步一不慎則訴厲交加曰是烏足以媚人語言一不當則鞭笞突至曰是烏足以悅人妾始知老嫗之象妾者固爲媚悅人地耳同居者亦有姊三人皆煙視媚行客至則低頭捧膝無所不至老嫗恆指以示妾久之而妾不覺動效顰之想起爭勝之心老嫗亦特使妾熟視其旁以歆動之曰爾能是吾將若何寶愛之久之而妾好勝之心悉注於是且起請曰兒亦能是盡不使之老嫗於是飾以錦繡被以珠璫燦然如貴家女子自視能他人所及也於是姊之客轉而客我其甘詞美譽一時耳中填溢至於不能容妾乃以驕癡之心念承受之曰彼等優待若是是誠有

德於妾也。妾亦誓必以好意報之。此念一起而妾之半生功罪乃顛倒於造物播弄中。在爲妾播弄者固受累不少。卽妾因此播弄以致尤悔叢集宛轉困頓幾致不能自脫網羅者其受害之酷較之對待方面乃更甚焉。

客某甲者巨腹賈也。以多金故老嫗囑妾小心事之。妾遂先意承志。學孝子之所以養父母者。甲果大喜。一擲數千百金。無吝色。居無何乃爲妾作催花使者。破題兒第一遭言之殊大愧。惡妾自以得所托。謂此必將來蔭庇我者。顧其人逾壯龐碩而有髭鬚俗不韻殊未當妾意。而妾已立志作好人。私念彼爲妾所費不貲。妾之得驕奢饜飫受老嫗之獎勵及姊妹行之趨承者皆賴彼之賜。奈何可因其老醜而疏薄之。卽不足愛者視若父而敬之可也。由是益厚遇之。復數月甲資漸罄。老嫗已察其隱。令妾絕之。妾心大不忍。顧不得已。乘夜泣語之曰。公於妾無所不揮霍。可謂厚矣。然銷金窩大不易。卽銅山金穴亦有窮期。今爲公計。爲妾計。盍悉索敝賦挈妾出火坑。且一勞永逸乎。妾尙有父母亦必感公之德也。甲聞而奇之。曰。不圖小兒女有此絕大見解。顧老嫗願甚奢。吾此間不足以償所欲。奈何。妾曰。返取諸官中。苟期月可至。見必握信符以待。甲許諾。

明日語老嫗嫗以詢妾謂小妮子果願者令以二千金爲質卽脫籍聽父母爲之妾意頗踟躕似不慊於其老也嫗遂高其值謂非六千金不辦甲曰吾非惜此囊中慳耳苟以一載爲期者吾必歸取以來甲滇人也老嫗語妾曰吾聞雲南萬里安得便來彼欺人語耳宜黠使盡留貴重物以爲質妾初不肯允老嫗驟恫以勢繼餌以恩妾遂宛轉囑甲甲心醉神惑竟遺物二千金勉竭資斧而去臨別妾頗怏怏也乃欲謝客以待之老嫗獠笑曰癡妮子顛哉天下安得有如許好人彼欲誘子鬻於外洋耳妾初不信繼聞嫗之左右往來者皆云然遂漸淡漠他日母來探訪私詢之亦以爲不可恃也妾乃應客如常已而某乙至年少有情人也雖非慘綠亦善怡紅不一旬與妾投契若逾鵲橋於是妾之所謂好心者復專注於乙之身而乙之譽妾則什伯於甲且無一語不沁人心肺動人神魂妾私自慰曰天賜良緣必是君也顧乙習蟹行書操簿記於外人之宇下月數十金耳非能懷寶量珠者雖妾有所需必竭力應付顧時露寢態老嫗親之熟曰此窰人子耳宜法遣之否則於子生涯有礙時妾頗負盛名纏頭金日盈斗平康中莫不嘖嘖羨顧妾獨睚於乙私減資速彼至乙感甚乃獻計曰卿不云有父母耶向

以難。鬟恐不足立門戶。今生涯大饒富。何患不溫飽。乃令老嫗持短長。殊失策。速語卿所生。摒擋脫樂籍。毛裏之親。究非他人。比必能曲全掌珠。意則吾二人不難正式結褵也。妾大然之立。挽左右密召母至。語以故。母涎妾得資久。至是樂甚。遂力爭與嫗解約。涉訟旬餘。妾卒歸母氏。自以爲恢復自由目的之達不遠矣。是時。曙乙甚。雖賓客滿堂。蹀躞甚痒。而款乙於旁室。周旋必入視之。互相慰勞。喁喁小夫婦。不是過也。乙語妾曰。吾雖授室。然未嘗知世間女子有若卿之明慧者。殆必天仙化身耳。妾答曰。兒不敢當此美譽。顧意中覺一刻不見君。卽忽忽若有所失。君奈何。尙令妾作態向人。藐茲弱質。將焉所託。得毋爲薄命人設一想耶。乙泣然泣下。誓必出死力。如妾願。妾破涕謝之。及出。客已促侑酒者屢矣。無何。父聞之。大不悅。曰。兒年甫破瓜。韶華正茂。苟作是想。是擢我錢樹子也。且脫籍之金。尙未畢償。而彼小生者。實囊人子。吾必逐之。於是媒孽之機。乃在蕭牆之內矣。

是秋。妾母以訟事鬱鬱不得直。奄然遂病。病且死。曰。必歸骨於故邱。妾父乃以是爲題。曰。妾宜送母喪歸里。以兩月爲期。妾初戀乙。不肯去。父強之。妾念母有恩。惶傍不忍負。

以謀於乙。乙曰：此係孝思，吾甚樂之。且吾亦將歸取資來白廬父，願諸永好。妾大悅，以爲當然。旋語父，父漫應之曰：出則可辦耳。令渠以百金爲質，妾以請乙。乙慨然諾。明日，乙囁囁語妾曰：搜索止得其半，奈何？妾曰：兒深知君非誑我者。兒篋中尙有私蓄，爲君足之以炫老父之目可也。乙感謝至涕零，遂送妾登舟。臨歧猶依依約期，毋相左。舟既解維，相顧黯黯。然在當日，僅以爲小別。迄今日思之，其慘狀實爲妾之第一痛心事。既畢，葬父。謂妾曰：滬濱訟案未了，吾輩往不啻自罹於羅輶轉籌思，不如姑就此間生活，負避其鋒。且甬東亦劇埠，巨商豪賈及官人正不乏何必舍是遠圖？今有某丙某丁者，皆屬意於子。子出不患無墜鞭走馬者也。壓倒羣花，好自爲之。妾掩袂不應。父忽變計耳語曰：吾已作書招乙至，渠甚願之。苟獲千金，供吾贍老費，卽贅渠爲壻。聽子所往可也。妾始回嗔作喜，默認父說。嗟乎！雛兒安知世事？且欲從乙，則自決可耳。胡又輾轉於假父之口中，任其播弄？蓋妾不更事，雅不解金錢之魔力，足以生死人，以爲乙者亦必富。家兒能使妾溫飽者，則何妨不斬父以金，且以間執其口而不知天下之最難者惟此阿堵物。乙雖誠愛妾，然終無以破老父之怨怒。妾初不解老父之怨怒，乙何以至是？則

惟呼天以爲妾命如斯我罪伊何也

妾爲假父所扼樹幟於甬江者五月餘與乙相約之期益遠矣而某丙某丁者其譽妾美妾垂青竭赤一如甲乙妾心又怦怦動欲以待甲乙者待丙丁假父已知之稔輒用計相隔閨使丙丁互疑貳以擾阻妾之思想於是妾乃墮於離間之霧中不甚熱中於丙丁因轉而念乙不置以爲妾一片血誠乃遇薄倖天乎何酷遂日夕謀所以通於乙者一伸憤鬱紆軫之情久之亦知假父見欺此信不得達自歎命宮磨礱而已有某嫗者呼假父爲兄頗嫗妾妾微以意與商曰是可圖也但須若干金耳妾乃索金於丙丁說以他需果如計僞爲進香某寺也者卽與嫗乘船至滬徧訪某乙蹤跡不可得最後遇其友曰嘻死矣前月猶殷殷望汝來魚沉雁杳乙鬱鬱不懽朋輩或邀之作狹邪游輒吟曾經滄海之句以謝之旋染恙半月而歿今旅櫬猶未歸也妾聞之一慟幾絕急奔厝所視之縱聲長號哀感行路及歸萬念俱灰以爲妾心亦盡矣果負何罪而遭際若此遂欲祝髮空門嫗大駭曰吾背爾父挈子來欲求生活耳今若此何以置我且所謂乙者與爾未有夫婦名義卽殉之亦不得爲烈況入空門徒自苦耳於彼何益於子

何榮荷以爾之所待乙者待他客不患其不得良緣也。當子號哭時。吾已聞過客駐足贊歎矣。妾聞言好名之心復動以爲此論亦良。是彼已死矣。殉之何補。吾惟有是心亦足以慰彼泉下。遂從嫗謀理舊業。譽妾者又復紛至。甬之丙特遠來就妾而復有戊己者。譽妾義俠多情。不容口非獨色之動人而已。時妾名復大噪。父忽病劇。告急書日再至。妾雖怨父之不遂己願。而感念鞠育之情。終不肯自居於涼薄。所謂愛好之心出自天然也。乃攜金過歸侍父湯藥者數日。而滬濱無妾蹤跡。問訊者戶限爲穿。婢嫗情急馳書遣使敦促不得已。更來滬往來頻仍。所費不貲。而婢嫗舞弊。其間復耗妾資。無算虧折。至不可名狀。而妾父又死矣。將歸之際。索逋者盈門。典質長物殆盡。荆布襤褸。蕭然南下。妾之匱運爲數年來所未有。蓋彼愛妾之丙丁等。皆以爲妾命不佳。當之者輒耗金錢。以至於致命。且戀戀於鄉里。殆必別有所圖。而不諒妾之輾轉播弄於家庭之惡劇也。自是滬濱幾無立足地。始從嫗策慷慨北上。謀餬口於首善之京。華八埤烟花殆妾之補過地耶。

指嚴曰。此多前五年之思想。純自謂懷才抱璞。欲致力於忠孝而不獲見諒。一腔悲憤。

萬種怨尤絕不知自反。尋病根之所在。然幸無知識。卒以再遭磨蠍。得聞讜言。遂能解脫。請觀其後。下一轉語。始信非鈍根人耳。

情俠
花叢生佛

噫嘻。妾今嫁矣。幡然大覺悟矣。京師之行。非偶然也。前之怨天尤人。至此都消歸烏有。且以爲妾之孽。由自作。早知如此。悔不當初。妾之求勝愛好。實皆妾之大罪也。雖然。妾初入部門。實仍挾一求勝愛好。誓不得遂。願不休之念而來。憶妾甫下車。爲客歲之春。仲其時。僅一嫗攜一兒相伴。頭如蓬葆。衣有補綴痕。見者爲之惻然。初入京師樂籍。不諳規例。往往爲同輩所揶揄。又因地非高級。客盡生張門前冷落車馬稀。夜靜無聊。與嫗相對。歎歎商量。作歸計。嫗太息曰。吾早勸姑姑戢影鄉廬。擇一賈人子。或多牛翁作家計。僕僕風塵。愛慕錦衣玉食。未知福命何如。今來此土。舉目無親。了不知何日得遇施財尊者。如意耶。君也。妾奮然曰。兒雖陋。自問尙不至遭人白眼。子姑待之行。看運轉時來。纏頭金礙足。金一生且吃着。不盡嫗默然無語。點首微嘆。妾是時驕矜之心。忽從憤激中引而愈高。以爲美譽榮名。歷歷在耳。何遽不若漢彼八埤名花。妾已略睹。自謂

差足勝之。苟獲如甲乙諸客一人來者，略施小技，卽足以牢籠百態。他日有貴姬命婦之資格者，安知非卽妾也？自是輾轉構思，似醉若夢，終期偶得一當，無何某庚至矣。庚雖無翩翩之度，而年甫壯，體幹中人，量其資不足敵甲輩，顧熱心於妾，時出奇羨相餉。妾在困阨中，驟得此寵，亦殊心感，意滿，且語操音，萍水相逢，乃屬里人子，尤爲不易得也。於是乃又以念甲痛乙之心，移注於庚之身。庚賈人持籌握算，衣食才給，驟獲此奇遇，樂不可支。家有結髮艱於嗣續，以妾之誠懇相待也，意欲納小妻爲偕老計。囁嚅語不敢縱探妾意。妾飽經世患，知驟絕之無後援，可繼非策，乃故作甘詞以縻之。實則妾鄙其所揮，蔑妾者甚，不足以縻妾。意況妾抱求勝愛好之本意，非兩種人不能動毫末。一縱情揮霍，不吝千萬者，一勢宦顯赫，態度閑雅者，庚皆非其倫。妾安得舍身以徇之？所以不欲遽絕者，借以慰此過渡之時代而已。而庚不悟妾自謂得計，搜括其資，剝其膏血，不兩月而窘態漸不可掩。忽有某辛者至，顛倒迷惑，頗類甲與丙，丁且囊中殊不羞澀。妾爽然曰：苟有是庚，可逐矣。於是辛果入彀，乃遽疏庚，庚悲怨至於涕泣。是時妾心如惡魔，夜叉食人，盡骨肉猶未饜，飲蓋經一番挫折，長一番罪惡，較昔之易

動情感轉念愧怍者不啻小巫大巫之別矣。庚既知不容於妾，遂巡去不復來。而辛得優游恣肆，以展其肉慾。而妾遂亦有取求無厭之目的。物第辛雖富家兒，吝鄙本自遺傳，性不至萬急不肯解慳囊。其意欲攫妾歸於其室，而矚妾空乏有所挾持以相嘗試。妾惡其狡猾，亦故縱擒以迎拒之，不令悉稱其意。辛乃怒曰：「吾不惜捐金奉子，而子常作色向人，謂吾不得美婦人，耶！立趨東鄰挈妖姬至，目灼灼相視，妾雖負氣而妬，念顛熾欲求勝之心，甚盛，乃亦怒容相向，不肯愧謝。既而辛屈意求和，蓋未能忍置妾也。妾洞其隱，愈肆驕戾，要求苛苛，辛卒從妾之條約，復修舊好，相安者彌月。在辛意自此可獲妾心，南人不復反矣。不知妾前所要求止得其十之二三，宵能滿志，行復要索如故。雖然，妾之所以若此者，乃實愛好心之反動，力未嘗有意害人，但以爲其人既有情於妾，卽富如妾之意，能如是妾亦當鞠躬盡瘁以報之。否則爲德不卒反而成仇，昔人謂愛盡生孽，恩極成仇，妾之行爲實乃類是。又妾意好人體諒而不能體諒人，嬌癡之習醞釀已成，自然詎能驟改，是以欲出火坑而愈益深入，欲登彼岸而愈益遠。距清夜怨艾呼籲天地父母而不知習性之魔障有以蔽妾之聰明，奪妾之幸福，惜無慧眼毅力。

以摧破之。也是時日沈孽流中迷惘。婢直如故。有時纏綿顛倒。以濫用其情。終不當意。則又輕狂激發。以濫肆其欲。倡亦人也。人道絕。必干天怒。妾徒爲求勝愛好之念。所蔽實非甘絕人道者。故彼蒼終不負妾。而否極泰來。使妾念一轉。覺悟正理。妾之好運。漸來。所謂渣滓盡淨。清光大來。爲期蓋不遠矣。辛旣知妾不易填慾壑。意快快漸。事疏速。妾乃大悔。意亦思有所補救。而斬於自屈。卒不得達。辛遂絕迹。然後得某壬某癸。壬以謀官事淹留輦下。其人儀表不俗。圓融周密。出詞愼重。多忌諱。殆時髦派之舊官僚。運動之暇。浪迹八埤。看花幾徧。而獨鍾愛於妾。謂妾能解人意。饒風格。妾亦喜其譽已。而暱之朝夕。燕處茗酒相屬。其熱度幾如乙顧壬。更事多熟諳。世故探妾野心。勃勃不易馴伏。乃限制其金錢支額。不肯妄事揮霍。細察其所應付。幾無一緡一文之浪費。可謂精密老練。然妾受此教訓於用財上之知識。實覺進步不少。嘗謂妾曰。官場猶娼寮也。惟熟於公事者。乃能左右舞弊。以取資財。充囊橐。否則妄思染指。金未入握。而指摘紛來。反致身敗名裂。而後已。故貪墨之官。皆幹才。蠱惑之妓。必名娼。卿之才質。則辨慧矣。而不善自用。雅不喜觀人於微。中人之肯當夫酒酣耳熱之際。輒痛快淋漓。以求自適。

此非娼道也。其屢遭顛躓宜矣。今而後其留意倏改。則既可。得財自潤。復不難擇木而棲。大奸詔光慎勿虛擲。吾愛子之言盡於此矣。妾憬然覺其詞之中病。然習慣人未能驟變。一日從容進曰。君之愛妾至矣。匝月以來。屢割棄所愛。以從妾。妾銘感已甚。願終身從事如拜良師。君其有意乎。王曰。否否。吾固不吝千金爲子脫風塵之厄。顧子名心未盡。必非能治家人生產者。吾於此奔走有日。尙未得一官。安能載豔以歸。受室人之交謫哉。休矣。請爲臚友勿復及此。妾唯唯。而心憾甚。以妾高自期許。未嘗肯屈一語以求人前。此甲乙等皆宛轉要妾一諾而不可得者。今乃自露其意。反遭屏斥。何今昔之大不侔也。於是一陳之。明復爲冤憤之氣所蔽。塞自思身世。若此終不稱妾意。則惟有從王之言。研求蠱惑之道。以達攫金之目的而已。若夫擇木之說。徒成幻想。王殆突梯其詞以欺妾者。妾果得財足。以自給。終其身於倡亦良佳。否則長齋繡佛。亦可自了。胡爲硜硜用情於空際哉。維時持念三變。每況愈下。而王之教訓非惟無益於妾。反足增妾之罪過矣。無何癸以美少年來。風情突過於乙時。妾已狂惑。持自殺之快活主義。以與世搏戰。謂非罄金而來者。卽面首入幕。以快目前之肉慾。人生如白駒過隙。自苦

何爲天不許妾爲良家婦。機緣屢舛。歲云暮矣。其待塚中枯骨然後行樂耶。遂竭意與
 癸。王微知之。殊不怒。妾益喜。自負以爲由己操縱也。顧王財常不足以供妾之揮霍。
 癸又無資。僅修飾容顏。卑詞下氣。以博妾之歡心。美譽甘言。紛觸耳鼓。而經濟日窘。生
 事日艱。負債之數。一如在滬時。偶一念及毛骨俱悚。無術自爲解免。則引杯求醉。至於
 哭泣發狂而後已。嬌見妾狀。大懼。急招妾父之友及女伴咸來勸勉。妾置若罔聞。形勢
 乃日險惡。忽有子丑二客者。適丁是時。顧妾而悅之。丑饒於財。強仕幹練。有購姬娛老
 意。屬意於妾。妾惡其不韻。不之顧也。惟子則體態品格高雅華貴。而性情仇爽。輒周人
 之急。甫相識。聞妾爲債家所窘。卽慨然出百金爲之折券。妾感之甚。以爲夫夫者。始妾
 終身仰望之人矣。於是歡若平生。無不傾倒。酒闌燈灺。促膝談心。子乃謂妾曰。觀卿辨
 慧似非不知所以自處者。而乃甘此如飴。不以爲汚。何令人惶惑不解也。卿色固未衰。
 而累歲風塵。嬌姿暗換。以卿所贈昔年之小影與今日容顏相較。其消損至若何程度。
 不待吾言。而卿漠然不動於心。絕無欲求解脫之意。何愚闇至此也。且吾聞卿前日歷
 述所遇之人。非無當意者而坐失機會。意欲何爲。妾聆言不意其深入至此。不覺顚爲

之。赤有頃。始悟詞之懇切。淚晶瑩欲奪眶而出。乃哽咽答曰。妾雖闇未嘗不解此顧天之所以困妾者。使妾如蠶之入繭。蛛之居網。宛轉不能自脫。設令天心仁愛稍畀妾以轉旋之餘地者。妾今日必不在此藩溷中。君固憐薄命者。亦幸垂諒。勿加峻責。子正色曰。卿誤矣。不責己之外。謬而惟怨天尤人。此所以至死不能解脫也。卿母躁吾爲卿釋之。夫卿之遇甲一嬌癡小女子中無所主。固不足責。但二千金甲所能辦得卿片言事。卽諧矣。而卿嫌其老甘心污賤一罪也。然猶可謂少年心性。輒喜齡貌相當。亦人情耳。而乙則年少且多情者也。卿固言其人雖死。今憶及之。猶怦怦心動。乃約期不踐。徒以貪貨。故甘爲假父。所播弄多情者。固如是乎。昔俠妓從人。雖荆布茹苦而不悔。始足以當情之一字。而卿不諒乙之艱困。臨歧攫金。愆期不赴。竟致人於死。二罪也。語至此。妾淚不可仰。幾致暈仆。子爲之拭淚曰。觀卿傷心甚矣。吾其不衍道可乎。妾急止之曰。否。妾自傷耳。非有恨於君言也。請更詳之。子續語曰。卿由甬抵滬。丙乃遠來就卿。其有意可想。卽戊己中亦豈無有心人者。而卿戀假父以絕之。果孝思乎。抑欲攫人之金錢以銜己功乎。卿自捫心恐百喙難自解也。三罪也。入都而遇庚。雖賈人子不足以滿卿。

意然其人。吾固識之。尙足以瞻家室得溫飽。而卿鄙之。夫名士之慕風雅。求虛榮。無益於世。而有害於己。尙爲天下後世所詬病。君子猿鶴爲亡國大夫。則有餘何所樂。而崇拜之也。且官人齷齪勢宦。蒙有過於買人子。而卿不知鄙獨鄙。聞中人耶。夫亦以金之多寡。而上下其手耳。苟論品格。優美則必先捐其拜金主義。而卿不然。則何買人子之足鄙。彼旣無嗣。卿爲之誕育麟兒。即他日之誥命夫人矣。而卿終絕之。使人懲妓德之不良。四罪也。至於辛雖工於心計。待卿殊不薄。且有意脫卿於阨。而卿乃日挾其敲剝之念。以臨之。求全責備。甚於他人。猶喋喋言與彼無緣。實則卿之不肯諒人。已臻極點。辛之不能媚卿。當別有在。而適逢卿怒。竟致過情之施。與不獲享同等之酬報。卿之待辛。亦太酷矣。而實則卿之一生幸福。自此消磨過半。蓋卿固謂彼無家婦一妾。瀕死急欲與卿諧伉儷。此固卿所求之而不可得者。無端盛氣凌之以自擲。此大好機會。試反思之。能無悔恨五罪也。若夫壬實非無意於卿也。不過閱人多籌思。至熟卿之短長。爲所洞悉。故作滑稽諷刺語。以動卿。卿雖有意彼恐爲多情所累。而卿之慧不及此。不思自反轉而橫決。彼且謂不幸言而中。以卿終非好相識也。遂忍痛割愛以絕之。

卿反。嗟小子以傷其心。彼明達人。豈屑與妖童爭一日之苦樂哉。卿自此性靈汨沒。江河日下。予欲無言矣。六罪也。此六罪者。皆卿一念求勝愛好不行正軌而妄事紛逐所致。夫求勝愛好。本佳事也。而背正軌事紛逐。則人格日以污下。幸福日以消滅。長此不悛。人將唾棄而不顧天之阨之固其宜也。呼籲何益哉。卿聞吾言。能幡然覺悟。則尙有後福。慧業光明。指顧間卽判天堂地獄。苟終執迷永淪孽海。請從此辭。不敢復相顧矣。子說甫竟。妾心地忽了了。絕不以峻責見。怒立起。斂衽謝曰。君之曉諭洞見表裏。妾畢生禍福。在此一轉移間。請君更進一籌。以今日現狀。欲求腳踏實地者。計將安出。子曰。卿嫁乎。曰。嫁曰。以何爲目的。曰。本擇人耳。然以負債累累。故非金錢不足以解此阨。子曰。然則卿其注意於富有金錢而爲人長厚不欺者可速決。毋失機會。妾乃整衣縱體而進曰。妾自墮落風塵。閱人不知凡幾。而溫惠明達無若君者。君雖非富有金錢。而有才如此。豈遂長貧賤。君苟垂憐。爲妾摒擋千金。以了宿逋。卽願執箕帚展衾裯。以終餘生。他非所望。子聞妾語。仰天大笑曰。卿又誤矣。吾之曉曉者。乃爲己身說項耶。無論吾飄零琴劍囊粟時空。卽使交友贈金。可以爲卿脫阨。而伯鸞廡下。顧念糟糠。安能爲卿。

作。廝。養。況。卿。之。朝。歡。暮。樂。持。梁。曳。紉。已。成。習。慣。雖。自。傷。命。薄。甘。作。小。星。而。欲。親。操。井。白。與。傭。僕。雜。作。卿。能。之。乎。縱。卿。能。刻。意。爲。之。吾。何。忍。哉。休。矣。請。言。其。他。吾。爲。卿。決。之。是。時。妾。心。如。轆。轤。志。忒。移。暑。終。不。忍。有。言。相。顧。歔。歔。而。罷。越。一。日。復。請。於。子。子。正。色。曰。卿。若。復。言。吾。卽。訣。別。妾。牽。衣。令。止。乃。述。丑。之。爲。人。尙。有。宿。約。妾。因。其。樸。愿。無。才。思。因。循。未。諾。耳。子。大。喜。鼓。掌。曰。此。正。吾。所。謂。造。卿。幸。福。者。也。謹。爲。卿。賀。得。佳。壻。妾。猶。忸。怩。曰。君。勿。爾。擲。掄。所。不。勝。子。起。自。誓。出。自。至。誠。且。曰。吾。寧。不。願。與。卿。諧。白。首。顧。爲。卿。計。爲。吾。計。勢。皆。不。可。故。割。愛。而。爲。此。卿。其。速。覆。丑。卽。日。踐。約。毋。誤。時。機。也。妾。坦。然。諾。之。蓋。妾。性。素。伉。爽。子。所。深。佩。斷。不。可。以。兒。女。纏。綿。嚮。妾。之。特。性。遂。珍。重。而。別。越。日。復。邀。子。來。妝。閣。執。手。鳴。咽。曰。詰。朝。與。丑。偕。行。從。此。侯。門。陌。路。不。能。與。郎。長。相。見。耶。其。自。愛。毋。以。妾。爲。念。子。終。揖。答。謝。絕。不。懷。戚。且。勉。以。勿。墜。初。志。妾。敬。佩。其。言。自。是。妾。之。罪。遂。告。終。

觀。

指嚴曰。某子。誠。花叢。生。佛。也。乃。以。廣。長。舌。度。人。不。獨。花。叢。今。之。處。世。者。靡。不。當。作。如。是。

本篇與前篇爲一事、係開合體、

編者附誌

情俠
蔓菁小傳

蒙古好情而樸拙。故鮮聲色之好。王公台吉皆擁姬侍。居氈帳。無行樂於外者。惟婦女多淫。不以外遇爲恥。而買賣城爲漢商僑居所萃。輒私蒙婦。婦亦曲意歡迎之。然朝秦暮楚。生張熟魏。久之。遂流爲土妓窟穴。被服飲食嗜好。酷意摹倣漢俗。亦居然金粉迷香綺羅鬪豔矣。清同光間。有商曰陳德元者。直隸人也。弟曰德新。以某歲饑荒。兄弟就食口外。輾轉入蒙邊。兄善經營。稍稍逐什一。有蓄積。娶蒙婦生子矣。弟夙嗜讀。習章句。蒙人之欲嫖漢文者。或延爲師。絳帳生涯。略如內地。而束修羊瘦。餬口綦艱。因之尙未有室。漢商僑居其地者。嗜利如生命。既不肯擲嬌女於寒唆。蒙人富者。亦不樂儒士貧者。又非德新所喜也。課餘。枵腹情緒無聊。常以吟詠自遣。一日偶過書肆。衣有自京師運經史等籍至者。問誰所需。則蒙旗某都統之族人也。徘徊瞻眺。意欲購帙。書賈斬之。忽一人衣冠皂靴。昂然徑入。態度頗兀傲。顧頻以目視德新。問名姓履歷。知爲通習漢文者。大喜。握臂一見如故。書賈亟趨承。恐後德新轉駭愕。局促不自安。旣而知爲卽都統族子。自號耿齋。曾至京師入貴胄學堂者。問德新能詩文否。德新略誦近作。大激賞。

遂訂交焉。往來既稔，耿齋極惜其潦倒，乃延之入幕，爲都統教諸孫暇，則並轡出游，開樽聯句，意甚相得。會嬉春時，節蒙漢士女爲跳神之戲，空巷出觀。德新若有根觸，問耿齋此間亦有聲伎乎？耿齋躍起曰：吾常以君寂寞欲挽之走馬章台，聊事拂悶。今殆其時矣。迤東某街有名妓，蔓菁者翹楚也。今日當出現，色相盡往，覘之苟爲如意，珠僕當任撮合山也。德新問所以，耿齋曰：蒙語曠精，卽蔓菁西域菜名也。味甘美如京師蘿蔔，此妓豐客盛鬻，肌柔理膩，與人婉媚，有情味，故借此物名之。初係小家碧玉，爲其主攜至京師，本擬列之金釵隊矣。無何主死，一僕誘之歸，蒙僕犯罪，受刑蔓菁無以自活，遂倚門蒙漢之迷色者，均鑒之。年來聲價頓高，租稅者未易得其顰笑也。顧少習漢文，殊風雅，無蒙婦習氣，置之詩囊酒錄間，大足爲蠻花吐氣。德新聞言，怦然意動，然自念身世亦非貂裘走胭脂坡者，耿齋言之姑妄聽之而已。未幾倦遊將歸，忽聞路人爭前競呼，似有所企望者。耿齋遙指曰：蔓菁果出游矣。德新於人叢中辨視，則青驄玉勒，緩轡徐行，兜羅麗服，五色炫耀，婢媼擁之而前者，果一蒙古美人也。方心鄙其班斕濃俗，欲不復視，忽其人已近，前容光如朝霞煥發，曲眉豐頰，秋波四射，蓋內地亦所罕睹者，不

覺心折神魂欲飛耿齋呼之曰何如德新曰信美矣耿齋曰盍往遊乎德新曰不敢請耳固所願也

千呼萬喚始出來猶抱琵琶半遮面德新之入蔓菁妝閣破題見第一遭而司馬青衫已有同是天涯淪落之感矣靡然蔓菁當時一日纏頭輒數十百王孫貴遊攜重金博一笑且腹之賈斷腸之刺史奔走其間惟恐不一當乃蝦蟆陵下之風月場非潯陽江頭之琵琶船也何物德新妹妹媛媛一村學究媼袍絮帽槁頂黃馘婦孺之所擲掄而天鵝肉肥羊羹食指妄動竟值得美人一盼耶彼耿齋者不過借酒杯澆塊壘以博一時好客之名亦明知蔓菁心醉豪華視寒介如糞土驟與接近聊助已談笑之資而孰知事有大謬不然者蔓菁聞德新能詩文黍谷之春頓形於面殷殷問訊名士起居一若曾經相識耿齋己心異之及見傳杯問字絮語纏綿在耿齋心目中覺蔓菁止知有彼而不知有己情趣大異曠昔不禁因羨生妬一念之毒胎於斯矣是夕耿齋設筵宴客聲伎雜進竹肉喧啾盡歡而散臨別時蔓菁獨叮嚀劉阮重來而尤注目於德新德新則詫爲奇遇神志顛倒既歸棖觸不已自是耿齋至蔓菁所座必有德新雖不勸駕

亦常爲不速之客矣。耿齋漸厭之。輒先行。不使德新知。而蔓菁念之不已。輾轉遣人達意於德新。囑其獨往。得新自念作嫁數年。阮囊羞澀。何敢涉足花叢。且兄長稽察頗嚴。設以此狹邪之游爲彼所聞。必遭屏斥。則吾將何以爲生。思至此。意興索然。雖有美人之約。而置之度外矣。頃之覺蔓菁之柔情俠骨。與夫溫馨豔麗之意。味澹洄漩。洑於腦海中。雖有大力莫能排遣。則又轉念曰。靈秀所鍾。紅拂無雙。宵遂絕迹。吾何所見之。不廣而辜負此難得之奇遇。且吾獨往。獨來。可則魚鳥留連。不可則烟雲過眼。於我何損。遂躍然而起。攝衣冠出矣。且行且語曰。情之所鍾。猶在我輩。

蔓菁謂德新曰。吾知君天涯淪落。豈敢以賤質相累。雖然。蓼蟲食苦。蟬蛆帶甘。須知蠻荒之外。尙有一畸零女子。獨能慕文字。因緣與君相賞於風塵之外。君如不以爲鄙。願執贄門下。爲女弟子。康成婢長公姬。捧硯添香。憐卿憐我。他日得備侍媵。固萬幸。情事變遷。則妾終當閉門於枇杷花下。署曰漢名士某公侍史。君其許我乎。設不。應諸門外者。願奉束脩。資君膏火。此心誠篤。當質蒼冥。德新於是感極而悲。頻呼知己。且曰。吾不意辛苦十年。乃取償於卿也。於是按期而往。必陳書滿案。賞奇析疑。宛如良師益友。或

設酒食相款洽。或焚香。煮茗。娓娓相對。不及於亂也。蔓菁本有餘資。足以自給。至是。襟期益高曠。益厭倦風塵。視貴游之投以金帛者。蔑如也。初於耿齋頗殷拳。以其能知漢學。異於紈袴。耿齋亦甚嬖之。及與德新周旋。以爲耿齋能識德新。亦豪傑不疑其有他。乃耿齋數窘德新。至交誼因之破裂。而德新畏耿齋如虎。聞其入門。必避去。蔓菁憐之。欲爲之和解。於耿齋。德新蹙額曰。此絕吾生路也。彼以卿爲袒我。而叢怨於我一人之身矣。蔓菁不信。曰。吾嘗試之。耿齋何至是。居無何。耿齋宣告德新。狎妓無狀。不足師範。竟下逐客令。德新兄德元。隴僧。嗜利不解事。以爲果然。亦宣告絕手足。關係德新。乃真氣不復歸。蓋嫂氏本有轅羹之拒也。自是德新攜襆被寄居喇嘛廟中。俯仰身世。黯然神傷。思欲往告蔓菁。而自愧無丈夫氣。且恐傷知己心。毅然匿跡不往者旬日。然困苦乞喇嘛布施餘瀝。以圖飽并。無橡櫟之可拾。昌黎送窮杜陵七哀。孤士生涯。有逾無告矣。蔓菁忽感德新之絕迹。知必有變。乃探耿齋近事。盡得虐待狀。大憤呼天曰。人情喻歟。一至是耶。吾不救德新而誰救之。乃遣人求德新於喇嘛廟中。德新謝以詩。不肯往。有漂母由來奇女子。千金終恐愧韓材之句。蔓菁誦詩終夜。泣凌晨策騎。自往廟中勸。

駕別買一青驄並轡而歸。市人見者咸詫異。歎羨貴遊。或揶揄之。蔓菁不顧也。德新感蔓菁之意。欲奮志功名。以報之。乃往佐戎幕於西域。蔓菁出五百金爲之治裝設宴餞之。謂以三年爲約。如不償願者亦當急流勇退。享家居之清福。人生如白駒過隙。何徒自苦。惟勵志偕隱。舒情適志。妾所望於君者此也。德新唯唯。既去。蔓菁遂杜門謝客。惟日督奴僕畜牧。負販經營。居積日用。頗裕。裕則書史自娛。吟詠寫志而已。當德新之未去也。蔓菁出資營精舍數椽。盡仿漢製。覆瓦甃壁。爲蒙地。所罕有者。落成後欣然語人曰。吾預築燕子樓以待也。既乃知爲不祥。遂不復語。然當月夕花晨夕陽西下。輒有美人倚樓望遠。縞袂欲仙。莫不耳而目之。曰。此俠妓蔓菁之燕子樓也。其豔事流傳於漠北者如此。

既而俄侵伊犁。事起風聲鶴唳。頗有傳德新已死者。或勸蔓菁仍與貴游相晉接。毋自苦。蔓菁不肯曰。吾與陳生若有夙緣。人皆以陳爲貧。吾獨以陳生多才爲富。而彌覺其可敬。人皆以陳生爲陋。吾獨以陳生爲丈夫之至美者。而彌覺其可愛。吾既敬之愛之。而背之可乎。且所謂人道者。惟能知所愛敬而守一不失也。朝秦暮楚。全無心肝。則與

禽獸何異哉。妾忝受君子之教，竊慕漢風爲陳生守節矣。不然，陳生一天下之窮，無告者內不見諒於手足，外不見助於朋友，妾一舉麾之而有餘笑所戀戀而若是所以忍死而不負初心者，亦欲以媿天下之見利忘義者也。聞者或歛其俠烈，或援古節婦貞媛以嘲笑之。蔓菁皆置不爲辨，蒙俗婦女多淫而貪妓倡更不足道。矯矯蔓菁人，轉目爲怪物矣。耿齋大不平，恆思篡取之，至是乃遂其鬼域之計。

耿齋遣其黨揚言念德新舊交已特遣人往西域收其屍，并言德新在西域已娶婦生子矣。今將并迎其孥。蔓菁不信也，無何又揚言遺櫬已至，一妻一子隨之。其兄德元且往祭奠，延喇嘛爲之誦經，一切設施皆真確。又傳耿齋往哭，盡哀耗費皆所自出。兄計鏹銖受成而已。蔓菁泣曰：「事果然乎？」然則耿齋且不忘舊，吾乃不一往乎？」即日素衣毀妝詣廟中哭奠之。與耿齋遇，互道德新遇害慘酷事，揮淚雪涕。一若同病相憐者，總惟中有人嚶嚶啜泣而伏拜柩前者，雛兒五七齡也。則有妻有子之說信矣。蔓菁摧痛在心，無暇研詰，因掩袂匆匆歸。臨別時謂耿齋曰：「幸過閨中，欲有所助於陳生之身後也。」耿齋肅然敬諾，且譽其義俠多情，不容口心喜。機會已至而蔓菁天真爛漫絕不覺其

詐也。自是耿齋常過蔓菁所。蔓菁出資莫德新。且郵其妻子俱賴耿齋爲紹介。耿齋矯情飾貌。關切有逾骨肉。蔓菁既佩耿齋之風義。乃漸假以詞色。耿齋又爲蔓菁計畫。將來溫存體貼。無所不至。蔓菁自顧悲涼之身世。無所託足。亦遂認耿齋爲知己。而樂與之數晨夕。藉消眉間之幽恨矣。耿齋欲挈之歸府。蔓菁曰。吾居此屋。習漢風久。不慣居氈帳。盍聽妾爲外室於公。亦未嘗不適也。耿齋乃不敢強談詩賭。基歡情不減。張緒當年矣。如是者有年。

一日婢媼譁駭於門外。蔓菁問何爲。則有乞人襁褓自言爲此間主公陳生。面貌頗相似顧骭。甚擬逐之。彼不受也。蔓菁愕然遽出。德新躍起抱持大哭曰。吾雖不肖。然虎口餘生。千辛萬苦至此。亦不易終願見面而死。死不恨矣。蔓菁留之。妝閣爲之薰沐。遣人召德元。德元不認。走報耿齋。耿齋怒叱曰。何來野丐。敢冒陳名。主婦勿爲所給也。急馳至喉從者。操杖逐之。蔓菁攘臂而起曰。耿齋耿齋。吾今迺覩子之志矣。取壁上佩刀力刺之中臂。耿齋踉蹌遁。衆僕執蔓菁德新付官。蔓菁至法庭抗辨不屈。是時都統失勢。蒙中貴人頗不直耿齋所爲。竟釋蔓菁。命與德新爲夫婦。知其事者莫不曰。蒙中之

紅線隱娘也

情哀墓門鴉

綠窗畫靜。一女子垂連蟠之髮。辨手拈針線。時時顧影。若悵然憶遠者。旋自語曰。人心譎詐。一至於此。吾輩尙敢涉世。講交際耶。雖然。兒罪亦大矣。淪溺愛河。惘惘不能自脫。死父而不臨喪。有母而不侍奉。寄人籬下。焉能忍而與此終古。嗟乎。今生已矣。來日大難。枉自聰明。無端墮落。天乎。許兒懺悔乎。母也。天只不諒人。只天之生我。我辰安在。語未已。泣數行下。女子爲誰。姑以別號表之。曰啼鵲。鵲本吳門閨秀。父爲京朝官。前清蘭錡舊族。聲望赫然。女入某校肄業。資力俱臻。絕頂顧在爾時。風氣初開。女母從戚鄰之請。老輩頗有議其非者。父於京師寄函亦責母之孟浪。母欲中止。而女心醉文明。抵死不肯廢學。母憐嬌女。祇得聽之。第囑益自斂抑。勿貽人口實而已。賊有天水望郡者。女曰懿。曰婉與鵲最相善。鵲之獲受學校教育。懿與有力焉。女違母教。輕易不與人酬酢。惟懿婉本舊姻。且抱知己感。往來稔密。宛然手足。懿有弟曰楚生。長鵲一齡。亦業某校姊妹兄弟如一家。不避面且援文明例。亦無窺人屏角態也。楚生綽英俊。出語耐人尋

索試輒冠其儕。鵲母無男子。嘗語鵲曰。兒苟得如楚哥爲男子者。吾之幸福益大而汝父亦不至傾心狐媚。兒時以事相齟齬。今爲兒故。責備無所不至。不知又受幾許枕邊語。讒間吾母女。俾棄送於愁雲慘霧中。噫。吾心滋痛。語次淚皆相向。鵲亦悽然。既而慰母曰。兒無能不能。博母歡。雖然。兒甫笄耳。非母更誰憐。亦復何所蔭庇。願母自寬。解長康健。兒得盡心力。學必有一日可爲母解憂者。母信兒乎。且女聞之師。今世界男女平等。女子亦得有參政權。將來吾中國亦如是。母曰。慎勿大言。父聞之益謂汝入校染習滋甚也。今爲兒計。第願得一快婿。如楚哥者。吾以半子爲子。下半世亦不寂寞矣。語罷太息。鵲顏暈拈帶不語。庭前敗葉作聲。秋風颯然入窗隙。新寒砭人骨。鵲乃就琴臺坐。按鍵而歌。秋之夜。曲母轉悲。爲喜曰。兒乎。此音頗可人聽。吾無聊時。兒長以解吾悶可也。鵲起。吻母手。偎母體。猶宛然稚女態度也。母嗽數聲曰。鐘鳴且十二下。吾肌骨酸楚行睡矣。兒亦宜早眠。明晨八時須往校也。鵲唯唯。小語曰。母勿戚戚。行自珍攝。母頷之。蓋抱病已數月。特未劇耳。鵲出。就已寢室。語小婢曰。湯藥當注意。苟有語。卽喚予。母嬾慢也。下帷掩幙。悄然就睡。

星期。日。鵲。母。稍。爽。健。凌。晨。卽。披。衣。起。詰。婢。媼。今。日。須。治。具。昨。宵。戒。備。乃。猶。未。辦。蓋。鵲。母。欲。潔。膳。以。延。懿。婉。及。楚。生。爲。小。兒。女。輩。結。歡。慈。愛。心。腸。大。都。爾。爾。少。選。諸。青。年。畢。集。或。手。書。而。誦。或。按。琴。而。歌。俱。思。所。以。娛。母。母。亦。開。笑。口。食。異。平。日。意。蓋。在。愛。女。之。幸。福。也。鵲。深。喻。母。意。時。察。楚。生。舉。動。楚。生。俊。秀。便。給。長。於。口。才。見。事。多。穎。悟。善。解。人。意。固。肆。應。美。材。也。大。凡。厚。重。拙。樸。者。恆。爲。婦。女。心。性。所。不。喜。況。新。機。萌。動。輒。易。誤。文。明。爲。小。慧。捷。級。之。代。名。詞。後。生。小。子。天。機。活。潑。自。爾。玲。瓏。剔。透。顧。往。往。流。於。佻。達。務。外。或。專。趨。便。佞。此。間。界。說。豈。未。受。教。育。之。婦。女。輩。所。能。審。辨。而。鵲。以。少。不。更。事。之。雛。女。自。率。其。天。然。之。見。解。以。發。其。美。感。宵。復。有。抉。擇。之。餘。地。卽。在。老。母。亦。以。少。年。所。貴。者。在。生。香。活。色。今。世。何。世。大。勢。所。趨。決。非。拘。謹。迂。純。者。所。能。藏。足。故。認。楚。生。品。格。實。爲。應。運。而。生。之。人。物。因。覺。躊。躇。滿。志。直。以。愛。女。之。誠。推。而。置。此。未。來。快。壻。之。腹。中。腦。海。內。滿。貯。幸。福。之。希。望。精。神。乃。大。愉。快。鵲。之。聰。明。寧。不。解。此。遂。時。以。詞。色。假。楚。生。楚。生。固。天。賦。媚。骨。再。世。秦。宮。宜。如。衛。叔。寶。被。人。看。殺。者。而。重。以。鵲。之。明。豔。大。足。生。拾。芥。引。鍼。之。電。力。是。日。飯。罷。院。中。晚。菊。數。十。盞。猶。爛。漫。鵲。與。楚。生。盤。桓。其。間。楚。笑。謂。鵲。曰。霜。風。如。此。而。菊。猶。絢。色。殆。如。美。

人之能耐苦者較之桃李自勝一籌。鵬知其諷己，乃答曰：此亦各有所宜。正如春鳥秋蟲，與時大適。世無桃李，誰復開彼春風？惟人則能兼具物之所長，時而春明不妨爲桃李，以照眼偷遇歲寒終當守松柏之操耳。楚驚謝曰：妹誠女君子也。此義豈巾幗輩所能解縱？偕大女學界敢決其鮮。此卓識即吾輩男子亦當自慚形穢。鵬曰：兄勿過謙。妹率臆而談，幸兄非他人，否則將滋笑柄。楚生曰：妹所語俱本於學識，非兒女癡情可比。此心耿耿崇拜已久，倘承不棄，時獲暢聆金玉，則助我品學自當不少。妹其有意乎？鵬以其言驟入色類，不能置答。旋聞鵬呼聲曰：妹乃徘徊籬下，耶人澹如菊，抑何寫影之韻也。甫轉花門，瞥見楚生與女並章，遂欲旋踵。鵬急追之，牽其裾曰：何所聞而來？何所見而去？菊猶如此，胡不一觀？鵬不得已，乃稍延佇，婉亦逡巡至。鵬母扶婢而來，於是一家俱對秋花各抒樂趣。而女母與鵬之微意則注集於楚之一身。楚知鵬有品學，恐爲所輕，亦愈自珍重。未幾拜別歸。鵬母者楚之中表姑也。兩家戚串，聞楚屬意於鵬，咸樂爲之襄修。於是冰人傳語好事將成，而楚生父官鄂適攝篆某郡，初本挈眷居漢，以事返籍，茲復遣使迎往。卽日束裝待發，楚生頗念鵬，託言拜辭。鵬母乘間與鵬話別，絮語

叮嚀頗加信誓而蹇修亦聲明婚約未改第得楚父一言便應函訂驪駒雖去駟舌猶溫鵲與母之意以爲此好姻緣老天注定非人力所能顛倒也卽楚生家亦無一不贊成者

楚生旣抵鄂旋入某校肄業家人或語及鵲姻事楚生父輒曰待學成議未晚窺其意似不甚然蓋鵲父吝嗇與人交際多介介楚父更因事有隙言之頗齒冷也適有同僚某氏兩家水乳契眷屬常往來楚父屬意其女女饒於姿楚生亦情移忘鵲矣顧楚父堅持學成始婚之主張約仍未定而西學東漸潮流日亟父爲楚資緣得公家資給遂獲東渡行時道出上海過金閘一展親族作數日小勾留不意孽緣湊合乃在此時其爲楚生之幸歟抑鵲之不幸歟造化弄人誠難索解也先是楚因阨於父不克遂婚約意頗怏怏旣作東行計則轉念此隙可乘藉以圖鵲爲慰情勝無計便其一息之肉慾道德墮落乃不復顧及矣嗟乎楚挾此萬惡之念俱來而鵲與母則懷至誠篤意以待之絕不一察也蓋楚父與鵲父旣不相能平日不通尺素自納妾後又不禮鵲母鵲母知商於父則姻事必不諧以故遲遲未發而楚亦深窺其隱持此短長以牢籠鵲母自

謂驪珠在握矣。行裝甫卸，卽款鵲之門。而請見鵲母，不知楚父之別有所圖。以爲楚此來必有佳音，不啻好事從天而降也。楚本便佞，歷述相思之苦，且粉飾其詞。若何拒婚約？若何遭庭訓詰責？若何忤父意激而爲東渡之舉？繪影繪聲，天花亂墜。鵲與母至爲之感激涕零，遂館楚於家，待之如家人骨肉。楚亦謂此間樂不思蜀焉。鵲之於楚，固不無其才過露之疑，然慧業文人，往往蔽於其所愛。況小女兒情懷萌蘖，未嘗更事，詎能打破魔障，則以爲此亦一情人耳。母又諒人故縱之，使與嚙楚。於是問宇比肩，游山並轡，幾於形影不離。不知者以爲兄妹，其知者亦以爲文明交際場中之未來夫婦也。若是者，垂匝月矣。一日鵲謂楚曰：兄之用情良厚，卽兒母亦篆五中。妹宵不願恆與兄聚，首如桃李，春葩笑靨，相照又如花間蝴蝶，栩栩雙飛。第人生以名譽職業爲第二生命，兄之東渡求學，卽兄之職業也。求學而畢業，而得優美之學位，卽兄之名譽最大關鍵也。今兄流連此間，匝月不去，無論戚鄰往來人言可畏，卽兄之家族訪知，兄未蒞東，將謂我母女何？要之兄苟矢以真誠，雖遲以歲月，我母女決無他意。卽不然，妹聞女界之東渡者，甚夥，妹之有志求學，不自今日始。徒以母病需人，不能忽然遠適。今幸小愈而

小婢杏花頗解人意。妹得附驥尾以吸東瀛之文明。空氣是亦一段佳話也。兄意何如。楚聞言始而狂喜。繼而躊躇曰。我二人情緒天日可鑒。而名分未正。徒滋謗議。不如先請命於家長。既妥洽而後圖之。吾父之前亦既呈請。未知卿父若何。苟見許。挈卿東渡。則名正言順矣。鵬領之以告母。母有難色曰。父之不嫌於楚。父誰不深悉。必欲請命是不啻逢彼之怒也。楚之意良佳。第不知吾家庭之變不可以常理論。吾意直與謀。楚由吾任其責可耳。金錢有缺。亦予取予求。爾父當無異辭也。即有言求學結婚人生大事。吾豈患無辭。鵬唯唯。母遂以問楚。楚始猶豫。及母語擔任金錢事。乃始慨然允許。嗟乎。楚意明知鵬父不足與謀。故藉是搪塞。及母破其說。方徬徨無所施其伎。忽聞有利可弋。則又忻然其鬼蜮肺肝。苟加細察。自不難揭露。而如鵬之慧心。亦當自覺。惜乎爲私情所蔽。如墮五里霧中。宋人詩謂幾人到此誤生平。良不誣也。雙煙一氣。翱翔於文明空氣中。此樂何極。彼鵬與楚竟於無意中得之。實非幸福。庸詎知兩人情緒實各不猶在高尚純潔之啼鵬。方謂與楚締結同心。鸚鵡鰥鰥從此可由同學同志而進於同衾同穴。故掬一片至誠惻怛之衷。以與楚周旋。時時獎勉交擊。而楚則方窺伺鵬之囊金。

富有此行。予取予求。不患無供。我揮霍之地。惟恐稍一不當。失此東道主人。故悉力出。其軟媚之伎倆。逢迎逆億。無所不至。而又不使鵬能覺其矯詐。欺罔古今。來奸人之術。大抵如此。獨憐鵬之少不更事。方且爲仰望終身計。無術以自解免也。既抵三島。始游長崎。客邸中僚友。莫不擬之爲伉儷。在鵬亦以伉儷自居。而楚則語人曰。此吾情婦而已。挈之來東。聊慰岑寂。家中自有糟糠。奚容相混。於是同人頗非視鵬。鵬以爲吾國舊習。未除鄙夷。男女交際。彼沾沾小丈夫之見。非己之所屑。注意也。仍與楚情好。彌篤。旋抵東京。楚入某法政校。而鵬則預備入某高等女校。時楚之衣食賞給。皆出於鵬。鵬之所攜。既罄。則又作書告急於母。母以愛女故。典質蓋藏以足之。杼軸漸空。不敢吝也。函札間亦露困難意。且諷鵬撙節。鵬始感受苦痛。微以言探楚。令助之謀。楚掉首曰。吾父之不嫌。於是事卿所稔也。當未行時。吾已早計及此。而卿母必強以屬。吾詎知業有人。許吾於堂上。今坐視吾束手而不爲之地者。皆緣於此。吾豈不欲力爭一着。以分卿憂。但恐舌敝唇焦。終無裨益。此間復乏通財之友。不得已求庇於卿。吾既無顏自解。卿又苦受庭訓。無已。或吾兩人暫返祖國。何如。鵬覩楚狀慘澹而言詞悽苦。乃慰之曰。否否。

吾等來此爲求學計也。今甫入學半途，卽廢。豈東渡之本志哉？且妾於君事視若第二生命。學成歸國，內有以對父母，外有以對朋儕，取償正什伯於今日之所耗。奈何因此區區遽萌退志？無論若何苦痛，妾必犧牲目前之利益以謀之。卽妾母亦非懟君者，苟有棉力無不爲君効勞。願君毋自餒而君之堂上雖爲恩怨之故致起參商，然父子天性他日視君學行並茂，必有轉怒爲喜之日。此妾之私衷，所願君少安毋躁者也。君其努力。楚始無言，然自是皇皇若有所圖，輒數日不往校受課。鵬問之，支吾不以實告。無何鵬母之資又罄，而接濟不至。鵬飲泣終夕，計無可施。楚頻外宿不復如前之親熱。一日外歸，鵬從容進曰：「寒家半月無耗，望眼穿心碎腸斷矣。」妾亦知君情緒之劣，故時時遊散以遺悶。然事不豫，計將來何堪設想？況妾母所蓄無幾，即使復有接濟，驟涸之水保不旋涸。今妾再四躊躇，惟有刻自節省，庶可支持數月以待君之籌措。妾願爲君任烹飪澣濯之役，雖廢學亦所不顧。蓋君之希望絕巨，而妾之學成與否關係較細，與其不獲兩全，孰若助君獨到？昔有烈婦遇飢歲，寧自斃以養姑，或亦有讓食以活其夫者。妾雖不才，尙知大義，苟可爲君分憂，雖赴湯蹈火又奚辭？不然，非特以私情累君，妾將

死有餘辜。况復貽戚。鄙僂笑他日返國。何以對人。語次。楚若爲感動。泣然曰。卿向未習操作。奈何自苦若此。鵲毅然曰。妾既言之矣。君自專攻學業。勿復繫念。楚唯唯而出。然仍問曰。一歸形態頗倉皇。鵲以爲驟遇艱窘。失其常度。猶強顏慰藉之。而楚意殊落落。鵲屈意探求。終不愜其意。自是鵲日勞勞於縫紉洒掃間。手繭髮蓬。幾若是爨下婢矣。有友某者。日來寓詢。楚蹤跡。鵲怪之。問胡不訪諸校友。卒然曰。楚不至校月餘矣。否則吾何煩僕僕來此。鵲駭絕。欲詰其狀。氣鬱陶。期期不能出諸口。友謝饒舌而去。鵲始大感彷徨。無那繼以啜泣。欲出探之。而苦無所適思。永夜不成寐。終不可自遣。忽躍起曰。吾縱不能得虎穴。獨不可散步上野。以寫吾憂乎。乃出入園數武。甫過精養軒。忽遇數女生迎面來。中有二人。髻髮鮮衣。宛曾相識。顧因日來操勞過甚。重以憂慮。腦神恍惚。記憶力驟減。一時竟不知舉其姓名。二人者則已見鵲。突近前呼曰。非鵲姊耶。安得獨游至此。鵲猶瞠目結舌。伸手欲握。而遲回若有所思。二人乃同聲曰。吾懿婉姊妹也。別來兩載。便爾不識。姊今殆大貴乎。鵲始爽然各道契闊。鵲欲有所問。顧視女伴多人。語不可盡吐。乃寒暄已遂。相伴而行。且行且談。始知婉懿固與楚同居。來東且三月矣。問

楚何往。二人言彼大忙。今往箱根赴友人游。約約數日方歸。又問姊曾見之否。鵲知有異。努力自鎖其慘。顫聲答曰。不見殆旬日矣。婉絮絮問姊來幾何時。鵲計必自掩其迹。以觀後變。乃言甫兩月終日埋首逆旅中。未能一出。咨訪舊雨也。婉遜謝曰。彼此皆然。又與女伴一一稱訊。婉代縷述至一纖長曳裙者。既述姓名爲金之美。復綴一說曰。是卽吾兄之末……。懿急止之曰。何饒舌爾。爾一若知鵲之心事者。是時鵲心躍色變。足不能成步。亦不敢致詰。有如迅雷打擊。輒不及掩耳。深悔多此一遊。致與二人遇。令已陷於苦痛之地位也。者旋卽託言腹疾。驅車返邸。

當鵲與懿婉遇時。曾詢其居趾。既歸而忘却。蓋心緒甚劣。歸卽偃臥。淚溼枕函。如是者不知夜之短長。自念初與楚遇。卽防其浮華過實。恐不可恃。而母也。天只獨賞其聰明。以爲少年情性固爾。加以磨礱。安知不成大器。已亦心動漸覺。言動舉止輒可人意。久之而意氣相投。竟沆瀣矣。抑知情欲之界。其間毫不容髮。而我於其時。實已看朱成碧。彼人之情乃足以引誘吾之私欲。而使之同化。迄今回顧。前塵往事。歷歷兜上心頭。乃悟彼之語默顰笑。無一不揣摩吾之嗜好。以投之。凡一事之起。一語之接。悉中我以嘉。

譽餌我以虛榮。我利其便。辟側媚日沈迷。於魔煙瘴雨中。不復知人世間有道德廉恥事。於是。以爲畢生知己。非彼莫屬。多情。人固如是哉。人非聖人。孰能無過。有善相勉。有過相規。方爲至情。彼之不勉。不規。而專以逢迎趨媚試我者。卽已可知其心術之險。安知彼之面諛。不且退有後言耶。當日婢媼中。多有微詞諷我者。我在迷惘中。不自覺耳。古來大奸惡。誰不口蜜腹刃。談笑不可測。哀哉。我一雛女。何嘗識機械變詐之事。乃爲彼人顛倒。至於失身亡命。而不悔。今一回想。彼之詔佞。不信盡人皆知。指鹿爲馬。翻雲覆雨之言。動不一而足。巧於掩飾。則不煩言而已。解嗟乎。可憐之我。乃爲所愚。不能自拔。一至於此。今其罪惡業已昭著。無復有庇護之餘地。我固不難揭其涼德。徧告同儕。以絕彼欺人之黑幕。顧我生通德之門。世承清白。無端自甘墮落。入彼人之牢籠。設彼挺而走險。加以誣讒。遂其反噬之毒計。彼固不惜名譽。其如我女界之名譽。何已矣。我知罪矣。當日彼假父命。以絕我實彼之良心。發現我母不察。乃復以利誘之。於是彼人之罪惡益增。而我之罪亦復。春草之濕滋。暗長。致成難圖之蔓。今我自誓不怨天。不尤人。速歸而鄉。翦髮養母。以終餘年。此上策也。曩者常竊竊怨父之不慈。今乃知莫慈於

我父我荷。覲然面目。尙欲與世緣。馳逐是誠。所謂何面目。見江東父老矣。是時鵲思潮。如轆轤。眼倦淚枯。奮然作歸計。顧屈指計所歷程。途旅資已竭。告貸無門。且不願以歸計。令人知曉。於是輾轉籌思。惟有蓄血作書。乃懇老母寄貲爲償。逋拔身之計。復念此函往返。歷時當半月。此半月中。若何過渡。思之腹痛。恨不能化爲黃鵠。奮然西歸。以避此淹留之慘。痛然終無術解免。仍加緘投郵。含淚返邸。以度此淚痕洗面之日。月而已。詰旦日禺中。懿婉至矣。頓見鵲憔悴可憐之色。心大不忍。欲擇一語慰藉。終不可得。乃牽其裾。絮絮問前事。蓋懿婉固絕不知東渡事也。鵲淚下如綆。靡終搖首不肯言。懿亦傷心泣下。且曰。人非木石。能堪妹之苦痛哉。縱言之無益。然如我兩人者。曩昔何所不談。今竟惡絕至此。恨不能爲妹雪憤。然終欲一詳始末。以明真相。妹其肯許我否。鵲不獲辭。乃舉楚留蘇。匝月情事及東渡狀態。一一縷述。至傷心慘怛處。輒鳴咽不成聲。懿與婉俱憤不可遏。曰。負心至此。設非手足之親者。必手刃之以爲快。哀哉如妹者。乃竟至此。吾姊妹當竭生死之力。以請於父母。爲妹幹旋。鵲蹶然起曰。否否。吾雖不知彼人之重婚。果以何種手續。然據二姊言。則已確知爲父母所承認矣。而妹則何如。設以二

姊之力請於父母而得許將焉置所謂金之美者而妹亦羞顏立於戚鄰間況又未必得請而徒滋口舌爲辱不益甚耶二姊休矣一失足成千古恨再回頭已百年身傳曰大福不再祇取辱焉妹殆死於此矣苟獲天幸令妹得求學有成致身教育以贖前愆則所願也懿婉聞其意決且亦計父母之前措詞良不易乃掩淚而罷但囑居此求學畢業而歸勿鬱鬱苟有缺乏但索取無疆界也鵲感謝之珍重而別自是懿婉日必視鵲夜或與同宿數日聞楚已由箱根歸懿欲強使見鵲楚絕裾不許鵲聞其事泣謂懿曰必如此妹有赴海濱與波臣商進止耳懿亦不敢強鵲終不以歸計告懿婉恐二人阻尼也然逾兩星期無耗又數日忽深夜有叩門問鵲名者出函相示果母所投略言已已病劇危在旦夕急盼汝歸設非此傷心事者亦必慰倚閭望也阿堵錢錢僅足數行李須知母之今日不似當初兒歸途茹苦亦命所遭幸寬解勿自戚戚鵲既得書遂急束裝是夜出館往停車場待發汽笛猶未鳴忽館中人飛奔至云適有電信來計時令媛尚未行故特送至鵲急拆視之則姓名下惟（母故速歸）四字而已心魂爲喪恍如已死兀坐等不雞淚奪眶而出及汽車將發猶不及覺候人促之始登車惘惘

如不知身之所在。突念母。雖有宿疾。然驟致不起。未必不爲女故。因更覺一身之罪。擢髮難數。生不如死。直欲自投車下。顧轉念母既無子。同族亦無可託者。喪葬之事。責將誰任。今茲襁斂大事。不能親臨。心傷已極。況不爲安窆。生我何爲。於心忍乎。因決計暫保餘生。歸吳後。更作計較。未幾金閭間有一啼鵲女子入門哭母矣。

鵲既擗擋葬母。且貨其田宅。族人爭取之。鵲父亦適卒於京邸。鵲往來南北。挈其弟歸吳。以承先祀。族人始不敢爭。先是懿婉聞鵲喪母。西歸致書弔唁。鵲覆書有獲罪於天。死不足以蔽辜。葬母後卽行自殺。以謝世等語。懿婉恐其實踐。乃乘暑假歸國。抵吳門。過訪欲有所慰藉。或仍偕之東渡。適鵲又以父喪北行。遂不遇。懿婉返鄂。告父母以楚事。父斥女亦無恥。奈何自媒而母憐。鵲陰囑懿婉之求學。學成後歸國。當令認己爲母。以稍補前過。及懿婉假滿復東。過吳會。鵲已挈弟歸。乃強之復滬。東瀛鵲泣然曰。吾不可再辱。且數月來迭遇傷心椿萱溘逝。肺疾已成。自不久於人世。姊如念妹之不幸。能爲料理身後事。營葬於虎邱。先人之側。題碣曰不幸女子啼鵲之墓足矣。他何所求。姊幸自愛。懿力勸勿過哀。鵲亦無語。一夕鵲忽取酒飲。翌日逾午不起。排闥入視之。冰矣。

懿哭而葬之如其言。

指嚴白此事吾聞之友人抱石或並無其事而託爲懷才不遇苟且小就以自矜其節者寫影耳若啼鵲者要亦愛其才哀其遇可也

情哀
天實爲之

粵東之有麻瘋實惡疾之尤者今稍稍衰矣其初設麻瘋院以隔絕交通恐一經傳染三世作廢人故也珠江有女某姓亦麻瘋院中人依母以居年及笄矣光豔無倫且善修飾娟好入畫見者莫不驚顧女既無父而母又病廢自念生不逢辰蘊此惡疾羞媿不敢與他女伍常掉小舟攜筐售果餌往來珠江花艇中游客見女來莫不爭購之以爲樂以故所入常贏奉母外且有餘賞院例瘋人子女自相配合勢不能擇佳偶女既歎實命不猶亦復安之若素惟恆鬱鬱不樂對人默然雖詰之三四語輒低鬟不復啓齒矣顧彌增其媚曾有娼家媼挾貲來欲覓養女瞿然曰此奇貨也雖有疾誰復顧者且好花有毒美色殺人古今來明知禍水而甘自以身殉者不知凡幾何論秦樓楚館中哉牡丹花下死做鬼也風流此中正大有人在在我知得錢而已誰復能如善心婆婆

修三世福。乃使人挽其母。至語以故。母不肯曰。吾賴彼售果餌。以供養。彼去。吾飯碗破矣。媼家媼笑曰。癡婆子。有黃金爲代價。尙患無噉飯地乎。苟持此粢粢者。保汝一生吃着不盡。母曰。黃金固可以療飢。然此掌珠。噉寒問暖。相處已慣。安能捨得。媼家媼曰。否否。此雖兒也。不能爲子立家置產。今失女而得兒。便宜孰有甚於此者。母曰。得兒奈何。媼曰。惟黃金爲政子有金。誰不願爲母也。兒者母心動。旁人更慫恿之。遂立署券。女聞之。涕泣持母衣不相舍。曰。兒事母未有失德。奈何忍心舍女。女身旣爲天所阨。不得享平人之幸福。奴之婢之媼之優之。亦何所恨。獨恨與母相依數載。甘苦共知。一旦隔絕。此後吾母癯癯復誰與歡笑者。而苦命之女亦從何所喚我親生之母耶。母聞其哀。楚亦涕不可仰。媼家媼恐中變。拉母至別室。而使人慰女。百端剖解。且許時見其母。但能得如意耶。不患無報母時也。女性雖質直。而本淑婉。且知勢不可已。遂亦無詞。於是豔職高張。纏頭日富。好色兒莫不爭來結識。匝月之間。聲價鵲起。固莫知其蘊惡疾也。順德有世家子。梁生者。游幕撫轅。年少而富。於情然眼界過高。每與友徵逐花埠。則曰。個中人類皆庸脂俗粉。豈有足供一盼者。故雖循例酬詩酒。而對於鶯燕。直如浮雲過。

眼不屑注念。一日有友招往花艇中。綺筵既開。主人紅箋四出。飛召羣花而生。獨缺如友泥之生。以無所屬。意對友曰。偕大羊城。乃無君顧盼地耶。既而翹首尋思曰。得之矣。遂疾書啼鵲生奪其箋曰。勿惡作劇。可免則免之。膩煩何爲友擊掌曰。侗妮子來。所不如君意者。願掘吾眸子。從此不走花叢。討生活矣。生笑曰。險哉。君之雙瞳子也。箋去未幾。而珊珊來者。獨具丰神。果非凡品。蓋其體格韻致。宛然一閨秀。絕不似下賤物。而且穠纖得中。修短合度。肌膚骨肉。停勻靡膩。秋波流盼。若不勝情。而皆出自天然。絕非矯揉造作。生不覺神往。癡立注視。友鼓掌曰。何如這般可喜。娘罕曾見。我知爾魂靈兒飛去半天矣。生無語。旋與女握手殷勤。問訊既入座。歌喉宛轉。益增其媚。而態度莊重。自成一格。生有所聞。低鬟拈帶。或對。或不對。神恍離合。不可捉摸。生知其初見含羞。亦若不甚密切。而心乎愛矣。情芽之萌動。有勃勃不可遏者。酒半闌。女辭而去。回眸却顧。殊非尋常酬答。友戲生曰。今夕河魁不在房。盍具金蓮炬送爾歸院。使郎真個銷魂。耶。生笑謝之。既歸。頗涉冥想。以爲吾徧閱勾欄中人。無若此。豈者或惡鴿欺人。僞飾良家子。以爲迷眩計耶。不然。吾友知好色者。乃不自寶。而讓我果愛我。特厚耶。天生禁鬻。或以

待我之品題耶。要之此次眼福不可爲不幸。縱置之香屑。疑雨集中有日共賞。當不笑我之溢美。後此對於此豸。當如何位置。決然舍去耶。於心有所不忍。爲卿顛狂耶。則平日守身如玉之操。一旦爲之喪盡。且家有老母弱妻一門。雙祚似續。猶虛安可。迷戀烟花者。思之幾於終夜不寐。旣而奮然曰。此豸亦良苦。窺其狀必爲鴿所制。絕非出自本心者。吾當竭吾能力救之。出火坑。吾家雖貧。一簋室當尚可活。且吾知此女必非貪戀豪奢甘心秦楚者。比意旣定。遂於公暇時往其妝閣。女亦依依問字。宛轉有情。非特恣態柔媚。而且性格幽閒。恆與生焚香對坐。娓娓清談。偶有所問。一二語靡不貫解。逾時覆述。未嘗遺忘一字也。生益嬖之。視爲李易安朱淑貞一流。

一日天雨。生被酒。小臥似生倦意。顧生夙自重不欲居宿娼之名。而女未梳櫛。亦當然不輕易留髻第。消此無賴之光陰。絮語纏綿。亦自不惡。女遂從容問生家世。生具以告。女半嚮無言。若甚有所惋惜者。生誤以爲悵其已有正室。因亦詢其來歷。女語及母淚皆瑩然。生曰。卿勿悲。世之所以惡爲妾媵者。一則畏大婦之悍妬。而受其凌辱。一則恐己之親屬不獲往來不克。遂鳥鳥私情耳。鄙意中實皆無足慮。此拙荆雖陋而性特

慈淑戚黨所共知。且今無所育。老母年高。恆望抱孫。此則絕好機會。且以爾之淑質。其必見憐於老母也。明甚。至於卿。卿顧念親恩。正見至情至性之所託。吾之當成全。卿志亦天職也。苟卿有此意者。茲兩節均可。無慮其他。問題則吾不敢知矣。女謝。生情厚。已篆肺腑。願仍囁嚅。不能出諸口。紅暈於頰者。再且以手力壓其臂。攢眉久之。仍復不語。生疑其有他故。乃曰。吾儕雖未同衾。情已同穴。卿有難言之隱。終不妨爲我言之。女掉首曰。兒之心。已託君矣。海枯石爛。此心終不可渝。且兒雖在弱志。氣堅如鐵。石日來已拒絕。他客爲惡。搗所虐者。屢矣。顧雖死不悔。又何隱情之不可告。君耶。特兒終有不得事君者。此非隱情。他日君當自知。生曰。然則囁嚅者。何得毋謂阿堵物耶。吾雖囊橐。尚可得千金。稍緩時日。不離辦到也。女曰。否。否。此節似不足患。且兒窺搗意。亦無千金之奢望。蓋以兒不善逢迎。生涯不足飽其慾。壑欲嫁兒者。屢矣。所以遲遲者。皆兒不願之故也。君苟解囊千金之半。必可就緒也。雖然。兒終有不得事君者。君無怨兒。兒惟自怨而已。生不解。所謂尋思良久。乃曰。吾知之矣。卿殆羅敷耶。女曰。否。否。兒生小。依母未嘗有所婚配。鬻入勾欄。才一年耳。安曰。有夫。生曰。然則易耳。非爲搗制。卽恐吾有秋。

扇之捐女曰不然。搗所欲得者金耳。君既肯解囊。朝爲路人。夕同衾枕耳。况兒有志。死且不畏。搗亦何能爲力哉。至於君之深情實象。肺腑決不疑。君有他。且即使君一旦有變。中道棄捐。亦妾之命也。妾此時第知君爲多情種子。爲篤實君子。斷不敢以莫須有事妄爲過慮。生曰。然則吾說窮矣。卿自言之母令人悶死。女欲言者。再卒掉首曰。吾兩人尙得歡好幾時。奈何遽以傷心語打斷情興。君既非色慾中人。妾亦羞爲賣淫之婦。姑作膩談之友。助君消遣。亦無不可。若論婚嫁。少緩須臾。容兒思之。何如。生唯唯不復言。既而宛轉別去。及歸。心灼藥不能成寐。念女非無情者。一切舉動不似下賤一流。專以手術愚人。恣其慾壑。方矜敲剝爲能事者。可比然而欲言又吐。意何所屬。令人猜摸不到。思之思之。搜索枯腸。幾於無所不至。最後轉一念曰。噫。吾知之矣。彼蓋以搗之規例未肯輕易放過。梳櫛一費不下百金。此爲搗所應得者。今驟議嫁人而越去。此節故彼有難言之隱耳。若與之商。則又不可。彼之心。既不如。此則必不願出諸口。而吾冒昧一詢。則使彼爲難。不如直接與搗交涉。探其語氣。使彼無左右爲難之苦。而我亦得爲第一步之進行。彼若果抱此苦痛。必且感我無既計。既定安然入夢。及明日乃先擇他。

室坐定。不召女而召搗搗。至恫喝之曰。某宦閨秀也。子逼之。使應客。而又每日使留髡。有諸乎。搗搗大譁曰。冤哉。彼尙含苞。未放。奈何妄聽細人語。來含血。嚙人生掉首曰。吾猶不信。破瓜碧玉。而以了角。老子得毋以質鼎。嚇我耶。搗搗力矢其可信。且歷述女之執拗。已不能制。苦恨正無可爲計。公子如有意願。不索纏頭錦賞。賜若干。聽公子自酌可也。生曰。子言信乎。曰。信。生曰。苟探得驪珠者。吾給金如數。否則吾將處罰。子願之乎。搗搗曰。願。生曰。然則吾晚間來當置備以俟也。搗搗唯唯。乃命懸綵點燭。無不完美。女訝然問故。搗搗曰。爾何問。爲保管爾得如意耶。君也。女艷然曰。兒既言之矣。媼不商同意而遽若此。寧死不能從命。遂嗚咽不肯就妝。搗搗曰。長成如許。尙復嬌癡。作孩子態耶。吾以閒錢養爾輩。不希望有今日。乃復爲娘生氣。直堪打殺。語罷。持鞭欲撻之。女泣曰。梳櫛吾不敢阻撓。亦當使我知爲何如人。搗搗復詈曰。成日相聚。情熱如火者。誰耶。尙復假惺惺。將欺誰。欲欺老身。爾真不自量矣。女不覺暗驚曰。生竟作此瞞人事耶。胡昨日彼未吐實也。意猶未信。乃探之女侍。均無異言。女大戚曰。彼奈何甘爲急色兒。噫。誤矣。吾所以不明言者。恐傷彼心。使後此談吐不歡耳。彼乃誤會以爲吾有意推拒。卽不然。彼或曲

諒吾心以爲鴟之愛鈔吾不便明言故彼乃自言之噫耶君誤矣雖然此實妾之罪妾貪與耶嬖乃不早言使耶誤疑其他而浪擲此金錢噫此實妾之罪雖然大錯已鑄成後此對付將如何而可九轉柔腸幾將寸斷兒女私情耶妾實不忍舍此耶君人生肉慾耶妾又不甘拋此耶君良心天性耶妾更不可負此耶君嗟乎妾固不難一死顧遇如此耶君而出於死心中戀戀情何以堪忽轉一念曰遇如此耶君而死死真值得計較已定心殊至榮未幾又轉念曰今日死耶期期以爲不可若今日死既傷耶心復恐貽累噫吾已有術矣遂靚妝端坐以待生至比晚生果來歡笑異於平日生私喜己之計不幸而中亦極愉快開筵舉觴暢飲無算及酒闌人散羅襦襟解女忽檢衽而前曰今日妾已屬君不得不言矣妾雖蒙君過愛辱以交懽然牀第之事實行不得也哥哥生誤爲霞封鳥道月滿鴻溝也女正色曰妾有惡疾無他此間特設之院中人物也搗貪利害人妾之不早言者以君本無意真個銷魂也今若此而不言非獨妾爲斬人宗祀之罪人且受萬人唾罵之無情禽獸矣幸君自愛妾雖異類心性猶人要負耶君好意可也語次淚下如綆縈生聞言始而驚悸繼而聞其言絕慘遂亦涕泗橫流相持

大哭酒爲之醒。竟夕絮語。且以淚痕洗面。比天明。生慰女曰。感卿厚德。俾吾家不至斬祀。且吾身不陷火坑。此再生之恩。何可不報。今日受小生一拜。逾旬日。吾當備金爲卿脫籍。且訪卿母在否。令子母團聚。以樂餘生。且速當贅一假壻。俾勿毒發。卿軀幸卿自愛。以待吾布置可也。吾語止。此決不負卿女含淚頷之。且曰。旬日後。耶君必一至。妾尙有一物贈爲紀念。生唯唯別去。顧而視之。女癡立。注想淚猶潄潄下也。生大不忍。歸卽擗。擗數百金。將爲脫籍。且營養母之資。無何。屆期往視。舉家大號。蓋女已於前一日投江死矣。尸尙未斂。生解其衣。得所贈之小影。背有字曰。耶君……同穴……三生……六字。蓋女固識字。無多。此其親筆也。生出賞備棺。矣。悲哀盡禮。且挈其柩歸葬於祖墓旁。題曰。亡妾某某墓。從女志也。

● 說小會社著名出新局本 ●

年 青 好

版四已俱種兩乙甲

總發行所

上海
馬路四

國華書局

李涵秋先生所著之《好青年》一書，自出版以來，銷路極廣，深受讀者歡迎。此書內容豐富，文字流暢，不僅是青年男女的必讀之書，也是社會人士了解青年心理之良伴。現已出版第四版，內容更為充實，印刷更為精美。本局為擴大宣傳，特將此書以低廉之價格發售，以廣招徠。凡欲購者，請速向本局接洽，以免向隅。此致 讀者諸君。

—— 李涵秋先生最新傑作 ——
說小滑稽會社



海內外著名作家李涵秋先生，其作品《形現活》一書，內容精彩，引人入勝。此書不僅是文學愛好者之必讀，也是社會人士了解社會之良伴。現已出版第四版，內容更為充實，印刷更為精美。本局為擴大宣傳，特將此書以低廉之價格發售，以廣招徠。凡欲購者，請速向本局接洽，以免向隅。此致 讀者諸君。

民國三年九月四版

指嚴餘墨上下兩冊

定價大洋一元二角

著者 武進許指嚴

校勘者 永福村農

發行者 國華書局

印刷者 國華書局

分售處 各埠各大書局

民禁嚴翻民
業業業業業
所有版權
民禁嚴翻民
業業業業業

總發行所 上海四馬路國華書局